



元 脱 脱 等撰

中華 書

局

卷九八至卷一一五(志)第 八 册

## 米史卷九十八

### 志第五十一

### 禮一言禮一

中、司勳員外郎和峴、太子中舍陳鄂撰開寶通禮二百卷,本唐開元禮而損益之。旣又定通 李昉、兵部員外郎知制誥盧多遜、左司員外郎知制誥扈蒙、太子詹事楊昭儉、左補闕賈贳 事尹拙集儒學之士詳定之。開實中,四方漸平,民稍休息,乃命御史中丞劉温叟、中書舍人 收攬權綱,一以法度振起故弊。 五代之衰亂甚矣,其禮文儀注往往多草創,不能備一代之典。 即位之明年,因太常博士聶崇義上重集三禮圖,詔太子詹 宋太祖興兵間,受周禪。

禮義纂一百卷。

志第五十

下無事,於是封泰山,祀汾陰,天書、聖祖崇奉迭興,專置詳定所,命執政、翰林、禮官參領 太宗尙儒雅,勤於治政,修明典章,大抵曠廢舉矣。。眞宗承重熙之後,契丹旣通好,天

四三

尋改 爲 禮 儀 院 一,仍歲 增修 ,纖微委 曲 ,緣情稱宜 濫 時 爾文之制 彻

完 類 具 相 詔 從,爲 享明堂記二十卷。 有 敕 自 不就。 通 言 便之。 一百卷,賜名太常因革禮 之後 天 了,其 景祐 聖 制 初 几 、王皞始 度儀注傳於有司 至嘉 年 ,賈 祐 中 昌朝撰太常新禮及祀儀 類 成成書 ·, 歐 ,異於舊者蓋 陽脩纂集散 者 盡乾興 ,殆數百篇 、 為 失, + 心禮閣 三四四 命官設局 新 "; 止 先是,天禧 焉 編 於慶曆 ,大率 支文, , È (通 F 禮 年。 陳 而 寬 無 記 皇 編 滋著述 其 加 次禮 (變,及 1 體 ,文彦博 院所 (新 III 木 承 以 新 又

常 條 古 奏 ÷ 循 候 盗 置 郊 唐 熙 寧十 故 温 有 祀 訓 規摹 禮 以 敕 樂 年 以 於 樞 茍 壇 爲 未 禮 密 略 院取 禮 壝 直 合 神 占制 學 式 因 慶曆以後奉祀 土 仍 位 旣 陳 ,請命有 法 久 襄等爲詳定官 駕 輿輦、 而 司考正 重 於改 仗 制度,別定 衞 犁 作 「**大**常! 儀 祀。 者 物 , , 紀 博 詔 亦 有 上 (儀 兼 履 出 其一 楊完等為 與禮 於 用 歷 時 代 官 留 之儀 之制 講 中 檢討 求 -,其二付 , 以 而 官 其間 聞 不 有司。 户 襄 情 元 以爲 等 豐 文 言:「 訛 元 法 知 年 妕 諫院 國 多 始 朝 黄 命 請 戾 大 於 率

(式, ) 未 郊廟奉祀 幾 朝 文 會禮 命 過一文 文 龍 圖 , 直 [儀注 學士 一明堂船享令式 , 曰 宋敏 微 《號寶册 求 同 御 ,日天興殿儀 (儀 史 臺 ; 祭祀 閤 門、 總 禮 百 日四温 院 九 + 詳 定 朝獻儀 卷 |朝會儀注 一記儀 日 景靈宮供奉 總 几 南 + 六卷 - 敕令格 人禮 日

{式 大遼令式, 儀禮敕令格 日 一高麗入 派 禳 ()貢儀 總 , 日女眞排 儿 |十卷: **※辨儀** 祀賽式,日 ,日諸蕃進貢令式 齋醮式, 1金쬻儀; 喪葬總百六十三卷: 番。 總七 +-卷

式,日宗室外臣葬敕令格式,日孝贈式。其損益 一之制,視前多矣。

卷、祭服制 初,有言其煩 就 百 初,置議 問 七十七卷,且命做是修定儀 新儀 紹聖而後,累詔續編,起治平,訖政和, 設禮 局 丽 }度 優者 於尚書省,命詳議、檢討官具禮制 十六卷,頒焉。 詔 開 封 ,遂罷之。 尹王革 編 議禮局請分秩 注。 類通行者,刊本給天下,使悉知禮意,其不奉行者論罪 三年,五 禮新儀成 五 凡五十 禮,詔依開寶通禮之序。 本末,議定請旨,三年書成,爲吉禮 ()凡二百二十卷, 年, 爲書三百卷, 增置禮直 政和元年,續 今皆不傳。 三百 官 許 修 \_ 丽 上 -成 宣和 庶 觀 20

御 筆 所。 初 (,議禮局之置也,詔求天下古器, 於是郊廟禋祀之器,多更其舊。 更制尊、爵、鼎、 既有詔討論冠服,遂廢樺用履 彝之屬。 其後 , ,其他無所改議 又置 禮 制局 於編 類 MI

制局

亦

靇

帝 有 ,悉罷從祀羣神(三),大蜡分四郊,壽星改祀老人,禧祖已祧而復, 司者 大抵累朝典禮,講議最 ,惟元豐郊廟禮文及政和五禮新儀而已。 詳。 祀禮修於元豐,而 乃若圜丘之罷合祭天地 成於元站 ,至崇寧復有 遂爲始祖 明堂 所增損。 事以英宗 其存 卽 靈 配 於

志

第

五

宮 建 諸 神御殿 以以 四孟 **二薦享**; 虚禘祭 去牙槃食; 卻尊號; 罷入閣儀并常朝及正 一衙橫行。

此 熙寧、元豐變禮之最大者也

熒惑,大觀受八寶、大祀皆前期十日而戒。凡此蓋治平以前所未嘗行者。 元站 册后,政和冠皇子,元符創景靈 西宮,崇寧親祀方澤、作明堂、立九廟、鑄九鼎、祀

欽宗 即位,嘗詔春秋釋奠改從沅豐儀,罷新儀 不用而未暇也。 靖康之厄、蕩析無餘。

董 禮 嘗欲取儀禮、 不秉 **針等多以禮名家。** ,考訂辨正 南 渡中興,銳意修復,高宗嘗謂輔臣曰:「晉武 ,其何能 一,以爲 周官、 國? 當代之典,未及成書而沒 二戴記為本,編次朝廷公卿大夫士民之禮,盡取漢、晉而 」孝宗繼志,典章文物,有可稱述。 當時 管續編太常因革禮矣 , 淳熙 平吳之後,上下 復有編輯之旨。 治平日久,經學大明,諸 ·不知有禮,旋致禍 其後朱熹講 下及唐諸儒之 儒 明 如 詳備 王 普 周

理宗 几 一 年間 屢 有意乎禮 文之事 ·, 雖 自 崇尙理學,所謂「禮云禮云,玉帛云乎哉」,蓋

可 歎。 咸淳 以 降 無 足 言者 說

今因前史之舊 l,芟其繁亂,彙爲五禮,以備一代之制,使後之觀者有足徵焉

月 上辛祈  $\mathcal{T}_{1}$ 禮之序,以吉禮爲首,主邦國神祇祭祀之事。凡祀典皆領於太常。歲之大祀三十: 穀、孟 夏雩祀,季秋大享明堂,冬至圜丘祭昊天上帝,正月上辛又祀感生帝 ", 四

牧 貴 祇 日 立 正 神。 ,孟多祭神州地祇,四孟、季多薦享太廟、后廟,春秋二仲及臘日祭太社、太稷,二仲九宮 ,仲秋祭馬社 祀 上王 雨 中祀 師 日 ,春秋二仲上丁釋奠文宣王、上戊釋奠武成王。 祀五方帝,春分朝日,秋分夕月,東西太一〔三,臘日大蜡祭百 九:仲春祭五龍,立春後丑日祀風師、亥日享先農,季春巳日享先蠶,立 ,仲多祭馬步,季夏土王 日祀中霤,立秋後辰日祀靈星,秋分享壽星,立冬後 小祀九: 仲春 記馬祖 神,夏至祭皇地 仲 夏 夏 享先 後申

高 在 祀。 預 祺 擇 境 、大小 內者 州 其 季 諸 縣 祭社 ,及歷代帝王、忠臣、烈士載 州 祠祭之日 酺 奉 神之屬,增大 元,則 稷,奠文宣王,祀 ,謂之「畫 五. 郊迎氣日祭岳、鎭、海、瀆,春秋二仲享先代帝王及周六廟, 祀爲四 目。 風 + 雨, 凡 壇壝 並如 祀 焉 典者 、牲器、玉帛、饌具、齋戒之制,皆具通禮。 小 ,仍禁近 祀。 凡有大赦,則令諸州祭岳、瀆 祠 廟 咸 加祭。有 不 剋定時 日 、名 者 、太卜署 Ш 並 後 、大川 復有 如 中

日

洞

司

中、司

·命、司人、司祿,孟多祭司

寒。

月 其後 太廟 7,神宗 月祭朔 詔 改定大祀、太一 而 中祀 :四望,南北蜡。 ,東以春 一,西 小祀:以四立祭司命、戶、竈、中霤、門、厲、行,以 以 秋,中以 夏冬; 增大蜡 爲四 東 西 蜡 È 日 配

志

第

{儀 藏 汽蒼 冰、 以 鼎、 出 、惑、陽 冰祭司 一稷、祀 置 鼎 德觀 (三、形鼎、 寒,及月薦新太廟。 、帝鼐 阜鼎、 、坊州 晶鼎 朝 小祀。餘悉 獻 聖祖 歲通舊祀凡九十二,惟 魁鼎、 應天府祀 會 應廟 大火為 慶 成 軍祭后 五享后 大 祀 上爲 廟焉。 雷 4 神、 祀 歷代帝王 政和 Ш 林 中 Щ , 定五禮新 、寶鼎、牡 澤之屬

州

縣祭社

風

伯

雨

師

雷

神

爲

如

故

稷。 至 未 福 廢 求 可 徧 闕 日 充 ië, 腷 之意 難 免 舉 建 宜. 性、玉 炎 祀 自 如 如 齋 )。」尋命 地 車 四 舊 明 天 駕巡 年十 , 權 地 制 恭 立春 一,乞下 肅 禮部 用 五 幸 , 通 上辛 月,權 帝 酒 , 惟 太常 脯 太常裁定:每歲以 于 日 存宗 日 ,仍依· 神明,而 月星辰、社稷 I. 祀感生帝 寺相 部 廟之祭, 尙 方色奠幣。 度裁定,省繁就簡 忽大事 書韓肖胄言:「 ) 立 至天地諸 、欲詔 多後 、弃重禮 立 以輔 春 有 祀 上 神州 祖宗 臣 辛 神 司 汉: 一、庶幾 爲 祈穀,孟 以 之 時 祀 以 地 非 初 來, 獻 舉行。 祇 所 神 則 以消 夏雩祀 禮官爲 不 春 每歲大、中、小 廢 芝祀 秋二 所有 而 弭 不 天災,導迎 李 亞 社 仰 舉。 器 及 秋 終 副 服 臘 今國 及 尽 陛 抖 祀 前 冬 下 性 景 步 百 至 昭 牢 貺 尚 有 日 瀧 事 日 祭太社、 餘 艱 JU 犪 料 雖 所 **柔、爲** 加 · 恐 天 小 天 未 罔 或 祀 太 夏 民 用 未 悔 敢

嵗 III 齋宮。」 自紹 大 祀 紹 興 三年 十六,除天地、宗廟 ,復大 興以來,大祀所行二十有三而已,至是乃悉復之。 火 祀 配 以關伯 社 稷、 感生帝、 ,以辰、戌出 九宮貴神、高碟、文宣王等已行外,其餘並乞寓 I納之月 祀之。二十七 年 禮 部 太常· 寺言:「 每

**發** 李至 命秘閣吏書,上親署訖,御寶封給之。凡先代帝王,祝文止稱廟號。 三卷。 請 舊 ,改從 制 既復命知制誥李宗諤楊億、直史館陳彭年詳定之,以爲永式。 , 郊 舊制。 廟配文稱 又諸祭祝辭皆臨事撰進 嗣皇帝 ,諸祭稱皇帝。 ,多違典禮,乃命至增撰舊辭八十四首 著作局準開元禮全稱 帝號。 凡親行大祀,則皇子弟 祝版當進署者 眞宗以棄 1、為正辭 級秘書監 並

他官。 後,凡有大禮,以中書、樞密分爲五使,仍特鑄印。 京 府 尹爲 五 太平興國 代以來,宰相爲大禮使,太常卿爲禮儀使,御史中丞爲儀仗使,兵部尚書爲鹵簿使, 橋 道 頓遞使。 九年,始鑄五使印。 至是大禮使或用親王,禮儀使專命翰林學士,儀仗、鹵簿使亦或以 太宗將封泰山,以儀仗使無判橋道頓遞事。 大中祥符

爲

亞獻、終獻

輔 除 祠 祀 知樞 臣 ,宰臣攝 ,不以官之高 ,皆遣臺省近 景祐二年,詔有司:「皇地祇、神州,舊常參官攝事,非所以尊神, 密院 事者,參知政事、尚 ,乃不奉祠。 下。 臣 攝 太尉 天聖中,乃以 叉故事 ,其後或委他官,大中祥符始復舊制 書 了,三歲 |丞郎、 翰 林學士領儀仗,御史中 一親郊,不郊輒 學士奉祠。」 於是參知政事盛度,享太 代以他禮,慶賞與郊同,而 丞領 又國朝沿唐 鹵簿,始 自今命兩省。 用官 制 、廟已受誓戒, 次。 以 五 巌九大 一使皆以 太尉掌 又 句 嵗

志

九 十 八

尙書 員莅之。 誓戒

今議

太尉

三公,非

其所任,請以吏部尚書掌誓戒。

詔用左僕射

,闕則用右僕射、

刑

部

雀 請除之。 於 郊 南 祀。」禮院 熙寧四年 | 薫諸門勘 ·,參知 亦言。 契。 政事王珪言「南郊、乘興所過、必勘箭然後出入、此師行之法、 又皇帝自大次至版位 於是,凡 車 駕 出 入門皆罷之。 ,內臣二人執翟 六年,以詳定所請 一羽前 導, 號 日「拂翟 、又罷 太 (廟及 失禮 (宣德、朱 不可 尤 施

凡 郊 壇,値 雨雪,卽齋宮門望祭殿望拜 ,祭日不設登歌, 祀官以公服行事,中 祀以上

給

明

衣

太常 開 又 寶 太 請皇帝 廟 元 初 年 獻 + 獻 、依開寶 天 月郊 地 以 配 例 燎壇 帝以匏爵 ,以玉斝、 和遠 亞 ,不聞告燎之聲,始 玉瓚, 亞 獻 以 一獻以 木 ·爵 金斝,終獻以 親 洞 用 太廟 爟 火,令光明遠照 酌 、飘斝。 以 玉斝,亞 外壇器 ·, 通 獻 亦 以 如 於 之。 金 祀 斝 所 慶 曆 郊

廟 П 飲 脳 ,皇帝皆以玉 斝。 詔飲福 ,唯用 金斝; 亞、終獻, 酌以銀斝。 至飲福 , 尙 食 奉御 酌

尊 酒 , 按温器 以 進

禮 料 **送祀**所; 凡常 祀,天地宗廟 凡祈告,亦內出香。遂爲定制 ,皆內 降 御 封 香 ,仍製 漆匱 嘉祐中,裴煜請:「大祠悉降御封香 付付 光祿 司 農 寺; 每 洞 祭,命 纠 中 寺 小 官 洞 緘 供 署

降御封 幣、蓋出於此。然考典環、玉人之官、皆曰『圭璧以祀日月星辰』。則實柴所祀非無玉矣。 燎 陛各設香。 加 按何侈之議,以爲南郊、明堂用沉香,本天之質,陽所宜也;北郊用上和香,以地於人親,宜 論 太 雜馥。 《府香,中嗣減大祠之半,小祠減中祠之半。 無幣,恐或未然。」至是遂命衆星隨其方色用幣。 廟 性未備,悉加其數。 香準大祠 今令文北極天皇而下皆用濕香,至於衆星之位,香不復設,恐於義未盡。」於是每 又言:「先儒以爲實柴所祀者無玉,槱燎所祀者無幣。今太常令式,衆星皆不用 例。 及皇地祇、五方帝、百神、文宣、武成從配 元符元年,左司員外郎曾改言:「周人以氣臭事神,近世易之以香。 東、西太一宮係大祠,歲太府供香,非時祈 神位,牲牢寡薄。」呂公著亦 槱

赤。 牢預 理 州 局。」下禮院議:歲大小祀幾百數 江 無 養 玉 乃定祈穀、明堂蒼璧尺二寸,感生帝四圭有邸, 体復言:「六典大祀養牲,在滌三月,給享日近,已踰其期,而牲牢未供。乞依漢、唐置廩 慶曆三年,禮官余靖言:「祈穀、祀感生帝同日,其禮當異,不可皆用四圭有邸,色尚 一,報社 籍 田 舊地 稷兩圭有邸,所不用玉。明年,祀儀成,比通禮多所更定云。 ),種植 **黎盛,納** 于 神倉,以待祭祀之用。 ()而牲盛之事,儲養無素,宜如休復言。 朝日日圭、夕月月圭皆五寸,從祀 嘉祐中, 集賢校 神

元 豐六年 . (国), 詳定禮文所言::「本朝昊天上帝、皇地祇、太祖位各設三性,非尙質貴誠

志

是。 畢 皇地 帝、神州 豆皆 卽 祇 請今祭地 非 請 如舊儀,於壇 陶 神州、 親 地 祇 洞司 而 贸 及用 视 太社、太稷,凡地之祭,皆瘞牲之左髀以 丘、方澤正 下皆不燔 版、牲幣 龍杓。 坎燔痤牲幣。 **壓性** 並 配位皆用犢,不設羊豕俎及鼎七,有司攝事 請 **整於坎**。 改 豐 用 ,殊不應典禮。 又北郊皇地 陶 又祀儀: 惟昊天上帝 以 / 樿爲 祇及神州 杓。 請自今昊天上帝、 又 請· 、報陰。 地祇 南 北 、皇地 當 郊先行升 薦享太廟亦皆升首於 爲坎瘞, 祇、高祺 感生帝皆燔牲首 煙 亦 如之。 今乃建 瘞 燔 Щ 瘞 乏禮 擅 。又簠、 首 壇 以 燔 室 報 自 至: 燎 i感生 薦 非 奠

之俎 體 熟,沉 脊爲 央。 短脇 升 其俎之序, 又 俎 ,旁中二爲 1 ,不殊左右胖 又言:「古者祭祀 肉於湯,止 肫 1體(六) 請:「親祠飮福酒訖,做緩體『佐食摶黍』之說,命太官令取黍于簋,摶以授祝,祝受以 進 胳。 神坐前 ),左右 則 IE 前脊謂之正 用 脇 如少牢禮,皆進下。 肩、臂、臑 ,不分貴賤,無 胖 右 ,最前二爲代脇。若 用 胖。 俱用。其載于 性,有 髀不 脊, 、正脊、脡脊 豚 -升俎 次直 豚 解,有體 俎,以 解、 一,前後 謂之挺脊,闊於脡脊謂之橫脊,皆二骨。 其性 體 升俎 、横脊、代脇、長 兩髀在端 解之別。 解 肱骨離爲三: 體各預以 , ,則肩、臂、臑 薦腥 則 請郊 兩 解爲 半 肩、兩脇 爲 脇、短脇、膊、 廟 日肩、臂、 <del>|-</del> 薦 腥 在上端,膊、胳 俎 腥 體(至)。 ,半爲 解 次之, 脊居中 其 臑。 熟俎 胳 牲 今親祠 兩 凡十一 後髀股 在下端,脊、脇在 髀、 ,腸胃膚 省 脇骨最後 南 兩 體 1進末。 骨 郊 肩、 (十) 俎 去 , 亦 體 正 网 至薦 離 配 而 脇 中 爲 爲 位 井

臂、臑 子 令 伏 中 右 大 豆 請 大,節 賓 以 大 散 夫 客 騎 南 嘏 各五; 常 郊 詹 乎皇帝 祕 度使,資政殿大學士, 觀文翰林資政端 習 中書侍郎、尚書左、右丞、 事 書、殿中丞 儀於青城 ,尚書列曹侍郎 太子三師、三少、特進、觀文大學士、學士、御史大夫,六尙書, 統 而無嘏辭。 事 中 ·,中書舍人,節度觀察留後,左右 ,太常、宗正 ,明堂習儀於尙書省,以遠 龍圖 又本朝親祠南郊,習儀於壇所,明堂習儀於大慶殿,皆近 卿,牛豕肩、臂、臑各三;入內內 、天章、寶文直 知樞 密、同知院事 起神爲 [學士,光祿、正議、通議大 明龍圖天章寶文承旨、侍講、侍讀、學上,左 恭 ,禮儀、儀仗、鹵簿、頓遞使,牛羊豕肩 諫議,龍圖、天章、實文待制,太中 又賜胙: 一侍省 三師 三公, 押 (夫, 御史中丞, 太 班 金紫、銀青光祿 气副 侍中 都 知 於濟。 中書 光祿

祠 事 內 禮 官 羊髀、膊、胳三; 應 執 事 、職掌、樂工、門幹、宰手、馭馬、 馭車人, 並 監性 均給脾、脏、

胳  卿

。 監

官

博

土

, 牛羊脊、脇各三; 太祝

,奉禮

言

尊

·彝,郊

祉

一、太廟、宮

| 聞令,

牢、供應

以 酌 酒 井 獻 有 水代 慶 司 曆 尊 相 膊 元 承 飮 水、 年 ,名爲『看 福 ·, 判 明 太常 酒 宜 詔 寺呂公綽言:「舊禮 正 酒官 器。 配 依 位 郊 法 酌 廟 獻 制 配 飲 齊、酒 位 篇 惟 酒 用 ,分實之壇殿 郊 洞 用酒二升者各增二升,從 祭酒 廟 尊罍數皆 ,分大、中 上下 準古,而 ·尊罍 祠 位二升 有 不實三酒、五 司 一小小洞 好設 祀 神 空器 位. 位 用 一升 一齊、明 舊 ; 升數 並 11: 如 /水、明 唐 制 尊

志 第 五 + 禮 校 勘 記

#### 校勘記

- (1) 悉罷從祀羣神 「神」原作「臣」,據本書卷一〇一禮志、宋大韶令集卷一二四、長編卷三〇六改。
- =東西太一 按政和五 禮新儀 (以下簡稱五禮新儀) 卷七二,立春祀東太一宮,立秋祀西太一宮。疑此

處「東西太一」上有脫文。

- 岡鼎 五禮 記新儀卷六九派八鼎儀作「罡鼎」、宋會要輿服六之一四、玉海卷八八、長編紀事本末
- 元豐六年 卷 一二八記崇寧四年「製九鼎」,都作「風鼎」。 按本段文字包括詳定禮文所的三次建言,宋倉要禮二六之一〇至一一、長編卷二九

二分別繫於元豐元

年八九兩月。

- 至 薦腥 體 則解爲 本段 下文亦有七體 十一體 按長編卷三〇五、 和 + 體的 記載。 宋會要禮二六之一一, 此處當有訛脫。 薦腥則解爲七體, 鷹熟爲十一
- (%) 二改。 解 其 牲 下文「以兩髀在端」,原亦誤作「以 刚 骨棉 兩肩 枫 脇 并 脊 爲 七 體 兩骨 兩 體 原作 左端」,今幷據此改正。 兩體, 據長編卷三○五、 宋會要禮二六之一
- (中) 肩臂臑 Ŧī. 、宋會娶禮二六之一二補。 正脊灰脊横脊代脇長 脇 短 脇膊胳 凡 + 體 「横脊」、「長脇」 四字原脱, 據長編卷三〇

## 宋史卷九十九

### 志第五十二

禮二一吉禮二

#### 南郊

殿曰端誠 年 壝。 迎禧行了,正東門日祥曦,正西門日景曜,後三門日拱極,內東側門日夤明,西 仁宗天聖六年,始築外瓊,周以短垣,置靈星門。 ,詔中書、門下參定青城殿宇門名。 南郊 設燎壇於內壇之外丙地,高一丈二尺。設皇帝更衣大次於東壝東門之內道北,南向。 壇制。 ,殿前 東、西門 梁及後唐郊壇皆在洛陽。 日左右嘉德,便殿日熙成,後園門日寶華,著爲定式。 先是,每郊撰進,至是始定名,前門日泰禮 宋初始作壇於東都南薰門外,四成、十二陛、三 親郊則立表於青城,表三壝。 「側門日 神宗熙寧七 元豐元年二 ,東偏門日 一肅成,

二四三三

志

第

五十

\_

禮二

每
境二十五步,而有司乃以青繩代內
ヴ,誠不足以等神位、序祀事、嚴內外之限也。 言:「周官外祀皆有兆域,後世因之,稍增其制。 月 , 韶內壝之外, 衆星位周環, 每二步植一杙, 繚以青繩, 以爲限域。 國朝郊壇率循唐舊,雖儀注具載圜丘三壝, 旣而,詳定奉祀禮文所

除去青繩,爲三壝之制。」從之。

之數,廣五十四丈,三成用三九之數,廣二十七丈,每成高二十七尺,三成總二百七十有六, 兆壇位。爲壇之制,當用陽數,今定爲壇三成,一成用九九之數,廣八十一丈,再成用六九 古所謂地上圜丘、澤中方丘,皆因地形之自然。王者建國,或無自然之丘,則於郊澤吉上以 成 十五丈,三成十丈,四成五丈,成高八尺一寸;十有二陛,陛十有二級;三壝,二十五步。 徽宗政和三年,詔有司討論壇壝之制。 十月,禮制局言:「壇舊制四成,一成二十丈,再

城齋宮,以備郊宿。今宜於臨安府行宮東南修建。」於是,遂詔臨安府及殿前司修建圓壇, 祭器、大樂、儀仗、法物赴行在所。紹興十三年,太常寺言:「國朝圓壇在國之東南,壇側建青 (乾之策也。爲三境、遺三十六步、亦乾之策也。成與遺俱三、參天地之數也。」詔行之。 十二陛,每陛七十二級,每成一十二綴;三壝,第一壝去壇二十五步,中壝去內壝、外壝去 一成縱廣七丈,第二成縱廣一十二丈,第三成縱廣一十七丈,第四成縱廣二十二丈,一 建炎二年,高宗至揚州,庶事草創,築壇於州南門內江都縣之東南,詔東京所屬官吏奉

地。 築齋宮,可一勞永逸,宇文价曰:「陛下方經略河南,今築青城,是無中原也。」遂罷役。 中壝各半之。 其青城及望祭殿與行事陪祠官宿齋幕次,並令絞縛,更不修蓋。 先是,張构爲京尹,議 燎壇方一丈,高一丈二尺,開上南出戶,方六尺,三出陛,在壇南二十步丙

之屬,則其位皆中營,二十八宿外宮星之屬,則其位皆外營。然則爲重營者所以等神位也。 事 從祀,與夫樂架饌幔,則皆在中壝之內,而大次之設乃在外壝。然則爲三壝者,所以序祀 唐因隋制,設爲三壝,天神列位不出內壝,而御位特設於壇下之東南。若夫公卿分獻、文武 一十四,故外設重營,以爲等限。日月在中營內南道,而北斗在北道之西,至於五星中宮宿 也。」 神位。 元豐元年十一月,詳定郊廟奉祀禮文所言:「按東漢壇位,天神從祀者至千五百

詔 坐在第三,亦高下未等。 一禮儀使、太常禮院、司天監檢定之。 ,與六甲、岳、瀆之類接席,帝座,天市之尊,今與二十八宿、積薪、騰蛇、杵臼之類 景德三年,鹵簿使王欽若言:「漢以五帝爲天神之佐,今在第一龕,天皇大帝在第二 卑主尊臣、甚未便也。 又太微之次少左右執法,子星之次少孫星,望令司天監參驗。」乃 若以北極、帝坐本非天帝,蓋是天帝所居,則北 極在第二,帝 同在第

之間 總名 所尊 明 宮,一在心 微、五帝坐,差在 煮 足日 垣、帝坐等十七坐,並 貞元二年親郊,以太常議,詔復從開元禮,仍爲定制。 則 在 日月麗 柴 據,天神定位 大以蒼昊爲體 ,莫過 禮儀 辰所主非一,又非帝坐之比。太微垣十星有左右執法、上將、次將之名,不可備 北 微幻陳中 辰 唐 亚 建中 使趙安仁 ,一在天市垣。』即帝坐者 天,百穀草木麗乎土。』又曰:『在天 於帝,託之於天,故稱上帝。 一,其神 間 星經舊載孫星,而 主月爲太子,第二主日爲帝王,第三爲庶子 ,難以躋升,望依 行位前 ,司天多官正郭獻之奏:『天皇、北極、天一、太一,準天寶敕並合升第一 不入星辰之列。 言:「按開寶通 在前。」開元禮 耀 ,餘內官諸位及五星、十二辰、河漢,都 魄實,即天 :連圖 星經 [禮,元氣廣大則稱昊天,據遠視之蒼然, 又郊祀錄:『壇第二等祀 非直 皇是星,五帝 義羅云:『帝有五 ,悉以舊禮爲定。」 止有子星,辨其尊卑,不可同位。』竊惟壇圖舊制 天皇大帝即 指天帝也。 成象,在地 乃天帝也。 北辰耀魄 坐,一在紫微宮,一在 又得判司天監史序狀:『天皇大帝 郊祀錄又云:『壇第三等有中宮、天市 成形。」 , 第四爲嫡子, 第五爲天子之樞, 天 北極 寶 皇大帝、北斗、天一、太一、紫 四十 一蓋明 也, 五星在紫微垣 辰 九坐齊列, 自 象非天,草木非 是 星中之尊。 則 大角,一 稱蒼天。 俱在十二陛 丙,居 在 陳, {易 曰: 、悉有 地 等。 故

飲若復言:「舊史天文志並云:北極,北辰最尊者。

又勾陳口中一星日天皇大帝,

鄭玄

得禮, 如 安仁議,以子、孫二星不可同位。 注 音 故 周禮謂:『禮天者,多至祭天皇於北極也。』後魏孝文禮六宗,亦升天皇五帝上。 實 坐光而 、恐聖朝茂典,尤未適中。」 潤 ,則天子吉,威令行。』<br />
旣名帝坐,則爲天子所占,列于下位,未見其可 陛下方洽高禖之慶,以廣維城之基,苟因前代闕文, 韶天皇、北極特升第一龕,又設孫星于子星位次, 按晉天文 帝坐 便爲 又

及心 中星但云天王坐,實與帝坐不類。」詔特升第二龕 飲若又言:「帝坐止三,紫微、太微者已列第二等,唯天市一坐在第三等。 按晉志,大角

降階觀 漆金字 舊 之,即 ',餘皆 郊丘 ,神位板皆有司題署,命欽若改造之。 黑漆 付有司。 ,第一等金字,第二等黄字,第三等以降朱字 又以新定壇圖,五帝、五岳、中鎭、河漢合在第三等。 至是,欽若奉板便殿,壇上四位, ,悉貯漆 匣,覆以 黄綠吧。 塗以朱 帝

炟

年

, 判太常禮院孫奭言:「準禮, 多至祀圜丘, 有司攝事, 以天神六百九十位從祀。

惟 帝、五天帝、五 祀昊天、配帝、五方帝、日月、五星、中官、外官、衆星總六百八十七位; 雩祀、大享 大享及之,今乃祀於冬至,恐未協宜。」翰林學士晁迥等言:「按開寶通 有 五 方上帝及五人神十七位,天皇大帝以下並不設位。 人帝、五官總十七位;方丘、祭皇地祇、配帝、神州、岳鎭、海瀆七十一位。 且太昊、勾芒,惟孟夏雩祀、季秋 禮 圜丘 有司 ,昊天、配 攝

忠

司 天 從 監 所 祀 設 望 睘 如 丘 奭 、零配、明堂、方丘 請,以通禮 及神位 並七十位 爲定,其有 訓 是方丘有岳、瀆從祀, 增 益 者如後敕。」從之。 睘 丘 無 星辰,而 反以

于第 内; 北 方 極 荫 衆星 九位 向 政 龕 和 席以稾秸; 三百 三年 于 第一 ,議禮 有 十八宿等中官 竉 六 十于內壝之外。 ; 局 太祖位 北斗、太一、帝坐、五帝內坐、五 上五禮 于 神 新儀 壇上 位 百 東方西向 第 皇帝祀昊天上 五 十有 龕席以稾秸 九于第三 (=), 席 帝 **龕**; 星、十二辰、河漢等內官 以蒲越; ,太史設神位版,昊天上帝位于壇 ,餘以莞席 外官 天皇大帝、五  $\subseteq$ ,皆內 神位 向 配 .\_\_\_ 位 百 帝、 有 神 大明、夜明、 六 位 于  $\mathcal{F}_{\mathbf{L}}$ 內壝之 + 有 几

以皇 詔 司 伐 議 有 一考配 、肇基 配 一 太祖 梁、 享 講 派遺 ,請以 乾 ; 陳 王業,伏請 唐貞 德 南 逸 元 郊 僖 觀 , 遵 年 祀 祖 ·,始 初 升 行 以以 天皇 奉 典故 有 配 以 高 張昭 事 配 配 祖 以 於南郊。 享。」從之。 以 配 尽議日 副 皇考; 睘 寅 丘 恭之意。 自 北齊 |隋 五代以來,喪亂 旭 圜 唐以前, 是歲十 郊 丘 一,祀 天,以皇 \_\_\_\_ 昊天 雖 相 月十六日,合祭天 追 以 繼 一考烈祖 立 , 神武 匹 典章 廟 或六七 配。 升 制 配 度 恭惟宣 廟 地 隋 多所 于 祀 而 祖 昊天 散 買 無 逸。 斤. 徧 於 加 夏 初 至 積 帝 丘 號

神 州 凡七祭,並以四祖迭配。 年 正 月, 詔 以 匹 月幸 太祖親郊者四,並以宣祖配。 西京,有 事 於 南 郊。 自 國 初以 來, 太宗即位 南 郊 几 ,其七祭但以宣祖、太 一祭及 感 生帝 皇 圳

同 配 加 八之儀。 配 。四年 更配。 上帝 E 太祖 是歲親享天地,始奉太祖升侑。难 欲望將來親 IE 皇帝光啓丕圖 月 ,禮儀使蘇易簡 祀郊 丘, ,恭臨大寶,以聖授聖, 言:「親祀圜丘 奉宣祖、太祖 深殿元. 同配; 以 年多至親郊,從禮儀使扈蒙之議 宣 傳於無窮。 祖 其常祀祈穀、 配 此, 此 則 符聖 按唐永徽中 神州、 一人大孝之道 明堂, ٠, 以高 一,成 一,復以 以宣 人嚴 太宗 旭 宣 父 崇 配 加

配

圜丘

、北郊、

零祀

,以太祖崇配。」奏可

宗 旭 郊 丘 配 並 季秋 ,以太祖 配 真宗至道三年十 零祀 詔 明堂,奉太祖 及昊天 可。 太宗 乾 上帝 興元 配。」奏可 一月,有司言:「多至圜 配 岌 年 全地祇 真宗崩 上辛祀感生帝、孟 以 ?,韶禮官定遷郊祀配帝,乃請:「祈穀及祭神州 太宗配 丘、孟 ; 多祭神州地祇 感生帝 夏雩祀、夏至方丘,請奉太宗配 , 以宣 ,奉宣祖配; 旭 配 明堂 其 以眞 親 郊 宗 奉 地 配; 太 祇 以 加 親 字所 太太

位 冒嘗 配 宜 侑 見 如 景祐二 郊 舊 比 常 郊 祀 祀 慶曆 昊天 祀 年 睘 而 郊,詔 丘 上 斜 元 帝 皇 置 年 之。 一地祇 以 判 , 不 太祖、太宗、 太常寺呂公 以正 ] 其後 配 以太祖 坐 有 , 煮 司 ,祈穀、雩祀、 眞宗三 不渝先帝以告成報 綽言 皇 地 祇 廟萬世 次之。 歷代 郊 神 不遷。 今脩 祀, 州 配 配 登封 功、酌宜從變之意 以太宗 南郊以太祖 位 無 , 上 側 帝 向 感 宜 生帝、明 真宗 定配 當子 ,二宗迭配 示輔 , 位 句 党堂以 郊 太祖 臣 儀範 宣 封 、太宗 }禪 加 真宗 旣 親 配 祀

志

第

迭 禮 太 欲 林 向 样 院 符 學 祖 以 吧 上王 定。 定 致 ,未幾復 亦言:「對 側置之文,又載西向北上之禮,臨時擇一,未嘗考定。」乃詔 配 孝 | 硅等曰:「推尊以享帝,義之至也。 皇祐 11 並作 īīti 越天 Ŧī. 適所以瀆 年郊 ,以爲定制。 地 神神 詔 無二主。唐始用三祖同配,後途罷之。 子享帝 自 (今圜丘,三聖並侑。 雖出 , 非無以寧神也(台), .孝思,然頗違經典,當時有司失於講求。」下 然尊 嘉祐 尊不 六年, 請 可以瀆, 如禮官議。」 諫官楊 皇站 故郊無二主。 南郊祖宗之配 收論· 初, 七 年正 詔三 水災繇郊 聖並 月, 一,並以 今三后並侑, 兩 詔 制議 侑, 後復 、關未順。 東方西 南 郊以 輸輸

議 事 所 配 ·, 奉 以別等差,視 ,以爲:「物 度宗 高 太宗配 品恭依。 宗 咸淳 建 炎二年, , 將 無 二年, 儀 三本 來明 則 事 , 遠 車駕 堂 將 一瓊用 學郊 無 而 至揚州 尊 先皇帝彝典,以 祀, 初 者 配於郊 ,舜之郊嚳,商之郊 , 時復議以 築壇 ·, 近 於江都縣之東 而 高宗參 高宗參侑,庶於報 親者 配於 製,周 配。 明 南。 吏部侍· 堂 郊后稷、皆所 明 是歲冬至, 祀昊天上帝, 以 有 本之禮、 郎 等也。 兼中書門 以 奉先之孝 推 臣等謂 源其 下省 |檢正 官 始 為 如 也 過。禮者 洪 网 紹 震等 太祖 杰 興故 其

儀注。 乾德元年八月,禮儀使陶穀言:「饗廟、郊天,兩日行禮,從祀官前七日皆合於尙 至

詔

於八 日先受從享太廟誓戒,九日別受郊天誓戒,其日請放朝參。」從之。 受誓戒,自來一日之內受兩處誓戒,有虧虔潔。 今擬十一月十六日行郊禮, 自後百官受誓戒 望依禮文 於

朝

堂

,宗室受於太廟

以爲 官位 禮部 禮 再 九箇 部尚 祭器于堂東,僕射、禮部尙書視滌濯告潔,禮部尙書、侍郞省牲,光祿卿 司 次、小次及文武侍臣、蕃客之次,太常設樂位、神位、版位等事。前一 拜 受之以 部 定式。 稽首 書 ,少牢以羊左肩 於公卿之後 郎 尙 仁宗天聖二年 祭之日均用丑時 中。 書 視 出。 鼎 帥 是歲 其 旣享 鑊。禮 贊者設亞、終獻位 晡後 屬薦籩、豆、簠、簋,戶部、兵部、工部尙書薦三牲之腥熟俎。 丁,大宴, 、執事 十一月日 部侍郎視腥熟之節。祭之旦,光祿卿率其屬取篡、豆、簠、簋實之。及 ,韶加眞宗諡,上謂輔臣曰:「郊祀重事,殷欲就禁中習儀,其令禮官草具 ,郊社令帥 七箇 `,秋夏以一刻,春冬以七刻,前二日遣官奏告。 者 號曰 气植 又在其後,俱重行 至,皇帝 飲福 家以 於小 其屬掃除, 左 ,自宰臣而 服袞冕 次之南 肩 五 簡。 ,宗室位於其後; 御史按視之。 ,執圭,合祭天地 ,西向北上。 下至應執 有司 攝 事 事 、進胙皆 其致福· 及 奏中嚴外辦以 于圜丘 樂 設公卿位於亞 工、馭車馬人等,並 也 如 禮。 ,還御明德門樓,肆 · ,太牢以牛左肩、臂、臑 日司 配帝之室,儀鸞司設大 禮部侍 奉牲,告充、告備 太尉展視 **| 尊彝帥其屬以** 禮畢 、終獻之南 郎 一,各徹 均給 以 請 授 解 使者, 有差, 分獻 薦 , m 赦 嚴 法 腥 禮 有 折 以 陳

志 第 五 + 禮

贊:「再拜。」引 豫 帝 祀 玉 至大次,就 以 一清昭 良 禮 享,不敢憚勞也。」三獻終,增禮生七人,各引本室太祝升殿,徹豆。三日,又齋長春殿,謝 聞 ,受命婦賀 再 降 r。」 先郊 拜還內。 ·成,中外協心,不勝懽抃。」宣答曰:「皇帝德備孝恭,禮成嚴配,萬國稱頌, 心」皆 應宮。 ,再拜。倘宮承旨,降自東階,稱「皇太后 更衣壇改服袞冕行 (,司賓自殿側幕次引內命婦於殿庭,北向立,尙儀奏:「請皇太后卽御坐。」司 拜。 班首 禮畢,賀皇太后,比籍田; 樞密使以下稱賀,閣門使宣答,樞密副使升殿侍立,百官稱賀。酒三行,還內 、奉諡 計自 次外命婦賀 册寶于太廟。 西階,稱封號妾某氏等言:「郊祀再舉,福祚咸均,凡在 事 、如內命婦儀,退,皆赴別殿賀皇帝,惟 五年 次日,薦享玉清昭應、景靈宮,宿 ,郊後擇 勞酒儀,略如元會。 聖旨」,又再拜。司賓宣答曰:「已成鉅 日恭謝,大禮使王曾請節廟樂,帝曰:「三年 其恭謝云:「臣某虔遵舊典,郊 不致詞 太廟 ,不宣答。 既享 一照臨,不勝忻 懽豫增深。」 ·, 赴 禮,歡

以 昊天上 禮 儀 出 ·使贊曰:「有司謹具,請行事。」宮架奏景安之樂,文舞作六成,止,帝再拜,詣罍洗,宮架 宗 一帝于圜 三日 壇 元 中壝門外 豐六年十一月二日,帝將 ,薦享于景靈宮,齋于太廟。 丘 可以 太祖 ,殿中監 配。 進大圭 是日,帝服鞾袍 一,帝執以入, 親郊,奉仁宗、英宗徽號册寶 四 日 ,乘辇 朝享 宮架樂作,至 七室 至 大 次。 齋 于 有 午階下版位 南郊之青城 冒 請 于太廟 行 禮 西向 是日 服  $\mathcal{I}_1$ 大 裘 日 晚,齋于大 立 多至 一被袞 樂止 一,祀

書徹 上 帝 詣 {安 宮架樂作 止。 帝 西向 豆 (樂作 望 搢 飮 再 燎 立. 太祝 樂 中 俎 福 大圭,盥 受爵 禮 止。 壝 位 位 豆 門 一,樂 讀册,帝再拜訖,樂作。 ,還位,西向立 事,樂 禮 小飲 南 止 登歌禧安樂作,指上帝神坐前 殿 直 帨,洗爵拭爵訖,執大圭,宮架樂作,至壇下,樂止。 止。 向 福 中監 官 立 禮部尚書、戶部尚書以下奉饌俎,宮架豐安樂作,奉奠訖 訖 止。 1日:「賜: , 樂 禧安樂作 受大圭,歸 奠爵 終獻行 止。 一,樂止。 『,執圭 作行 禮 ,帝再拜,搢圭跪 直 禮 事 官 一,倪伏 並 大次,樂 文舞退,武 日二可 如 次詣太祖 陪 上儀,獻畢,宮架樂作, ),興,再 祀 官 11-燎 再 , 搢圭跪, 執餌祭酒, 三奠訖, 執圭, 俛伏, 興, 一。」(俟 神坐前 舞進,宮架正安之樂作,樂止 拜 有司 拜 ,受爵,祭酒三,啐酒 ,宮架宴安樂作 ,樂作(元)。帝降 火燎 奏解 ',如前 半柴 嚴 儀。 一禮儀 帝升 登歌樂作,帝降自午階,樂 (九), 燙 使跪 自 升自午階,登歌樂作 **愛**爵, 位 午階, 一成 奏:「禮畢 如 前 受俎 樂山。 止。 儀 樂 亞獻 止。 一,奠俎 宮 。」宮架樂作, 漕 架 沊 登 再詣 部 脱訖 樂作 歌樂作, ,受摶黍 · 至 | 轉光 部 帝 {正 壇 尙

服 臣 乘 乘 · 奥以 溗 帝 興 出 溗 御宣 將 興 湿 至宣 至 德門, 肆赦 青城 一德門,奏采薺 輅 所 ,百官稱賀於端誠殿。 ,侍中跪 ()、羣臣 請 稱 賀 降 曲 (如常) 興 介幹 入門, 有 樂 帝升 司 轉仗衛 止 輅 侍 ,門下侍 中 ,奏中嚴 請 降輅赴幄 鄓 外辦。 奏請進行 次, 帝 有司 ,又奏請少駐 服 通 天冠、 奏解嚴。 絳 宣 紗 帝常

從之。 誓而 禮,天 民之斯 逝 戒 日 ,按令式 朝 文 野 詔 地 惑。 、奉慰,又違令式。 同 輟 、社稷之祀不廢。」 淳化三年 哀, + 況祭 受誓 伏想 日以 不大之禮 戒後不 - , 將以 聖情 後 五 況 多至郊 得 日 豈勝 嚴有 許王 詔 弔 朝參,且 喪問 下 追 几 地 尙書省議 念。 前 焉 居藩 疾。 + 至 載於禮經 當愁慘之際, 日, 一尊成 戚 今若· 望著親賢,於昆仲爲大宗 皇子 服,百 吏 皇帝旣輟 部 許王 非 尚書宋琪等奏三以 僚皆當入慰。 有 一薨,有一 行對 差降。 朝 而 越 司言:「王薨在未受誓戒 未 之儀 請以 成 服 有 來 臣 司 年 於朝 則 等 許王薨謝 又以十二、 正月上辛合祭天 全爽 實 慮 狂 /禮文 為 上帝之 冢 + = 去 ) 弗歌 百 郊 禮 遽 僚 日 地 茲 受誓 旣 裁 下 患

敢以卑廢尊也。』景德二年,眞宗居明德太后之喪, 石 神宗 之嗣 當 位 廢。 也 , 英宗之喪未 珪 叉 謂 ::[『喪三年 除 是歲當 不祭,惟 郊 祭天 帝 即易月而 以爲 地 社稷 疑, 以問 爲 服除 越 講 紼 讀官 明年遂享太廟 而 行 王珪、 事 (10) 司 馬光 {傳 合祀

之。有司言:「故事,當謁謝於祖宗神御殿,獻享月吉禮,以禮官攝。」詔遣輔臣,仍罷詣佛寺。 故 天 金 地 事 於圜丘。 、鼓角,仍罷諸軍呈閱騎隊。 ,惟郊廟及景靈宮禮神用樂,鹵簿鼓吹及樓前宮架、諸軍音樂,皆備 請多至行郊廟之禮,其服冕、車輅、儀物、音樂緣神事者皆不可廢。」詔 故事, 齋宿必御樓警嚴,幸後苑觀花, 作水戲,至是悉罷 丽 不作, 警場 用景德 11-鳴

大禮。」詔建園壇於臨安府行宮東城之外,自是凡六郊焉 高 紹興十二年,臣僚言:「自南巡以來,三歲之祀,獨於明堂,而郊天之禮未舉, 來歲

是後國有故,皆遣輔臣

爲乾 飲 王 從 事. 省約 某 端 天之誠,愛民之仁,所以垂萬世之統者在是。 福 並 道。 誠 孝宗隆興二年,詔曰:「朕恭覽國史,太祖乾德詔書有云:『務從省約,無至勞煩。』 殿簪花 一初 享帝合宮 如 乃以 上儀 降韶以十一月行 從駕 Ī 月一 受天 至德 日 八純嘏 有 壽宮上壽,飲福 事 ,臣某與百 南 事,以多至適在晦日,以至道典故,改用 郊 ,禮成,進胙于德 稱賀, 僚不勝大慶,謹上 陳設儀注,並 今歲郊見,可令有司,除禮物、軍賞,其餘 壽宮,以牛腥體 一千萬歲壽。」 同 上壽禮。 **肩三、臂上臑** 嚴歲上辛,遂改 自後 皇帝 郊祀、明 致詞 目 堂 導駕 來 皇帝 進 年 仰 作 官 元 見 並

紹 熙 年 <del>----</del> 月 郊 以值雨,行禮于望祭殿。 記 帝遂感疾。 理宗四十一年, 郊而

獻、送神作樂外,其盥洗升降行步等樂,備而 既踰大祥之期, 圜丘之祀, 豈容不舉。」於是降禮, 以十一月十七日款謁南郊, 王受命,郊見天地,不可緩也。 「十六日太陰交蝕。」遂改來年正 其十二月二十九 度宗咸淳二年,權工部尚書趙汝暨等奏:「今歲大禮, 正在先帝大祥之後, 臣等竊惟帝 日 朝獻景靈宮,三十日朝享太廟, 古者有改元即郊,不用前郊三年爲計。 月 日南郊行禮。 不作。」 太常寺言三皇帝既已從吉, 尚在禪制之內,所有迎神、奠幣、酌 況今適在當郊之歲, 適太史院言 請依儀用

#### 校勘記

東偏門 日 迎禧 朱會要禮二之三、通考卷七一都作「東偏門日承 和 、西偏 門日 迎禧。 本卷當有

脱誤。

=太祖位于 壇上東方西向 「西向」 原作 「南向 據五禮新儀卷二神位上、 宋會要禮二五之八

三改

(三)外官 原作「外宮」,據本卷上文及五禮新儀卷二神位上改

(B) 九年 據長編卷一七、兩朝綱目卷二,此係開寶九年。

(五) 四年 據長編卷三四、兩朝綱目卷四,此係淳化四年。

(中) 奠鎮圭於繅藉 「繅藉」原作「練藉」,據宋會要禮一七之一五、禮一之三五及本志第五三「奠鎮

**圭於繅藉」改。** 

2 受摶黍豆再受爵飲福訖奠爵執圭俛伏與再拜樂作 宋會要禮一 一七之一五,「受摶黍豆」作「受摶

黍,奠黍豆」,「樂作」作「樂止」。

[元] 宴安樂作 宋會要禮一七之一五作「興安」。

60 惟祭天地社稷爲越紼而行事 「祭」字原脫,據禮記汪制及宋會要禮二八之八、通考卷七一補。

二四四七

## 宋史卷一百

## 志第五十三

禮二吉禮三

# 北郊 祈穀 五方帝 感生帝

地祇。 而 唐制增廣之。」五年,諸壇皆改。嘉祐配位七十一,加羊、豕各五。 丈六尺。 配方丘,宣祖配神州地祇。皇祐初,禮官言:「皇地祇壇四角再成二〕,面廣四丈九尺,東 諫官 北 郊。 司 建隆以來,选奉四祖崇配二壇。 上成高四尺五寸,下成高五尺,方五丈三尺,陛廣三尺五寸,卑陋不應典禮。 馬光奏:「大行請諡于南郊,而皇地祇止於望告,失尊卑之序。」下禮院,定非次祭告 宋初,方丘在宮城之北十四里,以夏至祭皇地祇;別爲壇於北郊,以孟冬祭神州 太平興國以後,但以宣祖、太祖更配。眞宗乃以太宗 慶曆用犢、羊、豕各 請 西四四 旣 如

禮

志

第

五十三

几 皇地 面 祇 以青繩代之。 ,請差官詣北郊行事。 仍遣內臣降香,有司攝事如儀 其神州之壇,方三丈一尺,皇祐增高三尺,廣四十八步,內壝

遣上公攝事於方丘,議久未决。 別營方丘而望祭; 或以夏至盛暑,天子不可親祭,改用十月; 或欲親郊圜丘之歲,夏至日 位,稽之典禮,有所未合。」遂詔詳定更改以聞。 以來,乃有夫婦共牢,合祭天地之說,殆非所謂求神以類之意。 澤中之方丘,在國之北,其牲幣禮樂亦皆不同,所以順陰陽、因高下而事之以其類 何洵直、楊完等議,或以當郊之歲,多夏至日分祭南北郊,各一日而 神宗元豐元年二月,郊廟奉祀禮文所言:「古者祀天於地上之圜丘,在國之南,祭地于 於是陳襄、王存、李淸臣、張璪、黃履、陸佃 本朝親祀上帝,即設 一祀徧 ,或於圜丘之旁, 也。 皇 一地祇 由漢

之。旣而曾肇言:「今冬至若罷合祭,而夏至又以有司攝事,則不復有親祭地祇之時,於父 樂、文武二舞,改製樂章,用竹册匏爵,增配帝犢及捧俎分獻官,廣壇遺齋宮,脩定儀注上 舞,遣冢宰攝事。 理。 天母地之義若有隆殺。 請遇親祀南郊之歲,以夏至日備禮躬款北郊,以存事地之義。」四年 議者乃欲改用他月,無所據依。必不得已,宜卽郊祀之歲,於夏至之日,盛禮容,具樂 三年,翰林學士張璪言:「先王順陰陽之義,以冬至祀天,夏至祀地,此萬世不可易之 雖未能皆當於禮,庶幾先王之遺意猶存焉。」於是禮官請如璪議,設宮架

四月,乃詔:「親祀北郊,並依南郊之儀,有故不行,即以上公攝事。」六年,禮部、太常寺上親 月甲辰冬至,祀昊天上帝,以太祖配,始罷合祭,不設皇地祇位。 祀 儀 並如南! 郊; 其攝事唯改舞名及不備官,其變豆、樂架、玉幣之數,盡如親祠。 是歲十一

攝事 書舍人孔武仲又請以孟多純陰之月,詣北郊親祠,如神州地祇之祭。彭汝礪、曾肇復上疏 合祭可罷。|宋興,一祖六宗至,皆合祭天地,其不合祭者,惟元豐六年一郊爾。去所易而 典,爲萬世法。」禮部尙書趙彦若請依元豐所定,郊祀之歲,親祀方丘及攝事,已合禮之正, 乃止遣上公,則皇地祇遂永不在親祠之典,此大闕禮也。 所難,虚地祇之大祭,失今不定,後必悔之。吏部侍郎范純禮等二十二人,皆主北郊之議。 及侍從、臺諫、禮官集議。於是翰林學士顧臨等八人,請合祭如故事,竢將來親祠北郊, 論 更不須聚議。 合祭之非。文多不載 哲宗初立,未遑親祀,有司攝事如元豐儀。元祐五年夏至,祭皇地祇,命尚書右丞許將 將言:「王者父天母地、三歲冬至、天子親祠、偏享宗廟、祀天圜丘、而夏至方澤之祭、 禮部郎中崔公度請用陳薦議,仍合祭天地,從祀百神。 望博詔儒臣,講求典故,明正祀 復韶尚書、侍郎、兩省 就 則 H

南 郊不設 九月,三省上顧臨等議。太皇太后曰:「宜依仁宗皇帝故事。」呂大防言:「諸儒獻議,欲 是地 ·祇位,於祖宗之制未覩其可。」范百祿以「圜丘無祭地之禮,記曰:『有其廢之,

志

第

 $\pm$ 

祭不應古義,先帝乃詔定親祀北郊之儀,未之及行。是歲,郊祀不設皇地祇位,而宗廟之享 況之儀。 率如權制。 命官攝事,惟三歲一親郊,則先享淸廟,多至合祭天地于圜丘。元豐間,有司援周制, 初,必郊見天地。今皇帝初郊而不祀地,恐未合古。」乃下詔曰:「國家郊廟特祀, 及太廟享禮,行之未晚。」太皇太后以大防之言爲是。而蘇頌、鄭雍皆以「古者人君嗣位之 況祖宗以恩霈四方,慶賚將士,非三歲一行,則國力有限。今日宜爲勉行權制,俟北郊議定 北郊祀地之禮,然未經親行。今皇帝臨御之始,當親見天地,而獨不設地祇位,恐亦未安。 莫可舉也。』先帝所廢,稽古據經,未可輕改。」大防又言三先帝因禮文所建議,遂令諸儒定 一月冬至,親祠南郊,遂合祭天地,而詔罷飮福宴。 厥後躬行方澤之祀,則脩元豐六年五月之制。 股方脩郊見天地之始,其冬至日南郊,宜依熙寧十年故事,設皇地祇位以嚴並 俟郊禮畢,集官詳議典禮以聞。」十 祖宗以來 以合

亂典禮。」帝以詢輔臣,章惇曰:「北郊止可謂之社。」黃履曰:「郊者交於神明之義,所以天地 王莽諂事元后,遂躋地位,同席共牢。 古,據經而正之。一元祐之臣,乃復行合祭,請再下禮官議。」御史中丞黃履謂:「南郊合祭,因 祭天地于南郊,仍罷集議。 八年,禮部尚書蘇軾復陳合祭六議,令禮官集議以聞。 紹聖元年,以右正言張商英言:「先帝制詳定禮文所,謂合祭非 追先帝親郊(三),大臣以宣仁同政,復用<u>莽</u>意合祀, 澶 已而下詔依元祐七年故事,合

稷、葉祖洽等言, 侍 皆稱郊。 黃慶基 既非禮典,但盛夏祭地祇,必難親行。」詔令兩省、臺諫、禮官同議,可親 郎 盛 曾布 陶 、董敦逸等請罷合祭。 社者上之神爾,豈有祭大祇亦可謂之社乎?」 太常丞王誼等言:「宜用先帝北郊儀注,以時躬行,罷合祭禮。」已而三省言:「合祭 、錢勰、范純禮、韓宗師、王古、井亮采、常安民、李琮、虞策、劉定、傅楫 互有是否。 蔡京、林希、蔡卞、黃履、吳安持、晁端彦、翟 韶從之。然北郊親祀,終帝之世未克舉云 乃以履奏送禮部、太常寺。 祀北郊,然後罷合祭 思、郭知章、 、黄裳、豐 權禮部 劉

韓忠彦以爲不可。 建 中靖國 完年, 曾布力主北郊之說,帝亦然之,遂罷合祭。 命禮部、太常寺詳定北郊儀制。 殿中侍御史彭汝霖又請改合祭之禮

興築。 所建,神靈顧享已久。一元豐間,有司請地祇、神州並爲方壇,壇之外爲坎,詔止改圜壇爲方。 方丘 廣八丈,下廣十有六丈。夫圜壇旣則象於乾,則方壇當效法於坤。 請下有司 至壇所五百一十八步,自瑞聖園至皇地祇壇之東壇五百五十六步,相去不遠。 政 六年, 和 至是,禮制局言:「方壇舊制三成,第一成高三尺,第二成、第三成皆高二尺五寸,上 三年,詔禮制局 ,比類南郊增飾制度,除治四面稍令低下,以應澤中之制。 命禮部、太常定北郊壇制。 ·議方壇制度。 是歲,新壇成。 哲宗紹聖三年,權尚皆侍郎黃裳等言:「南郊青城 初,元豐三年七月,詔改北郊圜 。」詔禮部再爲詳定,指畫 今議方壇定爲再成, 其壇係國初 壇為

杰

增四角樓爲定式。 厚德,東日左景華,西日右景華,正殿日厚德,便殿日受福、日坤珍、日道光,亭日承休,後又 偏門日東秩,西偏門日西平,正東門日含光,正西門日咸亨,正北門日至順,南內大殿門日 以 成 十有四步,取坤之策二十有四也。 《廣三十六丈,再成廣二十四丈,每成崇十有八尺,積三十六尺,其廣與崇皆得六六之數, 坤用六故也。 爲四陛,陛爲級一百四十有四,所謂坤之策百四十有四者也。 成與壝俱再,則兩地之義也。」齋宮大內門日廣禮,東 。爲再壝,壝

禮局 中丘、陵、墳、衍、原、隰於內壝之內, 今 墳、衍、原、隰於內壝之內,皆在卯階之北,以南爲上。神州地祇、火神祝融、南嶽 帝次之;地莫尊於大祇,而嶽帝次之,今尚與四鎮、海、瀆並列,請升之於第一成。」至是,議 午階之東,以 龕,南鎭、海、瀆 五 |行之帝旣從享於南郊第一成,則五行之神亦當列於北郊第一成。 天莫尊於上帝,而五 上新儀: 皇地祇位於壇上北方南向,席以稟秸; 太祖皇帝位於壇上東方西向,席以蒲 木神勾芒、東嶽於壇第一龕,東鎭、海、瀆於第二龕,東山、林、川、澤於壇下,東丘、陵、 其神位,崇寧初,禮部員外郞陳陽言:「五行於四時,有帝以爲之主,必有神以爲之佐。 西爲上。 )於第二龕,南山、林、川、澤於壇下,南丘、陵、墳、衍、原、隰於內壝之內,皆在 土神后土、中嶽於壇第一龕,中鎭於第二龕,中山、林、川、澤於壇下, 皆在午階之西,以西爲上。 金神蓐收、西嶽於壇第一 於壇第一

内, 席以稾秸,餘以莞席,皆內向。其餘並如元豐儀壇壝之制。其位板之制:上帝位板長三尺, 林、川、澤於壇下,北丘、陵、墳、衍、原、隰於內壝之內,皆在子階之西,以東爲上。 之義。皇地祇位板長二尺,取兩地之數;厚六寸,取坤元用六之數;廣一尺,取地之成 取參天之數;厚九寸,取乾元用九之數;廣尺二寸,取天之備數;書徽號以蒼色,取蒼壁 皆在酉階之南,以北爲上。水神玄冥、北嶽於壇第一龕,北鎭、海、瀆於第二龕,北山、 西鎮、海、瀆於第二龕,崑崙、西山、林、川、澤於壇下,西丘、陵、墳、衍、原、隰於內壝之 書徽號以黃色,取黃琮之義。皆以金飾。 配位板各如天地之制 神州地祇

祗、配位各用冰鑑一;今親祀,盛暑,請增正配及從祀位冰鑑四十一。」並從之。 寸,爲八方而不剡;兩圭之長宜共五寸,並宿一邸,色與琮同。 牲幣如之。」又言:「常祭,地 祇,求神以黃琮,薦獻以兩圭有邸。 又言:「大禮格, 皇地祇玉用黃琮, 神州地祇、五嶽以兩圭有邸。今請二者並施於皇地 神州惟用圭邸,餘不用。玉琮之制,當用坤數,宜廣六

郊祀之儀。是後七年,至宣和二年、五年,親祀者凡四。 于別殿,致齋七日于內殿,一日於齋宮。前一日告配太祖室,其有司陳設及皇帝行事,並如 四年五月夏至,親祭地于方澤,以皇弟燕王俁爲亞獻,越王偲爲終獻。皇帝散齋七日

高宗紹興初,惟用酒脯鹿臡,行一獻禮。二年,太常少卿程瑀言:「皇地祇,當一依祀

今北 天儀式。」詔從之。又言:「國朝祀皇地祇,設位於壇之北方南向。 面望祭,北向爲難,且於經典無據。 請仍南向。」 政和四年,設於南方北向。

天,宗祀文王以配上帝,帝卽是天,天卽是帝,却分祭何也?日三爲壇而祭,故謂之天,祭於 沓累積倂作一祭耶?且郊壇陛級兩邊上下,皆是神位,中間恐不可行。或問:郊祀后稷以配 合祭共享之禮。 古之時,禮數簡而儀從省,必是天子躬親行事,豈有祭天却將上下百神重 屋下而以神祇祭之,故謂之帝。」 祀后土,故先儒言無北郊,祭社卽是祭地。 『社于新邑』,此明驗也。 <u>淳熙中,朱熹爲先朝南北郊之辯曰:「禮『郊特牲而社稷太牢』,書『用牲于郊,牛二』及</u> 古者天地未必合祭: 日月、山川、百神亦無一時

堂;惟冬至之郊,則三歲一舉,合祭天地焉。開寶中,太祖幸西京,以四月有事南郊,躬行 祈穀、雩祀。 |宋之祀天者凡四:孟春祈穀,孟夏大雩,皆於圜丘或別立壇;季秋大饗明 淳化、至道,太宗亦以正月躬行祈穀之祀,悉如圜丘之禮。

景德三年,龍圖閣待制陳彭年言:「伏覩畫日,來年正月三日上辛祈穀,至十日始立春。

按月令 日 立 言,乃後世變禮。 並 辛 初 日 禮精義云 『是月也,大雩。』注云:『春秋傳曰:龍見而雩。』龍星謂角、亢也,立夏後,昏見於東方。 。』今則 春後 - ,不擇立春之先後。 至,農事方興,郊祀昊天,以祈嘉穀,當在建寅之月,迎春之後。 立春前 相 夏 去遼闊 祀 上辛行祈穀禮。」因詔有司詳定諸祠祭祀。 正月元日注為祈穀, 郊祀昊天上帝。 赤帝。 惟用 一。自周以來,歲星差度,今之龍見或在五月,以祈甘雨,於時已晚,但 郊。』遂不遷日。 於禮 改 `朔,不待得節,祭於立夏之前,殊違舊禮之意。 按月令:『立夏之日, 來年正月十日立春,三日祈穀,斯則襲王儉之末議,違左氏之明文。 未周。 齊永明元年,立春前郊,議欲遷日,王儉曰:『宋景平元年、元嘉六年, 欲請 吳操之云:『應在立春前。』然則左氏所記,乃三代彝章; 並 於立 一夏後 天子迎夏于南郊。』 注云:『爲祀赤帝於南 下目, 春秋傳曰:『啓蟄而 如 有司言:一今年四月五日,零祀上帝,十三 立. 夏在三月,則待改朔。 苟或龍 郊, 自晉泰始二年, 見於仲夏, 郊而後耕。 几 郊。」又云: 月上 零祀於季 王儉所 始用上 蓋春氣 旬 按五

蓋 嵗 奏 J (B) 當 以 時 IF. 天 禧 魏 未 月 + 16 有 元 郊 朝 五 年 天 拜 日 十二月,禮儀院言:「準畫日, 宮 朝 値 涵 觀 拜 玉清昭 禮 更用後辛」 王 應宮 儉 路云 景 或正月上辛, 近近 德四年以前 代明 來年 例, iF. 月十 事有相妨, 不 祈穀 以 七日 先 止用上辛, 郊後 祈 並許 穀, 春爲 前二 互用, 嫌 其後 Š 日奏告太祖 在於禮典, 用 又 宋 立 孝 春 武 後 朝有 室, 緣 字 固亦 百

志

第

Æ.

無嫌。」

堂牲牢儀

、用犢、羊、豕各

曆 大雩宗祀之儀,皆用 初 祈 大雩,皆親祀上帝。 犢 、羊、豕各 一,唯 由熙寧迄靖康, 祈 穀均祀昊天上帝 惟有司攝事 止用犢 而已。 元豐中, 請依雩祀、大享明

太宗 祈 穀、大雩猶循 皇帝 四年 配 十月,詳定郊 1,餘從 舊制 祀 羣 皆羣 廟奉祀 神悉罷。 神從 !禮文所言:「近詔宗祀 祀, 又請改築雩壇於國 恐與詔旨相 戾。 南門, 明堂以配上帝,其餘從祀羣神悉罷。 請孟 以 春 嚴 祈 穀、孟 祀 事 夏 大零, 並 從之。 惟 記上帝 , 今 以

陛 ,爲三壝各二十五步 辛祈穀,詔以「今歲孟春上辛在丑, Ħ. 年七月,禮部 言:「零墜當立 ,周垣 四 門,一 一於圜丘 次辛 如郊 一之左巳地 在 壇之制。」從之。 亥,遇丑不 ,其高 祈 一丈,廣 而祈於亥,非禮 大觀 四年 輪 匹 一月,禮 丈, 也。」乃不 周十二丈, 局議以立春 果行 几 後 出

堂, 服 祀 袞 刑部 冕 日 政 ~,執 , 服 和 尚書涖之; 通 天冠、絳紗袍, 入正 太常升烟,禮儀使奏請再拜。 前期降 門, 少宰讀誓於太 宮架儀安之樂作。 御 乘玉 札 一輅,詣 以來年 廟齋 青城。 房, 庄 月上辛祈穀, 禮 刑部 儀 祀 盥洗, (使奏請 日 侍 , 郎涖之。 自 升壇上, 「齋殿服 行 祀上帝 事 皇帝散 通 登歌嘉安之樂作。 宮架作景安之樂, 天 前 冠、 齋 祀 絳 七 + 紗 日, 日, 袍,乘 致 太字讀誓於朝 漈 奥至 帝臨降 皇帝縉 日 大次, 削 康

成安之樂作。 之。禮儀使奏請皇帝詣飮福位,宮架禧安之樂作。 禮儀使奏請執大圭,升壇,登歌歌安之樂作。 文舞退,武舞進,宮架容安之樂作。 訖,奏請皇帝再拜。 圭 玉 一,執鎭圭,詣上帝神位前,北向,奠鎭圭於繅藉,執大圭,俛伏,興。 奠訖, 詣太宗神位前, 東向, **送神**, 詣太宗神位前酌獻,並如上儀, 宮架景安之樂作。皇帝詣望燎位。 **奠幣如上儀**, 亞獻的獻,宮架作隆安之樂,神保錫羨之舞。終獻如 皇帝詣上帝神位前酌獻, 登歌作仁安之樂。 皇帝受爵。又請再拜。有司徹俎,登歌 登歌作紹安之樂。 禮畢,還大次。雩祀上帝儀亦如 又奏請搢大圭 皇帝降階, 皇帝降階,入小次, 執 解祭酒, 讀册文 有司進熟, ,跪,受

之。惟太宗神位奠幣作獻安之樂,酌獻作感安之樂。

配 屋祭,不當在壇。 儀 ,增變豆之數。 南 渡後,以四配二在南郊園壇,二在城西惠照院齋宮。 乾道 有司攝事,當於望祭殿行禮。」從之。 五年,太常少卿林栗乞四祭並即 園壇 淳熙十六年, ·禮部侍 紹興十四年始具樂舞,用 鄓鄭聞謂:「明堂當從 光宗受禪,始奉高宗 政和

五方帝 宋因前代之制,冬至祀昊天上帝于圜丘,以五方帝、日、月、五星以下諸神從

封題。 增爲二。 尺,方三步七尺。|天聖中,詔太常葺四郊宮,少府監遣吏齎祭服就給祠官,光祿進胙 步二尺; 黄帝之壇,其崇四尺,方七步; 白帝之壇,其崇七尺,方七步; 黑帝之壇,其崇五 國門之外:青帝之壇,其崇七尺,方六步四尺;赤帝之壇,其崇六尺,東西六步三尺,南北六 又以四郊迎氣及土王日專祀五方帝,以五人帝配,五官、三辰、七宿從祀。 慶曆用羊、豕各一,正位太尊、著尊各二,不用犧尊,增山罍爲二,壇上簠 皇祐定壇如唐郊飛錄,各廣四丈,其崇用五行八七五九六爲尺數。 嘉祐加羊、豕 各建壇于 、簋、俎各 監察

常參官至,其餘執事贊相之人皆班品卑下,不得視中祠行事者之例。 宜以公卿攝事。」從之。 者天子皆親帥三公、九卿、諸侯、大夫以虔恭 元 站 六年,知開封府范百祿言:「每歲迎氣於四郊,祀五帝,配以五神,國之大祠 重事,而導四時之和氣焉。 請下禮部與太常議, 今吏部所差三獻皆 占

年,以集賢校理丁諷言,按春秋文耀幻爲五帝之名,始下太常去之。 蒼帝靈符,赤帝文祖,白帝顯紀,黑帝玄矩,黃帝神斗是也。 紀,恐是五帝之名,理當恭避。」禮官言:「開寶通禮義纂,五者皆是帝號。漢書注自 南郊鹵簿使王欽若言:「五方帝位板如靈威仰、赤熛怒、含樞紐、白招拒、叶光 既爲美稱,不煩回避。」嘉祐元 有名,即

其祀儀:皇帝服袞冕,祀黑帝則服裘被袞。 配位,登歌作承安之樂。餘並如祈穀禮。

氏配 火、壽星位壇下子階之東,西上。角、亢、氐、房、心、尾、箕宿,位于壇下子階之西,東上。立夏祀赤帝,以帝神農 紀位子階之東,西上。斗、牛、女、虛、危、室、壁宿,位子階之西,東上。紹興仍舊制,祀五帝于郊。 |蓐收位壇下卯階之南,太白、大梁、降婁、實沈位壇下子階之東,西上。 奎、婁、胃、昴、畢、觜、参宿,位于子階之西,東上。 壇下卯階之南,鎭星位壇下子階之東。 鬼、柳、星、張、翼、軫宿,位于壇下子階之西,東上。季夏祀黃帝,以黃帝氏配〔代〕,后土、鎭星從祀。 立多祀黑帝,以帝高陽氏配,玄冥、辰星、三辰、七宿從祀。 立 |春祀青帝,以帝|太昊氏|配,勾芒氏、歲星、三辰、七宿從祀。 ,脫融氏、熒惑、三辰、七宿從祀。脫融位壇下卯階之南,熒惑、鶉首、鶉火、鶉尾位子階之東,西上。井、 立秋祀白帝,以帝少昊氏配,蓐收、太白、三辰、七宿從祀。 玄冥位壇下卯階之南,辰星、諏訾、玄枵、星 勾芒位壇下卯階之南,歲星、析木、大 后土位

帝。 郊,高七尺,廣四丈,日用上辛,配以宣祖。牲用騂犢二,玉用四圭有邸,幣如方色。 每歲正月,別壇而祭,以符火德。」事下尚書省集議,請如崇義奏。 宋因其制。 感生帝,即五帝之一也。 乾德元年, 太常博士聶崇義言:「皇帝以火德上承正統, 帝王之興,必感其一。北齊、隋、唐皆祀之,而隋、唐以祖考升 乃酌隋制,爲壇于南 請奉赤帝爲感生 明年正

志 第 Ŧī. +

Ξ

禮 =

似為 月,有司言:「上辛祀昊天上帝,五方帝從祀。 煩 數。 況同 時 並 祀,在禮非宜。 '昊天從祀,請 今旣奉赤帝爲感生帝,一日之內,兩處俱祀, 不設赤帝坐。」從之。

作主。 以 威 永徽故事,請以太祖兼配,正符鄭說。 停,恐非往典之意。 古 穀 有天下,裁越三世,而景、元二祖已停配典。 祀 配 仰之義爲證。 高 、大享並 感生帝 祖於圜丘,祀太宗於明堂,兼感生帝作主。又以景帝、元帝稱祖,萬代不遷,停配以符 乾 三祖 興元 配 若據鄭氏說,則日五帝迭王,王者因所感別祭,尊於南郊,以祖配之。今若不用武德 臣以爲景帝厥初受封爲唐始祖,蓋與宣祖不侔(云)。宣祖於唐,是爲元帝之比。 祈穀,太祖配雩祀,亦不失尊嚴之旨。臣以爲宣廟非惟不遷,而迭用配帝,於古爲 以元帝配。 有 年九月,太常丞同判禮院謝絳言(+):「伏覩本院與崇文院檢討官詳定,以宣 竊尋宣 功、宗有德。』但非受命之祖,親盡必毁,況配享乎?」 惟太祖始造基業,躬受符命,配侑感帝,據 祖 請依永徽故事,停宜祖配,仍用太宗故事,宗祀眞宗於明堂,兼感生帝 。太宗初,奉高祖配圜丘、明堂、北郊,元帝配感生帝。 非受命開統,義或未安。 詳鄭之意,非受命始封之祖不得配,故引周后稷配靈 有宋受命,既自太祖,于今四聖,而宣祖侑祀未 唐武 德初, 圜丘、方丘、雩祀並以景帝配 理甚明(元)。 如恐祠日相妨,當 高宗永徽二年, 一, 祈 祖 唐

翰 林承旨李維等議。「按禮祭法正義曰:『郊,謂夏正建寅之月,祭感生帝於南郊。』此則

**崇配之文也。竊惟感帝比而穀,禮秩差輕;** 宣祖比太祖,功業有異。 今以太祖配祈穀,宣祖

配感帝,稱情立文,於禮斯協。」詔從所定。

帝儀 于 壇上,東方 其祀儀:皇帝散齋七日,致齋三日。 西向, 席以蒲越。 配位, 奠幣作皇安之樂, 太史設帝位於壇上,北方南向,席以稟秸。 酌獻作肅安之樂, 餘 如祈 穀祀 配帝位 上

子孫 脯 獻,用箋豆十二,設登歌樂舞,望祭於齋宮。 而已。 衆多,與天無極。 紹興十八年,臣僚言:「我朝祀赤帝爲感生帝,世以僖祖配之。 宜韶 有司,升爲大祀,庶幾天意潛 中興浸久, 祀秩 成脩。 孚,永錫蕃衍。」 詔禮官議之,遂躋大祀。 惟感生帝,有司 因循,尚淹 祖宗以來,奉事 小祀,寓於招提,酒 ,尤謹,故 禮行三

### 校勘記

皇地 祇 壇四角再成 「四角」原作「各」, 據太常因革禮卷五馮浩等狀 溫國文正司馬公集卷

六申本寺乞奏修築皇地祇壇狀補改。

- (三) 一祖六宗 按此 處 是元祐時議論合祭事,「六宗」當爲「五宗」之誤。
- (3) 迨先帝 親郊 此 句 疑 有 訛脫。 朱倉要禮三之二一作「逮于先帝,始釐正之。 陛下初郊」。

志第五十三 校勘記

叉宋孝武朝有司奏 劉裕;「宋孝武」,則指宋孝武帝劉駿(裕之孫)。又按下文有司奏議,據宋書卷一六禮志,係指 「宋孝武」原作「宋武」。 按長編卷九〇作「宋孝武」。「宋武」, 指宋武帝

大明二年正月南郊之議, 大明是宋孝武帝年號,此處「宋武」當爲「宋孝武」之誤。 據補「孝」字。

至 今吏部所差三獻皆常容官 「部」字原脫, 據長編卷四六三、通考卷七八郊社考補。

(<del>`</del> ) 以黄帝氏配 「黄帝氏」,五禮新儀卷四七、通考卷七八郊社考都作「帝軒轅氏」。

(+) 太常丞同判禮院謝絳言 「同判」原作「同制」,據本書卷二九五訓絲傳、長編卷九九改。

3 蓋與宣祖 不侔 「宣祖」原作「宣帝」,據太常因革禮卷八、長編卷九九改。

(4) 據理甚明 「據」原作「處」,據長編卷九九改。

# 宋史卷一百

## 志第五十四

禮四吉禮四

#### 明 堂

設 郊遺寓祭也。 之位,天子之路寢,乃今之大慶殿也。 季秋行大享明堂禮。然自漢以來,諸儒各爲論議,駁而不同。夫明堂者,布政之宮,朝諸侯 封岱宗,祀汾陰,故亦未遑。 五 室於大慶殿。 明堂。 宋初,雖有季秋大享之文,然未嘗親祠,命有司攝事而已。 其以大慶殿爲明堂,分五室於內。」仍詔所司詳定儀注以聞。 舊禮, 明堂五帝位皆爲幔室。 皇祐二年三月,仁宗謂輔臣:「今年冬至日,當親祀圜丘,欲以 況明道初合祀天地於此,今之親祀,不當因循,尚於 今旁帷上幕,宜用青繒朱襄, 眞宗始議行之, 屬 禮院請依周禮, 四戶 八牖,

志第

五.

+

四

禮四四

赤綴戶,白綴牖,宜飾以朱白繒。

方,以純色代。 在東西廂神坐左右。配帝席蒲越,五人帝莞,北極以上稾秸加褥,五官、五星以下莞不加 官,壺尊各二,在丹墀、龍墀上。外官,每方丘、陵、墳、衍、原、隰,概尊各二,衆星,散尊各二, 數用中祠。 二,於室外神坐左。 左右夾廡及龍墀上,在壝內外者,列於堂東西廂及後廡,以象壇壝之制。 從祀之數。」禮官議諸神位未決,帝諭文彦博等曰:「郊壇第一 祭皇地祇,奉太祖、太宗、眞宗並配,而五帝、神州亦親獻之。 所定,祭天不及地祇,配坐不及祖宗,未合三朝之制。 二,在堂上室外神坐左,象尊二,壺尊二,山罍四,在堂下中陛東。三配帝、五方帝,山 令輔臣、禮官視設神位。 昊天上帝,堂下山罍各四。 皇地祇,太尊、著尊、**犧尊、山** 韶曰:「祖宗親郊,合祭天地,祖宗並配,百神從祀。 五官,數用小祠。內官,象尊各二,每方岳、鎭、海、瀆,山尊各二,在堂左右。 神州、太尊、著尊、山罍各二,在堂上神坐左。牲各用一犢,毛不能如其 且移郊爲大享,蓋亦爲民祈福 今祀明堂,正當親郊之期,而禮官 **龕者在堂,第二、第三龕**設於 日、月、河、海諸神, 仍先績圖 悉如 - 礨各 I 標 各 圜丘 宜合

褥,餘如南郊。

知

廟卿酌奠七祠,文臣分享奉慈、后廟,近侍宿朝堂。行事及從升堂、百官分宿昇龍門外,內

景靈宮升降,置黃道褥位。致齋日,陳法駕鹵簿儀仗,遺門大次之後設小次。

六 庭省司宿本所(こ,諸方客宿公館。 神 以 州 薦 從祀。 枫 圭有邸、黑幣, 帝謂前代禮有祭玉 日月圭、璧,皆置神坐前,燔玉加幣上。 、燔玉,今獨有燔玉 設宿爟火於望燎位東南臼。 ,命擇良玉 爲琮、璧。 五人帝、五官白幣, 性增四犢,羊豕依郊各十 皇地祇黃琮、黃 日月

內官以

F

,幣從方色。

樂舞 肆 廂 詣 高 帝 祝 神 廟。 语 標 洗 赦 陽氏 史、 州 冠、絳紗袍,玉輅,警蹕 外官衆星 文武 作,沃盥 次 未明三刻 九月二十四日未漏上水一刻,百官朝服,齋于文德殿。 明 齋 饌 , 各 、北極、太昊、神農氏饌 郎 加 升自 由 宗。 內外官 助 坐。 其 奠諸 ,自大階升。 奠幣 ',帝韡袍,小辇,殿門契勘 階 西階; 禮 遞 酌 神 畢 酌獻之敍亦然。 進官有差 獻 坐,乃進 ,帝還 五 內中官、五官、外官、五 人帝、日月、天皇、北 ,赴景靈宮,即齋殿易袞圭,薦享天興殿畢,詣太廟宿齋,其禮具太 禮儀使導入太室,詣上帝 大 )熟。諸 次,解嚴,改服 ,升自東階 宣制畢 太祝 皇帝降自中階,還版位, , 迎上 ,門下省奉寶興先入。 宰臣百僚賀于樓下 ,黄帝、白帝 乘輦 帝、皇地 極 星 一,下及 諸 ,御紫宸殿 震震,隨 位,奠玉 左右: 祇 饌 便升設。亞獻 黑帝、夜明、天 夾 ,升自中階; 百 廡 明日未明二刻,鼓三嚴,帝服通 幣於神坐 , 樂止。 賜百官福胙及 及大次,易袞圭入,至 、丹墀、龍 官稱賀。 將升 禮 青帝、 一,次皇地祇、五方帝、 皇 生引 墀、庭中 一大帝 乃常服 ,禮生分引 分獻官 內外致仕文武 赤帝 、軒轅、少昊、 五 , 御 神神 官、 奉 宣 獻官俱 一版位 州 主 德門 東 西

升朝官以上粟帛羊酒。

分獻 是皆 五 親 日 隋 日 獻 一,豕五 尙 ,親享太廟,嘗停孟冬之薦,考詳典禮,宗廟時祭,未有因嚴配而輟者。今明堂去孟冬畫 變於禮中之大者也。 遠,請復薦廟。 ,以侍臣奠幣,皇帝再拜,次詣眞宗神坐,於禮爲允。」 舊制 一,羊五 朝 七年七月,詔復有事於明堂,有司言:「皇祐參用南郊百神之位,不應祭法。 ,設昊天上帝、五方帝位,以<u>眞宗</u>配,而五人帝、五官神從祀。餘皆罷〔三〕。 又前 廟 用犢 ;五官從祀共羊豕十。 一,羊七,豕七;昊天上帝、配帝犢各一,羊豕各二;五方、五人帝共犢 前者祖宗並侑,今用典禮獨配; 開元、開寶二禮,五帝 無親獻儀。 前者地祇、神州並享,今以配天而 而帝欲盡恭於祀事,五方帝 舊禮,先詣昊天奠獻,五帝 位 並行 宜如 並

周公之心攝成王之祭,則嚴祖也,嚴祖、嚴父,其義一也。 間 哉 以 成 周公言之則嚴父, ·宗祀文王於明堂以配 英宗 我將之詩是也。 、康以嚴父之故 卽 位 ,禮官議 ,廢文王 以成王言之則嚴 眞宗 仁宗配明堂,知制誥錢公輔等言:「孝經日:『昔者周公郊祀后稷以 上 則 帝。 配 周之武王 天之祭 又曰:『孝莫大於嚴父,嚴父莫大於配天,則 ,仁宗則周之成 祖 而移之。以孔子之心 方是時,政 Ŧ 則 一,雖有 周公, 漢明始建明堂,以光武配,當始配 推 周公之志 配天之業,而 祭則 成王,亦安在 ,則嚴父也;以 無配天之祭,未 周 公其人 必 嚴其父 也。 配

論以惑時主,延及於今,牢不可破。 在玄宗時 之代,適符嚴父之說,章、安二帝亦弗之變,最爲近古而合乎禮。 ,則以睿宗配; 在永泰 時 ,則以肅宗配。 仁宗嗣位之初(至),儻有建是論者,則配天之祭常在 禮官 不能推明經訓,務合古初 唐中宗時,則以高宗 1,反雷 配 同其

願詔有司博議,使配天之祭不膠於嚴父氏了,而嚴父之道不專乎配天。」

(詩 代循守,不爲無說。 敢異者,舍周、孔之言無所本也。今以爲我將之詩,祀文王於明堂而歌者,安知非孔子删 父其義一也。雖周家不聞廢文配而移於武,廢武配而移於成,然易之配考,孝經之嚴父,歷 天 極矣。 ,存周全盛之<u>頌被於管弦者,獨取之也?仁宗繼體守成,置天下於泰安四十二年,功德可</u> 可知,亦不可謂章、安之後配祭無傳,遂以爲未嘗嚴父也。唐至本朝講求不爲少,所以不 ,符於孝經之說,不可謂必嚴其父也。 觀文殿學士孫抃等曰:「易稱『先王作樂崇德,薦之上帝,以配祖考。』 蓋祖、考並可配 今祔廟之始,抑而不得配帝,甚非所以宣章嚴父之大孝。」 魏明帝祀文帝於明堂以配上帝,史官謂是時二漢之制具存,則魏所損 祖、考皆可配郊與明堂而不同位,不可謂嚴祖 、嚴

日:『思文后稷, 克配彼 ,後漢以光武 諫官 言] `馬光、呂誨曰:「孝子之心,孰不欲尊其父?聖人制禮以爲之極,不敢踰也。 配明堂,以是觀之,自非建邦啓土、造有區夏者,皆無配天之文。 (天。』又我將:『祀文王於明堂。』下此,皆不見於經。 前 漢 以 故雖周之 祖

志 第

海,而 之宗,比周之文、武,然則祀眞宗於明堂以配上帝,亦未失古禮。仁宗雖豐功美德洽於四 <u>孝經</u>之義,而違先王之禮也。景站中,以太祖爲帝者之祖,比周之后稷,太宗、眞宗爲帝者 之德,成太平之業,制禮作樂,而文王適其父,故引以證『聖人之德莫大於孝』答會子,非謂 |成、康,漢之文、景、明、章,德業非不美也,然而不敢推以配天,避祖宗也。孔子以周公有聖人 凡有天下者皆當尊其父以配天,然後爲孝也。 不在二桃之位,議者乃欲舍眞宗而以仁宗配,恐於祭法不合。」詔從抃議 近代祀明堂者,皆以其父配上帝,此乃誤釋

大祭有 穀及 祭之配 神 配 御 七 也。」治平四年九月,大享明堂 州之祭,本非遞遷。 ,在仁宗時以眞宗配,今則以仁宗配。 史趙鼎請遞遷眞宗配雩祭,太宗配 ,皆以始封受命創業之君配神作主,明堂用古嚴父之道配以 今明堂既用嚴父之道,則眞宗配天之祭於禮當罷,不當復分雩 ,以英宗配 | 祈穀、神州,用唐故事。 仁宗始罷太宗明堂之配,太宗先已配雩祀、祈 學士王珪等以爲:「天地 近考,故在眞宗時以

豕 稷牛』是也。 自梁用特牛,隋、唐因之,皆用特牲,非所謂以人道享上帝之意也。 "皆未應禮。 兀 豐 ,詳定禮文所言:「祀帝南郊 享帝明堂,以人道事之,則雖天帝用太牢,詩所謂『我將我享 今親祠上帝、配帝、五方帝、五人帝,請用牛、羊、豕各一。」太常禮院言:「今 ,以天道事之,則 、雖配帝用犢、禮所謂『帝牛不吉 皇祐、 `,維羊維牛』 熙寧所用犢 與羊、 是也。

歲明堂,倘在慈聖光獻皇后三年之內,請如熙寧元年南郊故事,惟祀事用樂,鹵簿鼓 架、諸軍音樂皆備而不作,警場止鳴金鉦、鼓角而已。」自是,凡國有故皆用此制

明堂 尊、罍並用宗廟之器,第以不祼,不用彝瓚。罷爟火及設褥,上帝席以稾秸,配帝席以蒲越, 惟配上帝,以稱嚴父之意。」又請:「以莞席代稟秸、蒲越,以玉爵代匏爵,其豆、登、簋、俎、 論者始以爲非,遂於明堂惟設昊天上帝一坐而已。唐顯慶禮亦然。請如詔祀英宗於明堂, 文王以配上帝者,非可兼五帝也。自鄭氏之學興,乃有六天之說,而事非經見。晉泰始初, 次。』又司服職曰:『祀昊天上帝則服大裘而冕,祀五帝亦如之。』 明上帝與五帝異。 則宗祀 太常禮院趙君錫等狀:「按周官掌次職曰:『王大旅上帝,則張氊案;祀五帝,則設大次、小 Ŧj. 加褥其上。 帝者,一帝而已。將來祀英宗於明堂,合配昊天上帝及五帝,欲以此修入儀注。」 丼據 ,惟以配上帝,餘從祀羣神悉罷。」詳定所言:「按周禮有稱昊天上帝,有稱上帝,有稱 六月詔曰:「歷代以來,合宮所配,雜以先儒六天之說,殷甚不取。將來祀英宗皇帝於 飲福受胙,俟終三獻。」並從之。 知

去 監 四主 |察御史裏行王祖道言:「前詔以六天之說爲非古,今復欲兼祀五帝,是亦六天也。 詳定所言:「宋朝祀天禮以蒼麈,則燎玉亦用蒼麈;禮神以四圭有邸 而廢祀 神之玉,殊失事天之禮。望復舉前詔,以正萬世之失。」仍幷詔 則燎 詳定合用 玉 亦用

志

第五

郊 及 四 行 圭 事 禮 五 帝 有 如 神 於明 邸 燔燎皆用 郊 廟之禮 堂 丽 禮 議 者欲以蒼璧禮神,以四圭有邸從燎 【蒼璧。」又請:「宿齋於文德殿,祭之旦,服通天冠、絳紗袍,至大次,改祭服 神燔燎皆用 四圭有 邸。 今詔 唯祀 ,義無所主。 , 則 四 主有邸 開寶、開元禮 , 自 不當設。 祀昊 天 宜 上 如 南

明 堂 隘 諸 窄 禮 邃 太 寺 觀 后 畢 深 未足以 <del>可</del> 御 行 ,更不受賀 恭 會慶殿,皇帝於簾 ,三省言:「按天聖 以 謝 仰稱 享 禮。 神 , 卽 嚴事之意。 元符元年 百官並 此 行禮 於 五. 內 於於 ,尚書左 內東門 今新 行 一年南郊故事,禮畢行勞酒之禮,如元會儀。 義 恭 謝 作 爲 拜表。 丞 禮 合。 南 |蔡卞言:「每歲 百百 郊 際宮端 僚稱賀訖,升殿 九月辛巳(も),大享于明 誠殿, 太字明 實天子潔 賜 堂, 酒。」太皇太后 孫奉祠 卽 南 堂。 郊望祭殿 及 禮畢 今明 見羣 不 許 (堂禮畢,請太 ,詣景靈宮及 臣 行 詔 上之所 禮 將 制 來明 度

始 元 丰 以 庫 九 初 月 部 元 辛 員 豐 亥 外 禮官 郎 ,大享于 姚 以 舜仁 锎 党寓 ·明堂 明堂 大慶 ,猶寓大慶殿 圖 議 路 上,詔依 寢, 別請 所 建立 定 營 以盡嚴奉,而未暇講求。 建 明 牟 ĪF. 月 以 ) 彗出 西 至是, 方公 爲相

旣遠 ,歷代之模無足循襲。 政 和 五. 年 沼:「宗 祀 明 党以 股刺經稽古 配 上 帝 一,度以 寓 於 九筵,分其五室 寒殿 禮 煮 云 闕。 ,通以八風,上圓 崇寧之初 嘗詔 下方,參合先 建立 去占

以言者「明堂基宜正臨內方近東,以據福德之地」,乃徙秘書省宣德門東,以其地爲明堂。 王之制。 相方視址,于寢之南,僝工鳩材,自我作古,以稱股昭事上帝率見昭考之心。」旣又

柱複屋 嚴父,聽朔布政于一 周 之尋,其堂脩七尋。 八窗以應 長 夾窗 非 兀 偷 ,七筵則南 日 ,四三尺者,四步益四尺,中央土室也,三步益三尺,木、火、金、水四室也。 ,廟堂。脩二七,廣四脩一,則度以六尺之步,其堂脩十四步,廣十七步之半。又曰五室三四 明堂 股益 ,此夏制 一,五室三四步四三尺,九階,四旁兩夾窗。考夏后氏之制,名曰世室,又曰堂者,則世室 又韶:「明堂之制,朕取考工互見之文,得其制作之本。夏后氏日世室,堂脩二七〔去〕,廣 則 一世室之度,兼四阿重 則 八節,五室以象五行,十二堂以聽十二朔。 知下方也。 北 知皆室也。 也。 一狹,所以象天,則知 商人重屋,堂脩七尋,崇三尺,四阿重屋,而又曰堂者,非寢也。 堂之上,於古皆合,其制大備。 又曰 周人明堂,度以九尺之筵。 四阿重屋,阿者屋之曲也,重者屋之複也,則商人有 東西九筵,南北七筵,堂崇一筵,五室,凡室二筵者, 屋之制,度以 Ŀ 一圜也。 九尺之筵,上圜象天,下方法地,四戶以合四序, 名不相襲,其制則一,唯步、尋、筵廣狹不 三代之制不相襲,夏日世室,商日重屋 宜令明堂使 九階、四阿,每室 司遵圖 四戶 建立 , , 夾以八窗。 享帝 每室四戶,戶兩 四隅之阿,四 九筵則 度以八尺 一同而 東西

於是內出圖式,宣示于崇政殿,命蔡京爲明堂使,開局興工,日役萬人。京言:「三代之

二四七三

尺。青陽、總章各脩廣四筵,三丈六尺。左右箇各脩四筵,三丈六尺。廣三筵,益四五。三丈一尺五寸。 若以二筵爲太室,方一丈八尺,則室中設版位、禮器已不可容,理當增廣。今從周制,以九尺 四阿各四筵,三丈六尺。堂柱外基各一筵,九尺。堂總脩一十九筵,一十七丈一尺。廣二十一筵。 以九尺之筵。明堂、玄堂各脩四筵,三丈六尺。廣五筵,四丈五尺。左右箇各脩廣四筵。三丈六 益四五,三丈一尺五寸。廣四筵,三丈六尺。共七筵,盆四尺五寸。十二堂古無脩廣之數,今亦廣 之筵爲度,太室脩四筵,三丈六尺。廣五筵,四丈五尺。共爲九筵。木、火、金、水四室各脩三筵, 制 十八丈九尺。」 ",脩廣不相襲,夏度以六尺之步,商度以八尺之尋,而周以九尺之筵,世每近,制每廣。 今

諱、取「平 階爲三級,級崇三尺,共爲一筵。庭樹松、梓、檜,門不設戟,殿角皆垂鈴。」詔以「玄堂」犯祖 右承天門日平秩,更衣大次日齋明殿。 龍。其地則隨所向甃以五色之石。 色,而各以其方所尙之色。八窗、八柱則以青、黃、綠相間。 夾紵漆之。今酌古之制,適今之宜,蓋以素瓦,而用瑠璃緣裏及頂蓋鴟尾綴飾,上施銅雲 察攸言:「明堂五門,諸廊結瓦,古無制度,漢、唐或蓋以茅,或蓋以瓦,或以木爲瓦,以 在朔易」之義,改爲平朔,門亦如之。 欄楯柱端以銅爲文鹿或辟邪象(10)。 七年四月,明堂成,有司請頒常視朔聽朝。 仍改敷砧門日左敷佑,左承天門日 堂室柱門欄楯,並塗以朱。 明堂設飾,雜以五 右敷佑 詔:「明

堂專以配帝嚴父,餘悉移於大慶、文德殿。」羣臣五表陳請,乃從之。

配 ,則有常月而 禮 制局言:「祀天神於冬至,祀地祇於夏至,乃有常日,無 未有常日。 禮不卜常祀而卜其日,所謂卜日者,卜其辛爾。 派所事 10 季秋享帝,以先王 蓋月有上辛、次

辛,請以吉辛爲正。」

各一,丼局七、畢茅、羃俎六,太尊、山尊、蓍尊、犧尊、象尊各二,壺尊六,皆設而弗酌。尊加 六,豆二十六,簠八,簋八,登三,子则三,烟槃、神位席、幣篚、祝篚、玉爵反坫、**瑤**爵、牛羊豕鼎 黄琮並用。 然說者謂禮神在求神之前,祀神在禮神之後。蓋一祭而並用也。夏祭方澤,兩圭有 安」。請明堂正配位並用莞簟。又憑禮:『以蒼璧禮天。』又曰:『四圭有邸,以祀天,旅上帝。』 明堂以人道享上帝,請服袞冕。 郊祀正位設蒲越,明堂正配位以莞,蓋取禮記所謂『莞簟之 正 一位以見配位,於袞冕舉配位以見正位,以天道事之,則舉卑明尊,大裘象道,袞冕象德, ,以玉飾。飮福受胙俎一。亞獻終獻盥洗罍、爵洗罍丼篚、勺、巾各一曰,神廚鸞刀一。」 犧尊、象尊、壺尊、犧罍、象罍、壺罍各五,加勺、冪。 御槃匜一,并篚、勺、巾。 飲福受黍豆 又言:「周禮:『祀昊天上帝,則大裘而冕,祀五帝亦如之。享先王則袞冕。』蓋於大裘舉 禮經,祀大神祇,享先王,一如明堂親祠,宜如上儀。其正配二位,請各用箋二十 明堂大享,蒼璧及四圭有邸亦宜並用。 圜丘、方澤,執玄圭則搢大圭,執大圭則 现,與

歌 使 配 紫宸殿 神六變之樂,以天帝爲 尊三,其貳以 爲 尊 沇 酒 宗 並 城 實緹 以 酌 JF. 祀 禮 外不 郦 詔 獻 凡酒 所 11-又 用方 衞 明堂直端門,故齋夕權罷。 用三 並 齊 謂 今有 設 今明堂肇 象 以 陳 脩 鹵 鹵 鼎 阴 (備乏) 於 尊 酌 法共五 簿使日 司 簿儀仗,共 堂 而 作階之上, 犧在 實沉 是也。 行事"乃寓端 用 不 建, 設 牪. 禮器 齊 齊三酒,以實八尊』 庶 而 尊焉。 , 重 明堂雖嚴父,然配天 宜 今太 羞 不 八警 場 請 於大慶殿 設庶 乏 尊 橋道 源 實三酒 廟、明堂之用 減殿 皇祐 西 其, 羞之鼎。 頓遞使日 列於大慶殿門之外。 1,象在 、未盡, 今明堂在寢東南,不與端門直, **多奏請** 以來,以大慶殿爲明堂,奏請 俎 ,皆為 亦 東。 是 致 止 禮意。 按元 禮頓,大禮、 **冷**齋, 合用 弗酌之尊。 ,請以太尊 也。 與上帝 壺尊實清 豐禮, 於文德殿禮成受賀。 有設 六。 請非 所以 宗 而 明堂: 親祀歲、有司行事 王者祀上帝于郊 實泛齊 酌者 廟祭 酒爲終獻 又以犧 禮儀二使仍舊制。 求 牲 天 若 祀 牢正 , 山 神 尊 Ŧī. 司 尊 齊三 致齋於文德殿 實體齊爲 而 ,陳於作階之下 配 尊 實 禮之,宜同郊祀 將來宗祀,大慶殿齋 , 彝所 宿 醴 各 酒 亦 配 齋奏嚴 齊 用 謂 有 初 4= , 以祖 於明堂。 15體 又設季秋大享登 設 著 獻 二、羊 尊 而 ,禮成受賀於 齊 - , 皆為 象尊 弗 實 祀 本以警備 縮 一、豕 於明 盎 酌 酌 改儀仗 用 實 者 齊 酌 禮天 杂 盎 , 犠 若 齊 齊

,禮部尚書許光凝等議:「明堂五室祀五帝,而王安石以五帝爲五精之君,昊天之佐,

阴 前 庤 故 制 分位於五室,與享於明堂。 如 , 位 下正 孟 无 月朝 帝於 五. 室於後 獻禮,罷有 五 室 了,其揆 旣 無以 攝事 也 爾檗配之嫌 神宗詔唯以英宗配帝 1。」至是1 ,及五 使儀仗等。 詔 靇 上北祀 從祀 五. 前 帝 親 , , 又無 悉去從祀羣神。 而 五 零神從 一室焉 祀之瀆 尋詔 陛下肇新宏規 每歲季秋大享,親 則 神考組六 得其 天於 而

司

配侑 齋三 舞等 禮 設 卿 部 小 、東上閤門官、 日 郎 次於明堂東階下。 已而 並 前 自是迄宣和 中奏解嚴 加宗 太常寺上明堂儀 日 祀明 並 太常博士前 服 堂儀。 七年 其禮器、 朝服 ,嚴皆親 祀日 立. 其行 、性牢、 :皇帝散 班 導。 , 行 省 事 祀 事 饌 、執事 禮部: 酒饌、奠獻、 了、執事 歐部七日 阴 祀 侍 B 陪祠官, 郎奏中嚴 、陪祠官立班殿下 並 於 一祭服 別殿,致齋三日於內殿,有司設大 玉 幣、升烟、燔首、祭酒 並 外辦,太常卿 陪位官致齋 前 + B 受誓戒於明 , 東西 奏請 日。 相 向 !、讀册 行 祀前 堂。 禮 皇帝服袞 飮 太常 行 日 事 福 次於齋明殿 仍奏告神宗 卿 受胙 執 冕 奏禮畢 事 太常 官 井 樂 致

於常 餘 員 印 御殿 高 舉而 今鹵 宗 設 紹 行 簿、儀仗、祭器、法物散失殆盡 位 興 ,乞韶有司 ·行禮。」乃下詔曰:「肇稱吉禮,已見于三歲之郊; 元年 ,禮部尙書秦儈等言:「國朝多祀 討論以聞 禮部、御史、太常寺言:「仁宗明堂以大慶殿爲之,今乞 , 不可悉行 大禮, 宗廟行 神位 禮 一六百 , 載考藥章,當問以九筵之 又不可及天地 九十 , 行 事 官六百 明 堂 之 七十

忠

第

五

祀。 因秋 成物 輯 古上儀、會天地以同禋、升祖宗而並配。」乃以九月十八 日 行

從之。 代以今酒 祀 致 齋 牢當以牛、羊、豕爲序,今用我將之詩,遂以羊、豕、牛爲序 玉 志, · 而 爵 日 用 兀 反在羊、豕之後者。 交於神明。 有 於 年 半 明堂,今茲明堂實 而 ,太常寺看詳、國子監丞王普言 ٠, 不易其名。 乞用質明以成三日之禮。 其九,設神位版及升煙、奠册,不當委之散吏。 其五. 其三,陳設尊罍,宜做 兼郊 、其大,祭器、 禮,宜用陶 其 明堂有未合禮者十一 冕服 八, 匏 他 常當從 齋不! 周官 日正宗 飲酒、 古制 司] 尊 祀之禮,當奉玉 彝秋嘗之制。 茹葷 ,所謂以辭害意,豈 其 事 七 , ·: 其一, 乞罷官給, ,皇帝未後詣 其十、十一,皆論樂。 其四 爵。 謂 酒 陶匏用於郊丘 有用 其二,禮經 饌 ,泛齊體 齋室 俾 大性作元 则 則 得專心 齊 是致 了, 宜 並

親 人帝于堂上,五官神於東廂 行 三十一 大享之禮 年 ,禮畢宣赦 ,以欽宗之喪,用元 ~樂備 ,仍罷 不 從祀諸 作。 祐故事,前期朝獻景靈宮、 附廟畢 神位 ,用熈寧禮 如 故事 享罷合祭,奉徽宗配。 也 朝享 太廟, 皆遣 大臣 祀五天帝、五 攝 唯

當以太祖、太宗並配。」留正亦言之。上曰:「有紹興間典故,可參照無疑。 于明堂 孝宗淳熙六年,以羣臣議,復合祭天地,並侑 一,上問 宰執配位。 周必大奏:「昨已申請,高宗几筵未除 祖宗、從祀 百 神 立; 如 ,用徽宗故事 南郊。 + ,未應配坐,且 五. 年 九月,有

服之後,正與前史相同。」乃用九月二十八日辛卯。 月二十七日 服之後,未發引之前。 五年九月,在孝宗以日易月釋服之後,未發引之前,慶元六年九月,亦在光宗以 遵 諫、兩省詳議 行。 |嘉定十七年閏八月,理宗即位,大享當用九月八日,在寧宗梓宮未發之前,下禮官及臺 稽之禮經,有『越拂行事』之文,『旣殯而祭』之說,則雖未 ,卽當在以日易月未釋服之內。 吏部尚書羅點等言:「本朝每三歲一行郊 今來九月八日,前祀 十日,皇帝散齋別殿,百官各受誓戒,係 乞下太史局,於九月內擇次辛日 前二日,朝獻景靈宮,前一日, 祀, 皇祐以來始講明堂之禮, ·葬以前,可以行 行禮 事 日 享太廟 則 在 且紹 易月釋 至今 閨 在釋 熈

宗咸 典,南郊、明堂,惟以太祖、太宗配,沿襲至今,遂使陛下追孝寧考之心有所未盡。」時朝散 父之祀,以父在故也。 南 太宗、寧宗並侑。」寶祐五年九月辛酉,復奉高宗升侑。 大夫康熙亦援倪思所著合宮嚴父爲言。上曰:「三后並侑之說,最當。 渡以來,事頗 淳五年,明堂大享,又去寧宗,奉理宗與祖宗並配。 淳祐三年,將作少監、權樞密都承旨韓祥言:「竊以明堂之禮,累聖不廢嚴父配侑之典。 不同。 及紹興末,乃以徽廟配。 高廟中興,徽宗北狩,當時合祭天地於明堂,以太祖、太宗配,非廢嚴 孝宗在位二十八年,娛奉喜父,故無祀父之 於是明堂之禮,一祖三宗並配。 是後明堂以太祖

遣官攝事。

皇帝親行大享

',禮成不賀

均爲 地 以太祖、太宗配。當時蓋拘於嚴父,故配帝幷及於眞宗。 以 崇兩 太宗則周之文王,配祭於明堂者也。此二祭者,萬世不遷之法。 者,皆無配天之祭。 辨正之者。今或者曰:后稷爲周之祖,文王、武王是爲二祧。 並 成王以文王爲祖 爭之,以爲詘祖 祇 配天者,避祖宗也。 配 祖 議 于明堂,奉太祖、太宗以配,惟禮專而事簡,庶幾可以致力於神,萬世行之可也。」 廟。 一廟,獨躋則患在於無名,並配則幾同於祫享。 今參酌皇祐詔書,請合祭昊天上帝、皇 出於此。 皆子孫世世所奉承者。 興 初,權 進父,然卒不能奪王珪、孫抃之諂辭。 ,則明堂非以考配明矣。王安石亦對以誤引孝經嚴父之說,惜乎當時 直獳等聞前漢以高祖配天,後漢以光武配明堂,蓋古之帝王非建 故雖周之成、康,漢之文、景、明、章,其德業非不美也,然而 禮部尚書胡直孺等言:「國朝配祀,自英宗始配以近考,司馬光、呂誨 有宋肇基創業之君,太祖是已。太祖則周之后稷,配祭於郊者 太祖爲帝者祖,太宗、眞宗宜爲帝者宗。 。今主上紹膺大統,自眞宗至於神宗 其後,神宗謂周公宗祀在 高祖爲漢之祖,孝文、孝武特 皇祐宗祀,合祭天地,固宜 皇祐以一祖二 子孫不可 成王之世, 邦 · 敢推 | 啓土 無有

外增道君皇帝一位,不合典禮。」權禮部侍郎陳公輔言:「今梓宮未還,廟社未定,疆土未復, 不及,理實未安。 七年,徽宗哀聞,是歲九月,中書舍人傳崧卿援嚴父之說,不幸太上諱問奄至,而大享 東部尚書孫近等言 [三] 「元年以來、祖、宗並配、今論者乃欲祖、宗並配之

我宋 李丽 寧宗並侑,至度宗復以太祖、太宗、高宗、理宗並配焉。 依故事合祭天地,祖、宗並侑。 太上升配,似未可行。」至嘉定四年,遂以太祖、太宗、高宗 臣竊意祖宗、上皇神靈所望於陛下者,必欲興衰撥亂,恢復中原,迎還梓宮,歸藏陵寢:以隆 崩,且欲因明堂之禮,追配上帝,謂是足以盡人子之孝,則於陛下之志,恐亦小矣。宜 無疆之業。 若如議者之言,以陛下貴爲天子,上皇北狩十有一年,未獲天下之養,今不

### 校勘記

(1) 內庭省司宿本所 太常因革禮卷三五作「內廷有所司者宿于本所」, 此處「省」字疑是「有」 字

之談

 $\subseteq$ 設宿爟火於望燎位東南 位之東南」,此處疑衍「宿」字。 太常因革禮卷三五、宋會要禮二四之四八都作「設權(同權)火於望燎

ここ 餘皆罷 「餘」字原脫,據長編卷一九七、編年綱目卷一六、通考卷七四郊社考補

以孔子之心推周公之志 「志」原作「祭」,據長編卷二〇〇、宋會要禮二四之三四、編年綱日卷

一七改。

正 仁宗嗣位之初 志 第 五 + 四 「仁宗」 校 勘 記 原作「真宗」,據長編卷二〇〇、朱會要禮二四之三五、編年綱目卷一七

改

- (K) 使配天之祭不廖於嚴父 「膠」原作「繆」,據同上書同卷改。
- (七) 九月辛巳 按編年綱目卷二三、通考卷七四郊社考,「九月辛巳」繋於元祐四年, 此處失書紀元

紀年。

- (元) 明年正月以彗出西方 綱目卷二七改。 「西方」原作「東方」,據本書卷二〇徽宗紀、宋會要禮二四之五七、編年
- (先) 堂脩二七「堂」字原脫, 據宋會要禮二四之六九、長編紀事本末卷一二五、通考卷七四郊社考
- 8 以銅爲文鹿或辟邪象 辟 原作「羣」,據宋會要禮二四之七三、通考卷七四郊社考改。

亞獻終獻盥洗罍爵洗罍幷篚勺巾各一

補。

「亞獻終獻盥洗罍一副幷篚勺巾,亞終獻爵洗罍一副幷篚勺巾」;五禮新儀卷三○則稱:「設亞 「虧洗罍」,原作「虧洗爵」。按宋會要禮二四之六〇作

終獻盥洗爵洗於本位之南,罍篚各設於左右,皆內(卷三九作西)向。」此處「爵洗爵」 應是 「爵洗

型」之誤,據改。

=**吏部尚書孫近等言** 「等」原作「專」,據繫年要錄卷一一四、通考卷七四郊社考改。

# 宋史卷一百二

## 志第五十五

禮五吉禮五

社稷 嶽濱 籍田 先蠶 奏告 祈禁

尺,五色土爲之。稷壇在西,如其制。 或少,卽許通攝,或別差官代之。牲用少牢,禮行三獻,致齋三日。 祭,刺史、縣令初獻,上佐、縣丞亞獻,州博士、縣簿尉終獻。 3. 豆各八, 簠、簋各二, 俎三。從祀箋、豆各二, 簠、簋、俎各一。太社壇廣五 社稷, 四面宮垣飾以方色,面各一屋,三門,每門二十四戟,四隅連飾罘題,如廟之制, 自京師至州縣,皆有其祀。歲以春秋二仲月及臘日祭太社、太稷。州縣則春秋二 社以石爲主,形如鐘,長五尺,方二尺, 剡其上, 培: 如有故,以次官攝,若長吏職官 其禮器數: 正配坐尊各 丈, 中植 高五

第五十五 禮五

志

以槐。其壇三分宮之一,在南,無屋。 慶曆用羊、豕各二,正配位箋、豆十二,山罍、簠、簋、俎

二,祈報象尊一。

湖元禮: 不薦爓 以答陰也,今社稷壝內不設北塘,而 有 牢。』今一用少牢,殊不應禮。夫爲一郡邑報功者,當用少牢,爲天下報功者,當用太牢。所 爓、己,次薦熟。社稷、五祀,先薦爓,次薦熟。 {{伯 南 ·春秋祈報太社、太稷,請於羊豕外加角握牛二〔ē〕。」又言:「社稷之祭,有瘞玉而無禮玉 向答陰之位,有司攝事, 『以血祭社稷』,社爲陰祀,血者幽陰之物,是以類求神之意。 建齋廳三楹,以備望祭。」 元豐三年,詳定所言:「社稷祝版、牲幣、饌物,請並瘞於坎, 更不設燔燎。 一.奠太社、太稷,並以兩圭有邸。 ,皆違經禮。 請以埋血爲始,先薦爓 則立北墉下少西。 有司攝事 請下有司造兩圭有瓜二,以爲禮神之器,仍詔於壇 , ,乃設東向之位, 非是。 次薦熟。 至於羣小祀,薦熟而已。 汪制曰:『天子社稷皆太牢, 古者祭社; 君南向於北墉下(三), 所 郊天先薦血,次薦腥,次薦 請設北塘 今社稷 諸侯社稷皆少 不用 又周禮大宗 ,以備親 血祭、又 前司

制。 遂下太常,修入祀儀。元祐中,又從博士孫諤言:祭太社、太稷,皆設登歌樂。大觀、議禮 ,取其堅久。 又禮,諸侯之壇半天子之制,請令州縣社主用石,尺寸廣長亦半太社之 先是,州縣社主不以石。禮部以謂社稷不屋而壇,當受霜露風雨,以達天地之氣,故用

局言:「太社獻官、太祝、奉禮,皆以法服;至于郡邑,則用常服。請下祭服制度於郡縣

自製,弊則聽改造之(四)。」

始 氣壇壝於觀橋之東,立石主,置太社令一員,備牲牢器幣,進熟、望燎如儀 紹興元年,以春秋二仲及臘前祭太社、太稷於天慶觀,又望祭於臨安天寧觀。 十四年 ?

奉衣、冠、劍、履,送西鎭吳嶽廟 「酤、扈蒙等分撰嶽、瀆祠及歷代帝王碑,遣翰林待詔孫崇望等分詣諸廟書于石。 又詔:「嶽、濱井東海廟,各以本縣令兼廟令,尉兼廟丞,專掌祀事。」又命李昉、盧多遜、王 遣使易之。 嶽鎭海瀆之祀。 廣南平, 遣司農少卿李繼芳祭南海 太祖平湖南,命給事中李昉祭南嶽,繼令有司製諸嶽神衣、冠、劍、履, ,除去劉鋹所封僞號及宮名,易以一品服。 六年,造使

凡河 後 日各祭於所隸之州 了,有不 決盜 太平興國八年,河決滑州,遣樞密直學士張齊賢詣白馬津,以一太牢沈祠加璧。 在封域者,遂闕其祭。 修塞皆致祭。祕書監李至言:「按五郊迎氣之日,皆祭逐方嶽鎭、海瀆。 ,長吏以 | 次爲獻官。」其後,立春日祀東嶽岱山於兗州 國家克復四方,間雖奉詔特祭,未著常祀。望遵舊禮 東鎭 沂山 於沂州 ,就迎氣 自兵亂 自是,

澶 河 東 瀆 海 於 廟 成 於萊 望祭。 都 州 府 准瀆 立 工 秋 冬 於 祀 日 唐州 祀 北 嶽 西 嶽 恆 立 華山 山 夏 · 、北 日 於 祀 鎭 華 醫 南 州 巫 獄 ,西鎭 閭 衡 山 山 並 吳 於 於 山 衡 定州 於 州 隴 南 州 北 鎭 會 鍞 西 海 就 稽 山山 北 河瀆 於越州 嶽 廟 並於 望 祭 南 河 中府 海 16 於 廣 西 挒 海 海 就 江.

,

緣 莆 府 行 號 里 公 於 今 温 禁 顯 了. IIII. 昭 通 嶽 樵 真宗 詔 其 聖 州 信 泉 言 北海 封 廟 靈 採 廟 泰 給給 江 源 封 江 爲 漢 州 在: 公 禪 王 近 靈 就 馬 以 畢 衡 , 泒 濟瀆 山 遣 , 當 霍 Ш 二十戶 侯 加 右 上 Ш ,亭山 號 廟 水 諫 爲 難 泰山 望祭。 議 府 南 於 以 神廟為 大 遍 改 嶽 奉 大夫薛 爲仁聖天 制 善安 望令壽 土王 神 洞 映 其 廣 社 江 日 計 禪侯 霍 、齊王 州 祀 河 首 LLI ; 中 長 中 祖 如 太平 | 吏春 門蘭 , 遣 嶽 府 遇 徠 嵩 水旱所 , 職 神廟 州 秋 山 山 比 方郎 采石 致 部 於 並 祭。 禁樵 河 員 爲 中沈 水及 中水 南 外 禮 靈 嚴侯 府 郎 採 維宗 非 官言 府 丁 诗 中 ",順 ,各遣官 顧 車 , 致 鎭 駕 言 聖 準 告。 霍 計 雖 次 平 別 Ш 澶州 澶州 前 於晉 致 江 勅 又 漢 封 . 王 告。 致 管以 祭告 祭 祭 威 州 雄 河 潤 詔 霍 瀆 州 泰 將 卽 廟 金 委 Ш 軍 爲 州 爲 祕 Ш 几 南 書丞 下 縣 部 炳 面 獄 奉 水 進 靈

牢 加 號嶽 備 及 \_\_\_ 神爲 祀 獻 汾陰 禮 順里金 , 命 庚 午 陳 天王 堯叟 親 認 祭 還至 華 西 陰 海 河 西 中 曹 嶽 , 廟 利 親謁 用 犁 祭汾河 臣 ( ) 愛河濱廟 層位 , 廟 車 及 駕 时 西海望祭 內 至 潼 外 褟 列 ,遣官 出 尶 增 仗 加 遺官 五月乙未 西 獄 分 及 奠 河 渣 廟 加 [大] J: 並 討 東嶽 用 神 太

帝自 天 日 八県 天 聖帝 齊仁 作奉神述 聖帝 命翰 ),備紀 林 南 獄 崇奉意 禮 日 官詳 司] 天昭 ,俾撰 定 儀 聖帝 () 册文。 注 及冕服 西嶽 有司 日 制 設 金大 度 五 順 嶽 崇 洲使 飾 聖帝 神 像之 , 一品鹵 北 禮。 獄 簿及 日 其玉 安 **授册**寅 天元 册 、聖帝 制 、塵仗、 , 如宗 中嶽 載 廟諡 一册輅 删-I Li

中持侍 迍 郎引五嶽玉 册, 尚衣奉袞 羣臣朝服: 冕升殿, 序班 上爲之興。 、仗衞如元 奉 册 一會儀 使副班于香案前,侍中宣 上服 衰冕(云),御乾元殿。 制日:

萷 「今加上五嶽帝號,遣卿等持節奉册展禮。」 ,降西階 副使受袞冕興于丹墀 ,隨册使降立丹墀西。 咸承制再拜。 玉册發,至于朝元門外,帝復坐。 奉册 使以次升自東階, 受册御坐

嶽 册· 册 使 (奉册升輅(も) 次于瓊林苑。 ,鼓吹振作而行。 及廟 ,內外列黃塵仗,設登歌。 東嶽、北嶽册次于瑞聖園 奉册 於車,奉袞冕於興,使副袴褶騎從, ,南嶽册次于玉津園,西嶽、中

三十員前 導。 及門 ],奉置 [幄次,以州 (長吏以下充祀官,致祭畢,奉玉册、袞冕置殿內。

獄 又 加 守護 加 E 者。 四 五 嶽 海 宿 渚 帝后號:東日 自 廟,遇設醮,除靑詞外 制 五 嶽 醮告文,遣使醮告。 淑明,南日 、增正 景明,西日肅明, 神位祝文。 卽 建 壇之地構亭立 北日靖明, 又改 唐州 石 上源 中日正明。 柱,刻文其上。 桐柏廟爲准瀆長源公, 遣官祭告。 詔

天 꺤 四 年: 從 郻 臺郎 皇甫 融請, 凡 修河致祭,增龍神及尾宿、 天江、天記、天社等諸星

在天河內者,凡五十位。

志第五十五 禮五

興公 高 天 脑 王 淵 遁 匹 加 年, 天 , 益 東海 政和 叉以 演 封 康定元 南 爲 封永濟王 、水位、水 淵聖 海 靈臺郎 洪 年, 一廣 聖 一廣 德 府、四瀆、 王大明言 詔 吳山 王 利 封 昭 南 江瀆爲 舊 順 海 ..., |汴 王。 九坎、天船、王 封 爲 成德 廣源王 洪 口 其五 祭 、聖廣 公, 河 鎭 , 利王 元 沂山 河瀆爲 兼 豐 一良、羅堰等十七星在 而 一,西海 八 箕、斗、奎, 舊封 年 顯聖靈 封 爲 東安公, 王 通 ; 聖廣 源王 醫 與 巫閭 一,准瀆 、東井、天津、天江、 潤 政 王 和 天 舊 三年 北海 河 爲 封 內省 廣 長 封 爲 寧公 源王 沖聖 五 , 會稽 咸 政和 廣 车 濟瀆為清源 池、積水、 澤 以儂 舊 封 封 泳 智 皇

Ш 舊 封 應 聖公, 政和 封 應 靈 東海 大觀 几 年 加號 助 順 廣 德 王

帝禮 紹 詔 興 從之。 -1 年, 太常博士黃 積厚言:「嶽鎭海瀆、 請以 每歲 四 77. Ħ 分祭東西南北, 如祭 Ŧi. 方

以

師

爵 大 致 後 (捷於 一,遣官詣明州行禮。」詔 惟 乾道 上南海 殊 廖 不 西 五年, 知通 神之 廟 ,歲時 太常 泰、 助 順 明、越、温、台 少卿林栗言:「 降 御 爲有功矣。 可 書祝 文,加封至 泉、 國家駐 且元豐間嘗建廟於明州定海縣, 福 八字王 蹕 皆東海 東 南 鄮。 , 分界也 東海 如 東海之祠 南海 紹興中金 實在 (云),但以 請依南海特封 封域之內。 人入寇, 李寶 隔絕 自 辽 八字王 渡 未 舟 江

之,庶 還 年 戒 禮 用 車。 並 4 隋以 一、大小 İĖ 分九 定儀 盛 有 純 又前 勞 月 神 色 以 二壝,寬博 籍 青箱 人又又 農、后 擅 青 隔  $\mathbb{Z}$ 酒 注:「依 田 百官 ,合設 典 隔隔 之禮 縚 八次之。 , 奉 示 帝 , 陳於 稷 穜 稱 盛 如 載 準 南郊置 ,歲不常 服 稑 賀 册 會於還宮之翼 取足容御 郊 唐 告廟及稱賀之制 箱 ,學士 種,覆以青吧。 觀耕 袞 唐 祀例 乾元 中。 冕 帝 廢其禮。 五使。除耕 改御 執執 臺高五尺,周四 講 故事 院 大禮使李 耕位。觀 .撰 鎭 大輦 雍 文 示 圭 日 熙 餘 青箱 一,親享 進 四年 ,服通天冠、絳紗袍,鼓吹振作而還。 加 並 地 是書。」以· 望 穜 , 耕臺大次設樂縣、二 防言. 權 朝陽門七 雕 今請前 稑 舊無其制 加 神農 用 ,始詔以來年正月擇日有 飾。 親 + 卽 大祠 :「按通禮 早晚 鹵 禮 步 祀 ,以后稷 簿使 四 畢 南 之制 里外爲先農壇 日告南 之種 清用 ٠, 郊 陛 收 之制 賈 , 乘 , 於禁中 了, 不 配 黄 没竹木為· 皇帝散 如壇色。 郊、 中言 耕 , 備 撑 舞。 定穀名,請用 根 太廟 ٠, 日 車 獻 以示 之而 復 齋 一,高 大 御耕位在壝門東南 一,今請 其青城設於千畝之外。」 八宴。」詳古  $\equiv$ 用 , 逐 九尺,四陛 事 無蓋 稼 耕 象輅載 日 行 於東郊 , 穡 禮 改 三推 御乾 致 定所 艱 畢 黍、稷、秫、稻、粱、大 乘 , 兩端 齋 耒 難 玉 之禮 /言:「御· 之意 輅 元門大赦,改元端 耜 百 周四 一設襻, 行 日 官 以 , 載 籍 , 稱 諸 耒 畢 重 百 田 +其祭 賀 耒 官 飾以 事 其 耜 侯耕位 步 於 耜 事 不 於 青 叉言 先 解 - 受誓 耕 飾 所 具 城 小 五. 根 次 以 司

志

文武 遞進官 有 二月七日,宴羣臣於大明殿,行勞酒

禮閣新儀並云 耜,躬耕帝籍。』先儒皆云:元日 {春 秋傳曰:『啓蟄而 德 四年 上辛祀昊天,次云吉亥享先農。 ,判太常 郊, 禮院 郊而 孫奭言:「來年 後 耕。」 ,謂上辛郊天也;元辰,謂郊後吉亥享先農而耕籍也。<u>六</u>典 **阴冷曰:『天子以元日** 畫 日 Ė, 望改用上辛後亥日,用符禮文。」 月一日享 1祈穀于 先農, 上帝。 九 日 上辛祈 乃擇元 辰, 祀上 親載未

靈宮 明道 ,州都就告嶽、瀆、宮、廟。其禮一如端拱之制,而損益之。 元年,詔以來年二月丁未行籍田 禮,而罷多至親郊。遣官奏告天地、宗廟、諸陵、景 禮成,遣官奏謝 如告

水灌其 **掛作人牛廬舎之屬,繪圖以進。 已而殿成,詔以思文爲名** 東 以 卒之知田 給 南菱地拜民田共千一百畝充籍田外,以百畝建先農壇兆,開阡陌溝漁,置神倉、齋宮井 雜費,輸其餘於內藏庫,著爲令。 元豐二年,詔於京城東南 一,幷植果蔬,多則藏冰,凡一歲祠祭之用取具焉。 事者爲籍田兵。 乃以郊社令辛公佑兼令。公佑請因舊鏺麥殿規地爲田 度田千畝爲籍田,置令一員,徙先農壇於中,神倉於東南 權管幹籍田王存等議,以南郊鏺麥殿前地及玉津園 先薦獻而後進御,有餘 引蔡河 則貿 ī, 取 錢

赦之類; 政 和 太史局擇日不必專用吉亥; 元 年,有司 一議:享先農爲中祠,命有司 耕籍所乘,改用耕根車, 罷乘玉輅; ·攝事,帝止行耕籍之禮; 程命 躬耕之服,正用 五使及稱質、

穀 IE 通 如如 員 天 冠、 隋之制 品官及 絳 紗袍 上 一百官並 尋復以 將 軍 攝 耕 (九); 刺服 籍爲 大洞 設 倣 庶 雍 依 人耕位 熙儀注 四 孟 於諸侯耕位之南 朝享例行 一,九卿以左右僕射、六尙書、御史大夫攝 禮 叉 命 以 禮 成終敵 制局修定儀 之禮 注 備 清箱 ,諸侯以 設 九

退 並 官 設 议 常 百 小 南 取 成 一,俱 青 未 稍 人 , 小 御 從 儀 御 、字豆 常常 衣 耜 耕 耕 排 孟 北 退 南 各 萷 春之月 制 犁 牛 褥 向。 北 服 親 於 臣 位 期 四 牛 陪 具. 位 王 上。 向 御 于 ,殿 位 畿 郝 等每 於御 每每 大 太 壇 內諸 於 百 中 之 設 籍 奉 監設 、史擇上 庶 , 每 員 所 青箱官位於後 西 司 耕 具正 令位 人 之東南 三人,執 兩 農 位 稍北 御 尙 位二, 牛用 一辛後 庶 坐于思文殿,儀 南 副 含設 人之東 牛 , 西 ; 隨 西西 政二 二,隨牛 一在 太 吉 觀 向 牛 僕 向 日 耕 、西向 人 卿位 ,皇帝親耕 御 左 人 諸 司 北 坐於 輔之後 二人。 農 從 耒 執 上。 於耕牛之東 耕 少 耒 燻 耜 壇 卿 尙 耜 奉 司 百 \* 輦局 , 上 位 羣官 禮 者位 庶 籍田 '設文武官次殿門外之左右。 具 郎設 人 在 备 南 公卿 設玉輅於仗內。 於 耕 , 其 向 名 資本席: 命有司 位 庶 五 稍前 南 耕 在 人 + 助 典儀 , 者後 位 具 從 耕 並 , 前 以是日 耕官位 南 於三 鋪 , 並 西 設 大 太 , 向 向 服 侍耕羣臣 侍 一公之北 + 前 社 絳 享先農、后稷 之南 耕 太常 籍 期三 令 衣 五 者 田 具 位 前 介幘 設左 行,稍 令三 E ()以木 位 西向 司 農 其 , 司 西 西 於 輔 , 向。 御 日 少 農以 爲 三公以 鹊 位 南 早 耕之東 于 卿 庶 刃。 位 向 於 本 , 之 人百 青箱 īi 御 奉 壇 西 耆老 | 農卵 次羣 耕之 禮 太 , 四 少 (僕 郎 如

九 稒 陸之種 進 內。 前二日,皇后 率六宮獻于 ・皇帝 受于內殿。 前一 日 降出 付

前 位 請 倘 進輦 殿中侍御史一員先入就位, 常 之、詣耕籍所 人、陪耕耆老先就位,司農卿、籍田令、太社令、奉青箱官、諸執耒耜者以次就位 耒 受 含先 前 籍 耜 未 少東 田 思文殿。左輔奏請中嚴, 從耕、陪耕等官服朝服以俟耕。 先詣 其 將至 田 耜 令進詣御耒席 一設黃道,太常請降輦就位 日 令 授 質明 壇 北 解 一耕所 所。 可農卿,以授籍田令,各復位。 縚 "置于席,遂守之。 ſίij , 左輔 111 ,文武侍耕、從耕以下及耆老、庶人俱詣籍田 尙輦 未執 太常 奉 南向台。 奉御設平輦於祥曦殿,皇帝鞾袍出 未耜 卿 末 奏請 與'束向立 載 次禮直官、宣贊舍人等分引侍耕、從耕羣官各就位。 予于王 少頃,奏外辦。 受末 引司 凡執耒耜者横執之,受則先其耒後其耜 一格訖 旣降輦,太常卿前 耜 農卿詣 ,以授司 車駕至思文殿,進膳訖 ·,左輔: (10),耕筑 籍 執以進 籍田 ,農卿、司 田 皇帝通天冠、絳紗袍,乘輦出。 籍使朝服乘 令東西向,籍 令跪而納於縚 導至 執 農卿 耒 .自內東門,從駕臣僚禁衞 者助執之。 褥位南向 車,用本品 西 西門外立班 ,左輔以御耒耜授籍田令,横 向立,以 田 1,執耒 令俛伏跪, 立,奏請 鹵簿,以儀仗二千人衞 授左 皇帝受以 興,以授執事 ,再拜奉迎訖 諸縣令率終畝 輔 執 行禮。 , 將 左 事 三推 至 者 輔 佝 輦 奉 御史臺引 並起居 一御耕位 以縚 禮直 詣 者 ,左輔 ,各就 御 退 受 富 耕 御 庶 執 如

退。 所 乖 向 升 耜 北 壇 Щ 降壇 禮 所 皇帝 上 觀 稲 司 直 立 耕 放 官 ,復位 乘 初耕,諸執耒耜者以 播之。 仗以 禮直 引 [i]立 俟,皇 農 官 次司 近少卿帥 引三公、三少、宰臣、親王 前 帝常 農 導官導皇 左 左 少 庶 卿 服 輔 人以次耕于千畝 還 帥太社令檢校終畝 耒耜各授從耕者 奏解嚴 一帝升壇 內 , 侍 衞 ,侍耕、從耕官皆退。 如常 卽 御 各 儀 坐 , 五 候 禮直官引太常卿詣 南 推 紹興 耕 向 ·, 餘 次司 少 七 頃 從 漕 農卿詣 年 耕官各九推、訖、執 直官 次籍 禮 ·, 始 直官 、太常博士、太常 學享 御 田 令以青箱 前 引 御位前 先農之禮 北 左 向 輔 俛 品 北 伏 授 耒 御 向 跪 듥 ,以立春後亥 坐 耜 卿 奏省 農 前 者 奏請 近 卿 跪 前 東 功畢 計 受耒 皇帝 奏 , 禮 耕 西

日

行

獻

禮

+

六年,皇帝

親

耕

籍

田

, 並

如

舊

制

事 胙 壇 先 如常 F 諡 北 於公 先蠶 禮院 方 儀 之禮 , 又言:周禮 」又按唐會要:「皇帝遣 南 [ń] 削 久廢,眞宗從王 享 尙宮初 五 匠,『鑑』 日 諸 獻 於北郊』 與享官 欽若 尙 儀 有 散 請 亞 司 獻 齋三 , 以純陰也 享 詔 尚 先 有 日 蠶 食 司 , 終獻 如 致 檢 先 齌 討 漢蠶 農 故 女相 미 日 事 於東郊,以春桑 也。 以 引三獻之禮 享 聞 乃詔:「自 日 按開寶 未 朗 五 , 女祝讀文, 刻 通 今依先農例,遣官攝 生也。 ]禮:「季春 設 先蠶 請約 氏 吉巳, 附故 飲福 神 坐 受 於

志

第

Ŧī.

+

築壇 東郊 從桑生之義。 壇高五尺,方二丈,四陛,陛各五尺,一遗,二十五步。 **祀禮** 如

以享先蠶無燔柴之儀,則先蠶非天駟星,明矣。 餘如故事。」 دناً ع 享先蠶氏。 開元享禮: 慶曆用羊、豕各一 唐月令注:『以先蠶爲天駟。』按先蠶之義,當是始蠶之人,與先農、先牧、先炊一 爲壓坎於壇之壬 ,攝事獻官太尉、太常、光祿卿,不用樂。 地。 而郊祀錄載先蠶祀文,有『肇興蠶織』之語,禮儀羅又 。今請就北郊爲壇,不設燎壇,但瘞埋以祭, 元豐詳定所言:「季春吉巳,

陰之義。」詔從其議,命親蠶殿以無斁爲名。 又詔:「親蠶所供,不獨袞服,凡施於祭祀者皆 尊。』則蠶爲陰事可知。 數 做古制,於先蠶壇側築蠶室,度地爲宮,四面爲牆,高仭有三尺,上被棘,中起蠶室二十七, 丞,以供郊廟之祭服。又獨官內宰:『詔后帥內外命婦蠶於北郊。』 鄭氏謂:『婦人以純陰爲 別構殿一區爲親蠶之所。 黃之,以爲郊廟之祭服。今旣開籍田以供粢盛,而未有公桑蠶室以供祭服,尙爲闕禮。 ,爲桑林。築採桑壇於先蠶壇南,相距二十步,方三丈,高五尺,四陛。 凡七事。置蠶官令 政和禮局言:「禮:天子必有公桑蠶室,以興蠶事。 開元禮:享先蠶、幣以黑、蓋以陰祀之禮祀之也。 做漢制,置繭館,立織室於宮中,養蠶千薄以上Go。度所用之 歲旣畢,則奉繭而繅,遂朱綠之,玄 請用黑幣,以合至

用之。」

施帷 右。 司 卓 先蠶 宣 又設內命婦妃嬪以下次於殿之左右 和 氏 於採桑壇外,四面開門,設皇后幄次於壇壝東門之內道北 元 /于本壇。 年三月,皇后親蠶 前期 ,殿中監 即延 削 腷 尙舍設坐殿上, 宮行禮。 ,外命婦以下次於殿門內外之左右 其儀:季春之月,太史擇日,皇后 南向; 前楹 尬 南 簾, 設東 向 ,隨地之宜, 四 閣殿後之左 親蠶 一,命有 量

執皇后鈎箱位於皇后採桑位之北,稍東,南向,西上。 **婦等位於外命婦東**,北向,俱異位 婦等位於外命婦之東,南向;以內命婦一員充詣蠶室(言),授蠶母桑以食蠶。設從採桑外命 南 北向 尚功執鈎,司製執箱, 內外命婦鈎箱者,各位於後,典製執鈎,女史執箱。 其日 ,俱異位 ,<br />
有司設<br />
褥位<br />
壇上<br />
少東,<br />
東向 重行西上。 內外命婦, 「重行西上。 一品各二人;二品、三品各一人。又設從採桑內命 設內命婦位壇下東北,南向; 。設執皇后鈎箱者位於內命婦之西, 設外命婦位 又於壇上設 少南 壇下 , 西 東

詣殿 至親蠶所,授內謁者監以授執鈎箱者。前一刻,內命婦各服其服,內侍引內命婦妃嬪以下, 日 未明,外命婦應採桑及從採桑者,先詣親蠶所幕次,以俟起居,各令其女侍者進鈎箱 庭起居訖 前出宮一日,兵部率其屬陳小駕鹵簿於宣德門外,太僕陳厭翟車東偏門內,南向。 ,內侍奏請中嚴 少頃,又奏外辦。 皇后首飾、鞠衣,乘龍飾肩輿如常儀,

志

第

五

之車。 升 內 採桑者俱就壇下位,諸執鈎箱者各就位。內侍奏請中嚴;少頃,奏外辦。皇后首飾、鞠衣,乘 興,少退。 以 肩 一后採桑三條,止,以鈎授尙功,尙功受鈎,司製奉箱俱退,復位 · 壇就位次,內侍引尙功詣採桑位前酉向,奉鈎以進,皇后受鈎採桑,司製奉箱進以受桑, 東,內侍前導至壇東門,華蓋、仗衞止於門外,近侍者從之入。內侍奏請降肩輿,至幄次 行 帷 至親蠶所殿門,降車,乘肩興入殿後西閤門,侍衞如常儀。 出內東門至左昇龍門。 又內侍至幄次,請行禮,導皇后詣壇,升自南陛,東向立。 御者執綏升厭翟車,內侍詣車前奏請車進發,出宣德東偏門,執事者進鈎箱,載 內侍跪奏:「具官臣某言,請降肩興升厭翟車。」 內侍先引內外命婦及從 執鈎箱者自北陛以次 訖, 俛伏,

引內 命 次。 受之,內外命婦一品各採五條,二品、三品各採九條,止,典製受鈎,與執箱者退 侍各引內 婦 食蠶 少頃 命 初 婦 ,皇后採桑,典製各以鈎授內外命婦,皇后採桑訖,內外命婦以次採桑,女使執符者 治部 ′,奏請 圖,洒 外命婦退,復位。 置至 乘肩 尚 薄訖 功帥 興如 ,內侍引內外命婦各還次,皇后 執鈎 初。 內侍詣皇后前 箱 內侍前導,皇后歸殿後閣,內侍奏解嚴 者以 次 從至 奏禮畢,退,復位。 蠶室 倘 功以桑授蠶 湿宫。 內侍引 母,蠶母 皇后 初, 受桑縷切之,授內 降自 皇后 降壇 了, 復位。 南 陛 , 歸 內 幄 內

宣 和 重定親蠶禮,外命婦、宰執丼一品大人升壇侍立,餘品列於壇下。 六年閏二月,皇

位、改元、更御名、上尊號、尊太后、立皇后太子、皇子生、籍田、親征、納降、獻俘、朝陵、肆 時果代,用祝幣,行一獻禮。 齎、山川、宮觀、在京十里內神祠。 赦、河平及大喪、上諡、山陵、園陵、祔廟、奉遷神主,皆遣官奏告天地、宗廟、祉稷、諸陵、嶽 歷代因之。 葺 山山 名臣陵 同。 、城隍、征 爾及 ,祀感生帝,雩祀,祭方丘,明堂、神州地祇、圜丘,並遣官告祖宗配侑之意。 他大事:即 廟去路十 如 子張、子夏廟 遷 神主 揚州 宋制:凡行幸及封泰山,祠后土,謁太清宮,皆親告太廟。三歲郊祀,每歲祈穀 古者,天子將出,類于上帝,命史告社稷及圻內山川。又天子有事, 河東 里內者,各令本州以香、酒、脯祭告。建隆元年,太祖平澤、潞,仍祭祇廟、泰 ,修畢奉安。 ,他如儀。 ,並用此禮。 若車駕出京,則有軷祭,用羝羊一。所過州郡橋 是歲 其儀用犧奪、箋、豆各一,實以酒、脯、醢。 十一月,詔以郊祀前一日,遣官奏告東嶽、城隍、浚溝廟 四年, 修葺太廟, 遣官奏告四室及祭本 廟上神。 梁、山川、帝王 宮寺以素饌、 必告宗廟。 凡修

太平 志 興國 第 五 + 五 一年十一月,車駕北征。前一日,遣官祭告天地於圜丘,用特性,太廟、社稷用 五 禮 五 二四九七

五

1 1 遣官奏告外,又祭九龍、黃溝、扁鵲、吳起、信陵、張耳、單雄信七廟,後又增祭德安公、嶽臺 遣 諸神廟 騗 ,又遣謝玉清昭 内 牙 9/3 侍 於北 · ,望祭嶽黂、名山、大川於四郊,磔風於風伯壇,祀雨師於本 、為定式 一人監祭。 郊 並 用 少牢; 應 咸平中北征 景 靈 祭北方天王 上清 禮 太一宮、 同。 一於北郊 八年,滑州 會靈 迎氣 祥源觀 壇,用香、柳枝、燈油 合河 及 口 諸 軍工, 陵。 , 遣官告天地、 壇,禱 雍 熙四 、乳粥、酥蜜餅 馬於馬祖 年 ٠, 詔以 嶽瀆,後天禧 壇,祭蚩尤 親 耕 、果。仍

觀; 韓岛配享,告英宗廟。 以 地 神 尊大帝 廟 遣 蟲 、宗廟、社 使修好 뗴 ,東還,奏告如常儀。 其在 螣 淳化三年十二月將郊,常奏告外,又告太社、 爲 天聖七年,玉清昭應宮火,造告諸陵。十年,大內火,造告天地、廟社 外者 沴 • 天禧元年,奉迎太祖聖容赴西京,遣官奏告如常儀,及經由 一稷。五年,聖祖降,告如封 遣官奏告諸陵。 ,減奪號四字,告天地、宗廟。 ,乘傳以往。澶鄆兗州高陽、帝嚳、帝堯,亦皆告之。 元符三年四月朔,太陽虧,遣官告太社。 大中祥符元年,天書降,及封禪,告天地、宗廟、社稷及諸 四年二月次西京台 河禪禮。 熙寧七年,南郊雅飾,奏告太廟、后廟。 六年,宮庭嘉禾生,遣官告廟及玉皇、聖祖 太稷及文宣 遣告汾陰、中嶽、太行、河、洛、啓母 、武成等廟。 大觀元年十二月,以恭受八 四年,加五 五里內井西京城內外 景德二年,契丹 **嶽帝號**, 明道二年,詔 洞、廟 八年,以 少姨 占

志第五十五 禮五

四年二月,皇長子冠,告天地、宗廟、社稷、諸陵。 寶 ,告天地、宗廟、社稷。<br />
政和二年冬至,受元圭,禮同。<br />
三年二月,以太平告成,册告諸陵。 五年,建明堂,告如上禮,及宮觀、嶽瀆。

明年,上玉璽;端平元年,獲完顏守緒函骨;淳祐五年,進光宗寧宗兩朝寶訓、經武要略、 講 及巡幸、納降、獻俘之屬,並仍舊制。 渓、繪要,經武要略:皆告天地、宗廟、社稷、欑陵。 其餘卽位、改元、受禪、册寶,皇子生、冠集、會要,經武要略:皆告天地、宗廟、社稷、欑陵。 其餘卽位、改元、受禪、册寶,皇子生、冠 (史),景定二年,進孝宗、光宗實錄,皇女周國公主下降;<br/>
|咸淳四年,安奉寧宗理宗實錄、御 (正牒、日曆、會要;寶祐元年,皇女延昌公主進封瑞國公主,文封昇國;五年,進中興四朝 人叛盟興師 和誓文;二十四年,進徽宗御集;二十六年,進太后回鑾事實;二十七年,進玉牒仙源 ,刊正憲聖慈烈皇后聖德事跡,進光宗玉牒;十四年,進孝宗寶訓;十五年,得玉璽; 高宗建炎已後,事有關於國體者,皆告。紹興九年,金人遣使議和割地;十一年,詔撰 明年,進神宗寶訓,進祖宗仙源積慶圖,進徽宗實錄,進祐陵迎奉錄;三十一年,金 ·;開禧二年,吳曦伏誅;嘉定七年,進高宗中興經武要略;十三年,進宗藩慶

新報。 照官:「太祝掌六祝之辭,以事鬼神,示其福祥。」於是歷代皆有襘禁之事。 宋因

毫之太清、明道宮,兗之會眞景靈宮、太極觀, 鳳翔之太平宮,舒州之靈僊觀,江州之太平 再幸 觀 雄信等廟,亦祀之。 五龍堂、城隍廟、九龍堂、浚溝廟,諸祠如子張、子夏、信陵君、段干木、扁鵲、張儀、吳起、單 ,泗州之延祥觀,皆函香奉祝,驛往禱之。凡旱、蝗、水潦、無雪,皆榮禱焉。 ,或徹樂、減膳、進蔬饌,或分遣官告天地、太廟、社稷、嶽鎭、海瀆,或望祭于南北郊,或 祈、有報。 祈,用酒、脯、醢,郊廟、社稷,或用少牢; 其報,如常祀。 或親禱諸寺觀,或 或啓建道場於諸寺觀,或遣內臣分詣州郡,如河中之后土廟、太寧宮,

青龍 之大小及龍之修廣,皆以五行成數焉。 音樂、巫覡。 ·長東齋三日, 詣龍所, 汲流水, 設香案、茗果、資餌, 率羣吏、鄉老日再至祝酹, 不得用 咸平二年旱,詔有司祠雷師、雨師。內出李邕祈雨法:以甲乙日擇東方地作壇,取土造 雨足,送龍水中。餘四方皆如之,飾以方色。大凡日干及建壇取土之里數,器 詔頒諸路

以 又設皂幡,刎鵝頸血置槃中,楊枝洒水龍上,俟雨足三日,祭以一豭,取畫龍投水中。 丈三尺, 壇外二十步, 界以白繩。 庚、辛、壬、癸日,刺史、守令帥耆老齋潔,先以酒脯告社令訖,築方壇三級,高二尺,闊一 十星; 景德三年五月旱,又以畫龍脈雨法,付有司刊行。其法擇潭洞或湫濼林木深邃之所, 中爲白龍,吐雲黑色;下畫水波,有龜左顧,吐黑氣 壇上植竹枝 ,張畫龍。 其圖以縑素,上畫黑魚左顧,環以 如綫, 和 金銀朱 丹飾 龍形。 大中

祥符二年旱,遣司天少監史序祀玄冥五星於北郊,除地爲壇,望告。 已而 雨足,遣官報謝及

社稷。

澤及物,安可闕禮?」特命祭之。 天齊、五龍用 初 ,學士院不設配位,及是問禮官,言:「祭必有配,報如常祀。 中祠、祆祠、城隍用羊一、八箋、八豆。舊制、不祈四海。 當設配坐。」 帝曰:「百谷之長,潤 又諸神祠

四年十二月,詔以來歲正旦日食,命翰林學士承旨王珪祭社 河瀆及靈津廟。 分析,投龍處不得開建道場。」康定二年三月,以黃河水勢甚淺,致分流入汴未能通濟,遣祭 帝宣論:「近內臣南中勾當迴,言諸處名山洞府,投送金龍 天禧 四年四月,大風飛沙折木,畫晦數刻, 又澶州曹村埽方開減水直河,而水自流通,遣使祭謝;後修塞,禮同。治平 命中使詣宮觀, 玉簡,開啓道場,頗有煩擾。 建醮禳之。 天聖三年 九月, 速令

事。諸路擇端誠修潔之士,分禱海鎭、嶽瀆、名山、大川,潔齋行事,毋得出謁宴飲、賈販及諸 太常禮儀院王存詣南嶽虔潔致禱,仍建祈福道場一月。又以西江運糧獲應,命本州長吏往 齋致禱。 煩擾,令監司察訪以聞。諸路神祠、靈跡、寺觀,雖不係祀典,祈求有應者,並委州縣差官潔 |熙寧元年正月,帝親幸寺觀祈雨,仍令在京差官分禱,各就本司先致齋三日, 已而雨足,復幸西太一宮報謝。 九年十一月,以安南行營將士疾病者衆,遣同 然後行 . 知

志第

Ŧī.

環繞,誦呪曰:「蜥蜴蜥蜴,興雲吐霧,雨令滂沱,令汝歸去!」雨足。 十三歲下、 师 + 十歲上者二十八人,分兩番,衣青衣,以青飾面及手足,人持柳枝霑水散 年 月,以 夏旱,內出蜥蜴祈雨法:捕蜥蜴數十納甕中, 漬之以雜木葉, 洒 擇童男 晝夜

祈禱。」上曰:「霖雨地震之災,豈非兵久在圖,調發供餽,民怨所致。當修德以應之,又可 祈晴,即日雨止。 禱諸陵。又令南京等處長吏,詣祖宗神御所在建置道場。紹興二年三月苦雨,命往天竺山 觀寺院,開建道場七晝夜,內外獄囚並設食三日。」八年,太皇太后違豫,祈禱如元豐,仍致 醮 作 年,詔:「太皇太后本命歲,正月一日京師及天下州軍,各齋僧尼、道士、女冠一日,在京宮 於集禧觀,且爲民祈 脏 福道場於寺觀及五嶽、四瀆凡靈跡所在。 八年,帝疾,分禱亦如之。 元 【豐元年十月,太皇太后違豫,命輔臣以下分禱天地、宗廟、社稷,及都 四年,知樞密院張浚言:「四川自七月以來霖雨地震,乞製祝文,名山大川 福。 元站元年十二月,以華州鄭縣山摧,命太常博士顏復往祭西嶽 又以京城火災,建 內諸 神 叉

秋浸高,股朝夕思之,不遑安處。已遣人於三茅山設黃籙醮,仰祝聖壽。」是歲七月,張浚等 建 康 府元符萬歲宮修建祈福道場三晝夜,務令嚴潔,庶稱股心。」又謂輔臣曰:「宣和皇后春 七年正月一日,詔:「殷痛兩宮北狩,道君皇帝春秋益高,念無以見勤誠之意,可遣官往

高,高者其苗有槁意矣,須精加祈 言:「雨澤稍愆,乞禱。」上曰:「朕患不知四方水旱之實,宮中種稻 薄,欲知農桑之候,久雨葉濕,豈不有損。」乃命往天竺祈 薦,以救旱暵。」 八年,宰臣奏積 晴。 雨 兩區,其一地下,其 傷蠶 ,上曰:「肸宮 中自 地

臨安 ,當行報謝之禮。」從之。 三十二年,太常少卿王普言:「逆虎誅夷,虜騎遁去,兩准無警,舊疆寖歸。 嘉定八年 八月,蝗,禱于霍山 九年六月蝗,禱羣 祀。 茲者, [11]

蠶

年六月大旱,命侍從禱于天竺觀音及霍 山 洞

## 校勘記

爓 「爓」原作「爛」,據通考卷八二郊社考、禮記郊特性

 $\Xi$ 君南向於北 墉下 「墉」原作「堀」,據通考卷八二郊社考、禮記郊特牲 改。 下同。

 $\subseteq$ 加角握牛二「牛二」二字原倒,據長編卷三一七、長編紀事本末卷七九乙正。

四) 弊則聽改造之 「弊」原作「幣」,據宋會要興服四之二二改。

(至) 丁顧言詣澶州祭告 「澶州」原作「潭州」。 據上文及長編卷七○、通考卷八三郊社考改

(六) 上服袞冕 上 原作「改」,據長編卷七六、通考卷八三郊社考改。

(中) 册 使奉 **i** 升輅 原作「册升奉册使略」。 殿本考證謂此句必是「冊使奉册升略」, 據通考您八三

第 五 + 五 校 勘 記

志

郊社考改。

(云)如東海之祠 「祠」原作「詞」,據通考卷八三郊社考改。

(元) 諸侯以正員三品官及上將軍攝 「正員」下原行「以」字, 據五禮新儀卷首 通考卷八七郊社

(考 删)

8 左輔奉耒耜載于玉輅訖 「訖」原作「乞」,據宋會要禮六之三〇改。

御末 席 南向 按 五 禮新儀卷一二七作「御耒席南北向」,通考卷八七郊社考作「御耒席南北 面

疑此處「南」字下脫「北」字。

 $\cong$ 養蠶千薄以上 「千」原作「於」,據五禮新儀卷首、長編紀事本末卷一三三、通考卷八七郊社考

改

(三) 以內命婦一員充詣蠶室 疑「充」字衍,或其下有脫文。

授內 命婦食蠶 「食」字原脫,按通考卷八七郊社考作「以授婕妤食蠶」, 據補。

三 四年二月次西京 「四年」原作「五年」,據本書卷七真宗紀、長編卷六五 改。

## 宋史卷一百三

## 志第五十六

禮六吉禮六

司寒 朝日夕月 七祀 九宮貴神 馬祖 高碟 酺 神 大火 壽星靈星 風伯雨師

月二。 暮 王博文言,詳定:「準禮,春分朝日於東郊,秋分夕月於西郊。 又曰:『春朝朝日,秋夕夕月。』 見日 朝日、夕月。 夕。』按禮,秋分夕月。 未前十刻,太官令率宰人割牲,未後三刻行禮。 慶曆,用羊豕各二,籩豆十二,簠簋俎二。 蓋其時晝夜平分,太陽當午而陰魄已生,遂行夕拜之祭以祀 唐柳宗元論云:『夕之名者, 蓋是古禮以夕行朝祭之儀。 朝拜之偶也。 國語:『太采朝日,少采夕月。』 天禧初,太常禮院以監察御史 古者旦見曰朝, 叉按

志

第

五

十六

禮

六

二五〇五

禮 如 降入坎深(三),然後升壇。 不合,從舊則 壇 皇祐,無所改。 生引司天監官分獻,上香,奠幣、爵,再拜。嘉祐加羊豕各五。 一,舊高 云:從子 七尺,東西六步一尺五 至巳爲陽,從午至亥爲陰。 適小 中興同。 ,如<u>唐</u>則坎深 (三)。今定坎深三尺,廣四丈,壇高一尺,廣二丈,四方爲陛, 壇皆兩壝, 壝皆二十五步。增大明、夜明壇山罍二, 籩豆十二。 寸; 增為八尺,廣四丈,如唐郊祀錄。 參詳典禮,合於未後三刻行禮。」 皇祐 五禮新儀定二壇高廣、坎深 夕月壇與隋、唐 五年, 定朝日 制 度

壇上置· 小 建 祀 由 之。 壇 九 壇增 宮壇 , 相 小 其 兩 去 泰山 九宮 九宮神位,在國門之東郊。 壇 遺,玉 各八尺,四 九,每日 下 神 行宮之東,壇二成,成一尺,面 用 壇 壇高一尺五 再成 兩圭有 隅 各留 第 邸, 一成 五 藉 用 寸,縱廣 尺。 東西 壇下 南 壇之制,四陛外,西南又爲一陛曰坤道,仰行事 北各百二十尺,再成東西 八尺,各相去一丈六尺。 加 兩壝,依大祠禮。 褥 如幣 各長五 色, 其御書祝 丈二尺,四 及祀汾陰,亦造使 陛 南北各 初用 禮 及坤 如 中 社 道各 稷。 祀, 一百尺,俱高三尺。 心祀馬 廣 咸平中改爲大 尋以  $\mathcal{T}_1$ 丈。 封 者升降 自後親 禪 上九 別

郊

恭謝,皆遣官於本壇別祭。

景站 郊 二年,學士章得象等定司天監生于淵、役人單訓所請 良 遇九宮法,有飛棋立 成圖 每歲 一移 推 九州 所 主災福 祀九宮太一依逐年飛移位 事 又 脏 術 土 蘇 嘉 慶

若 太 遇 載 嵗 171 始 兵推 三(五)。 祭 改位 置 太 ,戴九履一,左三右七 九 陰 九宮 在一宮、歲進 今于淵等所請 增 、宮之時 行 數 正, 正 議者 壇三成。 神 於 棋,謂之飛位 南 口 壇 1或謂 曰天一,中央曰天符,北曰太一,西南 遣 復,候 ,一成,高三尺,四陛。上依位次置九小 司 又禮 不 天監 ,合天寶初祭之理,又合<u>良遇飛棋之圖。然其法</u> 位 神於 必 官言 一飛棋 飛宮, 一員詣 ,二四爲上,六八爲下 恍忽 自乾 二一歲零 巡行 ,因方弭 岩日月 元以後,止依 洞 所 祀外,水旱稍久,皆遗官告天地、宗廟、社稷及諸寺觀、宫 周 隨 是辰 m 沴 復 每 ',隨氣考祥〔〕,則飛位之文固 始 躔次周流 年 本位祭之, 貴 ,符於遁 ·神飛棋之方,旋定祭位,仍自 詔 日 可。 而祭有 攝提,正西 壇 甲, 遂不飛易,仍減冬、夏二祭。 慶曆 此 常 儀, 東南 則 所 日 九宮定位。 郁 咸 1-1 本術家 此 坐籩豆 池 招搖, 則 西西 定 可 位 遒 11 ,時祭之文經禮不 十二, JF. 之祀 歲祭以 大里 用 東 青 所當 簠簋 己 龍。 請 事: 回孟 巨人 依 轅 五. 或 從 州 唐 一數爲 朝 東 , 悸, 隨 北 因

皇祐 駒, 九宮貴 神 今 列 大 祀 亦 宜 蓮 此

初。 故經 熈 寧 言 几 "『太歲有陽九之災,太一有百六之厄,皆在入元之初終。』今陽九、百六當癸丑 年 • 司 天 中官正 周琮 言:太一經推算,七年 甲寅歲、太一 陽 九、百六之數,復元之

尊爲大祠,而共用二少牢,於腥熟之俎,骨體不備。 臣。 秩論之,當與社稷爲比,請依祀儀爲大祠。 冠、絳紗袍。 元年甲申歲,入東南巽宮時,修東太一宮。 甲寅歲,爲災厄之會。 宮。 又近制, 請稽詳故事,崇建祠字,迎之京師。」詔建中太一宮於集禧觀。 諸祠祭牲數, 然五福太一移入中都,可以消異爲祥。 正配以全體解割, 天聖七年已已歲,五福太一入西南坤 其祝版即依會昌故事及開寶通禮, 各用一牢,貴神九位悉是正坐, 謂宜每位一牢,凡九少牢。」詔下太常 竊詳五 十太一 福太一,自國朝 神, 書御名不稱 異 位 並 一,修 塆 用 以 別 権熙 西太 通 禮

貴神。 由是觀之,十神太一、九宮太一與漢所祀太一共是一神。今十神皆用素饌,而九宮並薦羊豕 主使十六神,知風雨、水旱、兵革、饑饉、疫疾、災害之事。唐書曰:『九宮貴神,實司水旱。太 之南、號曰天之貴神。其佐曰五帝、飛行諸方、躡三能以上下,以天極星其一明者爲常居。 其四立祭太一宮十神,皆無牲,以素饌加酒焉。 一掌十六神之法度,以輔人極。』國朝會要亦云:『天之尊神及十精、十六度伝了,並主風雨。』 元站 漢祀太一,日用一犢,凡七日而止; 唐祀類於天地。 七年,監察御史安鼎言「按漢武帝始祠太一一位,唐天寶初銀祀八宮,謂之九宮 再詳星經(+):太一一星在紫宮門右,天 今春秋祀九宮太一,用羊、豕,

似 非禮意。」詔禮官詳定: 十神、九宮太一各有 所主,即非一神,故自唐迄今皆用牲牢,別 無

祠壇用素食禮。遂依舊制。

爲璧,以取殺於上帝也。 做其幣之色薦於神坐。」議禮局言:「先王制禮,用圭璧以祀 **崇寧三年,太常博士羅崎言:「九宮諸神位,無禮神玉,惟有燔玉。** 今九宮神皆星名,而其玉用兩圭有邸。 日月 **(星辰,所謂** 夫 兩· 圭有邸 竊謂宜用禮 圭璧者, 圭, 其 ,祀地之玉,以 神玉 少 邸

**配星** 

**一辰**,非周

禮

乞改用圭璧以應古制。」

太一 宮; 基太一、地一太一在大殿之西,東向,北上。 官、五行、九宮、八卦、五嶽、四海、四瀆、十二山神等, 歲在中,太陰在西, 延休殿,四神太一。 殿在南,北向 宮大殿,五福太一在東,君基太一在西,俱南向。 在西、東向、北上。 立冬日祀中太一宮,宮之眞室殿,五福太一 政和新儀: 「立春日祀東太一宮,立夏、季夏土王日祀中太一宮, 小游太一、直符太一、四神太一 俱南向。三皇、五方帝、日月、五星、二十八宿、十日、十二辰、天地水三 承釐殿,臣基太一在東,西向,北上。 膺慶殿,小游太一在中,天一太一在東,地一太一在西。 西太一宮黃庭殿,五福在中,君基在東,大游在 在中,君基太一在東,大游太一 殿在大殿之東,西向,北上。天一太一、民 大游太一殿在大殿之北,南向。臣基太 並爲從祀。 凝祐殿,直符太一。 東、西太一宮準此。 立秋日祀西太一 在 臻福殿、民基 西,俱南向。 靈 贶殿,太 東太

東向 地 西 上依方位置 '。」九宮貴神 在 均 中, 福 殿 几 小壇九, 神在 小 游 壇三成,一 南、臣基 在 中,俱南 各高一尺五寸(三),縱廣八尺。四陛、坤道,兩壝,每壝二十五步, 在北, 成縱 向。 俱西 廣 延貺殿,天一在中,四神在南,臣基在 十四丈(10),再成 向。 資祐殿,地 縱騰· 一在中,民基 一二丈,三成縱廣 在 南 北,俱 直符在東 十丈,各高三尺。 西向 北 資站 . (元), 俱

宮成 如祀上帝。 比一新太一宮,而九宮貴神尙寓屋而不壇。」 典。」太常寺主簿林大鼐亦言:「十神太一,九宮太一,皆天之貴神,國朝分爲二, 孝宗受禪,又建本命殿,名曰崇禧。 ,御書其榜。 興 十一年,太常丞朱輅言:「九宮貴 其太一宮,初議者請卽行宮之北隅建祠,後命禮官考典故,擇地建宮。十八年 十太一位於殿上,南面,西上。從祀,東庶九十有八,西庶九十有七,皆北 光宗又遷介福殿像於挾室,而名新殿曰崇福 、神所主風、雨、霜、雪、雹、疫,所係甚重 乃韶臨安府於國城之東,建築九宮壇壝, 並爲 一,請舉行祀

爲:「月令雖可據,然周官闕其文,漢志郊祀不及禖祠,獨枚梟傳言『皇子禖祝』而已。 高祺。 初,仁宗未有嗣,景祐 四年二月,以殿中侍御史張奎言,詔有司詳定。 禮官以

此 章 臣 東 以 六尺 褥 后 廟 之。 載 以 爲 至 南 位. 望 宿 進 耐 腜 後 郊 江 具言 胙 祀 凍 從 齌 福 祀 世. 左 仍歲令有 春分之日以 儀 ,皇后受訖 酒 於 H 壇 槪 , 祀 唑 再 植 天子 於坫 並 有 別 見其 ,報古爲 拜 壇 寢 準 司 叉 唐 /設褥: 青 求嗣之意。 上 八內臣 遺 明 , 胙 行 司 事 導 帝 稍 禮 一、陛廣 申 皇因舊月冷,特存 而 皇 肉 碟之先也。 祀青帝 轉授 位 , 北 , 請 后詣 於 引 以 尊 儀典委曲 , 於香案 俟旨 露其首 近 俎 器 五 內臣。 福 香案位 侍 尺 , 在 本, 酒、胙 乃以 宮嬪 神 ,壝各二十 命日特祀。」 16 詩『克禋 香 三寸。 以 坐 一号矢、 ,不可周 案 次進福酒,內臣曰:「請飲福。」飲訖 重 肉、弓矢、弓韣 Ė 從。 石爲 如 西。 行 其 勾芒,唯 香三 是日 青 主 以 弓韣致 事 內 Ŧi. 知 皇后 一、性用: 一成」之義 玉 請 臣 步。 卽 ,量地 開元 受福 青幣 引 用 惟 服褘衣 帶弓韣 神前 宮 其年 太牢 主 高 授 定禮 「嬪詣! 設 齊祺 用 也。 不 內 香 性 春分 祀已, ,樂以 飮 青 臣 , ,受弓矢, 褥位 案、 回 一,奉 用 石 配 祀最顯 褥 已 牛一、羊 遭 以 ,長三尺 位 復 褥位 授 升歌,儀 與胙 主 東 伏羲、 以 不 中 官 齌 緋。 · 著。 轉 各二、 1致祭。 H 妃 人 酒 所 南 為 八八寸, 授 帝嚳 嬪參亨 進 視先蠶 宮嬪 豕 內臣 朝廷必 向。 異。 內 重行 置弓矢等於箱 請 爲 ,伏羲本始 '; 以 服 用木 再拜。 置 乃請 祀前 眾 , 南 有 朝 欲 뺉 於箱 禮 擅 賀 如 生: 皇后 行 而 [ń] 高 所 [11 盧 不蠲 之, 衣 成 乃解弓韣 文 文 ,於所 御 日 攂 九尺,廣 植 之數 ,醫著祥 行 ijĨ , 使 再拜 之說 當 內侍 , 视 褥 齌 齋 築壇 在 導 之 形 位 請 香 版 戒 内 案 匠 皇 樂 涯 丈 受 足 师 於

位,內侍請皇后詣南向 矢,轉授左右,及飮福,解弓韣,如皇后儀,唯不進胙。 臣跪受置於箱。 導皇后歸東向褥位。 褥位,皆再拜退。是歲,宮中又置赤帝像以祈皇嗣 又引宮嬪最高一人 詣香案, 又引以次宮嬪行禮,亦然。 上香二, 帶弓韣, 俟俱復

韶仍如景祐之制 祀 一造兩制官攝事 寶元二年,皇子生,遣參知政 慶曆三年,太常博士余靖言:「皇帝嗣續未廣,不設弓矢、弓韣,非是。」 事王鬷以太牢報祠,準春分儀,惟不設弓矢、弓韣 ,著爲常

神無二主,伏羲既爲主,其高辛祝文請改云『配食于神』。」 議,改犢爲角握牛,高禖祝版與配位並進書焉。」又言:「伏羲、高辛配,祝文並云『作主配神』。 改祀上帝,以高 配,今郊禖壇祀青帝於南郊,以伏羲、高辛配,復於壇下設高 帝壇廣四 熙寧二年,皇子生,以太牢報祀高禖,惟不設弓矢、弓韣。 丈,高八尺。今祠高禖旣以青帝爲主,其壇高廣,請如青帝之制。 · 禖配,改伏羲、高辛位爲高禖,而徹壇下位。」 詔:「高謀典禮仍舊, 棋位,殊爲爽誤。 旣又從禮官言:「按祀儀,青 又祀天以高祺 請準古郊祺 壇制 如所

部郎中奉羊、豕俎升壇,詣正配位台。高禖位俎,則執事人奉焉。 南設 高禖,從祀席正配位各六俎,實以羊豕腥熟,高禖位四俎,實以牛腥熟。 元祐三年,太常寺言:「祀儀,高禖壇上正位設青帝席,配位設伏羲、高辛氏席, 壇下東 竊以青帝爲所祀之主,而 祀目,兵部、工

輕 业 用 重 夫當 羊 豕; 祺神因其嘉祥從祀,而牲反用牛,又牛俎執事者陳之,而羊、豕俎皆奉以 請以三性通行 解割 ,正、配、從祀位 .並用,皆以六曹郞官奉俎。 今羊俎以兵部 / 鄓官

**承組以工部,牛組請以戶部郞官。 」** 

行 承安之樂 多故之餘 .高 謀之祀。」 十七年 ]政 和新儀:春分祀高祺 ,而增 ,禮文難備 簡狄 ,至於祓 、姜嫄位 ,車駕親祀高祺,如政 以 無子 牛羊豕各一。 簡狄、姜嫄從祀台,皇帝親祠,並如祈穀祀上帝儀。惟配位作 ,就多男,所以 和之儀。 紹興元年,太常少卿 、係萬方之心,蓋 趙子畫言:「自車駕 不可闕。 乞自來歲之春,復 南巡 分雖

內 次,又感火德,宜 赦 閼伯爲高辛火正,實居商丘 降祝 一配社 文及 大 春秋 之此,下 版,留司 火之祀。 了 委 京 司 長東奉祭行事。」乃上擅制:高五尺,廣二丈,四陛,陛廣五尺,一 歷千載,遂爲 因 康定 興王之地,商丘之舊 長吏致奠,咸秩之典,未始 初,南京 一,主祀 重 鴻慶宮災,集賢校理胡宿請修其祀,而以閼伯 祀。 大火。 祖宗 1,爲壇: 以來,郊 後世 兆 因之, 祀爲貴 云 祀 深祀上帝 闕。 大 火,以關伯 然國家有天下之號實本於宋,五 ,而大辰已 神 , 配 配。 火作 在 一從祀 建辰、 食, 関伯 、建戌出 如 配 周 焉。 遗, 四 面 之廟 棄 內之月, 配 禮官議 稷、后 有因 運之 距

志

以三月、九月擇日 壇 各二十五 步 位牌以黑漆朱書曰大火位,配位曰閼伯位。 ,令南京長 更以下 分三獻 州 、縣官攝太 祝 、奉禮。 性用 洋、豕 慶曆 ,獻官有祭服 ,器準 一中祠 嵗

遗二 君殿 壁,火德、熒惑以 亦當服上公袞冕九章之服。 上 靈 公,祀爲 一 十 五 奶 建中靖國元年 壽 詔 星之儀 步,從新儀 貴 正 神 殿以離明爲名。 | 協伯 祝融 有司 又建陽德 所定。 配,俱南向 ,高辛氏之火正 請以關伯從祀離明殿, 旣又 觀以 太常博士羅畸請宜做太一宮,遺官薦獻,或立 建熒惑壇於南 祀 五方火精、神等爲從祀。壇廣四丈,高 熒惑。 也 ; 閼伯 因翰林學士 又請! 、陶唐 郊赤帝壇壝外, 增賜伯位。 氏之火正 張 康 或 按春秋傳曰: 也 令有 天下崇寧觀並 祝融既為上公,則 司 以 七尺, 時 壇於南 致祭, 五行之官 四陛, 建火德眞 郊 增 兩壝 閼 用 封 如 伯 祀

朝以 乾道 錫 乞自今祀熒惑、大辰,其配位稱閼伯,祝文、位板並依應天府大火禮例,改稱宣明王,以稱 宣 明 諡 宋 宣 王 五. 紹 明 建 配。 年 興 號 三年 所 ,太常少卿林栗等言:「本寺已擇 以 二十一日內火,祀大辰,以 낈 - ,詔祀 追 火紀德,推原發祥之所自,崇建 嚴 大火。 者備矣。 太常寺言:「應天府祀大火,今道 今有司 旬日之間 閼伯 九月 配。 商丘 舉行二祭,一稱其號 + 大辰 四 之祠 日 即大火,閼伯 ,依旨設位 府日 路 應天 未 ,望祭應天府大火,以 通 ,一斥其名,義所未安。 即商丘宣明王 ,宜於 廟 光 行 德 在春秋 加封 也。 設 王 商丘 位。 緣

|州,壽星之次,宜如|中和奏,設位氐宿之間,以爲永式。」景德三年,韶定壽星之祀。 太常禮 築於南郊,以秋分日祭之。」 置壽星壇,常以千秋節日祭老人星及角、亢七宿。請用祀靈星小祠禮,其壇亦如靈星壇制, 人星也。』爾雅云:『壽星,角、亢也。』注云:『數起角、亢,列宿之長,故云壽星。』唐開元中,特 院言:「按月令:『八月命有司享壽星於南郊。』注云:『秋分日,祭壽星於南郊。壽星,南極老 亢宿間。」 詔禮官與司天監定議,且言:「周伯星出氐三度,然亢、氐相去不遠,並鄭分。 | 克 星出亢宿下。 諸星祠,有壽星、周伯、靈星之祭。 大中祥符二年,翰林天文邢中和言:「景德中,周伯 按天文志,角、亢爲太山之根,果符上封之應。望於親郊日特置周伯星位於

非此 晉天文志:『老人一星在弧南,一日南極,常以秋分之旦見于丙,春分之夕沒于丁,見則治 向。 所謂秋分所享壽星也。今於壇下設角、亢位,以氐、房、心、尾、箕同祀,尤爲無名。义按 又於壇下卯陛之南設角、亢、氐、房、心、尾、箕七位,東向。 元豐中,禮文所言:「時令秋分公司,享壽星于南郊。 熙寧祀儀:於壇上設壽星一位,南 按爾雅所謂『壽星角、亢』,

忐

五十六

禮六

平,主壽昌,常以秋分候之南郊。』後漢於國都南郊立老人星廟,常以仲秋祀之,則壽星謂老 人矣。請依後漢,於壇上設壽星一位,南向,祀老人星。 其壇下七宿位不宜復設。」

外。 位前左右。 如唐制,二壇皆周八步四尺。其享禮,籧八,豆八,在神位前左右,重三行。俎二,在籩、豆 在神位右。 簠、簋一,在二俎間。 象尊二,在壇上東南隅,北向西上。七宿位,各設箋一,豆一,在神 慶曆以立秋後辰日祀靈星,其壇東西丈三尺,南北丈二尺,壽星壇方丈八尺。皇祐定 光祿實以法酒。 俎一,在箋、豆外,中設簠一,簋一,在俎左右。 爵一,在神位正前。

南渡後,靈星、壽星、風師、雨師、雷師及七祀、司寒、馬祖,並仍舊制 初乾興祀 <u>쨏和新儀改定:壇高三尺口,東西袤丈三尺,南北袤丈二尺,四出陛,一壝,二十五步。</u> 靈星,值屠牲有禁,乃屠於城外。至是,敕有司:「凡祭祀牲牢,無避禁日,著爲令。」

未幾 東,雨師壇于西,各稍北數十步,卑下於社壇。祠用羊一,鑊、豆各八,簠、簋各二。」元豐詳定 澤州 風 伯、 請 雨 力. 師、諸州 風伯、雨 亦致祭。大中祥符初,詔惟邊地要劇者,令通判致祭,餘皆長吏親享。 師廟,乃令禮官考儀式頒之。有司言:「唐制,諸郡置風伯壇社壇之

後 付. 吊 局 至 日、月、星、辰,運行無常,以氣 言「周禮: 申 於 郊 丑: ,仍依 Ė 兆 日 不 兆雨 祀 風 以氣類 兆司 師 雨 師於北郊 於國 師 『小宗伯之職, 於丑地 中、司 也。 城 以雷 東北 小。』各以 命、司 請稽舊禮,兆 · 亦從其 師 兆 禄 從 氣類祭之, 兆五 雨 於 雨 類故也。 類爲之位 師於國城西北,司 師之位 南 帝於四郊, 郊 風 師 , 祠 謂之四 ,以司民從 於西郊 以立 熙寧祀儀:兆 . 兆 日 冬後 四類亦如之。』鄭氏曰:『兆爲壇之營域。 、,祠 類 於東郊 以 立 中、 言 |漢儀 中、 日東郊, , 司命於國城 春 兆月 司 ,縣邑常以丙戌日祠 其連 後 命 丑: 與 司祿之位 兆 日 兆月西郊, 風 則 師於西郊 西北亥地, 兆 從其氣類 **下**羽 師於北郊,祠 是以 ,其祭辰 風 兆司 則是各從其星 伯 氣類爲之位 於戌地,以 中 以 則 司命於 叫 從其 立. 類 夏

司 十 壇 禄 五. 雷 爲 步 師 ,皆高 匹 壇 壇, 風 高三尺,方一丈九尺。 各廣 三尺,四陛,並 師 壇 二十五 高 四尺,東 步同 一壝 西匹 壝 二十 皇 步三尺,南 「祐定周六步。 五. 步。其雨 北 滅 師、雷 一尺。 政和 之制 師二 皇祐 壇 , 定高三尺,周三十三步 風 百 (壇廣二 壝 司 十三步,雨、雷 中、 司命 · 司 民 壇 雨 廣

師

職 也 日.『 今天 言:「周禮:『大宗 凡 國 八神之 乏 小 祀皆 事 用 樂者 燔 牲 伯 首 以 , 令奏鐘鼓。』 / 標燎 風 師、 祀 雨 \_ [i] 師 中、司 請 說者日 用柏 命、 柴升煙,以 "「小祀也。」 風 師、 雨 師。 爲 歆 小師職注:"小 所謂 神之始。 周 人尙臭, "」又言:「周禮! 祭 祀 升煙以 樂師 中 報 司 陽

七

六

祿、司寒,歲用羊、豕一。。 詞令:小祠,牲入滌一月,所以備潔養之法。 於羣小祀,薦熟而已。 諸 難 樂章以爲降神之節。」又言:「周禮小司徒之職:『凡小祭祀奉牛牲羞其肆。』又肆師云:『小祭 祀用牲。』所謂小祭祀,卽司中、司命、司民、司祿、宮中七祀之類是也。後世以有司攝事, 市,與令文相戾。 於純用太牢,猶宜下同大夫禮,用羊、豕可也。今祀儀,馬祖、先牧、司中、司命、司民、司 風師。」是也。 既已有鐘鼓,則是有樂明矣。請有司祀司中、司命、風師、雨師用樂,仍製 請諸 請四方百物、宮中七祀、司中、司命、風師、雨師止薦熟。」並從之。 .小祠祭以少牢,仍用體解。」又言:「社稷五祀,先薦爛,次薦熟, 至 今每位肉以豕,又取

建隆 失也。」帝覽奏曰:「今四月,韭可苫屋矣,何謂薦新?」遂正其禮。」天聖新令:「春分開冰,祭 謂 在危也。 四 周 月中 以 三年 司 寒之祭,常以四月,命官率太祝,用牲、幣及黑牡、秬黍祭玄冥之神,乃開冰以薦太廟。 十一月爲正,其四月卽今之二月也。 也。 • 『獻羔而啓之』 置藏冰署而修其祀焉。 又案月令:『天子獻羔開冰,先薦寢廟。』 」,謂二月春分,獻羔祭韭,始開冰室也。 秘書監李至言:「案詩豳七月日:『四之日獻羔祭韭 春秋傳曰:『日在北陸而藏冰。』謂夏十二月,日 詳其開冰之祭,當在春分,乃有司之 『火出而畢賦』,火星昏見, 当。当藩

司 寒於冰井務,卜日薦冰於太廟,季冬藏冰,設祭亦如之。」

多非 開 且 之時,置弓矢於凌室之戶。」 開 冰 冰將以 有 元 則但用羔。 事 **/豐,詳定所言:「熙寧祀儀,孟多選吉日祀司** 於冰 御至尊 ,則不應祭享。 孔穎達注 ,當有桃弧、棘矢以禳除凶邪。設於神坐,則非禮也。 [月令曰:『藏冰則用牡黍,啓唯告而 。 今請惟季多藏冰則享司寒, 牲用黑牡羊, 穀用黑秬黍; 寒。 按古享司寒,惟以藏冰啓冰之日,孟 已。」祭禮大、告禮 當從孔氏說 小故也。 门,出冰 仲春

以 官 祀天神之禮享人鬼也。 ,故歷代 大觀, 祀爲司寒,則玄冥非天神矣。 禮局言:「春秋左氏傳,以少昊有四叔,其二爲玄冥。 請罷燔燎而埋祝幣。」詔從其請。 今儀注,禮畢有司 取祝幣瘞坎,贊者贊幣燔燎,是 杜預、 鄭玄皆以玄冥爲水

戌臘 言:「 日辛 卯 臘 周 大蜡之禮,自魏以來始定議。 木德 者接 和 児奏議 木 也 新新 生火,宜以火德王 故 曰:「按蜡始於伊耆,後歷三代及漢 相接,畋獵禽獸以享百神,報終成之功也。 一,色尚 王者各隨其行, 社以其盛, 臘以 赤。」遂以戌 日 「爲臘。 , . 其名 雖 三年 改而 王者因之,上享宗廟,旁及 ,戊戌臘 其實 其終。 有 也。 建隆 司 漢 初,以有 畫 火行,用 日 以 -6

志

第

五

+

六

禮六

(辭錄、司天監神位圖皆以虎爲於菟,乃避唐諱,請仍爲虎。 十二位,祝文內載一百八十二位,唯五方田畯、五方郵表畷一十位不載祝文。 前 言,今後蜡百神、祀社稷、享宗廟皆用戌臘一日。 五 表啜云。」 祀 七日辛卯行蜡禮 ,卯日祭社宮,辰 展 以其孝 動示 日享宗廟。 ,恐未爲宜 恭 也。 開元定禮,三祭皆於臘 魏、晉以降,悉沿其制。 况宗廟社稷並遵臘享,獨蜡 天聖三年,同知禮院陳詁言:「蜡祭一百九 辰,以應 唐 乘土德,貞觀之際,以前 五方祝文,衆族之下增入田畯、 不以臘,請下禮官議。 士 德。 今以戌日爲 又郊祀錄、正 10.」議 寅 日 一蜡百 丽 如 峴

耆氏 月。其神農以下,更不設祭。 蜡祭之後。」先是,太常寺言:「四郊蜡祭,宜依百神制度築壇,其東西有不順成之方,即祭日 之後日。 壇 ,神農也。 ,惟周、隋四郊之兆,乃合禮意。又禮記別令以蜡與息民爲二祭,故隋、唐息民祭在蜡 元豐,詳定所言: 「記曰: 『八蜡以祀四方,年不順成,八蜡不通。』 歷代蜡祭,獨在南郊爲 請蜡祭,四郊各爲一壇,以祀其方之神,有不順成之方則不修報。 今壇下更設伊耆氏位,合除去之。」 又舊儀,神農、后稷並設位壇下,當移壇上。按禮記正 其息民祭仍在 过義,伊

東方設大明位,西方設夜明位,以神農氏、后稷氏配,配位以北爲上。 `政 和新儀:臘前一日蜡 百 神。四方蜡壇廣四丈,高八尺,四出陛,兩壝,每壝二十五步。 南北壇設神農位,以

岫 衍、原隰、井泉、田畯,倉龍、朱鳥、麒麟、白虎、玄武,五水庸、五坊、五虎、五 五 后稷配,五星、二十八宿、十二辰、五官、五嶽、五鎭、四海、四瀆及五方山林、川澤、丘陵、墳 壇酉階之西, 毛、五郵表畷、五贏、五猫、五昆蟲從祀,各依其方設位。 中方嶽鎭以下設於南方蜡壇午階之西。 伊耆設於北方蜡壇卯階之南,其 中方鎭星、后土、田畯設於南 一鱗、五 羽、五介 方

位.

次於辰星。

虎、昆蟲,各隨其方,分爲從祀。 並. ,各以神農、后稷配;南北皆以神農爲主,以后稷配。 用性牢。 紹 | 興十九年,有司檢會五禮新儀,臘前一日蜡東方、西方爲大祀,蜡南方、北方爲中祀 |乾道四年,太常少卿|王||渝又請於四郊各爲一壇,以祀其方之神,東西以日月爲 其後南蜡仍於圓壇望祭殿,北蜡於餘杭門外精進寺行禮。 自五帝、星辰、嶽鎭、 海瀆以 至猫

日 日 中霤,日 ,當從王所祭之服,其攝事之臣不繫其官。」又言:「禮祭法曰:『王自爲 詳定所言:「周禮:天子六服,自驚冕而 太廟司命、戶、竈、中霤、門、厲、行七祀,熙寧八年,始置位版。 或 行,日 泰 ;厲,曰門,曰戶,曰竈。』孟春祀戶,祭先脾; 下,各隨所祭而服。 加 今旣不親祀 太常禮院請禘享偏祭七 夏祀 黿 立 七祀: 祭先肺; 則 諸 司命, 攝事

志

於俎 俎 祀,四時分祭,如元豐儀,臘享祫享則徧祭,設位於殿下橫街之北、道西,東向,北上。 太廟令攝禮官,服必玄冕,獻必薦熟。 以立春祭戶於廟室戶外之西,祭司命於廟門之西,制脾於俎; 享分祭,攝事以廟卿行禮而服七旒之冕,分太廟牲以爲俎,一獻而不薦熟,皆非禮 宮中七祀之屬。 祀 此 則攝位。』此所祀之服,所獻之禮,所攝之官也。 所 祀 立多祭司命及行於廟門外之西,制腎於俎,皆用特性,更不隨時享分祭。 記祀之位,所祀之時,所用之俎也。 中 季夏土王日祭中霤於廟庭之中, 富 一,祭先 禮記 孟. 曰:『一獻熟。』注謂宮中羣小神七祀之等。 |秋祀門,祭先肝; 親祀及臘享,即依舊禮徧祭之。」 **獨禮:『司服掌王之吉服,** 制心於俎; 孟冬祀行,祭先腎。 近世因禘船則徧祭七祀,其四時則隨時 立秋祭門及厲於廟門外之西,制肝於 又傳曰: 立夏祭竈於廟門之東,制 祭羣 周禮大宗伯 小祀則服玄冕。』注謂 一春祀 政和新儀定太廟七 司命 ::『若王不與祭 有司攝事 , 秋 制 洏 厲 了,以 肺 請

壇各廣九步,高三尺,四陛,一壝。 馬 加 祀典, 仲春 祀馬祖,仲夏享先牧,仲秋祭馬社,仲冬祭馬步,並擇日。 壇壝之制

**蜧之酺** 酺 恢 蓋 師 人物之害也。 春秋 歟 有 酺 祭酺 人鬼之步歟? 神之祀。 漢有蝝螟之酺神,又有人鬼之步神。 酺爲人物災害之神。 慶曆中上封事者言:「螟蝗爲害,乞內外並修祭酺。 蓋亦爲壇位如雩禜云。』然則校人職有多步, 鄭玄云:『校人職有多祭馬步。 歷代書史,悉無祭酺儀式。 」禮院言:「按周禮: 是與馬爲害者 則未 知 此 酺者, 蝝 欲準祭 一, 此

馬

步儀

,壇在國城西北,差官就馬壇

一致祭,稱爲酺

神。

幣嘉 其 日 鮙 薦 酒 洗 酺 神 , 州 致 薦 齋、 , 實 用白幣 ,設於神 若外州者卽略依祭禮。 縣 ,昭告 (以 酒 具官某,敢 行禮、器物,並 子神 坐左。 ,再詣 丈八尺在篚。 ,倘享。」 昭 神 又設罍洗及篚於酒 告于 坐前 如小 酺 奠爵,讀祝 祠。 其儀注 神 將祭,贊 蝗 先祭 塚孝 ,先擇便方除地,設營纘爲位,營纘謂立表施繩以代壇。 再 祀官拜 日 生 尊之左,俱內向。 拜,退 ,害於嘉穀,惟 致 就就 齋 ,祭日 盥洗 而 瘞幣。 訖 設神坐內向,用尊及篡一、 神降祐 進 其酺 執 至神坐前,上香、奠幣。 事者位於其後,皆以近 神 就 應時消殄。 文曰:「維 年歲 請以 豆一,實以 次月朔某 清酒、制 神爲上。 退詣 礨

兩浙 紹興 淮東 祀 西路 令 蟲 州縣 蝗 ,遇有 爲害,則祭酺 蝗 入境,守 神。 ·臣祭告酺神。 嘉定八年六月,以飛蝗入臨安界,詔差官祭告。 叉詔

## 校勘記

- (1) 遂行夕拜之祭以祀月 「月」原作「日」,據長編卷八九改。
- 如唐 川坎深
- 「深」,玉海卷一〇一、通考卷七九郊社考都作「狹」。

降入坎深

九小 壇

「深」,五禮新儀卷一、玉海卷一〇一、通考卷七九郊社考都作「中」,疑作「中」是。

- 「九」字原脫,據太常因革禮卷四八、長編卷一一六、宋會要禮一九之四補
- 至 經禮 不載 「禮」原作「理」,據宋會要禮一九之四、長編卷一一六、通考卷八〇郊社考改。
- (七) 再詳星經 「再」原作「載」,據宋會要禮一九之八、通考卷八〇郊社考改。

「祥」原作「神」,據宋會要禮一九之五、長編卷一一六、通考卷八〇郊社考改。

(公)

隨氣考祥

- **元** 十六度 「度」,宋會要禮一九之八、通考卷八〇郊社考都作「神」。
- (元) 直符在東北 「東北」,五禮新儀卷二、通考卷八〇郊社考都作「北」。
- 8 一成縱廣十四丈 原脫「一」字,據五禮新儀卷一補。
- 各高 一尺五寸 「尺」原作「丈」,據五禮新儀卷一、宋會要禮一九之三改。
- 計 正配位 「詣」原作「諸」,據太常因革禮卷七九、五禮新儀卷五四改。
- $\subseteq$ 以簡狄姜嫄從祀 「祀」原作「配」,據玉海卷九九、通考卷八五郊社考改。

記

三 **嬗高三尺** 按近禮新儀卷一、通考卷八〇郊社考,「壇」上有「壽星」二字。

G 司民 二字原脫,據五禮新儀卷一、長編卷三一七補。

CE 升煙以報陽也 「煙」原作「陽」,據長編卷三一七、宋會要禮一四之五一改。

	\$5			
				žt.
	-ba			
	র			
æ	X*			•
			*	
	*	ž.		
10 \$4				
¥				
\$ <u>\$</u> .	按			
87		* %.		
<b>3</b> 5		•		
*				
				SE
				्रव

## **宋史卷一百四**

## 志第五十七

禮七吉禮七

封禪 汾陰后土 朝謁太清宮 天書九鼎

翰林學士扈蒙等詳定儀注。 明年,宰臣宋琪率文武官、僧道、耆壽三上表以請,乃詔以十一 封禪。 太宗即位之八年,泰山父老千餘人詣闕,請東封。 既而乾元、文明二殿災,韶停封禪,而以是日有事 月二十一日有 帝謙讓未遑, 于南 事 厚賜以遣之。 于泰山,命 郊。

詣闕 十人五上 陳請,而宰臣王旦等又率百官、諸軍將校、州縣官吏、蕃夷、僧道、父老二萬四千三百七 真宗大中祥符元年, 上表請, 始韶今年十月有事于泰山。 兗州父老呂良等千二百八十七人及諸道貢舉之士八百四十六人 遣官告天地、宗廟、社稷、太一宮及在京祠廟、

三五二七

志

第五

+

七

禮七

嶽

殰

, 命翰:

林、

脊茅三十束,有老人黃皓識之,補州助教,賜以粟帛。 | 鄆 等計 **叟爲鹵簿使,趙安仁爲橋道頓遞使,仍鑄五使印及經度制置使印給之。遣使詣岳州,** 省辇送之役。 司 並 '沿汴、蔡、御河入廣濟河運儀仗什物赴|兗州,發上供木,由黃河浮筏至|鄆州,給置頓 判 兗州 充 度發運。 山下丁役。 三司 以王旦爲大禮使,王欽若爲禮儀使,參知政事馮拯爲儀仗使, 詔禁緣路採捕及車騎蹂踐 使丁謂 行宮除前後殿外,並張幕爲屋,覆以油 計 度糧草 ,引進使曹利用、宣 田稼,以行宮側官舍、佛寺爲百官宿頓之所 |政使||李神福修行宮道路,皇城使 吧。 仍增自京至泰山 知樞密院陳堯 驛馬,令三 調意 劉 養用 承珪

寸,刻字而塡以金,聯以金繩,緘以玉匱,置石磁中。 角;三成,每等高四尺,上闊十六步; 三壝四門:如方丘制。又為瘞塪於壬地外壝之內。以玉為五牒,牒各長尺二寸,廣五寸,厚一 四成,十二陛,如圜丘制,上飾以玄,四面如方色,外爲三壝,燎壇如山上壇制。 丈,圍以青繩三周。燎壇在其東南,高丈二尺,方一丈,開上南出戶,方六尺。山下封祀壇 ,命修完之。山上置圜臺,徑五丈,高九尺,四陛,上飾以青,四面如其方色; 一壝,廣一 初,太平興國中,有得唐玄宗社首玉册、蒼璧,至是令瘞於舊所。 其前代封禪壇址摧圯 八陛,上等廣八尺,中等廣一丈,下等廣一丈二尺; 金脆難用, 以金塗繩代之。正坐、配坐,用玉 社首壇,八

劉鍇、 廣深 之。 道(二),與磁隅相 處皆刻三道,廣一寸五分,深三分。 深,令容玉匱。 受命寶。 置 册 刻處又爲金繩三以纏礤 「天下同文」,如御前寶,以封磠際。距石十二分,距四隅皆闊二尺,厚一尺,長 六副 厚二 如纏 內侍張承素領徒封圜臺石感, 寸,闊五 每簡長一尺二寸,廣一寸二分,厚三分,簡數量文多少。 繩。 封匱 其當封處 「當實處,刻深二分,用石 礤旁施檢處,皆刻深七寸,闊一尺,南北各三,東西各二,去隅皆七 應, 寸,纏金繩 皆再累,為五 ,皆五 ,刻深二寸,取足容寶,皆有小石蓋, 五 周, 周 ,當纏繩 徑三分,爲石 色土 爲石檢十以撒感,皆長三尺,闊一尺,厚七寸, 直集賢院宋阜、內侍郝昭信封社首石磁,並先往 **感**藏之。 圜封感,上徑一丈二尺,下徑三丈九尺。 處刻爲五 泥封 其磁用石再累,各方五尺,厚一尺, 道 一, 可i 感。 封以金泥, 泥用石末和方色土爲之。 與封刻相 匱長一尺三寸。 泥和金粉、 應 其檢立 乳香爲之。 用 丈, 金 命直 一感旁, 鑄 寸, 刻三道, | 鑿中 檢長 斜 寶, 一規度 一
史
館 纏 E[] 刻 其 繩 以 廣 加

縣不 一壝,二分在南 ·備儀 壇設 詳定所言:「朝覲壇在行宮南,方九丈六尺,高九尺,四 登 仗。 歌 其圜 如 睘 臺,壇下宮架、二舞如封祀壇。朝覲壇宮架二十虡,不用熊羆十二案。 一分在 臺上設登歌、鍾、磬各一處〔三,封祀壇宮架二十處,四隅 北。 又按唐封禪 ,備法駕。準故事 唑。 ,乘興 陛, 出京,並 南面 兩陛,餘三面 立 用 一建鼓、二舞。 法 駕 ,所過州 又

志

按次典,南郊合祀天地,服袞冕,垂白珠十有二,黝衣纁裳十二章。 欲望封禪日依南郊例。

韶出京 洎禮畢,御朝覲 日, 具小駕儀仗: 太常寺三百二十五人, 兵部五百六十六人, 殿中省九十一人, 太僕 壇。 諸州所貢方物,陳列如元正儀。 令尚書戶部告示,並先集泰山下。」仍

寺二百九十九人,六軍諸衞四百六十八人,左右金吾仗各一百七十六人,司天監三十七人。

其舊供羊豕,改充從祀牲。又景德中,升天皇、北極在第一等,今請亦於從祀牲內體薦。 月、神州共用羊豕二十二,從祀七百三十七位,仍以前數分充。 今請神州而上十二位用犢 十八位,社首壇嶽鎭以下一十八位,並用方色幣。又南郊牲,正坐、配坐用犢,五方帝、日 有司言:「南郊惟昊天、皇地祇、配帝、日月、五方、神州各用幣,內官而下別設六十六段 按開寶通禮,嶽鎮、海瀆幣從方色,即明皆有制幣。今請封祀壇內官至外官三百一

除掌事宿衞外,從升者裁二十四人,諸司職掌九十三人。其文武官升山者,皆公服 山 .清潔,命祀官差減其數,或令兼攝,有期喪未滿、餘服未卒哭者,不得預祭。 內侍諸司官 舊制,郊祀正坐、配坐褥以黃,皇帝拜褥以緋。至是,詔配坐以緋,拜褥以紫。 又以靈

王親習之文,帝曰:「殷以達寅恭之意,豈憚勞也。」旣畢,帝見禮文有未便,論宰臣與禮官再 山,少牢祀社首。」九月,詔審刑院、開封府毋奏大辟案。 詳定所言:「漢書八神與歷代封禪帝王及所禪山,並於前祀七日遣官致祭,以太牢祀]泰 帝習儀于崇德殿。初,禮官言無帝

册 議。 次 泥 印訖 ,俟封 則 於是詳 未 復 感 畢 稱 位 寅 :定所言:「按開寶禮,則燔燎畢封册; 皇帝 飲 恭 , 或 腷 、
送神 再升 封感後送神 壇省 樂 視。 止,舉燎火。 則 緣 祀 併爲 禮 這讀。 已畢,更不 次天 八書降, 欲望俟終獻畢 開元故 ·舉樂。 次金 事 匱 省訖 , 則 降。 封感後燔燎。 ,降壇。」 皇帝升 禮 儀 使 壇,封 奏禮 仍詔 今如 玉 畢 Ш 匱 上 一,置感 不對 皇帝還大 亞獻、終 神封 中

獻

。 登

歌

作樂

以 覆 嚴 者 有 相 校 文 I 傳付 司 參 請 日 傳呼 候 景 月 山 登 戊 下 封 復 而 子 日 於 下 牌至 農 朔,禁天下屠殺一月。 壇側 ,祀官始退。 臺 37. ,公卿就位 撃板 黃 麾仗,至 相 應。 社 臭帝 首 自 山下 瘞坎 太平頂、天門、黄峴嶺 就望燎位 壇設 帝自告廟,即屏葷蔬 ',亦設權 權 火。 一, 山 火三為 E 將 傳呼萬 行 禮 準。 然 岱嶽 食,自 遣司 歲 炬 觀 相 下 天 進發至行 , 屬 設 卽 各豎長竿, ·文 漏壺 舉 燎 出 山之上下, 朱字漆牌 1禮前 皇帝還 揭籠 , 並 大 禁音樂。 燈下照 ,遣執仗 命中官 次 解

奉 山 袍 乘 高 與 宮 辛 金 法 卯 輅 駕 一發京 戊 備 仗 申 間 法 ·, 齋 師 立。 駕 于 以 , 至 穆清殿 知 玉 山 制誥朱巽奉玉册牒及圜臺行事官先升, 輅 門幄 載天書先 諸 次, 升 Ш 改服 行。 者官給 難袍 氼 衣 日 , 乘步 , 如 令祀 之。 鳌 日 登 至 沐浴 鄆州 Щ , 服之。 鹵 , 簿、儀 令從官 且以 庚戌, 衞 回 、衞 列 馬嶺至天門路峻絕, 山 土 帝 蔬 下 服 食。 通 天 天 書仗 丁未 冠 終紗 不上 , 氼

志

第

五

+

-

禮

七

陿 壇 於 人 險 中路 給横板 是夕 ,必降輦徒 , 山 自 二,長三尺許 Ш 下罷警場。 趾盤道至太平頂 步。 亞獻 ,緊綵兩端,施於背,膺 寧王元偓, 凡 兩 終獻舒王元偁, 步一人,綵繡相間,樹當道者不伐,止縈以繒 選從卒,推引而上。 鹵簿使陳堯叟從。祀官、點饌習儀 衞士皆給釘鞵,供 奉 帝 於圜 馬止 句 經

上 錫 奉先。 升 忘 M 尙 玉 奠獻 功 中 帝 墾。 繼 帛 隩 成 志 來 治 、悉去 玉玉 以 命羣官享五方帝及諸神於山下封祀壇。 臣 犧牲 一,愈議 暨 定; 祈 延 牒 了,設昊天上帝位于圜臺,奉天書于坐左,太祖、太宗並配西北側向,帝服袞冕,升臺 不 福 一、粢盛 侍 積 膺 太宗 文日 逮 景命 贶 慶。 大 衞 下 殊 封 ,拂翟 侑 膺圖 「有宋嗣天子臣某 一、庶品 尤 非 元符 昭 神昭 一,元符章示 事 申 ,重熙累盛 止於壝門,籠燭前導亦徹之。玉 錫祚,衆寶效祥 上穹。 ·昭事 備茲 德 惠 昔太祖 躬陟 綏 ,儲慶發祥 黎 粤惟 、、致昭 元 喬 熱 嶽 揖讓開基,太宗憂勤致治 ,異域咸懷,豐年 冲 至誠。 對越 ,清淨 人,丕 建 告于昊天上帝 皇極 上飲福酒 上 一承列 可 皇伯考太祖 天 天, 率禮 致 禄 聖, , 時 册文曰:「嗣天子臣某,敢昭告于昊天 **#** 屢應。 ,攝中書令王旦跪稱曰:「天賜皇帝 和年 寅 噩 祗 恭奉天, 肅 靈 皇帝、皇考太宗 ·豐,羣· 備 大同,惟宋 虔修封祀, 祈福 休 ,廓淸寰宇,混一車書 允 物 生 迪 吉蠲 憂勤 一咸遂。 , 萬 聽 , 受命 以仁 葉其昌 皇帝 政。 仰 黎元。 宁 .荷 太 配 位 顧 加 神 紀 永 , 懷 于 肇 作 以 保 固 敢 純 孝 抑

奉 太 金匱 神策、周而復始、永綏兆人。」三獻畢、封金、玉匱。 以 降,將作監 領 徒封 感。 帝登圜 臺閱 視訖,還御 王旦 喔。 |奉玉匱,置於石感 宰臣率從官稱賀, ,攝太尉馮 Ш 下 - 傳呼萬 拯

歲

動

山谷。

卽

日

仗還奉高宮,百官奉迎于谷口。

帝復齋于穆清殿

綏九 肆類 兵不 于 神作主。 祉 皇地 謹以玉 試 士。 壬子 祇 躬陳 , 九穀豐穰,百姓親比,方興所資,凉德是愧。 尙饗。」 帝至 臣恭膺寶命 ,禪祭皇地祇于社首山,奉天書升壇,以祖宗 無 一帛、犧牲、粢盛、庶品,備茲 典禮,祗事厚載,致孝祖宗,潔誠嚴 私 垂祐,有宋肇基,命惟天啓,慶賴坤儀。 山下 ,纂承丕緒,穹昊降祥,靈符下付,景祚延鴻,祕文昭著。 ,服鞾袍,步出大次。 **禋**瘞,式薦至誠。 配。 以伸大報,聿修明祀,本支百世,黎元 溥奕 配。 太祖 皇伯考太祖皇帝、皇考太宗皇帝配 同詞 玉册文曰:「嗣天子 神武 ,晉紳協議, ,威震萬 寓; 因以 臣某,敢昭 太宗聖文,德 八表以寧,五 時巡, 亦旣 受 告

父老于殿門。 武 遞 進官 癸丑 勳 ,有司設仗衞、宮縣于壇下,帝服袞冕,御封禪壇上之壽昌殿受朝賀,大赦天下,文 ,減免賦稅、工役各有差,改乾封縣日奉符縣,宴百官卿監以上于穆淸殿、泰山 甲寅,發奉符 ,始進常膳

陰雺風勁; 不可以 帝之巡祭也 ·,往還四十七日 燭 及行事,風頓止,天宇澄霽,燭焰凝然,封礤訖,紫氣蒙壇,黃光如 ,未嘗遇 「雨雪,嚴多之候,景氣恬和,祥應紛委。 前祀之夕,

撰朝覲 廣 作 帛 從 生帝 · ', 觀 ,繞天書 升 **高者塞路** 壇頌 、朝官及內殿崇班、軍校領刺 君 天 匣 齊王加號仁聖,各遣使祭告。 圜臺奉祀官並於山 歡 悉縱 呼動 四方所獻珍鳥異獸 天地。 改奉高宮曰會眞宮。 上 史以上 刻名,封祀、九宮、社首壇奉祀官並於社首頸碑陰刻名 山下。 與蕃夷酋長並於朝覲頭 詔王 法駕還奉高宮, 旦撰封祀壇頌,王欽若撰社首壇頌,陳堯叟 九天司 命上 日重 卿加號保 碑陰刻名。 輪 ,五色雲見。 生天尊,青帝 鼓 加 吹 號 振

平,預具金繩、玉檢及他物甚備,造舟四千艘,雨具亦千萬計,迄不能行 年 明年二月,韶知兗州李迪、京東轉運使馬元方等同修圜 知兗州宋康年請下祕閣檢尋祥符東封典故付臣 和三年,兗、 **鄲耆壽、** 道釋等及知開德府張爲等五十二人表請東封,優韶 上經畫。 封,以呂良首請,命攝兗州 時蔡京當國 , 將講封禪以文太 不允。 助

闕 宗諤副之,樞密直學士戚綸、昭宣使劉承珪計度發運,河北轉運使李士衡、鹽鐵副使林特計 表以請。 ,請親祠后土。」詔不允。已而,南又請,河南尹寧王元偓亦表請,文武百僚詣 汾陰后土。眞宗東封之又明年,河中府言:「進士薛南及父老、僧道千二百人列狀乞赴 詔明年春有事於汾陰后土,命知樞密院陳堯叟爲祀汾陰經度制置使,翰林學士李 東上閤門三

翰 監 爲 日 度 爲 林 橋 , 內 糧 道 草 大 禮 侍 禮 頓 院 周 龍 遞 使 詳 犪 圖 使。 定 政 知 閣待制王曙、 後注 樞密院王欽若 皇甫 叉以 · 造 繼 旦爲 玉 明 天書 為 册、祭器 西京 夾 為禮 侍 儀 左藏庫使張景宗、供備庫使藍繼宗修治行宮、道路 衞 儀使 0 使 發 先令堯叟詣 陝 ", 参 欽若、 西 知 河 政事 東兵 后 馮拯爲儀仗使,趙安仁爲鹵 副之,丁 五千人 洞 祭告 赴 謂 汾陰給役,出 ,分遣常參官告天 爲 扶侍使, 廐 藍繼宗爲 馬 薄使 、地、廟社、嶽 增 ·傳置 陳 率臣 扶 待 堯 一, 命 都 叟

鎭

( 海

蓋 金. 處 纏 周 配 爲 高 深 阔 繩 繩 坐 瘞 几 繁金 坎 JU 處 玉 尺 詳 几 道 上闊 寸 册 於壇之壬 定所言 繩 闊 寸 南 ,方三寸五 金匱 畢,各塡 深五 北 寸 + 絡 :「祀汾 ',深五 六步 地外 寸 石 副 以 置 , 分 中 陰后· , 分。 石 壝之內, 了, 取 金泥 容 八陛 候 泥 玉 祀 容 上 上 印以『天下同文』之寶, 匱 , , 畢 層 封 請 金 上陛 其 封 寶。 厚 繩。 方深取足容物。 如 買 阔 廣 所 封禪 訖 尺,仍 先 八尺, 用 , 尺,長 卽 中書侍 以 石 廟 於上 匱 庭 中廣 太祖 丼 一尺六 規 郞 几 蓋 地為 其后 角 三層 奉 太宗 丈, 如社首封 匱 寸。 更 坎, 土 並 至 刻 ,方廣 下 壇 廟 深 牙 配。 匱 廣 別 縫 五 刻 感制。 與太 五 無 尺, 金繩 其方丘之制,八角,三成 丈二尺。 方色。 尺,下 長 闊 尉 八 道 容 寸 帝 日 IE 層 石 省 置 周, 高 坐 置 深 視 石 三尺, 玉 重遺 及 几 各相 後 賈 册 寸。 封 中 玉, 玉 將作 古 Ŀ , 去 几 開 將 者 置 每 五 面 監率 作 纏 牙 寸 有等 副 先 縫 監 金. , 執 繩 加 每

志

事 更 加 盏 頂 石 蓋 ,然後 封 固 如法 上爲 小壇; 如方 丘 狀 廣厚皆五尺。」

祀 泂 經 中府境內伏羲、 度 制 置 使詣 脽 上 神農、 |築壇如方丘 帝舜、成陽、周文武、漢文帝、周公廟及於睢下祭漢、唐六帝 廟北古雙柏 一旁有堆 阜,卽其地爲之。 有司 請 祭前 七日

晃登 仗。 奉天書升玉輅,先至脽上。二鼓,帝乘金輅,法駕詣壇,夾路設燎火,盤道 致 齋 壇 初 几 年正 ,路出廟南,帝以未修謁,不欲乘輿輦過其前,令鑿路 , 祀 己未,遺入內都知鄧永遷詣祠上衣服、供具。 后 月,帝習儀 土地祇,備三獻,奉天書於神坐之左次,以太祖、太宗配侑 于崇德殿。 丁酉,法駕發京師。二月丙 庚申,百官宿祀所。 由廟後至壇 辰,至寶鼎 是夜 縣奉祇 旦 曲 翼日 二鼓,扶侍使 , 周 以 帝 戊午, 黄 服廷 /煙

皇宋 用 皇考太宗皇帝侑神作主。 77 祐 启 福 致 戴 其 土地 蕃 ,混一方興,祖 册 履蒙休。 滋 、恭。 文目:「維大中祥符四年,歲次辛亥,二月乙巳朔,十七 )祇:恭惟位配穹旻,化敷品彙。 介祉 夷夏 無疆,敢忘 申錫寶符 一十十分 爾紹隆,承平茲久。 ,瑄牲以薦, ,震以 祇 尚饗。」親封玉册,正坐於玉匱 、畏。 珍物,虔遵 恭以 肅然 · 宗幣、 犧牲 鄈上 眇躬 瞻言分壞,是宅景靈。 時 一,對越 纘 邁,已建天封。明察禮均,有所 嗣 一、粢盛 ,勵翼靡遑,厚德資 )坤元。 庶品,備 ,配坐於金匱,攝太尉奉之以降,置 式祈 日辛酉,嗣天子臣某, 年 備禮親 豐 茲 瘞 ,楙昭 生 禮。 一,縣區 洞 ,抑惟 皇伯 政本 未答 **允穆**,清寧孚 考 令典。 价价 兆民 太祖 沐 敢昭告 皇帝、 樂育 孤 肇啓

於石匱,將作監封固之。

刻名碑 所 壇受朝賀 封石 ,以首請祠汾陰故也。 帝還次,改服通天冠、絳紗袍,乘輦謁后土廟,設登歌奠獻,遣官分奠諸神。 陰。 匱。還奉祇宮,鈞容樂、太常鼓吹始振作。 ,肆赦,宴羣臣于穆凊殿、父老于宮門。 謁西嶽廟,從官皆刻名廟中, 仗衛儀物大略如東封之制。 穆清殿,奉祇宮之前殿也。 是日,詔改奉祇曰太寧宮。 命薛南試將作監主 詔五使、從臣 壬戌, 御朝覲 至庭中,視

簿

幣,同 用蒼璧,太清宮用竹册一副。 州,翰林學士陳彭年副之,權三司使林特計度糧草。 宮 三層,各長五尺三寸,闊四尺二寸,下層高二尺,中容玉匱,鑿深尺二寸,長二尺五寸,闊尺 尺,高 ,宰臣帥百官表請。 太清宮。 人靈,故不用玉。今詳太上老君,宜同天神用玉。 !如之,檢厚一寸二分,長廣 大中祥符六年,亳州父老、道釋、舉人三千三百十六人詣闕,請車駕朝謁太清 韶以明年春親行朝謁禮。 丁謂言:「太淸宮封藏太上老君寶册,請用玉 如置。 刻金繩道五,封處深二分,方取容受命寶。 命參知政事 禮儀院言:「按唐太淸宮令,奠獻用碧 昨薦獻聖祖大帝用四圭有邸。」 丁謂 爲奉祀經度制置使、判亳 一匱各 副 長廣 石 詔

志

第

五

+

禮

-6

賜 調 儀 取容『天 亳 使 寸 副 芝 州 陳 眞 下 層 堯叟爲 兵 源 同 高 部 縣 文 侍郎趙安仁爲扶侍使, 行宮名日 鹵簿使,丁謂 尺,南北刻金繩道三,相距各五寸,闊一寸,深五 寶,上層爲盡頂蓋。」以王旦 奉元 了,殿日 爲 橋道 迎禧 頓遞使。 入內 .副 爲 都知張繼能爲扶侍都監。 又以王旦爲天書儀衞使 奉祀大禮使,向敏中爲儀仗使,王欽若爲 分。 繁金繩處各深四分,方 · 王 帝 一欽若 朝 謁 同儀 玉 一清昭 衞 應 使 禮

幄殿, 府 道 納 獻 宮。 絳 宮 朝 於 紗 李安 醮 拜 袍 七 有 壇 鼓 聖 车 元嚴 司 奉上太 帝 祖 石 正 以 玉 殿 置 月 皇 衛眞靈芝二百 爲 乘玉 , 將 + 詔 大 終 八上老 五 帝像 號 作 獻 輅 日 監 駐 日 君混 ,發京師 帝還 鴻 加 大次。 改眞 慶宮 石 元 興洎白鹿前導天 濫 大 E 源 次 共 仍奉 德 日 了; 太 + 鼓, 皇帝 衞 九 一安太祖 、尉奉册寶于玉 眞 犁 日 奉天書 縣。 加 , 至 旦 號 稲 太宗 奉元宮, 册 八書而 車駕 賀於 1升殿 寶。 次亳州 大次。 像 置 夜漏 改服袞 齋于迎禧殿。 源 帝 駕 Ŀ 服 城 至 分 以 五. 西 、 華袍, 乘大 鞪 金繩 自 命 **是**,行朝 刻 亳州 輔 詣 , 臣 , 封 新立 天書扶侍使 薦 二十一日,帝服通 以 百 謁 獻諸殿 官 聖 金泥,印以 之禮 迎對 ,備儀衞還宮 祖 殿 , 改 奉天書赴太清 于 朝 相 太 奉元 王 拜 受命之寶 元 宮 宮 偓 至 天冠 為亞 西之 應 阴 天

陳堯叟 門 疏 [經 元 宮 以 緘 青 以 {中 忽 書甚 縷三 佇 縣 一百官並 食。 所 祥 ,膽望再 室 始 緘 符 神 中 登歌 言帝能 《啓封。 密 道 是 帛 光 遣官奏告天地、宗廟 貺 「抉以 ,盛以 篇 曜 大中祥 加恩 ,文武官陪列,帝服鞾袍升殿,酌獻三清天 .<u>;</u>拜 封 適 見 ك 以 帛上有文曰:「趙受命,興於宋 ,遣二內臣升 處 皇城司 ,改左承 金匱 利 至 **股**竦然起對 神人星 有字隱隱 孝 刀方起。 符元年正月乙丑,帝謂輔臣曰:「朕去年十一月二十七日夜將半,方就 至 奏,左承天門屋南 道 旦等稱賀於殿之北廡。 冠、絳衣,告曰: 天門爲左承 紹 蓋 屋,奉之下。 世 社 帝跪受,復授堯叟讀之。 ,已復無見,命筆識之。 神 稷及京城 Ä 所謂 天 祥 『來月三日, 角有黃 旦跪 天降之書也 符 祠 廟 ,付於睿(三)。 奉而 儉,終述世祚延永之意。 常曳 丙寅,羣臣 丁卯 進,帝 宜 自 鴟尾上,帛長二 書。 其書黃字三幅, ,有司設大次朝元殿 於正 干二 再拜受之,親奉安輿 王旦等皆再拜稱 居其器,守於正。 禮畢,步導入內。 入賀,於崇政殿賜宴,帝與輔臣皆 殿 月朔, 建黃籙道 卽 丈許 齋 詞類書洪範 戒 場 讀訖, 賀 緘 於朝元殿 世 之西 月 戊辰, 物如 七 , 帝 帝復 , 導至道 百 廊 將降天書大 卽 九 九 書卷,纏 老子道德 步至 跪奉 大赦,改 黄 九定。」 建 場 承 道 , , 付 天

山上 一,有紅紫雲氣 几 月辛 卯朔,天書 ,漸成華蓋 再降內中 ,至地而 功 德 散 閣 其日, 六月 八 木工董祚於靈液亭北, 日 封 祀 制置使王欽若 見黄素書曳林木之 言:「泰 山 西 南 垂 刀

志

第

五

+

善解 拜受 慶。 闕。 泰 奏,果與夢 Ш ,有字不 。」帝御崇正殿,趣召 吾意。 7,授陳 再拜稱賀。 , 宜 齌 堯叟啓封。 協 能 戒祇受。」 國祚延永,壽歷遐歲。」讀訖 識,言於皇城使王居正 上天眷佑 己亥,迎導天書,安於含芳園之正 一股雖 1輔臣 其文曰:「汝崇孝奉吾,育民 ,惟懼不 荷降告,未敢宣露,惟密 曰:「肸五 稱。 居正 月丙子夜, 王旦等曰:「陛下 ,復奉以升殿 覩 上有御名 復夢鄉者神 諭 廣 殿。 王欽若等,凡有 福 ,馳告欽若,遂迎 辛丑,帝致齋。 ·至德 錫 爾 人言:『來月上句, 動 嘉 天, 瑞、黎庶咸 祥異 感應昭著, 至官舍 翼 卽 日 上 備 知。 聞 一,授中 當賜 臣 法駕詣殿 秘守斯言 等不 股 今得 使捧 天 一書於 勝 其 耳 大

石 儀 殿 下 酌 ,副使已下 仗千六百 前 置 導 獻 九 玉清昭 訖 (月甲子,告太廟,奉安天書朝元殿,建道場,扶侍使上香,庭中 , 封 一、奉以 禪 人。 日 應宮寶符閣 日 皆奉以升壇 玉 莅 每歲元日 輅 事 中設 焉 下, 摹刻天書奉安昭應宮刻 ,召宰臣、宗室至禁中 几褥,夾侍立旁,周以 一,置正 一位之東。 自是 黄 凡舉大禮 朝 ( 塵仗 拜。 玉殿, 了,前後 前 当当如 日 行酌獻禮,令刻玉使日赴殿行 部 初 鼓 此 吹, 去 制。 葷 奏法曲 道門<br />
威儀, 茹。 於是製行殿 帝 , 將 自 行禮 製誓文,刻 扶侍 供 物 使以 詣 , 定 喔

天書禮儀使。 天 禧元 年正 有司設次天安殿,中位玉皇像,置錄本天書於東,聖祖板位于西,建金籙道場 月 ,韶以 十五 日 行宣 讀 天書之禮。 前二日, 齋 于 長 春殿 以 王 欽 若 爲 宣 讀

禮畢 中。 岩 知 衞使 書令任 三晝夜。 銯 白 主 ,奉天書還內。 叉取 跪展 、帝聖號寶册、袞服焉 中 日 宣讀i 其日 功德閣 跪 天書,攝太尉向敏中宣讀,每句已,即詳繹其旨, IE 取 跪 、畢,攝侍 左承 三鼓,帝服通天冠、絳紗袍,詣道場焚香再拜, 奏:「嗣 天書、泰 天門天書置案上,攝殿中監張景宗、張繼能 帝自 天子 中張 |作欽承寶訓述以示中外。 Ш ·臣某,謹與宰臣等宣 旻跪 天 書宣 奏:「嗣天子臣某,敢不虔遵天命。」 讀 如 上 一儀。 讀 王欽若跪進所錄天書,帝跪受之,登歌 天書 是月之朔,又奉天書升太初殿,恭上 一,講求 言上 聖意 西向 捧案,攝 天訓 ,虔思 立 儀衛使受天書, 諭之意 ,百官朝服升殿。 睿 司 訓 徒王曾、 為攝中 ,撫育 書令 生民 攝 跪納 司 酌 空張 一、一、债 王 攝 欽 甲 1

祖 揖 汝 尊 天尊而 天書,令再見汝, 是目 至,朕再 帝 降,乃軒轅 於大中祥符 後 , 刨 坐。 拜 於延恩殿設道場。 殿下。 皇帝 股欲 五 如唐朝恭奉玄元皇帝 ,凡世所知少典之子,非也。 拜六人, 年十月, 俄黄霧 起,須臾霧散 天尊止令揖 語輔 五鼓 臣曰:「肸夢 一籌,先聞異香,頃之,黃光滿殿,蔽燈燭 翼日 由 ,命朕前,曰:『吾人皇九人中一人也,是趙之始 西 ·先降神人傳玉皇之命云:『先令汝祖 ,復夢神人傳天尊言:『吾坐西,斜設六位以 陛升, 見侍從在東陛。 母感電夢天人,生於壽丘 天尊就坐,有 親靈 後唐時,奉玉 超某授 仙 六人 儀

志

第

帝命? 就 命參 天司 卽 南 離 命 郊設昊天及四位告之。 知 坐 七月一 保 一, 乘 政 事 生 、雲而 天 丁謂、翰林學士李宗諤、 日 尊 去。」 下降,總治下方,主趙氏之族,今已百年。 號日 王旦等皆再拜稱賀 聖祖 靈高道 龍圖 九天司命保生天尊大帝,聖祖母號曰元 閣待制陳彭年 卽 召旦等至延恩殿,歷觀臨降之所 與禮官修崇奉儀注。 皇帝善爲撫育 蒼生 天大聖后 閨 并 ,無怠前志。 十月, 布告天下 制九

月上 使,向敏中爲儀仗使,寇準爲鹵簿使,丁謂爲禮儀使,王嗣 玉帝聖號 七 年 九月 ,帝親撰文,及天書下,亦以此 卽 滋福殿設玉皇像,奉聖號匣,安於朝元殿後天書刻玉 日奏告, 仍定儀式 宗爲 橋 班之。 道 頓 遞 使。 幄 以王旦爲奏告 次。 詔 以 來 年 IE

殿。 道玉 禮畢還宮,易常服,御崇德殿,百官 皇大天帝 年正 一月朔 ,奉刻玉天書安於寶符閣 ,駕詣玉清昭應宮奉 表奏告,上玉皇 稱賀 ,以帝御容侍立于側,升閣酌獻。 大帝 聖號日 太 Ê 開天執符 復朝拜明慶二 御 曆含眞體 聖

燎,如祀昊天上帝儀。 徽號。十二月己亥,奉寶册 天書畢,大駕赴玉清昭 九年 一,詔以 來年正 畢,詣二聖殿,奉上絳紗袍,奉幣進酒,分遣攝殿中監上紫微大帝絳 應 月朔詣玉清昭應宮上玉皇聖號寶册,二日詣景靈宮上聖祖 宮,袞冕升太初殿,奉册訖,奠玉幣,薦饌三獻,飲福 、仙衣安于文德殿,乃齋于天安殿後室。 四鼓,帝詣天安殿酌 ,登歌,二舞,望 天尊 大帝

崇德 畢 過 設 仁 興 臣 紗 計 聖 副 殿 禁屠宰。 袍 之 殿 母 奉 集 臣 板位 一,遣官 禧 E 元 入賀 殿 命諸 聖 輔 文德殿 門 三月乙 旭 ,賜飮 攝 ||朔眞| 州 天 表 中 賀 設 尊 書侍 君 祟 E, 大 行 羅 紅 徳殿 帝 是 天 綃 郞 酌 大 册 日 日 衣、 獻 等詣 醮 天 殿 寶 禮 先 翊聖保德眞君 中 書赴 仙 監 拜 觀 建 衣 ,押當 奉 授 景 道場二十 薦 册 册 靈 寶 尽如 上 刑寶、 宮 懿 于 阜袍。 號 王 上 七日。 且 仙 儀 駕 聖 衣。 次 仙 至 乃改 祖 帝 命王 衣于趙安仁,以升 改服 , 齋 母 一月丁 服 元 日 于 天大聖 華袍 一為

克州 明 ·亥,帝i 福 寧閣 殿。 詣紫微殿 太 齌 焚香 極 于 金輅 其 長 觀 日 日 還宮 春 奉 , 帝服 寶符 殿 具 帝 鹵 寶 一、羣臣 不 袞 閣 册 簿 翼 視 焚香 冕 使 儀 日 入賀 朝 有 趙 衞 詣 所 禮 司

地 天 效法 玉 乃 徽宗 皇 者 厚 派 德 帝 政 奕 光 和 , 풆 萬 六年 大后 以 邦 論 黎 土 九月朔 者 庶 皇 析 ,強爲之名 地 玉 祇 皇大天帝 復奉 「以玉 玉 册、 昊天上帝 册、玉寶昭告上 玉 寶 , 上玉 言之, 帝 尊 帝 不 號 前 能 日 太 致 地 E 祇 開 故 未 也 天 有 執 稱 符 叉 謂 詔 御 護 以 曆 含眞 上 王 徽 者 體 號 父 天 道 承 母 昊

以 兩 方 玤 士 有 明 百 年 邸 ,幣以 五 執 月 威 計 黄 儀 , 舞 玉 前 淸 以 引 和 八 分列 陽宮 成 , 兩序,立於壇 奉 其餘 寶册 並 如 所 奉 下。 上 用 玉 皇尊號之儀 禮 以 瘞 坎易燎 徽宗崇尚道教, 柴, 設望 瘞位 , 制郊祀大禮 玉 以 黄 琮及

志第五十七 禮七

戟 賀 蔡京 製神應記,略云:「羽衞多士,奉輦 ,列於空際,見者駭愕。」仍遣使奏告陵廟 ,御製天眞示現記,尋以天神降 奏:「天神降格 政 和 = 年 <u></u> 月五 ,實爲大慶,乞付史館。」 日,恭上神宗、哲宗徽號于太廟。 目 武夫,與陪祝 爲天應節 詔 帝出手詔 卽 官 一,顧赔 其地建迎眞宮。 ,播告天下。 下天,有形有 翌日, 祀昊天上帝于 明年 羣臣詣東 象,若 夏至 人若鬼 上 躬 ,圜丘。 **閤門拜** 祀 方丘 持矛執 太師 表 , 又 稱

幣用 鼎皆 白 春,幣用 用 施 黄 地 爲中祠 西方 樂 堄 緋 又 用方士魏漢津之說,備百物之象,鑄鼎九,於中太一宮南爲殿奉安之,各周 墁 用宮架。 阜。 日 南方日 如 「品鼎 ,樂用登歌,享用素饌,復於帝鼐之宮立大 方色,外築垣環之,日 東方曰蒼鼎,其 | 形鼎 ,其色赤,祭以 北方曰寶鼎,其色黑,祭以冬至,幣用阜。 ,其色紫,祭以 、色碧,祭以春分, 秋分,幣用 九成 夏至,幣用緋。 宮。 白。 中央日帝 西 幣用青。 北 日 西南 角鼎 魁鼎 鼐 ,其色黃,祭以上王 日 東南 星洞 ,其色白,祭以立冬,幣用**卓**。 阜鼎 東北方日 日 其 岡鼎 色黑,祭以 牡鼎,其色青 其 八色綠, E , 立秋 爲 祭以 以 大 ,祭以 , 洞司 垣 立夏, 幣用 嘝 上

賀于大慶殿,如大朝會儀。 崇 (寧四 年八月,奉安九鼎 鄭居中言:「亳州太清宮道士王與之進黃帝崇天祀鼎儀訣,皆本 ,以蔡京爲定鼎禮儀使。 帝幸九成宮酌獻。 九月朔, 自 官稱

之所 卷 於 なく 元 用儀範 一記儀 <del>则</del>· が推 九 卷 鼎 宮太一,合於漢 之意 先 是, 施 於 詔 有 日 津 川 所 · 濫 九 那 授 非 上 以 今人所 奠 帝 九 錫 州 夏 能 禹隱文。 以 作。 禦 神 去 古 焱 同 綿 , 修爲 其 貌 用 祭鼎 文字 有 法 儀 雜 後 範 糅 失 , 其 印 修 擇 傳 成 其當 (根) 团 {書 理 王 與

,修爲定制

班

付

有

司

至

是

書

成

丼

以

尔

嵗

祀

鼎常:

祌

付付

有

口

行之。

侯 成 祀 祀 黄 功 魏 夏 帝 漢 后 持 詔 依 津 氏 感 以 生帝 太常 鑄 西 殿 鼎 廡 之 禮 禮 殿 神 地 部 用 日 州 持盈 中 作 言 地 祀 寶 祇 幣 「每歳欲 成 , 爲 洞 宮 各 大祠 周 總 用 成 於 白 屋 , 王 幣 大 -6 及 八樂告: + 昭 用 周 黄 應 公、 堂 成 , 品 樂用宮. 召公 崇政 禮用 , 中 置 殿 小 殿 架, 後 完 祀 日 置 並 進 祝 神 堂 樂日 文 靈 以 依 素 以 昭 , 饌 祀 應 秋 丽 聖 , 黄帝 八月二十七 從 施 祀 之。 稱 唐 嗣 李良及隱 東 皇 寙 帝 殿 日 臣 舉 土嘉 成 祀 功 成 其

改 划 爲 如 議 舊 隆 -巾 神 鼐 政 無 正, 正 和 像 東 依 六年 駕 北 方 左 南 據 詣 牡 , 宜 周 彤 ·,用方 鼎 鼎 鼎 鼎 畧 爲 復舊名 爲 星 奉安 龢 明 上 君 鼎 鼎 王 八神像 惟 中 仔 帝 IE 西 · 昔議 睘 南 席 東 象 明 星 蒼 阜 徽 , 日 鼎 君 鼎 定鼎 復 調 爲 爲 記問 右 畧 育 順 閣 仍 大 閣 鼎 鼎 於 舊 行 角 式 正 天章 星 香 東 , 君 西 南 百 閣 晶 尚 僚陪位。 鼎 閣 鼎 自 爲 下 爲 九 鼎 藴 潔 成 鼎, 鼐 宮 鼎 其後 神 徙 西 像 鼎 九 16 , 叉詔 鼎 各守 閣 魁 爲 奉安之。 鼎 九鼎新 畏 逐 爲 象 鼎 健 徽 鼎 布 名乃狂 調 又 列 , IF. 詔 , 閣 亦 16 改 寶鼎 用 帝 仔 那

志

第

五

+

二五四六

神之鼎、精明洞淵之鼎、天地陰陽之鼎、混沌之鼎、浮光洞天之鼎、靈光晃耀煉神之鼎、蒼龜 火蛇蟲魚金輪之鼎,奉安於上淸寶籙宮神霄殿,與魏漢津所鑄,凡十八鼎焉。 八年,用方士言,鑄神霄九鼎成,曰太極飛雲洞劫之解、蒼壺祀天貯醇酒之鼎、山嶽五

#### 校勘記

- (1) 斜刻其道 「道」,宋會要禮二二之九、通考卷八四郊社考都作「首」,疑作「首」是。
- 其園臺上設登歌鍾磬各一處 「處」原作「具」,據太常因革禮卷四二、宋會要禮二二之五改。
- **三** 付於客 「育」,長編卷六八、宋會要瑞異一之三〇都作「恒」。
- 四) 鼎閣 為圜象徽調之閣 上「閣」字原作「角」,據長編紀事本末卷一二八、宋會要興服六之一六、

压海卷八八改。

# 宋史卷一百五

### 志第五十八

禮八吉禮八

文宣王廟 武成王廟 先代陵廟 諸神祠

後唐 度于國學講論堂木壁。 命文臣分贊之。 十哲像, 畫七十二賢及先儒二十一人像于東西廡之木壁, 太祖親撰先聖、亞聖贊, 十哲以下 長興二年,仍復從祀。 至聖文宣王。 建隆中,凡三幸國子監,謁文宣王廟。 唐開元末升爲中祠, 又命河南府建國子監文宣王廟,置官講說及賜九經書。 周顯德二年,別營國子監,置學舍。 設從祀, 禮令攝三公行事。 太宗亦三謁廟。 宋因增脩之,塑先聖、亞聖 朱梁喪亂, 詔繪三禮器物、制 從祀途廢。

志第五十八 禮八

<u> 眞宗大中祥符元年,封泰山,詔以十一月一日幸曲阜,備禮謁文宣王廟。</u>

內外設黃麾

太 孔 叔 仗 梁紇、 牢 林 孔 修 以 氏  $\Xi$ 樹 颜氏 飾 宗 鄲國夫人。 摊 洞 屬 字,給便近十戶奉塋廟。仍追封叔梁紇爲齊國公,顏氏魯國太夫人口,伯 道 並 一,降 初有 陪 位 興乘馬 司 定儀 帝 服 ,至文宣王 華袍 潚 揖 行 , 帝特 酌 墓設奠再 獻 展拜 禮。 , 以 又幸叔梁紇堂 拜。 表 、嚴師崇儒之意,親製贊 詔 追證 日玄聖文宣王, 一,命官分奠七十二弟子 了; 刻 加 文進署 石廟 1/1 '、 先 魚母 祭以 復 儒 洎

詔 宣 二、豆二、簋一、簠一、俎一、燭一、爵一。仁宗再幸國子監,謁文宣王廟,皆再拜焉。 一、篚一、尊皆加勺、羃,各置於坫,巾共二,燭二,爵共四,坫至。 王。賜孔氏錢帛 太常禮院定州縣釋奠器數:先聖、先師每坐酒尊二、鏸豆八、簋二、簠二、俎三、罍一、洗 ,命宰相等撰顏子以下贊,留親奠祭器於廟中,從官立石刻名。 一年五月乙卯,詔追封十哲爲公,七十二弟子爲侯,先儒爲伯 ,錄親屬五人並賜出身,又賜太宗御製、御書一百五十卷,銀器八百 或贈官。 有從配之處, 諸坐各變 既以國諱,改諡 親製玄聖文宣 至聖文 兩。

熙寧七年,判國子監常秩等請立孟軻、楊雄像於廟廷,仍賜爵號;又請追尊孔子以

號。下兩制禮官詳定,以爲非是而止。

閔 子 **鑑九人亦在祀典。** 京 兆 府學教授蔣襲請以顏 禮官以孔子、顏子稱號,歷代各有據依,難輒更改, 回爲兗國公,毋稱先師,而祭不 ·讀祝,儀物 儀 一切 物 記獻 降殺,而 ,亦難 進

降 殺 一所請 九人,已在 祀典。 熙寧祀儀 哲皆爲從祀, 惟州縣釋奠未載。 請自今三京及

諸州春秋釋奠,並準熙寧祀儀。

劉 況 凡 封 天 向 H 下 食 杜 配 揚 享 學廟 黎 有 預 F 雄 、從 伯 范 掛 况 、韓愈皆發明先 ,皆塑 nin. 韓愈 ,令學 寧之徒 湯雄 祀 軻 引出 鄒 范 士院撰 鄒 與與顏 孔子 國 韓愈 寧下。 或 公。 公 子 同 人贊文。 像 並 俱配 時之人,今以 晉州 聖之道 一冠服 加封 冠 服 享 州 各從 爵 又 同 一有益 學教授陸長 ,至今從 詔 , **兗國公。** 以 封 太常寺脩 世 爵。」 學者 孟 次先後, 記 軻並 詔 愈 仍繪 久未 豈 几 如 配 請春秋釋奠, 必 禮 孟 , 從 配食 荀 同 非是。 釋菜 部議 況 祀 時 等像於 於左丘 一,誠 荷況 亚. 圆 禮 子 典也 官言:「唐貞 從 於孔 封 明二十一賢之間。 孟子宜 蘭 祀: 陵 門當在 請 伯 與顏子 荷沉 自 揚 1今春秋 人觀以 , 左 丘 一顏子之列 雄 並 漢伏勝 挂 酣 成 明 釋奠、以 自 都 1 議者以 或 们 高堂生 至 -]. 韓愈 揚 於荀 监 nn. 雄

元 站 六年 幸 太學 ٠, 先詣 或 子 監 至聖文宣 王 殿 行 澤愛禮 , 獻 再 拜

黌 乃 於 含 循 鄒 五i. 國 崇寧 聚四 代 公 故 之次。」國 初 方之 制 , 封 ,服上公之服。 土,多 孔 鯉 子 爲 監 且數千,宜建文宣 泗 丞 水侯 趙 子 孔 七十二子皆周人,而 櫟 言: 伋 為 . |唐 沂 王 水侯。 封 廟, 孔孔子 以 爲 韶:「古者 便 文宣王 衣冠率用漢制 薦 獻 其 · ,學必 又詔 廟 主 深先. 像 ,非是。」詔 ,內出 一安石 師 , 王 況 口 一者袞 配 都 孔子仍舊,七十 享 城 冕衣之。 孔 近 子 郊 廟 大 今 位 闢

祀 之人 酌 謂 易以周之冕服 今旣考正 獻 禮 公袞無升龍 ,當從所封之爵,服周之服,公之袞冕九章 ,遣官分奠兗國公而 配享、從祀之服,亦宜考正先聖之冕服。」於是增文宣王冕爲十有二旒 ,誤矣。 考問官司服所掌,則公之 冕與王同; 叉詔 辟廱文宣王殿以「大成」爲名。 下。 國子司業蔣靜 - ,侯、伯之鷩冕七章。 言:「先聖與門人通被冕服,無別。配享、從 帝幸國子監 弁師所掌, ,謁文宣 袞,公服也 則公之冕與王 王殿,皆再 ,達於上。

秦商 制。 人 及受業 潁川 鄕 丽 侯 又 大 原抗、 而 去公夏首等十人。今以家語、 侯 (史記 詔 見於 觀二 , 秦 開 詔 ,南宮縚汝陽侯,司馬耕睢陽侯,琴張陽平侯,左丘明中都伯,穀梁赤睢陵伯 封 商 元 樂欬 公書傳 國子監廟門立 年 公夏 弟子.傳日, 馮 禮 一,從通 郊侯 止七 首 (、廉潔,唐會要、開元禮亦 ,四十二人姓名僅存。 鉅 、原抗 任郎侯孟請,繪子思像,從祀於左丘明二十四賢之間。 十二人,又復去取不一。 平侯,后處膠 受業身通六藝者七十有七人, |戟十六,用正一品禮。 |樂平侯,樂敦 東侯,公肩定梁父侯 史記參定,公夏首、后處、公肩定、顏祖 建 家語日,七十二弟子皆升堂入室者。 成侯,康 互見之,皆有伯爵,載 本朝議臣, 斷以七 大中祥符二年, 賜由 潔作 自顔 顏 城 侯 祖 回至公孫龍 富陽侯,鄡單 叉詔 於 十二子之說,取零脹等五 祀 改 典。 阜廟 封曾參武 三十五 請 桓圭 聊 追 **劇**單 按唐會要七 議禮局言言 城 触 人頗有 城侯 侯 一,從上公之 侯 、罕父黑 鄮 罕父 戴聖 了,使預 年名 温 |建 黑 採

師

祈

考城伯,以所封犯先聖諱也。

春、 樂成 萊伯 公中耕 咸丘 西向 言偃 爵 仲 樂正子 蒙須 河 ,充虞昌樂伯 五年, · 西 ,韶下國子 政 秋 下邳 和三年,韶 上丁 東公卜商、武城侯曾參並 旗 城伯 克利 , 長 太常寺言:「兗州 一公冉雍 日 高 山侯林放以下 釋奠。以兗國公顏回、鄒 學選 國 封 l"屋廬 子 侯,公孫丑 泗水伯 王安石舒王, 配享; 諸 、臨淄公宰予 生肄習 連奉符伯 桃桃 一壽光伯 鄒縣孟子 至臨 了, 上 應 東向 1 廖 徐辟 ``黎陽公端木賜並酉向 川伯王 水伯 釋奠,奏于堂上,以祀 ,萬章博興伯 廟,詔以樂 國 仙 安石子雾臨川伯,從祀。新儀成,以孟春元 東廡,潁川 一
男
四 会 金 公孟 源伯 成括萊陽伯 十八人並東向。頒辟 軻、舒王王 ,陳代沂水 正子 ,告子不害東阿伯 侯顓孫師以 配享, 安石配享殿上, ,彭城公冉求、河內公仲由、丹陽 先聖。 伯, 季孫豐城伯 公孫丑 彭 下 更雷澤 至成都伯揚雄四十 雅大成殿名於諸路州 孟 以下從祀,皆擬 仲子 伯, 子叔承陽伯。」大晟 琅邪 新 公 泰伯 不都子 公 閔損、東平 日 平 陳 釋菜, 一 定 其 封 九 陰伯 學 仲 並

像 祀儀陳設 7,使邪 靖康 說淫辭 元年 ,其五禮 ٠, 不爲學者之惑。 右 新儀 諫 議 勿復 大夫楊時言王 [ 2 ] 詔降安石從祀 一安石 學術之謬 廟廷。 , · 請追 尙書傅墨卿言:「釋奠禮饌,宜依元豐 **拿王** 爵,明詔 中外, 毁去 配 享之

時 又有算 學。 大觀三年,禮部、太常寺請以文宣王爲先師,克、鄒、荆三 國公配享, + 哲

志

第

五.

+

八

禮

八

榮方 1 夏 湖 穀 伯 魯 城 都 定 從 樂子 (算 伯 归勿 泉 7[2 城 張 陽 易 公 祀 子 美陽 1É1 伯 常 學 男 ,京房樂平 作 胄 إبرا 浴 · 晉 É 魯  $\dot{\pm}$ 劉 宋 玄 儀 封 伯 昔 後 希 梓 下 炉 郭 祖 東 原 風 著 璞 都 后 周 宏 昌 光 齊 愼 明 冲 名 之范 亭子 闦 伯 聞 伯 上 瑯 汝 公 頸 甘 算. 陽 喜伯 鸞 中 德 谷 娜 翼 鬼俞 周 數 陽子 公 菑 伯 男 · 劉 無 <u></u> 奉 王 者 箕 Ш , 晉 極 嚴 朴 宋 良 李 炫 畫 品 伯 男 , 成成 宜 景 子 鼎 君 後 東 何 史 像 伯 趙 隋 魏 平 承 魏 都 遼 平 祚 城 兩 伯 公 魙 子 · 李 高 廣 商 天 東 廡 廬 石 昌 中隆 (皇子 , 商 大 漢 都 都 ) |唐 紹 請 蕁 「盧伯 翼 男 長 伯 鄧平 傾仁 平 巫 周 加 (樂子 邊 慮 成 , 陵 咸 魏 魯 賜 大 北 伯 平 伯 均 新  $\overline{\mathbb{R}}$ 劉 出 夫 河 五. 男 漢 , 商 16 楚 等 徽 成 摢 野 齊宋景業廣 張 東 安子 子 淄 平 鮮 丘 公 高 爵 齊 衡 尋 昌衍 子 于妄人 音 鄉 信 郁 西 隨 詔 劉 夷公 男 澳 · 王 都 野伯 史蘇 以 洪蒙陰子 所 芳 伯 黄 晉 封 鄓 孝 7樂城子 宗伯 , 凊 剣 剛 帝 姜 通 晉 以 顗 大 泉伯 居 撓 岌 定 陽 爲 觀 介 裨 興 , 竈 休 伯 其 先 成 陽 涿 , 隋 愼 , 魏管輅 学陽: 子 子 , 秦 庬 服 紀 师 耿壽昌 蕭 北 陽 公 男 吉 齊 伯 、襄楷 瞿 1 伯 張 於 許 臨 曇羅 , 徒 隸 平 是 湘 單 安 遵 首 丘 父 图 趙 原子 中 定伯 高 伯 颺 潁 建 陰 居 史 陽 書舍 陽 湖 字 , 信 墨 陽 周 延子 , 字 臨 陸伯 吳 易 伯 公 成 夏侯 孝恭 入 11 , 男 趙 陽 李 張 隋 晉 答 馬 伯 達 淳 新 樊英 勝 夏候 季 耿 | Jil 邦 偃 詢 関 昌 1任 周 25 風 四

包 學 建 心 寸. 部 殿 圓 宇 外 郎 則 吳 配 時 食、 言 從祀 当 造之 難 然於其 學. 教 人。 查 請 生 春 徒 秋 使 糉 奠 知 以 孔 11-令 7 盐 爲 畫 師 博 此 上 道 量 德 率 之所 職 事 以 生 員 也 , <u>V</u> 孤 岩

執事,庶使知所宗師。醫學亦準此。」詔皆從之。

(儀) 時通攝,未副崇祀向學之意。望自今備差太尉、太常、光祿卿以充三獻。」又命崇文院刊 學獻官、太祝、奉禮,皆以法服 言:「上丁釋奠, 上佐、縣丞亞獻,州博士、縣主簿終獻 行 日 ,各服其服 祀 ,從祭之官,齋於公館。 |及祭器圖頒之諸路。 、謁奠先聖,如春秋釋奠儀。 沉春秋自有釋奠禮,請罷貢舉人謁奠。」 ,非尊師重教之道。」詔太常禮院檢討以聞。 其釋奠之禮:景德四 ,以盡事神之儀。」詔以衣服制度攽使州 舊禮以祭酒、司業、博士充三獻官, 年,同判太常禮院李維言:「按開寶通禮,諸州 |際寧五 祭日 ,至於郡邑,則用常服。 ,刺史爲 年 ,國子監言:「舊例遇貢舉歲,禮部貢院集諸州府所貢第 初獻 有故,以次官攝之。大中祥符三年, ,上佐爲亞獻,博士爲終獻。 按五禮精 新禮以三公行事,近歲 縣自 望命 造焉 義,州縣釋奠, 有司降祭服于州縣,凡獻官、祝、 崇寧 釋奠,並 今諸 止命獻官 刺史、縣令初獻 r,議禮 判 州 刺 國 子 長 局言:「太 史致齋三 監孫 枫 吏不親 釋奠 員 臨 頭

食。 ,擇日謁先師,遂爲常禮。 昭文、崇文兩館學士及監內諸舉人,亦準此。」自後諸州府貢舉人,十一月朔日 其謁先師之禮:建隆二年,禮院準禮部貢院移,按禮閎新儀云:「舊儀無貢舉人謁 開元二十六年,詔諸州貢舉人見訖 大觀初,大司成強淵明言:「考之禮經,士始入學,有釋菜之儀 ,就國子監謁先師,官爲開講,質問 疑義 了,所 正衙見 先師 μij

志第五

禮

請 宣 八 載 褪 員 自 E 並 殿 今每 從之。 以 程 常常 爲 顥 博 歲 大 服 程 行 祀 貢 顚 禮 IE. 士 淳熙 錄 始 貢 朱 入 熹 上 辟 几 大 從 初入 年 彨 雍 祀 , 並 學者 員 去王 以 黜 以 元 丽 雾 王 IE. 日 位 安 畫 釋菜 錄 石 于 像 庭, 于 應 景定 淳 其 先 祀 祐 聖。 他 官 元 前 亦 年 年 其 略 釋 正 倣 菜 皇太子 月, 釋 獻 奠 日 理宗 官 之儀 赴 詣 學 學, 幸 員 ٠, 太學 各 , 紹 請 以 宿 圓 以 丞 其 + 張 或 詔 次 车 栻 博 以 , 周 至 詔 呂 敦 日 乢 πH 頤 分 大 詣 支 張 從

燕伋 侯 郊侯 奚 公 熫 配 邵 睢 冉 雍 容 位 咸 宛 金鄉 陽 淳三年 耕、 點 秦 句 侯司 司 費公閔損、 旭 一侯顏之僕、建成侯樂欬、堂邑侯顏何、林慮侯狄黑(三、鄆城侯 侯澹臺 富 馬 齊公宰予、徐公冉求、吳公言偃、陳公顓孫師,居殿上 光 湯 雷 馬 ٠, 澤 耕、平陰侯 侯 列 詔 侯顔 滅 颜 從 封 、薛公 明、任 曾參郕 甝 祀 滏 高 一中雍 其序 上 城 陽 有 國 侯 邽 **侯原憲**、 、黎公端 公 充 句 、東阿侯 侯 壤 井 國 孔 噩 公、郕 伋 駟 汝陽 赤、 木賜、衞 沂 鄄 巫 或 成 城 馬 侯 或 公, 公、沂 侯 施 南 邑侯石 秦商 、陽穀 宮适、萊蕪侯會點、 公仲由 配 享先 國公、鄒 作蜀、 父侯顏 卽墨 聖; 魏公卜 鉅 侯 辛、上蔡侯曹邮 戜 封 公祖 平侯公夏首 顓 公, 商 西 孫 , 居正 句茲、武 須昌侯商 面 居殿 師 , 陳 立位之東 孔忠、徐城侯公西點 東向 國 1-城 公, 廖 東面 北上, 東侯后 瞿 侯 棱 升 面 縣 一、平則侯 江 成、汧 西 西问 侯公孫 爲 哲 處、 向 從 位. 16 1 漆 祀 復

開

東

馮

爲

鄆

以

梁赤 滎陽 臨 濮 伯 侯施之常 萊 服 蕪伯 虔 高 司 空 堂 華亭侯秦非、 王 生 ·、樂壽 肅 司 伯 徒 文登 杜 毛 Ĕ、 預 侯 彭 申 1黎伯 城 伯 韓 劉 濟陰侯顏會 愈 向 中牟伯 河 南 伯 泗 程 鄭 顥 衆 水侯 新 緱 孔 安伯 氏 鯉、蘭陵伯 伯 杜 邵 子 雍 春、 温 荷 良 況 或 鄉 公 睢 伯 司 陵 廬 馬 伯穀 植

阜侯 華 陽 伯 顏 無 張 繇 栻 共城 凡 五 侯 高柴、 人, 並 壽張 西 侯 向 公伯寮、 西 廡 益 單父侯 都 侯 樊須、 宓 不 齊 鉅 野 高 密侯 侯 公 西 公 赤 冶 千 長 乘侯 北 海 梁鱣 侯 公 晳 臨 哀 沂 曲 侯

齊、 冉 牟平 沐陽 侯 公公 侯 良 伯 孺 虔、 、新息侯 諸 城侯 秦 冉 冉 季 、濮陽 梁父 、侯公肩定、 侯 漆 雕 哆 聊 高 城侯 苑侯 鄡 漆 單 雕 徒 祁鄉 父、 鄒 侯罕父黑 平 侯 商 凙 淄 、當陽 JII 侯 侯 中黨 任

厭 次侯 公榮旂 南 華 侯 左 人 郢 胸 Ш 侯 鄭 或 樂平 -侯原亢、 胙城 侯廉 潔、 博平 侯 叔 仲 會、 高 堂 侯

溗 邽 ·; 中 + 巽 臨 都 胸 伯 侯 左 丘 公 明 西 興 臨淄 如 內黃 伯 公 羊 侯 高 蘧 、乘氏 瑗 長 伯 Ш 伏 侯林 勝 考城 放 南 伯 頓 戴 侯陳亢 聖 曲 阜伯 陽 平侯琴張 孔 安 國 成都 博昌 伯 侯 揚 雄 叔

歧 陽 伯 賈 逵 扶 風 伯 馬 融 高 密 伯 鄭玄、 任 城 伯 何休 偃 師 伯 干 弼 新 野伯 范 寧 汝 南伯 周 敦

伊 陽伯 程 頭、郿 伯 張 載 徽 國 公朱 熹、開 封 伯 呂 祖 謙 凡 五 一人,並· 東向

昭 烈 武 成 Ŧ 自 唐 立 春秋仲月上戊 日行祭禮 上元 初 封 爲 武 成王

志第五十八 禮八

之。 聞。 廟, 與國 + 四 哲等, 作 學相 月,帝 後 對 又加七十二弟子。 命左諫議大夫崔頌董其役,仍令頌檢閱唐末以來謀臣、名將勳績尤 幸廟,歷觀 圖壁,指白 思曰:「此 |梁廢從祀之祭,後唐復之。 大中祥符元年,加諡昭烈 人殺已降,不武之甚,何受享於此?」命去 太祖建隆三年, 韶修武成 沒著者以 E

景德

四

年,詔

西京

澤地

建廟,如東京制。

爲 令太常寺修入祀儀。」 初獻,丞爲 員 數 初 享,不 獻 少,故差右選。 初 ",其 亞 建隆 亞 用 議 獻、終獻及讀 獻,博士爲 建隆升降之次。 升歷代 今武學隸國子監,長、貳、丞、簿,官屬已多,請並以本監官充攝行事 功臣二十三人,舊配享者退二十二人。 終獻 祝、捧幣, 大成祝 元豐中,國子司業朱服言:「釋奠文宣王 、奉禮並以監學官充。 令三班院差使臣充之。 及 官制 上戊釋奠武成王,以祭酒 慶曆儀,自張良、管仲 未行,武 以 /國子 學隸樞密院 祭酒 ···、 司 而 。學官 ?業爲 下依 司 業

士孫宗 預配 至王 命召虎』、『程伯休父』,是均爲周將,功著聲詩,今昔所尊惟一尙父,而南仲、吉甫之徒不 食,餘如卻數之閱禮樂、敦詩書,尉繚以言爲 政 鑑亦請以黃石公配。 和二年,武學諭張滋言:「詩云『赫赫南仲』、『維師尚父』、 後有司討論不定,國子監丞趙子崧復言之。 學者師法,不當棄而不錄,請並配食。」 『文武吉甫』、『顯 允方叔 博

宣和五年,禮部言:「武成王廟從祀,除本傳已有封爵者,其未經封爵之人,齊相管仲擬

侯 封 涿 蜀 水 丞相 侯, 諸 大司 葛亮順 馬 田 興 穰 侯 首. 横 魏 山 西河 侯 守吳起 吳 (大將) 封 軍 廣 孫 宗 武 伯 滬 瀆 齊 將孫臏 侯 越 相范蠡遂 武 清伯 武 田 單 侯 昌平伯 燕將樂毅 |趙 將 平 廉 虜

儀 以 頗 張 臨 业. 城伯 良 東 配 向 亨 殿 案 將 東廡 E 王 管仲、 翦鎭 白起 Ш 、孫臏 孫武 伯 、樂毅、諸葛亮、 漢前 、廉頗、李牧、曹參、 將軍 一李廣 李勣 懐 柔 並 周勃、李廣、 伯 西 向 吳將 軍 田 周瑜 霍去 穣 苴 平 、范蠡、 病、 虜伯 鄧 禹、 韓信、李靖、郭子 。」於是 馮異、吳漢、 釋 **愛**日

猛 夫 李孝恭、蘇定方、王孝傑、王晙、李光弼 馬援、皇 衞 鎭 青 惡 趙充國 甫 嵩、鄧艾、張飛、呂蒙、陸抗、杜預、 斛律光、王僧辯、于謹、吳明徹、 、寇恂、賈復、耿弇、段頻 並西 (台)、張遼 韓擒虎、 向; 陶侃 西廡 慕容恪、宇文憲、韋孝寬 關羽、 史萬 吳起、 歲、尉遲敬德、裴行儉、張仁亶、郭 周瑜、 田 單 陸遜 、趙奢、王 、羊祜、王濬 翦、彭越、 楊 素、賀若弼 謝玄、 周

林保 而 勵 秦:「竊! 將 紹 上 興七 也。 見昭烈 年五月,太常博士黃債厚乞以仲春、仲秋 乞今後 武 成王 上戊釋奠用牲牢,以管仲至郭子儀十八人祀於殿上。」從之。 享以酒脯而不用牲牢, 雖日 上戊日 時方多事 行 , 禮用綿葯,然非所以 <del>|</del> 年五 月 國子 監 武 丞

振

李晟

並

東向

凡七十二將云

興 間 乾道 右 IF. 六年(七),詔 Ē 都民望言:「李勣邪說誤國,唐祀幾滅,李晟有再造王室之勳 武 成 王廟 升李晟於堂上,降李勣於李晟位次,仍以曹彬從祀。先是, 宜 升李晟于堂

志

第

Ti.

有是命。 朝名將 上,置 列。 班超之流,皆爲有漢之雋功;在晉則謝安、祖逖, 銓 次,失於太雜。 竊 [李勣於河間王孝恭之下。」至是,著作郎傅伯壽言:「武成廟從祀,出於唐開元間,一時 聞邇 ,繪於殿廡,亦乞取建隆、建炎以來驍俊忠槩之臣、功烈暴于天下者, 日議 。如尹吉甫之伐玁狁,召虎之平准夷,寔亞鷹揚之烈;陳陽、傅介子、馮奉世、 臣請以本朝名將從祀,謂宜倂詔 有司,討論歷代諸將,爲之去取,然後 在唐則王忠嗣、張巡輩, 皆 參陪廟祀。」故 不得 預從祀之 與本

雨 不 **茈**,宜以 先代陵廟及錄名臣後。 ,郡國置戶以守,隳毁者修葺之。」 建隆 元年,詔:「前代帝王陵寢、忠臣賢士丘壠,或樵采不禁、風

乏祀 武王、漢高帝光武、唐高祖太宗,各置守陵五戶,歲春秋祠以太牢,商中宗太戊高宗武丁 牢,或陵 有故則上佐 ,闕孰甚焉。按祠命,先代帝王,每三年一享,以仲春之月,牲用太牢,祀官以本州 乾德初,詔:「歷代帝王,國有常享,著于甲令,可舉而 S 墓雕· 行事 存,不禁樵采。 官造祭器,送諸陵廟。」又詔:「先代帝王,載在 其太昊、炎帝、 黄帝、 高辛、 唐堯、 行。 自五代亂 **虞舜、** 祀典,或廟 夏禹、成湯、 幽 百百 貌 るる 司 廢墜,匱 , 久廢牲 周文王 長官,

莊 秦 周 宗 始 成 明宗 皇 王 帝 康 王 晉 漢 分景帝 高 漢 文帝宣 祖 ,各置 武 帝 帝、魏· 明帝 守 陵 章帝 太祖 兩戶,三年一祭以 魏文帝 дд FI 武 帝 、後周 後 魏 太牢; 孝文帝、唐玄宗 太祖 隋高 周 桓 Ē 祖 景王威烈王 憲宗肅宗宣 各置三戶 、漢元帝 嵗 宗 梁太祖 享以 成 帝 太 長帝 牢 後 唐

後 帝 平 唐末 帝 東 和 魏 帝 帝諸陵 孝靜 殤帝安帝 帝、 ·,常禁樵采。 唐高 順帝 宗 沖帝質帝 中宗睿宗 、」尋又 へ 禁河 德宗 獻帝、魏 南 順宗 府民耕晉 明 穆宗代宗敬宗文宗 帝 高貴. 漢廟壖 鄉 公陳留 地 王、 武宗懿宗僖宗 凡諸陵有經開發者 晉 1惠帝: 懷 帝 沼宗、 愍帝 梁少帝 有 西 言] 魏文 造

袞 冕服 、常服各一襲, 具棺槨以 葬 ,掩坎日 (元),所 在長 吏致祭。

燕 孫 無忌 《樂毅、漢曹參陳平韓信 趙趙奢、漢邴吉、唐高 詔 葬,掩坎日致祭,長吏奉 魏徵 孫臏等各置守冢三戶 削 李靖李勣尉遲恭渾瑊段秀實等, 代功臣、烈士, 周亞 士廉唐儉岑文本馬周爲之次; 詳其勳業優劣以 失衞青霍去病 霍光、 皆勳德高 聞。 有司言:「齊孫臏 蜀 昭烈帝 邁 南燕 爲當時之冠,晉趙簡子 關羽張飛諸 慕容德、 晏嬰、 協亮、 唐裴寂、元稹又次 晉程 嬰公孫杵臼 唐房玄齡長 一、齊孟

景德 者 元 碑碣、石 年,詔:「前代 獸之類,敢有壞者論如律。 .帝王陵寢,名臣賢士、義夫節婦墳壟, 仍每歲首所在舉行 並 此令。」鄭州 一禁樵采, 摧 給唐相 毁者 官爲脩 装度

朝

服

以

一行其事

志

第

填三 戸 賜 或 忠懿王 錢 俶守墳三 戶。 加 諡 太公望昭烈武 成 王 建 廟 青 周 公 日 追 封

文憲 王 建 廟 兗 州 春秋 委長吏致祭。

郭 其 本 子 餘 州 儀 許 春 熈 寧元 採 耕 秋 元 佃 致 亨, 爲 祭 年 其家 ·, 從 守 置守陵 長 凌戶 孫 知 濮 無 , 忌孫宏 州 五. 餘 戶, 韓鐸請:「堯陵 並 水 **爱**其 止 皆 命 租 先是, 以官。 一,奉 在 洒 雷澤 仁宗嘗錄 掃 神宗 \_\_ 縣 又以 又錄 東穀 唐 中 魏 張 林 丞 徴 九齡 山 鄧 孫 潤 道嚴 陵 九 甫 南 代 有 段 孫 , |堯母 唐 秀 錫 實 誻 慶都靈臺廟 十 二 狄 烫 仁 除 世: 傑 孫 汉阳 定 頃 孫 畝 或 八世 誧 外, 敕

帝 王 配 元 亭 站 儀 六年 下, 諸 詔 州 相 以 州 商 時 薦 王 祭,性 河 宣 甲冢 用 羊 沂 豕 政 州 費 和 縣顏眞卿 議 禮 局 遂 墓 爲 並 定 載祀 制 典。 先 是 乾德 中, 定 先

孫

文

四

仍

復

清之 州 ナレ \_奏 淳 紹 有 站 興 唐帝 史載 八 元 年 年 祠 炎 湖 命 帝 其 南 祠 陵 山 安撫大使、 禹 在 日 於 堯 長 越 沙 山 州 茶 ; 知 陵 及 有 潭州 虞 洏 祖宗 帝 越 陳韡 洞 王 時 句踐 其 給 再言 近 山 陵 以 日 范 從 七 虞 之。 戶 Ш 蠡 守 ; 配 請 視 著 淳 禁其樵牧 乏 熙 祀 VU 年, 典。 靜 宜 1 江 復 几 守 建 年 臣 廟 張 衡 給 州 栻 守 奏 戶 如 臣 所 故 劉 領

成 初 信候 紹 興 杵臼爲忠智侯, 年 駕 部 員 外 命絳州 郎 李 愿 立廟 奏「 一歲時 程嬰、 奉祀, 公孫 杵臼 其後皇嗣衆多。 於 趙 最 爲 功 臣 今廟宇隔絕, 神宗 皇 未 祭亦 红 弗 封

舊立 嬰、杵臼 正 言以拒之,而 ,宜於行 祚 德廟致 並享春秋 在所設位望祭。」從之。 **S.祭。**」十: 嬰、杵臼 之祀,亦 六 年 皆以死 ,加嬰忠 足為忠義 图 其 節 無窮之勸。」 狐 成 了; 卒立 信侯 年 , 中書舍人朱翌言:「 , 趙 杵臼 武 禮寺 7,而)趙 通 亦言 勇忠智侯, 祀 不 一、一崇寧間 絕,厥 謹按晉國 厥 之功 忠定 已封 也 義 屠岸 厥 成侯。 義 官 買 成 載 侯, 之匍 泛祀 後改 今宜 典, 封 韓 婴 依 與 厥

疆

濟公

杵曰英略公,厥

啓侑公(10)

升

爲

印祀,

有爵位· 州 仍 有 馭 雨 者 禁 定制,乃並給告、賜額、降敕。已而 神 王古二 者 封 軍 恩禮 並 諸 民 清烈公,在潭州 者從其本封。 洞 加 擅 廟。 有序。 請:「自今諸神祠 崇 立大小 飾 自 增 開寶、皇祐 欲更增 祠。 婦人之神 祀 者封忠潔侯 秘 典。 神仙 書監. 熙寧復 以來, 無 封號 饀 何志 · 封夫人,再封 號者賜 凡天下名在 ,初眞人,次眞君。」大觀中,尚書省言 詔 同言:「諸州祠 詔開封府毀神祠一千三十八區,遷其像入寺觀及本廟 永康 應 廟 洞 軍李冰廟, 額 廟 妃。 "; 已 祈 地志 禱 其封號 )賜額 靈 廟多有封質 一,功及 驗 已封 者 "; 而 者初二 加 生民, 封爵 廣濟王 未 有 一字,再 未正 爵 宮 初 號 觀 封 之處, 近 並 加 侯 陵 一乃封 四 ,再封公, 以 廟 学。 名聞。 神 名 靈 如1 加 應公。 屈 加 如 原廟 於是太常 大 封 此 次封王, ĺЩ **龥等**,未 則錫 能 如 此之 住 興 命 雲 生 博

志

第

五

+

八

禮

八

校

勘

82

賜額、封號,多在熙寧、元祐、崇寧、宣和之時。 類 ,皆未有 祀典,致前後差誤。 宜加稽考,取一高爵爲定,悉改正之。 他皆做此。」故凡祠廟

憐其 郭成 也; 111 通 部員外郎張夏築錢塘江岸,則以爲人除患者也; 神、龍神、水泉江河之神及諸小祠,皆由禱祈感應,而封賜之多,不能盡錄云。 判董元亨、指揮使馬遂,則死於亂賊者也;若王韶於熙河, 於懷 忠,而趙普祠 其新立 韓琦在中山,范仲淹在慶州,孫冕在海州,則以政有威惠者也; 慶軍,折御卿於嵐州,作坊使王吉於麟州神堂砦,各以功業建廟。 |廟:若何承矩、李允則守雄州,曹瑋帥秦州,李繼和節度鎭戎軍,則以有功一方者 中山、韓琦祠相州 則以鄉里,皆載祀典焉。 封州曹覲、德慶府趙 李憲於蘭州, 其他 王承偉築祁州河 州縣嶽瀆、城隍、仙佛 師旦、邕州蘇 劉滬於水洛城 寇準死雷 緘 州,人 恩州 促,工

#### 校勘記

魯國太夫人 「太」字原脫,據太常因革禮卷八一、長編卷七〇、宋大詔令集卷一五六補

 $\Xi$ 开官氏 合集卷一五六作「丼」。 考異卷七○據漢禮器碑等石刻,認爲當作「丼」,「开」或「丌」、「衦」,乃 「开」,長編卷七〇同, 通考卷四三學校考作「丌」,太常因革禮卷八一作「升」,宋大詔

傳寫之誤。

- 爵共四坫 通考卷四三學校考作「爵共四,坫共二」。此處「坫」下當有脫文。
- 吳趙達 「達」原作「達」,據容齋三筆卷一三大觀算學、宋會要崇儒三之四及三之五改。 (三)國

志吳書有趙達傳。

- ご 狄黑 原作「狄墨」,據史記卷六七仲尼弟子列傳、通典卷五三禮一三、通考卷四三學校考改。
- (六) 段頻 「頻」原作「顥」。按上下文武將名次,此人應爲後漢的段頻,後漢書有傳,據改。
- (主) 乾道六年 按此年所載之事、汪海卷一一三、中興聖政卷五五、宋中興編年通鑑卷九都繫於淳熙

四年,此處紀年誤。

- 掩坎日 「坎」原作「次」,據通考卷一〇三宗願考改。 下同。
- (五) 所領州 「所」原作「初」,據通考卷一〇三宗廟考改。
- 後改封嬰疆濟公杵臼英略公厥啓侑公 「疆」,宋會要禮二〇之二七、宋史全文卷二二作「彊」。 「侑」、宋會要禮二〇之二七、宋史全文卷二二、通考卷一〇三宗廟考都作「佑」。
- (三) 王古 原作「王右」,據宋會要禮二〇之六、長編卷三三六改。



# **采史卷一百六**

## 志第五十九

禮九吉禮九

### 宗廟之制

皆立 左 上 不易其法。 七 相承不改。 皇高祖文安府君日文獻皇帝,廟號僖祖; 廟,蓋親廟之外,祀太祖與文王、武王也。 五廟,蓋二昭二穆與其始祖 宗廟之制。 稽古之道,斯爲折衷。 然七廟之室,隋文但立高、曾、 建隆元年,有司請立宗廟,詔下其議。 也。 伏請追尊高、曾四代,崇建廟室。」 有商建國,改立六廟,蓋昭穆之外,祀契與陽也。 皇會祖中丞府君日惠元皇帝,廟號順祖 漢初立廟,悉不如禮。 祖、 禰四廟而已。 兵部尚書張昭等奏:「謹案堯、舜、禹 唐因立親廟,梁氏而下, 魏、晉始復七廟之制,江 於是判太常寺竇儼奏 |周 立

志第

Ħ

+

九

禮九

元殿 聽衞 文懿 皇后 府君 備 禮 册四親廟,奉安神主,行上諡之禮。 簡 皇曾祖妣桑氏 恭皇帝 ,廟號翼祖; 曰惠明皇后; 皇考武清府君日昭武皇帝,廟號宣 皇祖: 妣京兆郡太夫人劉氏 二年十月,祔明憲皇后杜氏 日 簡穆 祖 皇 皇高 於宣祖 祖 妣崔 太祖 室 御崇 氏日

廟 室,請依長安之制,東西 西夾室各一,前後 ,以孝明 太平興國 皇后王 二年,有司言:「唐制,長安太廟,凡九廟,同殿異室。其制 氏 面各三階,東西各二側階。 配。 留夾室外,餘十間分爲五室,室二間。」從之。 本朝太廟四室,室三間。 三 十 一· 四月已卯, 奉神主 今太祖 間皆四柱 升耐,共 成 東 耐 五

以 議 惠、孝章皇后日 李宗訥等言:「僖祖 『天子絕朞喪。』安得宗廟中有伯氏之稱乎?其唐及五代有所稱者, 弟繼及,亦移昭穆之列,是以漢書『爲人後者爲之子』,所以尊本祖而重正統也。又禮云(三): 此 ,戶部尚書張齊賢等言:「汪制『天子七廟』。 觀之,唯父母得稱考妣。 請自今有事於太廟,則太祖幷諸祖室,稱孝孫、孝曾孫嗣皇帝,太宗室,稱孝子嗣皇 至 |道三年十一月甲子 並稱伯妣。 稱會高祖 ,奉太宗神主祔廟,以懿德皇后符氏 按 , 今請 太祖 爾雅有考妣、王父母、曾祖王父母、高祖王父母及世父之別。 僖祖 稱伯,文懿、 止 稱廟號 謂三昭三穆與太祖之廟而七。 順祖 惠明、 簡穆、昭 而下,卽依獗雅之文。」 事下尚書省 配。 憲皇后並 咸平元年, 判太常 蓋禮官之失, 一稱祖 妣, 前代或有兄 孝明、孝 非正 禮院 典

其爾雅『考妣』、『王父』之文,本不爲宗廟言也。 歷代旣無所取,於今亦不可行

文、武 |祖||室 稱 室 兄 弟 日 小乙兄弟四人相承 曾祖 繼統 ,亦請依此 日皇伯考妣 詔 昭穆同 下禮 ,后日曾 同爲 官議 爲 世。 一代。 ,太宗室日皇考妣。 温妣 議 ,故不稱嗣子而 口:「按春秋正 伏請僖祖室 又魯隱 桓繼及, 止 義『躋魯僖公』云:『禮,父子異昭穆,兄弟昭 稱 曰及王, 明不繼兄之統也。 每大祭,太祖、太宗昭穆同位 廟 號 宣 皆當穆位。 ,后日 祖 室日皇祖 祖 妣 順 又尚書盤庚有商 考,后日 祖 室 日高祖 又唐中、睿皆處昭位 皇祖 一,祝文並 一后日 妣 及王, 就 稱 文稱 孝子。 高祖 **(史**記 穆同。 孝孫 妣, 其別 云 ·, 敬 翼祖 陽甲 此明 廟

代,則 程正義亦不 **毁廟之嫌,下有善繼之美,於禮爲大順** 臣 基,太宗纘承大寶, ·<u>三代而下,兄弟相繼則多,昭穆異位未之見也</u>。 一等議 詔 太宗 都省復集議,曰:「古者, 禮 不得自 爲 ·言昭穆不可異,此又不可以爲證 人後者爲之子」, 爲 則百世不祧之廟矣。 世數, 而何以得爲宗乎? 不得爲宗, 祖有功, 以正父子之道, ,於時爲合宜 豈有 宗有德,皆先有其實而後正其名。 也。 祖宗之廟已分二 今詳都省所議, 以定昭、 今若序爲六世, 一,何嫌 而謂 又何以得爲 穆之義, 不 世, 以 可乎?」翰林學士 皇帝於太祖室稱孫,竊有 則無 昭穆之位 昭一 百 世不祕 疑 也; 穆言之, 今太祖 翻 之主 必若 爲 宋湜言: 平?春 則 代 同 受命開 爲 ? 無 如

志

第

五.

+

疑焉。」

坐,皇帝於太祖仍稱孝子,餘並遵舊制。 調中宗爲高伯祖 太祖二十有二載,稱曰『孝弟』,此不易之制,又安可追改乎。唐玄宗謂中宗爲皇伯考,德宗 也,父爲昭,子爲穆,則千古不刊之典也。今議者引漢書曰:『爲人後者爲之子。』殊不知弟 體,無父子之道故也。 不爲兄後,子不爲父孫,春秋之深旨。 中宗,皇考睿宗,同列於穆位。 得祭於禰,乃不及庶人之祭也。』 之親盡,無 商 **亂**昭穆之序,失父子之親,故不言仲孫,明不以子爲父孫。』晉賀循議兄弟不合繼位 無亂也。』公羊傳,公孫嬰齊爲兄歸父之後,春秋謂之仲嬰齊。 人六廟,親廟四井製、陽而六,比有兄弟四人相襲爲君者,便當上毁四廟 詔 , 又 日 令禮官再議。 復 祖 『爲人後者爲之子』 爾之神矣。』温嶠議兄弟相繼、 ,則伯氏之稱復何不可。 禮官言:「按祭統曰:『祭有昭穆者,所以別父子遠近長幼親疎之序而 竊以七廟之制, **德宗亦以中宗爲高** 夫兄弟同世,於恩旣順,於義無否。 無兄弟相爲之文。所以舍至親取遠屬 父謂之昭,子謂之穆,禮記之明文也。 百王是尊。至於祖有功,宗有德,則百 臣等參議:自今合祭日,太祖、太宗依典禮同位異 藏主夾室之事云:『若以一帝爲 伯祖 晉王導、荀崧議 何休云:『弟無後兄之義, 玄宗 者, 『大宗無子,則立 朝禪 乎? 又按太宗享祀 蓋以 世不遷之廟 世; 論 如 此 昭穆云 兄弟一 皇伯考 則當 四世

[H] 成 擬 깶 景 議 徳元 開元 晉 年,有 驃 末,以 騎 將 司 詳定明德皇太后 肅 軍 温 明 嶠 耐 有三夫人, 嶠 此 時 儒 李氏升祔之禮:「按唐睿宗昭成、 官名臣 薨, 少, 詔 問學官陳舒。 武 相接, 宗廟 舒謂 重事 |秦、|漢 必有據 肅明 之後,廢 三后 依。 ,先天初 一娶九女之 推之閩

親 略稽禮 何 制 则 妻卒更娶, 氏 一,請 追 文,參諸故事,二夫 加章綬。 同 ·列太宗室,以先後次之。」詔尚 無復繼室,生 唐太子 入並 少傅鄭餘 旣 加禮,亡不 耐 ,於理爲宜。 慶將立 應貶。 家 書省集議,咸 廟, 恭惟懿德皇后久從升 朝旨以 祖 有二夫人。 李氏 如禮官之請 卒於嶠之微時,不霑 禮官韋 前, 前 公肅 神主 雖先 於  $\subseteq$ 後有殊,在尊 太 1.赠典; 議 廟 與舒同。

等皆 鄭 神 贵岩每 天子 奏:「太廟自 康 主,寢藏衣冠。至秦乃出寢於墓側,故陵上更稱寢殿,後世因之。今宗廟無寢,蓋本 御 上廟 物,宜銷毀之。」同判太常寺宋祁言:「周制有 云 成 乾 天子 興元 調 主爲一廟一 |周 親駒五 來有 七 制立二昭二穆,與太祖、文、武共爲七廟,此一家之說,未足援正 年 廟,諸侯五,大夫三,士一,降殺以兩。 十月(包),奉眞宗神主 寒無廟, 心心 寢。 廟二。 或前立一廟,以今十六間爲寢,更立一 因觉爲室,東西十六間 據古則僖、順二 耐 廟 以章穆皇后 一祖當 遷。 廟有寢,以象人君前 八十四 國家道 則國家七世之數,不用康成之說也 郭氏 間爲 配。 觀佛寺,並 1 桃廟,逐室各題廟號。 室,兩首各一 康定元年, 有朝後有 建別殿,奉安 。自荀卿、王肅 直 夾室。 寢也。 秘閣 趙 於茲 按禮 神 一希言 廟藏 釦 實

二五六

JL

神

御

法

物、寶盝

釦

床,

請

別爲

庫藏之。」自是室題

廟號

而

建

神

御

庫

焉

以 -旭 奎 至眞宗 代 七 廟 方 及 相 承已 世 示不 久,不可 應 便 立 輕改。 祧 廟 (周) (周) (温) 自 周 灵天 漢 府 每 掌祖 帝各立 廟之守藏。』寶物世傳者皆在 廟, 晉、宋以 來 多同 殿 異 室 國 朝 其

農府 若以 宗 昭三 爲 太宗、 西 則 排 室 遷 间 等 太祖 無不 .居昭位 、有中宗, 若以一君爲一世, 則小乙之祭不及其父。 ·以爲:「七世之廟,據父子而 穆 丽 嘉 故漢元 一,以備 九世。 耐i 高 |惠|帝 已正 年,仁宗將祔 太宗 宗 符合。」排等復議曰:「自唐至周 一,南向 天子事 祔 之世,太上 東 耐 國朝太祖之室,太宗稱孝弟,眞宗稱孝子,大行稱孝孫。 爲 廟 向 廟 一世 遷 七世之禮。」盧士宗、司 真宗居穆位,北向。 則 , 則 井昭 豫 又遷宣 廟 章 一廟主 (至),脩奉太廟使蔡襄上八室圖,爲十八間 大行 府君。 一穆爲 帝 瘞 前 於寢 七世。 言,兄弟則昭穆同,不得以世數之。 一廟, 僖祖 皆祀 自是以 園; 六世 唐初 下,大抵 濫 魏 ,廟制不同,而 親 馬光以爲:「太祖已上之主, 一先朝稽用古禮,著之祀 虚 祀 | 明之世, 削 归 。 當 世 世, 過六世 成 遷 法 夾室 處土 太宗增祀六世。 也 故晉之廟十一 皆七 則 一廟主遷於園 遷。 祀三昭三 玄宗 世。 蓋 JL. 太祖 自 典。 九室祀 周 穆,於 廟有始祖 初 及 邑; 以上, 室而六世,唐之廟 雖屬 大行 未 而 太宗神 ,禮院請 Ī. 줾 八世 先 晉 ·神主 尊於 東向 {給 所謂 王 武 典禮 、有太祖 廟, 一、故上 耐 太祖 耐廟 事 增廟室 太祖 廟 太祖 則 及 經 清請 親親 祀 近 遷 弘 +11-征 增 太 孫

毁其 始 受命之主 廟 ,遷其主 一,特始封之君而已。 ,效之三代,禮未 有此。 今僖祖 漢、魏及唐一時之議,恐未合先王制禮之意。」 乃存 雖非始封之君,要爲立廟之祖 ,方廟數未過七 世,遂

加

室以

備

七室

夾室。 於 、典禮 治 自仁宗 기 一乃於九月奉安八室神主,祧 00 车 ·,英宗將祔廟,太常禮院請以神主祔第八室, 而上,以次遞遷。 翰林 僖 承旨張方平等議:「同堂八室 加 及后, 耐英宗,罷僖祖 桃藏僖祖及文懿皇后神主於 諱及文懿皇后 一,廟 制 已定,僖祖當 忌目 祕 合 西

之義 以 異。 熙 請以所 寧 今毁其 五 年 ,中書門下言:「僖祖 奏付 廟而藏主夾室,替祖 枫 制議 ,取其當者。」時王安石爲相 以 過考之尊 上世 次,不可得而 而 下耐 于子 ,不主祧遷之說,故復有是 孫, 知 , 殆非所以順 則 (信祖 有 廟, 温宗 與商 孝心 周 製、機 事 疑 如 存 無

則是 鯀矣。 謂 曰:『毀廟之主,陳于太 加 信祖 几 故 翰 加 商 不當比 今太祖 林學士元絳等上 船祭 之日 |周 以契、 製、稷爲始祖 受命之初,立親廟,自僖祖以 |稷| ,皆降而合食也。 加 議 功於唐、虞之際,故謂之祖 日:「自古受命之王 未毁廟之主,皆升,合食于太祖 ,是使天下之人不復 請以僖祖之廟爲太祖,則合於先王禮意。」翰林學士韓 上世 , 次,既 既以 知 有 尊 功,若必 功德享有天下, 祖 不 , 印 而子 。」今遷僖祖 知 以有功而 ,則僖祖 孫 得以 有 皆推其本統以 之主,藏于太祖之室, 之爲始 爲祖 功 加其祖 則 加 夏后 無 考也。 疑 矣。 氏 尊 不郊 事 傳 爣 其

志

第

五

室,而西夾室在順朏之右,效之尊卑之次,似亦無嫌。」 者。 維 奉之,竊恐於古無致,而 議 僖 後 日 1::「昔先| 加 世 雖 有 天下 爲 高 王 省 有 祖 一、特起 天下 然 ٠, 於今亦所未安。今之廟室與古殊制,古者每廟異宮,今祖宗同處一 仰 無 迹其基業之所起,奉 跡 所 功 因 業 一、故途 未見所 爲一 代 因 太 以爲太祖。 上尋 祖 太祖 世 系 皇 故 又不 子夏 帝 功 ·知所以 序(詩 德卓然,爲宋太 ,稱文、武之功 始 若以 血 所事學、 , 無 起 於后 少 議 稷

酡 以 僖 | 僖祖 廟以 旭 天章 權居東向之位, 奉僖祖 立 一廟爲 閣待制孫固請:「特爲僖祖 非,則 ,庶不下祔子孫夾室,以替遠祖之尊。」 周人別廟姜嫄,不可謂非 太祖 順昭穆之列而從之, 立室,由太祖 禮。 取毀廟之主而 。」秘閣校理王介請:「依周官守祧之制,剏 而上,親盡迭毀之主皆藏之。 合食, 則僖祖之尊自有所 當諦 論時以 巾。

僖祖 爲 始 爲 加 帝以維之說近是; 非始祖之說。 ,則郊祀當以配天,若宗 遂下禮官詳定。 而安石以維言夾室在右爲尊爲 祀明堂, 則太祖、太宗當迭配帝 非理, 帝亦然之。 ; 又疑明堂以英宗配天, 又安石以尊僖祖 頂

命之 穆而 君 日 判太常寺 功業特起,不因先代,則親廟迭毀,身自爲祖 張薦云『夏后以禹始封,遂爲不遷之祖』,是也。 · 兼禮儀 (事張師顏等議:「昔商、周之興,本於契、稷,故奉之爲太祖 鄭玄云『夏五 若始封世近, |廟無太祖 上有親廟, 禹與二昭二 則擬祖 後 世受

虒 |僖 之 恝 不 山 法 上 其室 制 德 其 加 [4] 契 而 東 以 彨 氼 厚 稷 因 m 之, 流 向 在 必 緣 之 太 第三, 光 奉景祐 斯 明 近 但 加出 ĴĠ 享 比 云 例 不 亦未 請 塱。 祖 祀 也 之詔 昭三 宗已行 及 依 建 印 遠 唐 魏 舊制 几 謂之 穆與太祖 韓 祖 廟 以 非 之 愈 武 大祖 影。遂使 是為太祖 , 意 始 有 虚 帝 言 祖 則 爲帝者之祖 之廟 請 也。 天子之禮 處 \_ 之位 略做周官 事 <u>\_</u> 申 異商 謹 迭 而 尊祖 毁 按 七 郊 建 下 之祀。 , 周 唐 未嘗 守祕 隆 同諸 配 是合於禮矣。 加出 之禮 禮 四 景帝 言親廟之首 從 之 年 侯。 其說 制 ٠, 而 则 親郊 變。」晉 若使 , 築別 是 弘 其 也 農 崇 廟 張昭 选毁, 舊 廟以 配 , 製備 琅 必 禮 不 邪 藏 爲始 任徹 及 天子 六, E 此 唐旭 僖 德 削 之徒 则 胍 祖 -1 文 111: 神主 НJ 更 廟 日 jjil I 借 , 別 共 加加 = 不 或 或 大祭之歲, 始 七 家 太祖 能 以 推 廟 封 返 以 來 定義 My 泛岩 之遠 推 僖 111-大 隆 旭 以 祀 然 親 自 極 近 ПП

之。 追 而 感 意 絲 41: 程 無 於是請 帝 初 宣 異 同 談 配 知 章衡 配 山 太 遂從 常 本 位 纠 僖 請 禮 ,以合祖 禮 院 院 邤 神主 尊 蘇 周 帝 僖 孟 梲 問:「 以 爲 陽等言:「自 (七) 加 孫 始 爲 )請:[ 尊 配 祖公, 始 天敦 之義 加 卽 , 景靈 始 丽 餘 僖 遇 次 且 順 旭 宮 安石 祧 如 温神主 而 詂 獲制 |順 上 僖 旭 , 世 圃 , 言礼 一夾室 以合子 次莫 , 而 卽 與唐 馮京欲以 知 以僖祖 儿 爲 毗 則 耐 父屈之義 感 信祖 獻、懿二 配感 生帝 太祖 爲 生帝 Ī 始 欲 祖 東向之位, 加 推 改以 於 祀 無 僥 興里、 疑 | 僖神 前日 詔 仴 下太常禮院 官. 明 感 喧C 安石 以 徳 生之祀 僖 廟 常 配

於

太

廟

則

東

向

則

仍

志

第

五.

定儀 注 安石 本議以僖祖配天,帝不許,故更以配 感生帝焉。

是也。 宗、仁宗爲昭,在左;宣祖、眞宗、英宗爲穆,在右。皆南面北上。 昭,文王爲穆,武王爲昭,成王爲穆,康王爲昭,昭王爲穆,其後穆王入廟,王季親盡而遷,則 南 文王宜居昭位,武王宜居穆位,成王、昭王宜居昭位,康王、穆王宜居穆位,所謂父昭子穆 ,僖祖爲始祖 元 陸佃言:「太祖之廟百世不遷,三昭三穆,親盡則迭毀。如周以后稷爲太祖 豐元年,詳定郊 說者以昭常爲昭,穆常爲穆,則尊卑失序。」復圖上八廟昭穆之制, ;翼祖、太祖、太宗、仁宗爲穆,在右;宣祖、眞宗、英宗爲昭,在左。 廟禮文所圖上八廟異宮之制,以始祖 居中, 分昭 穆爲 ,以翼祖、太祖、太 左 王季爲 岿 肖 南 1 m 面

彦言: 始祖 翼祖 西 止 去祧之主,若有四時祈禱,獨當就壇受祭。 「翼祖、宣祖 略 ,不及大烝,不 何洵直圖上八廟異宮,引熙寧儀:僖祖正東向之位,順祖、宣祖、眞宗、英宗南面爲昭 如古方明壇制。 太祖、太宗、仁宗北面爲穆, 居中,三昭在左,南面西上;三穆在右,南面東上,爲兩圖上之。 在二桃之位,循同祖禰之廟,皆月祭之,與親廟一等,無親疏遠近之殺。順 薦新物。 有韶,俟廟制成日取旨 去祕 神主,有禱則爲壇而祭,庶合典禮。」又請建新廟於始祖之 正得祖宗繼序、德厚流光之本意。又以晉孫毓、唐賈公 請自今二祧神主,殺於親廟,四時之祭,享嘗乃 又缓祭法,言: 脯 實

廟如 真宗室,次仁宗室,次英宗室。 請 中, 有左主、右主之別, 正廟之主, 各藏廟室西壁之中, 遷廟之主, 藏於太祖太室北壁之中, 與懿德皇后、明德皇后同一祝,次享元德皇后。慈聖光獻皇后,異饌位、異祝,行祔謁禮。 其埳去地六尺一寸。 新 廟 故 三年,禮文所言:「古者宗廟爲石室以藏主,謂之宗祏。 成 事 ?,並遵古制。」從之。 至日,奉神主先詣僖祖室,次翼祖室,次宣祖 今太廟藏主之室,帝后異處,遷主仍藏西夾室,求之於禮,有所未合。 。二月,慈聖光獻皇后祔廟,前二日,告天地、社稷、太廟、皇后 禮畢,奉神主歸仁宗室。 室,次太祖室,次太宗室。 夫婦一體,同几共牢。 次太宗 室之

室,置石室中。」十一月丁酉,耐 享太廟, 言:「詔書定七 二月,附宣仁聖 元豐六年六月,孝惠、孝章、淑德、章懷四后升祔,準章獻明肅、章懿二后,升祔禮畢,遍 止行升耐享禮及祭七祀,權罷孟冬薦享,仍以配繼先後爲序。 世八室之制。 烈皇后 于太 廟 今神宗皇帝崇祔, 神宗神主于第八室。 翼祖在七世之外, 自英宗上至宣祖以次升遷。 與簡穆皇后桃藏 八年, 禮部太常寺 紹聖元 於 洒夾

爲世。 神主耐第 元符三年 今若不祧遠祖,不以哲宗爲世,則三昭四穆與太祖之廟而八。 、九室。」詔下侍從官議,皆如 ,禮部太常寺言:「哲宗升祔,宜 (所言 蔡京議:「以 如晉成帝故事,於太廟殿增 哲宗 嗣 神宗 大統 宜深攷載籍, 遷附如 り、父子 室, 相 候祔 承, 廟 自 日 當

志

第五

+

九

禮

九

翼川 宗爲一世,故事不遠。 禮。」陸佃 李清臣 爲 今哲宗於神宗,父子也,如禮官議,則廟中當有八世。 .禮部尙書,首建增室之議,侍郎趙挺之等和之。 督肇 等議:「國朝自僖祖 哲宗附廟,當以神宗爲昭,上遷宣 而下始備七廟,故英宗祔廟,則遷順 祖,以合古三昭三穆之義。」 會清臣爲門下侍郎,論者多從其 況唐文宗即位則遷肅宗 궲 神宗 耐 廟 先是, 則

議,惟京、佃等議異。 二議既上,清臣辯說甚力,帝迄從焉。

權 安神主,亦與元置使之意相違。 卽 宣升祔, 隨即增脩, 比之前代設幄行事者, 不爲不至。 韶依初旨行之, 逎祔哲宗神主于 是不得耐於正廟,與前韶增建一室之議不同。 六月, 禮部請用太廟東夾室奉安哲宗神主。 請如太常前議,增建一室。」尚書省以廟室未備,行禮有期, 昨月|嘉祐故事,專置使脩奉,請以夾室奉 太常少卿 孫傑言:「先帝神主,錯之夾室

議。」禮官言:「先王之制,廟止於七,後王以義起禮,乃有增置九廟者。」禮部尙書徐鐸又言 宗,在七廟之內。|王氏謂:『非太祖而不毀,不爲常數。』是不祧之宗,在七廟之外。本朝今 已五 曰:「去古旣遠,諸儒之說不同。鄭氏謂:『太祖及文、武不祧之廟與親廟四,爲七。』是不祧之 一宗,則七廟當祕者,二宗而已。 寧二年,桃宣祖與昭憲皇后神主藏西夾室,居翼祖、簡穆皇后石室之次。 遷毀之禮,近及祖考,殆非先王尊祖之意,宜令有司復 五年, 詔

後,以備 「唐之獻祖、中宗、代宗與本朝僖祖,皆嘗祧而復。今存宣祖於當祧之際,復翼祖於已祧之 九廟、禮 無不稱。」乃命譯爲脩奉使, 增太廟殿爲十室。 四年十二月, 復翼祖 宣祖

廟、行奉安禮、惟不用前期誓戒及亞、終獻之樂舞馬。

彰聖孝。」於是始建太廟于臨安,奉迎安置。 封 郎 中林待聘言:「太廟神主,宜在 高宗建炎二年,奉太廟神主于揚州壽寧寺。 國都。 今新邑未奠,當如古行師載主之義,遷之行闕,以 三年,幸杭州,奉安于温州。 紹興五年,司

#### 校勘記

(1) 孝明孝惠孝章皇后 「孝惠」原作「孝憲」,據本書卷二四二太祖孝惠賀皇后傳 、宋會要禮一丘

之二四改。

义禮云 原脫「禮」字,據通考卷九三宗廟考、宋會要禮一五之二四補。

禮官幸公肅 「韋公肅」 原作「韋肅」,據新唐書卷二〇〇韋公肅傳、宋會獎禮一 五之二七補

「公」字。

乾興元年十月 「元年」原作「五年」,據本書卷九仁宗紀、宋會要禮一五之二九改。

五 嘉祐年仁宗將附廟 按本書卷一二仁宗紀, 嘉祐八年三月, 宋仁宗死, 英宗卽位; 長編卷一九

志

第

Tī.

九

、宋會要禮一五之三四、玉海卷九七蔡襄、孫抃、盧士宗、司馬光等仁宗祔廟之議,均繫於嘉祐

八年六月,「嘉祐」下疑脫「八」字。

高宗耐廟 「高宗」原作「高祖」,據通考卷九三宗廟考、宋會要禮一五之三五改。

二十二 蘇稅 「梲」 原作「稅」,據宋會要禮一五之四五、長編卷二四〇、玉海卷九七改。

始祖 原作「從祖」,據宋會要禮一五之四九、長編卷二四〇、通考卷九四宗廟考改。

# 宋史卷一百七

### 志第六十

禮十言禮十

#### 禘祫

年一禘,以孟夏,唯親郊、封祀(三)。又有朝享、告謝及新主祔謁,皆大祀也。二薦,則行 一獻禮。其祔祭,春祀司命及戶,夏祀竈,季夏祀中霤,秋祀門及厲,多祀行,惟臘享、禘祫 宗廟之禮。 每歲以四孟月及季多,凡五享,朔望則上食、薦新。三年一論,以孟冬;五

則徧祀焉。

按禮,三年一論,以孟多。又疑義云:三年喪畢,遭禘則禘,遭祫則祫。宜改孟多薦享爲祫 禘祫之禮。眞宗咸平二年八月,太常禮院言:「今年冬祭畫日,以十月六日薦享太廟。 志 第 六十 禮 + 二五七九

享。」仁宗天聖元年 二: 有: 「自天聖六年夏行禘享之禮,至此年十月,請以孟多薦享爲祫享。」詔恭依。 ·四月 〔禘享,至今已及五年,合行禘禮。」遂以孟夏薦享爲禘享。 ·,禮官言:「眞宗神主祔廟,已行吉祭,三年之制 八年九月,太常禮院言 又從易月之文,自天禧

遇 辨 趙 密使宋庠爲儀仗使,參知政事曾公亮爲橋道頓遞使,樞密副使程戡爲鹵簿使。 良規 大 尊. 船 卑,必以受命之祖居束向之位。 嘉祐 ,止列昭 正太祖 四年十月,仁宗親詣太廟行給享禮,以宰臣富弼爲給享大禮使,韓琦爲禮儀使,樞 穆而虛東向。 東向位,禮官 魏、晉以來,亦用此禮。今親享之盛,宜 不敢決。 本朝以太祖爲受命之君,然僖祖以降,四廟在上,故每 |觀文殿學士||王舉正等議曰:「大祫之禮所以合昭穆, 如舊便。 同判宗正

謂 之文,蓋未 文, 句: 自 室既 禮官 獻祖 張 有定配 有 至 洞、 肅宗所配皆一后,惟睿宗二后,蓋昭成,明皇母也。 本室,遇給享即祔 韓維 ,則餘后 言:國朝每遇 不當參列,義當 祖 好下。 一种給 車: 所以大順中,三太后配列稀祭,議者議 奉別 正 爾四后之主合食太廟。 續曲臺禮有別 唐郊祀志載禘 其 廟 非禮。 皇后 裕 合食 彨

官著酌中之論,先帝有『恭依』之韶。 蚁 朝 事 宗 上 廟 孫 抃 日 等議:「春秋傳日 有 餘 年 , 至硆之日, 別廟后 大 八船者 他年有司攝事:四后皆預。 何, 主皆升合食,非 合祭也。 未毁廟之主皆升合食于 無 典據。 今前欲親船而四后 大中祥符中已曾定議、禮 太祖 見黜, 是以

不亦疑於以禮之煩故邪?宗廟之禮,至尊至重,茍未能盡祖宗之意,則莫若守舊禮。

愚以謂如故便。」

禮無失。以爲行之已久,重於改作,則是失禮之舉,無復是正也。 章獻、章懿在奉慈廟,每遇禘祫,本廟致享,最爲得禮。 亦統于帝 ,別廟諸后,乃從專享,三也。 耐之后,統以帝樂;別廟之后,則以本室樂章自隨,二也。升祔之后,同**牢而祭**,牲器祝册 不當祔者,則有別廟之祭。本朝禘祫,乃以別廟之后列于配后之下,非惟於古無文,於今又 四不可。 學士歐陽脩等曰:「古者宗廟之制,皆一帝一后。後世有以子貴者,始著並祔之文,其 淑德,太宗之元配,列于元德之下;章懷,眞宗之元配,列于章懿之下,一也。 升祔之后, 聯席而坐; 別廟之后, 位乃相絕; 四也。 若四后各祭于廟,則其尊自申,而於 請從禮官。」 升

分割 七 日 室各用一 玉 於別殿,致齋二日於大慶殿,一日於太廟。尚舍直殿下,設小次,御坐不設黃道褥位。 ,衞士毋得迎駕呼萬歲。」有司言:「諸司奉禮,攝廩犧令省牲,依通禮改正 知知 環、金山 詔:「四后給享依舊,須大禮畢,別加討論。」仍詔:「祫享前一日,皇帝詣景靈宮,如南郊 廟 卿 太牢,每坐簠簋二,瓾鉶三,箋豆爲後,無黼扆、席儿。出三閣瑞石、篆書 陳于 行 事 庭。 請依 別廟四后合食,性樂奠拜無異儀。故事,七祀、功臣 續曲臺禮,共料一羊,而獻官三員,功臣單席,如 無性,止於廟性肉 大中祥符加 一祀儀。 玉 散齋 文章 VU

德門 肆赦。 帝常服至大次,改褒冕,行禮畢,質明乘大輦還宮,更服鞾袍,御紫宸殿,宰臣百官賀,升宣 冠、絳紗袍,執圭、乘輿,至大慶殿門外降輿,乘大輦,至天興殿,薦享畢,齋於太廟。 月二日, 二十一日,詣諸觀寺行恭謝禮。二十六日,御集英殿爲飮福宴。 命樞密副使張昇望告昊天上帝、皇地祇。 帝齋大慶殿。十一 日, 服通 明日,

數,在 船 謎之。 亦 未 (三),例皆太速。 應禘 治 再期內按行禘祭。以理推之,是二年多應論,而誤禘於元年夏,故四十九年間九禘八 真宗以咸平二年六月喪除,至十月乃帝祭。 平元年,有司「準畫日,孟多薦享改爲祫祭(三)。 ,至六月卽吉,十月合行祫祭,乞依舊時享,庶合典禮。」 事失於始,則歲月相乘,不得而正。 天聖元年在諒陰,有司誤通天禧舊禘之 按春秋, 閔公喪未除而行吉禘, 三傳 今在大祥內,禮未應給,明年未禪,

今年十月行祫祭,明年四月行禘祭。 嘗 行 年 權 君之喪二十七月爲 漘 之制 鼅 祭,自此 二年二月,翰林學士王珪等上議曰:「同知太常禮院呂夏卿狀: 唯罷 ,納有 五 臘祭。 司之說,十月依舊時 年,再爲 是則 ?禪祭,然後新主祔廟,特行禘祭,謂之始禘。 流稀給。 孟 享與享廟嘗倂行於季冬矣。 喪除 **必有**稀 享。 仍如夏卿議,權罷今年臘享。」 然享 船者 廟 ,爲再大祭之本也。 其禮 其禘 后年數,乞一依太常禮院請, 不同。 是多十月行 故事 今當祫祭,緣陛下未終 古者新君踐阼之三年, 郊享之年 **船祭**,明年又 遇給未

神 位 熈 寧八年 ]尊始 ·, 有 加 司言:「已尊僖祖爲太廟始 居 東向之位 , 自 順 旭 而 下 ·,昭 旭 穆各以 ,孟夏禘祭,當 南 北 爲序。 īE 一東向之位。」 É 今稲硆 一,著爲 叉言: 定禮 :「太廟 陥

瀆 氏 復 禘 年 É 經 () | 太常 一祭相 祫 眺 則 旨 踵 後 前 日:5 倂 五 **#** 元 祁 文,唯 失。 在 去 豐 年 而 禮 各三十月。 前三後 而 74 船 歲。 請依 年 院言:「本 再 公羊傳 , 此 盛 昨元 慶 祭, 有 層以 司 詳定郊 目: 謂 一船 之失 以二說考之,惟鄭氏 朝 豐三年四 克五 來之 自 郦 廟禮 慶 也 後四十二月而 禘。 年 層以 制 前 月已 通 請今十八月 文所言:「禘祫之義,存於 實爲 再盛祭。 來皆三十 計 一行禘禮,今年若依 年 有據。 數 』禮緯日:『三年 ,皆三十月而祭。」 日:『魯禮 月而 前 本朝慶 郦 ,稀 祭,至 十八月而 三三年 曆 74 舊 + 初 用徐邈 海禮 熙 例 \_\_\_ 喪畢 一月而 寧 , 禘。 詔 十月行 、春秋, 五 如見 , 年 說 船 祫 徐邈 後 ,每三十月 , 一禘。 於太廟 行 庶 船 而 , 則 典 幾舉 享 始 不著其名。行禮之年, 日 , 不 m 言前二 卽 禮 涌 明 又分爲二說 比 計 不 年 祭。 年 , 煩 禘 後 頻 遂 , 于羣 給 至 事 熈 寧八 神 八 五 , 廟 年 |剣| 不

時享 王禮 {氏 三年 ,以嚴 義以 詳定 所 爲:『天子 天子備 船 又言 與郦享 :「古者祼獻 禮,所以丕崇祖宗之義。 夏爲大祭之禘 ,更爲時祭。 、饋食 , 論 本朝沿 不廢時祭之於 、祠、烝、嘗, 襲故常,久未 其郊禮、親祠準此。」 . 云 並爲 **釐正** 秋爲 先王之享 ,請每禘祫之月雖已大祭,仍行 大祭之船 • 未嘗 , 不 廢 廢時祭之嘗。 時 之祭。 故 則 {孔

志

不得 祭所 **硆皆合羣廟之主,綴食於始祖,失禮莫甚。** ,不王不禘。秦、漢以後,譜牒不明,莫知其祖之所自出,則禘禮 ·; 則 及者遠也。 一碗禮當闕,必推見祖系乃可以行。」神宗謂輔臣曰:「禘者,本以審禘祖之所自出,故 : 「禮,不王不禘。 太祖受命、祭四親廟、推僖祖 虞、夏、商、周四代所禘,皆以帝有天下,其世系所出者明,故追 。今國家世系與四代不同,既求其祖之所自出 而上所自出者,譜失其傳,有司 可廢也。 因仍舊 說 稀 Ш

饌 楹 北 請 延 者 通 性 每 于 設 ,本室中之位 堂,復延主入室,始祖 ,延尸主出于室,坐于堂上,始祖 行大船 已而詳定所言:「古者天子祭宗廟,有堂事焉,有室事 帳 慕 以 ,堂上設 應室中之位。」 也。 南面之位,室中設東面之位。」 今設位戶外,祖宗昭穆別爲幄次,殆非合食之義。 東面 ,昭南穆北,徙堂上之饌于室中, 南 面 ,昭在東 ,穆在西,乃行朝踐之禮,是堂事 禮部言:「合食之禮 焉。 按禮,祝延尸入奧,灌後乃出 乃行饋食之禮,是室事 始祖 請自今給享,即 東 山 昭南 也。 也。 前 穆 設

陳者 東 两 ,並令有司 相 大 向 觀 , 始 四 年 祖 依 東 議禮 嘉祐、元豐詔旨,凡 面 則 |局請:「每大給,堂上設南 昭穆南北 相向 親 以 洞 應古義 太 、廟準此。」從之。 面 。」又請:「陳瑞物及代國之寶 之位,室中設東面之位,始 祖 與貢物 南 山 मि 則 出 昭穆 m

南渡之後,有祫而無禘。 高宗建炎二年,祫享于洪州。 紹興二年,給享于温州。 時儀

文草創 相 , 奉遷祖宗及祕廟神主、 別廟神主 , 各設幄合食于太廟。 始祖 東向,昭穆以次南

向

之祖 論 統之緒。 昭 臆 區字,卽其功德所起,宜祫享以正東向之尊。逮至仁宗,親行祫享,嘗議太祖東向 古,上不當天地神祇之意,下未合億兆黎庶之心,特出於一時大臣好勝之臆說 祀 立 年未有知其非者。 石 說 七廟之次,有<u>僖祖以降四廟在上,當時大給,止列昭穆而虛東向〔g〕,蓋終不敢以非</u>受命 滿 之列。 之初 九 肆言以折之。已而又欲罷太祖郊配,神宗以太祖開基受命,不許, 而居之也。 五 給為重,給大稀小,則給爲莫大焉。今戎事方殷,祭祀之禮未暇徧舉,然事有 乃俾章衡建議,尊僖祖爲始祖,肇居東向。 廟 年 翼祖 ,自我 當時在廷之臣,僉謂自古必以受命之祖乃居東向之位,本朝太祖乃受命之君 , 吏部員外郎董弁言(+):「臣聞戎、祀,國之大事,而宗廟之祭,又祀之大者也。 作古 旣祧,正合典禮。 正 暨熙寧之初,僖祖以世次當祧,禮官韓維等據經有請,適王安石用事,奮其 太祖 ,其已桃翼祖 顧雖治兵禦戎之際,正厥違誤,宜不可緩。 東向之尊,委合禮經 宣 至於崇寧,宣 祖並 即依舊。 祖當祕,適察京用事,一遵 循沿至今,太祖尚居第四室,遇大船處 馮京奏謂士大夫以太祖 仰惟太祖受天明命 安石 安石之術,乃建言 不得東向 終不以爲然。 而行之六 一,用昭 遠經戾 爲恨, 混一 若 īF.

于堂 禮經,無可疑者。」 創業,始受天命,給享宜居東向之位。」宰相趙鼎等奏曰:「三昭三穆,與太祖之廟而七,載在 廟,而以太祖配焉。如是,則宗廟之事盡合禮經,無復前日之失矣。」上曰:「太祖皇帝開基 |太宗、|仁宗、|神宗南向爲昭,|眞宗、|英宗、|哲宗北向爲穆。 五年一禘,則迎宣祖神主享于太 第一室,永爲廟之始祖。每歲五享、告朔、薦新,止於七廟。三年一論,則太祖正東向之位。 <u>僖祖當稱太祖,而太祖當改廟號。然則太祖之名不正,前日之失大矣。今宜奉太祖神主居</u> |祖爲廟之始祖,百世不遷,給享東向,而|太祖常居穆位,則名實舛矣。 儻以熙寧之禮爲是, 倚矣。臣故知太祖卽廟之始祖,是爲廟號,非諡號也。惟我太宗嗣服之初,太祖廟號已定,雖 更累朝,世次獨近,每於祫享,必虛東向之位,以其非太祖必不可居也。 祖 一于堂上,而用室中之位,故唯以東向爲太祖之尊焉。 居中,而羣 ,則太祖 太常寺丞王普又言:「弅所奏深得禮意,而其言尙有未盡。 南向,而昭穆位于東西,饋食于室,則太祖東向,而昭穆位于南 ·廟列其左右;後世廟制同堂,則太祖居右,而諸室皆列其左。 若夫羣廟迭毀,而太祖不遷,則其禮 臣竊以 古者廟制異宮 迨至熙寧,又尊僖 古者船享,朝踐 北。 後世給享 一則太

吏部 尙書鄭僑等亦乞因大行祔廟之際,定宗廟萬世之禮,慰太祖在天之靈,破熙寧不經 熈 五年九月,太常少卿曾三復亦言:請祧宣祖,就正太祖東向之位,其言甚切。 既前

祖郊配。 居東向之位。 至熙寧五 上參古禮 今太祖爲始祖,則太宗爲昭,眞宗爲穆,自是而下以至孝宗,四昭四穆與太祖 韓維 、司馬光等力爭,而安石主其說愈堅。 年,王安石以私意使章衡等議 ,而不廢崇寧九廟之制,於義爲允。又言:「治平四年, 既日權居,則當釐正明矣。」詔從之。 ,乃復祔僖祖以爲始祖,又將推以配天,欲罷 孫固慮其罷太祖配天,建議以僖祖 僖祖 桃遷 藏 之廟 在 西 而

別廟 陳傅良皆以爲可,詔從之。 漢、魏以來,太祖 位以昭穆焉至。」於是詔有司集議,吏部尚書兼侍讀鄭僑等言:「僖祖當用唐興聖之制,立 藏于子孫之廟。 順祖 발 十月,權禮部侍郎許及之言:「僖、順、翼、宣四祖,爲太祖之祖考,所遷之主,恐不得 、翼祖 、宣祖之主皆祔藏焉。 今順、翼二祖藏于西夾室,實居太廟太祖之右。遇給享,則於夾室之前,設 而上,毀廟之主皆不合食,今遇給,則即廟而享,於禮尤稱。」諸儒如樓鑰、 如此 ,則僖祖自居別廟之尊,三祖不祔子孫之廟。自

之天興殿,則宗廟、原廟不可相雜。 至於給祭,設幄於夾室之前,則亦不得謂之祫。 所歸。今詳羣議雖多,而皆有可疑。若曰藏之夾室,則是以祖宗之主下藏於子孫之夾室(10)。 時朱熹在講筵、獨入議狀,條其不可者四,大略云:「準尙書吏部牒,集議 議者皆知其不安,特以其心欲尊奉太祖三年一給時暫 欲別立一廟,則喪事卽遠,有毀無立。欲藏 四祖桃 主宜有

儒程頤以爲王安石言『僖祖不當祧』,復立廟爲得禮。竊詳頤之議論與安石不同,至論此事 之武王,與仁宗之廟,皆萬世不祧,昭穆而次,以至高宗之廟亦萬世不祧。」又言:「元祐大 取者而盡廢之。今以程頤之說考之,則是非可判矣。」 所敬信,其議偶不出此,而安石乃以變亂穿鑿得罪於公議,故欲堅守二賢之說,并安石所當 則深服之,足以見義理人心之所同,固有不約而合者。特以司馬光、韓維之徒皆是大賢,人 『有其舉之,莫敢廢者。』」又言:「當以僖祖爲始祖,如周之后稷,太祖如周之文王,太宗如周 東向之故,其實無益於太祖之尊,而徒使僖祖、太祖兩朝威靈,相與校強弱于冥冥之中。今 又況|僖祖祧主遷於治平,不過數年,|神宗復奉以爲始祖,已爲得禮之正而合於人心,所謂 太祖當日追尊帝號之令而默推之,則知今日太祖在天之靈,必有所不忍而不敢當矣。

集議,上亦然之。 再三稱善。且曰:「僖祖自不當祧,高宗卽位時不會祧,壽皇卽位,太上卽位,亦不曾祧,今 日豈可容易口?可於榻前撰數語,徑自批出。」鷹方懲內批之弊,因乞降出箚子,再令臣僚 議旣上,召對,令細陳其說。 | 熹旣退,即進擬詔意,以上意諭廟堂,則聞已毁四祖廟而遷之矣。 

罪,遺汝愚書曰:「相公以宗子入輔王室,而無故輕納妄議,拆祖宗之廟以快其私,欲望神靈 時宰臣趙汝愚旣以安石之論爲非,異議者懼其軋己,藉以求勝,事竟不行。 熹時以得

不許 降歌 僖祖 尙 |年四月,禮部太常寺言:「已於太廟之西,別建僖祖廟,及告遷僖、順、翼、宣帝后神主詣 虚 廟奉安。 ,垂休錫羨 及光宗祔廟,遂復爲九世十二室。 熹以爲非所以祝延壽康之意,深不然之, 所有今年孟多給享,先詣四祖廟室行禮,次詣太廟,逐幄次行禮。 ,以永國祚於無窮 ,其可得乎?」時太廟殿已爲十二室,故孝宗升祔 蓋自昌陵祔 因自劾不堪言語侍從之選,乞追 廟,踰二百年而後正太祖之位。 奪待制 而

尊僖祖 爲宜。 食則 其 必 南 制 南 一,純用朱熹之說,謂本朝廟制未合於古,因畫爲圖,謂僖祖如周后稷當爲本朝始祖。 ,故學士大夫皆有異論,遂不能行。<br />
今天降災異,火發民家,延及宗廟,舉而行之,莫此時 熹詳考古禮,尙論宗廟之制,畫而爲圖,其說甚備。 间 而 享于 ,位皆東向。 北 理宗紹定四年九月丙戌,京師大火,延及太廟。太常少卿度正言:「伏見近世大儒侍講 倂出祧廟之主,合享於始祖之廟。 间。 以爲始祖,是乃順太祖皇帝之孝心也。 臣於向來備聞其說,今備員禮寺,適當此變,若遂隱默,則爲有負,謹爲二說以 此 昭穆旣分,尊卑以定。其說合于古而宜于今,盡美盡善,舉而 而 垂 祐 桃廟之主藏于始祖之廟夾室,昭常爲昭,穆常爲穆,自不相亂。 于無窮也。 其一說,則因本朝之制,而參以朱熹之說。 始祖 始祖之廟居于中,左昭右穆各爲一廟,門皆 東向,羣昭之主皆位北而 然其爲制,務傚於古而頗更本朝之 行 南向 之,祖宗 1、羣穆之主皆位 춢 本朝廟制 在天之靈 三年合 神

其不然,姑從後說,亦爲尤當,不失禮意。然宗廟之禮,儻無其故,何敢妄議。 制,初無大段更革,而頗已得三年大祫之義。今來朝廷若能舉行朱熹前議,固無 之後、量展一間,以藏桃廟之主。 宗嘗命禮官陸佃討論,欲復古制,未及施行。渡江以來,稽古禮文之事,多所未暇。 後,若加損益,亦惟其時,乞賜詳議。」有旨,令侍從、禮部、太常集議,後竟不行。 名為給享,而實未嘗合。今量展此三間,後有藏祧主之所,前有祖宗合食之地,於本朝之 室,盡出諸廟主及祧廟主並爲一列,合食其上。前乎此廟爲一室,凡遇祫享, 行更革,恐未足以成其事,而徒爲紛紛。或且仍遵本朝之制,自西徂東並爲一列,惟 每室之前,量展二間,遇三年給享,則以帷幄幕之,通爲一 合祭於其室, 今因大火之 以 於每室 今欲驟 加 如

#### 校勘記

- 唯親郊封祀 按文義,此處疑有脫誤。
- (三) 有司準蠹日孟冬薦亨改爲船祭 「有司」下疑脫「奏」字。 張編卷二〇二作:「禮院奏:『準畫日,
- 孟冬鷹饗太廟改爲船祭。』」
- 故四十九年間 後禘給之誤。宋仁宗卽位於乾興元年二月,死於嘉祐八年三月,在位四十二年。疑作「四十二 カ 禘八胎 「四十九年」,長編卷二〇二作「四十二年」。 按此處指宋仁宗天聖以

年」是。

- 元豐四年 「四年」原作「元年」,據下文和長編卷三一六、通考卷一〇二宗廟考改。
- (美) 即比年頃祫 「比」原作「此」,據長編卷三一六、通考卷一〇二宗廟考改。
- ( 六) 不廢時祭之前「前」原作「初」,據通考卷一〇二宗願考改。
- (十) 董弅
- $\mathcal{Z}$ 止列昭穆而虛東向 原作「董菜」,據宋會要禮一七之三七、繫年要錄卷九二、兩朝綱目卷三改。下同。 「止」原作「上」,據上文嘉祐四年王舉正等議和繁年要錄卷九二、通考卷一
- 〇二宗廟考改。
- (元) 設位以昭穆焉 「昭穆」下疑脫「祭」字,宋會要禮一五之六二作:「設位以昭穆祭焉。」
- (10) 下藏於子孫之夾室 「下」原作「不」,據通考卷九四宗廟考、兩朝綱目卷三改。
- =豈可容易 原作「豈不容易」,據同上二書同卷改。

%: #

4

refer

# 宋史卷一百八

### 志第六十一

禮十一吉禮十一

時享 薦新 加上祖宗謚號 廟諱

宜祭料外,每室加常食一牙盤。將來享廟,欲每室加牙盤食,禘祫、時享亦準此制。」 時享。 太祖乾德六年十月,判太常寺和峴上言:「按禮閣新儀,唐天寶五年,韶亨太廟

太宗太平興國六年十二月,太常禮院言:「今月二十三日, 臘享太廟。 緣孟冬已行時

按禮每歲五享,其禘祫之月卽不行時享,慮成煩數,有爽恭虔。

今請罷

臘日薦享之禮,其孝惠別廟卽如式。」從之。

享,冬至又嘗親祀。

淳化三年十月八日,太常禮院言:「今年冬至,親祀南郊,前期朝享太廟,及奏告官祖

第六十一 禮十一

志

其臘享如常儀。」從之。 不恭。又十一月二十日 太祖室。 常例,每遇親祀,設朔望兩祭,乃是十一月內三祭,太廟兩室又行奏告之禮,煩則 ,皇帝朝享,去臘享日月相隔,未爲煩數。 欲望權停是月朔望之祭

請如例。」從之。 冬薦享。 眞宗景德三年正月, 其月, 明德皇后園陵, 有司言:「故事, 大祠與國忌日同日者, 其樂備而不作, 四年七月,以莊穆皇后祔享,權停孟享。 畫日乙卯孟享太廟。 其日以鄆王外欑,改用辛酉。 十月十日

終以契丹使發有常期,又將西巡,故不及改。 來皆有所妨。」馮拯言:「上辛不可移,薦享宗廟是有司擇日,於禮無嫌。」帝曰:「當詢禮官。」 已在享廟致齋中。又七日上辛,祀昊天上帝。」王欽若言:「若移宴日避祀事 大中祥符三年十二月,帝謂王旦等言:「來年正月十一日孟享太廟,而有司擇八日宴; ,即自天慶節以

享廟日所上牙盤例,參以四時珍膳,選上局食手十人,赴廟饌造,上副聖心,式表精慤。」詔: 「所上食味,委宮闈令監造訖,安仁省視之。」 八年,兼宗正卿趙安仁言:「準詔以太廟朔望上食品味,令臣詳定。 望自今委御廚 取親

秋冬則物成而祭備。 神宗元豐三年十月,詳定郊廟奉祀禮文所言:「祠禴嘗蒸之名,春夏則物未成而 今太廟四時雖有薦新,而孟享禮料無祠禴蒸嘗之別。伏請春加

卵 物之薦,豐約各因其時,以應古禮。」從之。 ·夏加麥、魚·秋加黍、豚·多加稻、鴈,當饋熟之節, 薦於神主。 其籩豆於常數之外, 別加

之樂 拭 侍 執 帝 「有司 中嚴外辦,禮儀使跪奏請行事。 于廟門。 .架 大 搢 作, 鲯 (主跪,三上香,執瓚屧地,奠瓚,奉幣 [ ] 。 奠訖,執圭,俛伏,興,出戶外,北向再拜。 帝搢 艺 ,升東階,樂止。登歌樂作,至位,樂止。太祝、宮闈令奉諸室神主于坐,禮儀使贊曰: 大圭,執鎭圭,詣僖祖室,樂止。登歌奏瑞安之曲。 六年十一月, [謹具,請行事。」帝再拜,詣罍洗,登歌樂作,降階,樂止。宮架樂作,至洗南,北向,樂 翌日, 薦享于景靈宮。 執主。 罍洗 圭以授殿中監。 文舞 侍中跪請降輅,帝却乘興,步入廟, 趨至齋宮。 圭, 盥帨, 洗瓚、拭瓚訖, 執圭。 宮架樂作, 升堂, 樂止。 登歌樂作, 殿中監進鎭 ,登歌樂作,降階,樂止。宮架樂作,至洗南,北向立,樂止。帝搢圭 九 宮架樂作,帝升東階,樂止。 成,止。 帝親祠南郊。前期三日,奉仁宗、英宗徽號册寶于太廟。 至次室行事,皆如前儀。 禮部、戶部尙書以次官奉逐室俎豆,宮架豐安樂作, 禮畢,帝服通天冠、絳紗袍, 帝服袞冕以出,至東門外,殿中監進大圭,帝執以入, 登歌樂作,至僖祖室, 帝還位,登歌樂作,至位,樂止。宮架興安 至神坐前,北向跪,奠鎭圭于繅藉 翌日,帝服鞾袍至大次。 乘玉輅至太廟, 宰臣、 樂止。 宮架樂作,帝 是日 一,盥晚,洗 奠訖,樂止。 百官 ٠, 有司 齋于大 宮架 1班迎 內

作,帝降階,樂止。宮架樂作,出東門,殿中監受大圭,歸大次,樂止。 拜 獻以次行 詣 搢 部、禮部尚書徹俎豆,登歌豐安樂作,徹訖 次室 郊 ,倪伏,興,再拜,樂止。 跪,受爵,祭酒 主 宮架興安樂作,一成,止。太祝、宮闈令奉神主入諸祏室。 一,受爵 事 如前 如前儀 一、祭酒 儀。 三啐酒 樂 三奠爵 帝還位 باد , **愛**爵, 帝還位,登歌樂作,至位,樂止。 一,登歌 、執圭 帝詣飮福位,登歌樂作,至位 受俎 樂作,至位 ,奠俎,受摶黍,奠黍 一、樂止。 1,樂止。 禮直官曰 「賜胙」,行事、 "北 文舞 向 樂 立,樂 退 太常博士徧祭七祀、配享功 旷 武 豆,再受爵,飲福酒訖,奠爵 舞進, 止。 宮架僖安樂作,帝 禮儀 太祝 使跪奏禮畢,登歌樂 宮架正安之樂作 有司奏解嚴,轉仗赴 讀册文, 陪祠官皆再 再拜 帝 再 晉 亞

寶通 令戶部陳歲貞以充庭實,如古禮,仍以龜爲前,金次之,玉帛又次之,餘居後。 年 加 牛羊腸胃、豕膚俎各一。 改 工儀注 温 詳定郊廟禮文所言:「古者納牲之時,王親執鸞刀,啓其毛,而祝以血毛詔於室。 初 , 及今儀注皆盛以豆。 國朝親享太廟,儀物有制。 , 諸太祝以毛血薦於神坐訖, 徹之而退。 又古者祭祀無迎神、送神之禮, 其初祭及末, 皆不 禮以豆盛葅醢,其薦毛血當盛以盤。」又言:「三牲骨體俎外,當 |熙寧以來,率循舊典,元豐命官詳定,始多損益。 唐崔沔議曰:『毛 血盛於盤。』 當 又周禮大宗 開元、開 又宜

作階, 乃令太祝、宮闈令始奉神主置于坐, 行禮畢, 皇帝俟納神主, 然後降階。」並從之。 伯之職,凡享,蒞玉鬯。 奉 瓚臨鬯,禮部侍郎奉槃,以次進,皇帝酌鬯祼地訖,侍郎受瓚井槃而退。」又言:「皇帝至 今以門下侍郎取瓚進皇帝,侍中酌鬯進瓚,皆未合禮。 請命禮部尚

立于中堂北向。有司攝事同此。」詔俟廟制成取旨。 事 义言:「神坐當陳于室之奧東面。 當行事時,皇帝立于戶內西向,即拜于戶內。 有词攝

內西 行 之宜,以備古九獻之意,請室中設神位于奧東面,堂上設神位于戶外之西南面,皇帝立于戶 臣一。自漢以來爲三獻,后無入廟之事,沿襲至今。若時享則有事於室,而無事於堂;禘 嘏。」又言:「每室所用几席,當如周禮,改用莞筵紛純,加繅席畫純,加次席黼純,左右玉 船 凡祭祀、皆繅次各加一重、丼莞筵一重爲五重。」又言:「古者宗廟九獻、皇及后各四〇三、諸 饋食薦熟之禮爲三獻。」詔並候廟制成取旨。 則 面,祼鬯爲一獻;出戶立于扆前,北向,行朝踐薦腥之禮爲再獻; 有事於堂,而無事於室。室中神位不在奧,堂上神位不當扆,有饋食而無朝踐。 度今 又請「諸廟各設莞筵紛純,加繅席畫純,于戶內之東西面,皇帝行三獻禮畢,於此受 皇帝立于戶內西面

又請:「三年 親祠, 幷給享及有司攝事, 每室並用太牢及制幣。 宗廟堂上, 精蕭以求陽,

志

而飲。」 曰:『嗣舉奠。』請皇帝祭太廟,旣祼之後,太祝以斝酌奠于鉶之南,俟正祭嘏訖,命皇子舉奠 薦寢宮,而不可瀆於太廟,宜罷之。古者吉祭必以其妃配,不特拜,請奠副爵無特拜。 **兼薦上古、中古及當世之食,唐天寶中,始詔薦享每室加常食一牙盤,議者以爲宴私之饌可** 又請:「凡奏告、祈禱、報謝,用牲牢祭饌,並出帝后神主,以明天地一體之義。 又古者祭祀 丽 東 有 ,册則藏有司之匱。」又請:「除去殿下板位及小次,而設皇帝板位于東階之上,西向。」 司行事焫茅香,宜易用 脯。 灌鬯於地以求陰,宜東茅沃酒以象神之飲。 凡幣皆埋于西

東 之南,北上。戶外之東設尊彝,西上,南肆。胙階之東設六罍,其三在西,以盛玄酒,其三在 俎 于薦豆之北。 于豆之南。 匹 加 ,以盛三酒。 一,當臘俎之北,縱設之。 牲首俎在北牖下,簠簋設于俎南,西上。 篡十行八,設于簠簋 · 繅席畫純,加次席黼純,左右玉几。當筵前,設饋食之豆八,加豆八,以南爲上。 鉶三,設 、臘享,皆設神位于戶內南向。其屧將于室,朝踐于堂,饋熟于室,則於奧設莞筵紛純, 又請:「命刑部尚書一員以奉太牲,兵部尚書一員奉魚十有五。仍令腥熟之薦,朝享及 南陳牛鉶居北,羊鉶在牛鉶之南,豕鉶在羊鉶之南。羞豆二,曰酏食、糁食,設 堂下陳鼎之位,在東序之南,居洗之西,皆西面北上。 大羹谙盛以登,設于羞豆之北。九俎設于豆之東,三三爲列,以南爲上。肵 匕皆加于鼎之東,俎

皆設于鼎之西,西肆。 肵俎在北,亦西肆。 若廟門外,則陳鼎于東方,各當其鑊,而在其錢

之西,皆北面北上。」

維藉。 時 膋,燎于爐炭。 又言:「晨祼之時,皇帝先搢大圭,上香、祼鬯、復位,候作樂饋食畢,再搢大圭,執鎭圭,奠於 廟、社稷,並用牲幣。 獻,賓長三獻,亦止一爵。請罷諸室奠副爵。 又言:「古者吉祭有配,皆一尸。 祭,畢,郊社令束茅菹而燔瘞之。 東而瘞之于西階東。 ,祝取菹擩于醢,祭于神坐前,豆間三。又取黍稷肺祭,祭如初,藉以白茅。 又請:「旣晨祼,諸太祝入,以血毛奠神坐。太官令取肝,以鸞刀制之,洗于鬱鬯, 次奠幣、執爵,庶禮神並在降神之後。」從之。 祝以肝膋入, 韶神于室, 又出以隋祭于戶外之左, 三祭于茅葅。 若郊祀天地、則當進熟之時、祝取菹及黍稷肺、祭于正配神坐前、各三 如唐置太廟局令,以宗正丞充,罷攝知廟少卿,而宮闈令不預祠事。 其始祝洗酌奠,奠于鉶南,止有一爵。及主人獻尸,主婦亞 祀天燔,祭地瘞,縮酒之茅,或燔或瘞,當與隋祭之菹同。」 其祫享別廟,皇后自如常禮。 應祠告天地、宗 旣祭,宮闈令 當饋 買以 深熟之

今景靈宮神御殿已行上食〔三〕,太廟朔望薦食自當請罷。」從之。 八年,太常寺言:「故事,山陵前,宗廟輟祭享,朔望以內臣行薦食之禮,俟祔廟畢仍舊。

**元**祐七年,詔復用牙盤食。 舊制,並於禮饌外設,元豐中罷之,禮官呂希純建議日:「先

今帝后惟奠一爵共享,澶禮莫甚。請設副爵,亦如其儀。」 宗舊制,薦一牙盤。」從之,乃更其名曰薦羞。希純又請:「帝后各奠一萬,后餧謂之副爲 食。議者乃以爲宗廟牙盤原於秦、漢陵寢上食,殊不知三代以來,自備古今之食。請依祖 王之祭,皆備上古、中古及今世之食。 所設禮饌,即上古、中古之食, 牙盤常食, 即今世之

設三登,實牛羊豕之湆以爲太羹,明堂亦如之。」 者羊豕之牲也。佐食羞兩鉶,司士進湆二豆。三牲之祭,釧旣設三,則登亦如其數。請太廟 太年而三硎,實牛羊豕之羹,固無可論者。至於大羹止設一登,以少牢饋食禮考之,則少牢 之。豆二十有六爲四行,以左爲上,羞豆二爲第一行,朝事豆八次之,饋食豆八又次之,加 請改用玉。」又言:「新定太廟陳設之儀,盡依周制,篡豆各用二十有六,簠簋各八。以篡二 嘗,失禮尤甚。 請今四時之享,不設大尊。」又言:「主瓚之制,親祀以塗金銀瓚,有司行事以 人、醢人之制,惟簠以稻粱,簋以黍稷,而茅葅以蓴,蚳醢以蜂子代之。」又言:「宗廟之祭用 豆八又次之。簠八爲二行,在邈之外,簋八爲二行,在豆之外。篡豆所實之物,悉如周禮遵 十有六爲四行,以右爲上,羞箋二爲第一行,朝事箋八次之,饋食箋八又次之,加箋八又次 **銅瓚,其大小長短之制皆不如禮,請改以應古制。」又言:「太廟圭瓚、別廟璋瓚,舊用珉石** 大觀四年,議禮局言:「太廟每享,各設大尊二,則是以追享、朝享之尊,施之於禴祠蒸

大禮,已在以日易月服除之後,皇帝合享太廟,所有鹵簿、鼓吹及樓前宮架、諸軍音樂皆備 謂當時英宗喪未除,不廢景靈宮、太廟之禮。翰林學士朱震以爲不然,謂:「王制,『喪三年 年改用少牢。 寢,則宗廟常祀,自當如舊。』又熙寧元年,神宗諒闇,用景德故事 言:「按春秋,『君薨,卒哭而祔,祔而作主,特祀於寢,蒸嘗禘於廟。』杜預謂:『新主旣特祀於 不祭,惟天地、社稷越紼行事。』孰謂三年之喪,而可以見宗廟行吉禮乎?」吏部尚書孫近等 高宗建炎三年(日),奉安神主于温州,權用酒脯。紹興五年,臨安府建太廟,始用特羊,十 其廟享之禮,七年祀明堂于建康,以徽宗之喪,太常少卿吳表臣援熙寧故事 躬行郊廟之禮。 今明堂

堂朝享,以大臣攝事,即吉後,始行親享之禮。 月上 即位 之。」紹熙五年,寧宗卽位,時有孝宗之喪。 人情,似爲闕典。 日躬行告廟之禮。 而謁廟。 三十二年,孝宗卽位, 陛下龍飛已閱三月,未嘗一至宗廟行禮。 。乞早擇日,恭謁太廟。」詔逎瓊用三年之制。 禮寺以爲俟皇帝從吉,討論施行。 擇日朝享太廟。 閏十月,浙東提舉李大性言:「自漢文帝以來,皆 禮部言:「性牢、禮料、酒、齊等物,並 變奧 理宗卽位,行三年之喪,初行明 屢出,過太廟門而不入,揆之 吏部員外郞李謙請以來年正 如五享行

舊章 新 之儀 一,非樂 薦 行。語 僖祖室戶前,盥洗酌獻訖 太宗雍熙二年十一月,宗正寺言:「準韶,送兔十頭充享太廟。 「將薦宗廟,久隳前制,闕孰甚焉。 ,再拜,次獻諸室如上禮 爰遵時令,暫狩近郊,既 l。」 遂詔曰:「夫順時**蒐狩,**禮 躬獲禽, 按開寶通 用 以 薦 有

果以 后主,欲乞四時薦新,並如朔望牙盤例,后廟、奉慈廟如太廟之禮。」 }閉 食 稻 蔬 之。」於是禮官、宗正條定:「逐室時薦,以京都新物,略依時訓 月羞以 餘 俎 寶通 帝 疏 以 薦 其今月十一日畋獵 新之禮 景 后 以 瓜 韭 禮 魚。 站 (菱筍, 以菘 同 以來禽,季月薦果,以芡以 二年至,宗正 .薦。 又 凡二十八種 一,皆寢不行。宜以品物時新,所司 配以 太常禮院 季月嘗 又按 , 卵,仲月薦冰, 禮 豆嘗蕎麥; 有 言:「自來薦 ,所司烹治。 |丞趙良規言:「通禮著薦新凡五十餘物,今太廟祭享之外唯薦冰,其 ,親射所獲田 薦新如朔 冬孟 菱; 季月薦蔬以筍,果以含桃 冰,惟 自彘以下,令御廚 奠』。 禽,並付所司,以備太廟四時薦享,著爲令。」 月羞以 秋孟月嘗粟嘗穄,配以 詳 薦太 送宗正,令尚食簡擇滋味與新物相宜 此 · 冤,果以栗, 獻祀 廟逐室帝 帝 於四 后 主,后主 È 時牙盤食烹饌, 蔬以諸萸, );夏孟 别 協用 鷄,果以棗以梨,仲月嘗 無異等之義。 音闕。 、典章。 月嘗麥,配以 仲月羞 謹 按 請每歲春 1 朔 今後前廟逐室 日 辽 望每 薦 源 彘 者,配以 獻 以麞,季 仲 室 孟. 牙盤 月薦 酒 月 煮 薦 加

站 三年 ,太常寺王洙言:「每內降新物,有司皆擇吉日,至涉三四 日,而物已損敗。 自

今令禮部預爲關報,於次日薦之,更不擇日。」

不 旝  $\dot{\Pi}$ 卡 鷹 元 神 2.豐元年 頻 違 今 兩 禮意。 -,宗正 廟薦新云,及朔望上食,並出 蓋節序有蚤晏,品物 寺奏:「據太常寺報, 有後先,自當 選日 薦新冤、諸툦、栗黃。 神主。 請下禮官參定所宜。」 變通, 安能 齊 今三物久粥於市 又唐開元禮 丽 廟

除依 及時 典。 蒲 太略,違於經則無 山。 夏嘗雛以 者去之。請自今孟 -· 季秋嘗菽,羞以冤以栗; 餘 詩 出 請 品 詳定所言:「古者薦新于 天子諸 者 景站 [禮 春 添,羞以 卽 薦 月令(主)外,又增多十有 侯,物熟則 中 日 鮪 登 ,無則關之。 禮官議以 獻 春 法。 瓜,季夏羞以芡以 l 薦 韭 ,旣非正祭,則不當卜日。漢儀嘗韭之屬,皆於廟而 薦,不以 今欲稍 以 (呂紀 卵, 羞以 孟多羞以鴈,仲多羞以麕, ,廟之寢,無尸,不卜日,不出 舊有林 加刊定,取其間先王所嘗享用膳羞之物,見於經者存之,不經 簡 孟 而 仲 菱; 葑 七 近 季爲限。 檎、蕎麥、藷藇之類, 及季秋嘗酒, 品。 薄 ,仲春薦冰,季春 孟秋嘗粟與稷,羞以 唐 雖出 令雜 居 氏 月 一時之議,然歲時登薦,行之已久。依於古則 而 (月令,一歲之間八薦新物 不經,於是更定四 薦筍,羞以含桃 季多羞以 神 主,奠而 変以 魚。 梨, 不祭。近時擇 一時所薦,凡二十八物 仲 今春 不在寢,故章玄成傳 並合删 秋 孟夏嘗 嘗麻 開元 薦 去。 嘗稻 鮪 麥以 H m 加以五 凡 誠 彘 仲 薦,非 満 以 新 爲 闕 物

志

第

六

今出 闕 以 爲 卽 神主,失禮尤甚。 廟歲二十五 以 筋鯉代之。 一祠 而 旣而 請依 薦 新在焉。 知宗正丞趙彦若言:「禮院以仲秋茭萌不經, ..<u>五禮精義,但設神座〔<〕,仍候廟成,薦新于寢。」詔依所</u>定, 自漢至于隋、唐,因仍其失,薦新雖在廟 易以蒲白。 ,然皆不出 今仲秋 神 如 鮪

蒲

無白

,改從春獻。

1 也。 則 朔祭同 隨 興 怠 時 之宜,取新 仍 大觀, 新 舊制 先王 日 物 未備 者。 禮局 建祭祀之禮 % 猶許 夫朔祭行於一月之首,不可易也。 以 亦言:「薦新雖繫以月,如櫻、筍三月當進,或萌實未成,轉至孟夏之類,自當 (薦。]政 ,次月薦之,亦何必同朔日哉。」 必必 和 得疏數之中,未聞 四年,比部 員 外 郎 一日之間,遂行兩祭者也。 何天衢言:「祭不欲數 若夫薦新 自是薦新偶 ,則未嘗卜日,一 與朔祭同日,詔 **学**,數則 今太 煩 月之內,皆 ; 祭不 爾薦 用次日 欲疏 新,有 可薦 與 疏

階跪授册於太尉,候太尉奉册出宣政 號,皇帝 加 上祖 於宣 宗諡 政 殿 號。 授 玉 太祖 册 造字 建隆 臣 元 辺 年 下 九月,太常禮院言:「謹按唐大中 門,然後 持 節 奉 升殿。 册 赴 太 廟 凡皇帝行禮,皆太常卿贊導 授 册 日 帝 旣 初, 御 殿 追 龥 首 |順 奉引。」 僚 宗、憲宗 拜 'nΖ 諡 降

表奉慰

洪烈 於貽 孝思 夏蠻 祥, 帝 惠元 孫嗣 典,亟上尊稱。 運 中 旣 母 崔 書 叶 虔 周發薦文王之號 廟號 : 音 謀。 皇帝 門 皇帝 罔 氏 膺 貊 何 是月二十 派 極 由 日 下 於 罔不獻 翼 文懿 平章 臣 乘時 大寶,乃眇 亚 酌百 旭 · 某,再拜稽首上言:伏以昊天 非發源之長,析派不能通上漢; 世。 廟 既肇 七日 號 皇后公。」皇曾 事 江王之損 皇祖 謹遣使王溥、 誠 方作猗 王溥、 順 一; 山 旭 於興王,報本敢稽 覿 母京兆郡太夫人劉氏 帝御崇元殿, Ш 黄星 益 副 於遐源 那之頭 鬼神, 皇曾祖 一,薦四廟之蒸嘗。 使兵 應運, 副使李濤奉册寶、上尊諡曰昭武皇帝,廟號宣祖。」禮畢, (部尚書 い, 敢遵 祖 罔不 母 , 府君 永嚴昭 桑氏 曹丕揚魏祖之功。 受職。 備 歷代之規, 李濤 於尊 册日 禮遣 日 穆之容。 有命 惠 1:「伏以 非臣 日 祖 奉寶册,上尊諡 明 謹遣使王溥、 使奉册上四 簡穆皇后。」聖考太尉 非積基之厚, 皇后。」 , 皇宋 非隆 否德 式薦配 天命匪 謹遣 勃興, 一徽稱 肇 咸因致孝之誠,式展尊親之義,爰 皇祖 使王溥、 天之號 廟 此 忱, 副使李濤 諡 日 括 則 丕 嗣 聽衞 文獻皇帝 號。 昌 厚 惟 大 孫 載 享 歸 副使李濤 府 不 實賴 謹造: 皇帝 以 何以 於有 能 君 奉寶册,上 府君 開 册日 有 先正儲休, 高 使 階 配 德, 中區。 | 駒號 完宅中 祖府君 册曰:「昔者流 神 一:「伏 奉 空銀門下侍 人文設 ·册寶, 僖祖 一尊諡 非鏤 以 今人紀肇脩 园 册日 皇帝 人膽 F 而 上尊 教, 日 良 玄降鑒, 撫 一字曾 簡 班 鳥 連 諡 必 高 羣: 遵 恭 郎 火 一,夷 始 皇 則 加 Ϊij

可

室尊 玉輅 聖德睿烈大明廣孝皇帝。 昭 至仁應道神功聖德文武大明廣孝皇帝。 武睿聖皇帝 ·,太宗册寶於金輅,詣太廟,奉上太祖日<br />
啓運立極英武聖文神德玄功大孝皇帝, 太宗太平興國二年正 ,帝於朝元殿備禮 僖祖 ,太祖曰啓運立極英武睿文神德聖功至明大孝皇帝,太宗曰至仁應道 日文獻睿和皇帝,順祖日惠元睿明皇帝,翼祖日簡恭睿德皇帝,宣 禮畢,羣臣拜表稱賀。十一日,帝行朝享之禮。 月甲戌, 一、奉祖宗 尊諡册寶,再拜授攝太尉王旦奉之以出,安太祖 上太祖英武 禮畢,親行朝享之禮。 \聖文神德皇帝。 天禧元年正月九日 眞宗大中祥符元 , ,太宗 加上六 加寶於 神功 加

月二十五日,加上眞宗諡曰膺符稽古成功讓德文明武定章聖元孝皇帝 仁宗天聖二年十一月二十五日, 加上眞宗諡曰文明武定章聖元孝皇帝。 慶曆七年十

極 功 全德 神宗 神文聖武睿哲明孝皇帝,又上英宗徽號日體乾膺曆隆功盛德憲文肅武睿神宣 元豐六年五月,改加上尊諡作奉上徽號。 十一月二日,奉上仁宗徽號日體天法道

皇帝(10)。

未 增 加 哲宗紹聖二年正月,帝謂輔臣曰:「祖宗諡號,各加至十六字。 ,宜考求典故以聞。」宰臣章惇等對曰:「 今神宗附廟已十年,故事加徽號必在南郊前,蓮如聖旨討閱以聞。 「祖宗 加諡 ,歲月不定。 真廟 神宗皇帝今止初益, 初 加 四月二十七 八字,是天聖 尙

詔 加上神宗皇帝徽 號,於大禮前三日行禮。 九月十六日 ,奉上册寶日神宗紹天法古運德 建

功英文烈武欽仁聖孝皇帝。

行禮 僖祖 文烈武欽仁聖孝皇帝, 奉哲宗册寳授少師、太宰何執中,載以 加上 孝皇帝,又奉哲宗徽號曰憲元繼道顯德定功欽文睿武 神宗、哲宗徽號。 徽號爲十六字,日立道肇基積德起功懿文 ,赴太廟宿齋。 徽宗崇寧三年十一月二十三日, 次行朝享,禮畢,赴南郊青城宮。 五. 日,服褒冕,恭上神宗册寶于本室,日體元顯道法古立 前二日,皇帝御 又上哲宗册寶于本室, 金輅,並詣太廟幄殿,奉安以 大慶殿,奉神宗册寶授太師、魯國公蔡京,載以玉 更定神宗徽號日體元顯道帝德王功英文烈武欽仁 憲武睿和至孝皇帝 日憲元繼道世德揚功欽文睿武齊聖昭 齊聖昭孝皇帝。 俟。四日 政和三年十 大觀 元 , 憲帝 皇帝詣景靈宮 年 九月, ·德王 月 Ъ. 孝皇 功英 加上 聖

**俟齋室簾降**,皇帝服通天冠、絳紗袍,禮部侍郎奏中嚴外辦。 下,東西相向立定,禮直官引奉册寶使、侍中、中書令、舉寶舉册官詣殿下西階之西東向立。 府(11)。 十三年正月九日,皇帝御<u>文德殿,命宰臣秦</u>詹奏請太廟。十日,內殿宿齋,文武 集於發册寶殿門幕次,次禮儀使、閤門官、太常博士、禮直官分立御幄前,次分引百僚入就殿 絽 興十二年十一月, 詔議加上徽宗徽號曰體神合道駿烈遜功聖 次禮直官、太常博士引禮儀使 文仁德 憲 慈 顯 孝 百僚

志

殿下 寶官 書令 僚 騎 畢。 使, 殿 册 簾 拜,三上 嗣 從,至太 躗 卷 1 幄 皇帝 褥位 表 舉 前 幄 再 皇 前 前 · 贊 導 拜 帝 帝 稱 俛 臣某 香,再拜,在位官皆再 導官前導皇帝 進, 釋 賀 册 ,册寶使詣 執 舉 伏 南 廟 册 大圭 寶 跪 向 大 ,謹遣 侍中跪讀寶文,册寶使以 靈 奏:「 畫 立。 寶官俱搢笏跪,舉册寶與侍中、中書令奉 入 星門外下馬,步從至太廟南 一,升自 自南 再 禮儀使臣某言, 禮儀 臣等奉徽 拜 II 各室行 正 東 出幄,執大 門,至殿 在位 使奏皇帝 階, 奠獻禮。 官皆 號册寶。」 入齋室。 拜。 西階下權置定, |再拜。 再 (主, 詣) 前導還褥位 請皇帝行奉上徽宗皇帝發册寶之禮。」奏訖,俛伏, 拜,舉册官奉册,舉寶官奉寶 次 贊 奏訖,倪伏,興。 下各再拜 禮部 持節者持節 册寶喔東褥位 (者引舉册官舉册,舉寶官舉寶,禮直 神門外。 郎 中奏解 西向立, ´; 至 各再拜。 册寶喔安 次 導 嚴。 册寶進行 舉册官舉 日 册寶進行,皇帝 侍中、中書令、舉册舉寶官 .西向 1,文武 次詣徽宗室 次册寶出北宮門, 立。 奉 百僚集於太 一册進 禮儀使奏請 禮畢 皇帝搢 出 中中 一册寶使 殿 後從, ·, 以 正 正 書令跪 大丰 次退。 門。 廟幕次 奉 降自 再拜, 官 倪 册 禮儀 跪 引 讀 伏 次文武 寶 奉 1升殿, 西 册 跪 侍 ,分引 受册 使 使 皇帝再 階 文,舉 奏稱: 中、 以下 奏 興。 至 中 禮 寶

年, 上孝宗徽號日紹統 紹 熈 年 八 月, 詔上 同 高宗 道冠德昭 徽 號 功哲文神武 日 受命 中 興 全 明聖成孝皇帝 可 至 德 聖 神 武 文昭 嘉泰三年 仁憲 孝 皇帝 上光宗徽號 慶元三 日

仁文哲 **循道** 憲仁明功茂德温文順武聖哲慈孝皇帝。 武 聖睿 恭孝 皇帝 (<u>|</u> 咸淳二年,上理宗徽號日建道備德大功復 寶慶三年, 上寧宗徽號曰法天備道純德茂 興 烈文仁武 聖明安 功

孝皇帝。

並

如

紹興十三年儀注。

水義 爲義 告遷翼祖皇帝、簡穆皇后神主奉藏於夾室。 今來淵聖皇帝御名,欲定讀如前外,其經傳本字,即不當改易,庶幾萬世之下,有所考證,推 字曰『滿』, 止是讀曰『國』、曰『滿』, 其本字見於經傳者未嘗改易。 以其義類求之。 曰:『先王之制,邦內畿服,邦外侯服。』又曰:『盈而不持則傾。』於『邦』字、『盈』字亦不改易。 義者,今欲讀曰『植』 了,或以 類 廟諱 ,別無未盡。」三十二年正月,禮部、太常寺言:「欽宗祔廟,**翼祖當遷。於正月九** ,回旋爲義,又爲植立之象,又爲亭郵表名,又爲圭名,又爲姓氏,又爲木名,當各 紹興二年十一月,禮部、太常寺言:「淵聖皇帝御名,見於經傳義訓者,或以威 以威 ; 武爲義者,今欲讀曰『威』;以回旋爲義者,今欲讀曰『旋』;以植立爲 若姓氏之類,欲去『木』爲『亘』。又緣漢法,『邦』之字曰『國』 所有以後翼祖皇帝諱,依禮不諱。」詔恭依。 司馬遷漢人也,作史記, ,『盈』之 武

元 第 年 六 + 四月,詔:「今後臣庶命名,並不許犯祧廟正諱。 禮 + 校 勘 記 如名字見有犯祧廟正諱者, 二六〇九

並合改易。」

『亘』,皆合回避。乞倂下禮、寺討論,頒降施行。」旣而禮、寺討論:「所有欽宗、孝宗舊諱,若 宗舊諱二字者,皆著令不許並用。」又言「欽宗舊諱二字,其一從『面』從『旦』,其一從『火』從 一字連用,並合回避,宜從本官所請,刊入施行。」從之。 嘉定十三年十月,司農寺丞岳珂言:「孝宗舊諱從『伯』從『玉』從『宗』。 攷國朝之制,祖

## 校勘記

- (1) 奉幣 「幣」原作「帛」,據宋會要禮一七之三三、通考卷九八宗廟考改。
- (三) 古者宗廟九獻皇及后各四 「皇」,宋會要禮一七之三四、通考宗廟考卷九八都作「王」,當以作

「王」爲是。

- (三) 今景靈宮神御殿已行上食 「今」原作「令」,據宋會要禮一七之三六、通考卷九八宗廟考改
- (四) 建炎三年 「三年」原作「四年」,據宋會要禮一七之三七和通考卷九四、九八宗廟考改。
- 景祐二年「二年」原作「三年」,據宋會要禮一七之八六、長編卷一一六改
- (公) 今兩廟薦新 「廟」原作「朝」,據宋會要禮一七之八八改。
- 詩禮月令 「詩」原作「時」,據宋會要禮一七之八八、長編卷二九九改。

- (元) 神座 原作「神主」,據宋會要禮一七之九〇、長編卷二九九改。
- (元) 文懿皇后 「文懿」原作「懿文」,據宋會要禮五八之二、后妃一之一和長編卷一改。
- 8 體乾膺曆隆功聖德憲文肅武睿神宣孝皇帝 「聖德」,本書卷一六辨宗紀、宋會要帝系一之一一

都作「盛德」。

=體神合道駿烈遜功聖文仁德憲慈顯孝皇帝

「體神」原作「體仁」,據本書卷三〇高宗紀、繫年要

\ 绿 卷 一 四八、宋會要帝系一之一六改。

 $\stackrel{\square}{=}$ 

法天備道純德茂功仁文哲武聖睿恭孝皇帝 「純德」原作「統德」,據本書卷四〇寧宗紀、卷四

理宗紀和宋會要禮四九之九七改。



## 宋史卷一百九

## 志第六十二

禮十二音禮十二

后廟 景靈宮 神 御殿 功臣配侑 羣臣家廟

廟。 众。 居次室。 士和峴請共殿別室,以孝明正位 薦常饌,不設牙盤祭器。 近周 按唐睿宗 后廟之制。 世宗 禮院 追諡 又言:「后廟祀事 IE 惠 建隆三年, 追册會稽郡夫人賀氏日孝惠皇后, | 謝明、 宣懿二后並先崩,正惠無位號,宣懿居正位,遂以配食。 乾德元年, 昭成二后, \_\_\_\_ 內朝,請居上室; 孝惠緣改葬,不造虞主, 與孝明同祔, 準太廟,亦當立戟。」 孝明皇后王氏崩, 至睿宗崩, 獨昭成以帝母之重升配, 及太祖 始議置廟及二后先後之次。太常博 祔廟,有司言:「合奉一后配 止就陵所置祠殿奉安神主, 肅明止享於儀坤 今請以孝明皇 宜

志

第

六十

禮十

后配,忌日行香廢務,其孝惠皇后享於別廟。」從之。

太平 興 、國元年,追册越國 夫人符氏爲懿德皇后, 尹氏爲淑德皇后,並附后

典籍 尊位 位號 淳化 夏侯 懿德 何太后在上,尊所生周氏爲太妃,封其子爲琅邪王。 夙彰賢懿之美, 位已隆,然未嘗正位中宮,母臨天下。 義可據。』今之所議,正與此 居其次。」詔孝章殿室居懿德下。 升 一號,請以宣懿爲 無據。 ,沒始追崇,況在**初潛**,早已薨謝,懿德皇后享封 配。 在 初 夫人初歸景帝 Ę 宗 今請 三年,孝章皇后宋氏祔享,有司言:「孝章正位中 IE 唐順宗祔廟後 按江都集禮 少卿趙安易言, 虚 若以升祔, 位,允協舊儀。 配。 ,未有王基之道,不及景帝統百揆而亡,后妃之化未著遠邇 是時以太后在位,疑宣懿祔廟之後, 十一年,始以莊憲皇后升配 同。且淑德配合之初,潛躍之符未兆; 晉景帝卽位, 當歸懿德 別廟祭享, 六月, 再韶尚書省集議及禮 豈可生無尊極之位,沒升配享之崇,於人情不安,於 禮官議:「按太平興國中追册定諡 又詳周世宗正惠、宣懿配 夏侯夫人應合追尊 懿德在淑德之上,未測升降之由。 大國, 及太妃薨,帝奔喪琅邪第,七月而葬。 官同詳定。 憲宗 ·
壺,宜居上室, 作配先朝,雖不及臨御之期,且 祔廟後二十五年, 立忌非 散騎常侍任茂、傅玄等議云: 懿德輔佐 i食故 上議曰:「淑德皇后 便。 事 , 懿德追崇后號, 議者 當時議以正 之始,藩邸三之 皆以懿德居上。 其時敕旨依舊 引晉哀帝時 始以懿安皇 , 追尊無經 惠 生 無 追 宜

宣懿 夫旣 此 則奔 同 追 耐 册 、喪行服,尙不厭降,卽忌日廢務至,於理無嫌。今禮官引唐順、憲二宗廟享虛位之文, ",即正惠神主請加『太』字。 今升祔懿德,請即 二后,即 ;虚室· <u></u> 亦寫 非便, 請奉懿德神主升配。 又按議者以 加淑德『太』字,仍舊別廟。」詔:「以 周世宗神主 一祔廟, 必若

(仲呂,以享先妣』,謂姜嫄也。 亨。 廟於太廟之西。 食,築室於外,歲時享祭。 懿德配享,至於『太』者尊極之稱,加于母后,施之宗廟禮所未安。」迺不 十二月,追尊賢妃李氏爲元德皇太后。 稽於前文,咸有明據。 唐先天元年,始祔昭成、肅明二后于儀坤廟。 是帝嚳之妃,后稷之母,特立廟曰閟宮。 望令宗正寺於后廟內修奉廟室,爲殿三間,設神門 有司言:「按周禮春官大司樂之職,『奏夷則,歌 加「太」字,仍別廟 晉簡文宣后以不配 又玄宗元獻楊后立 配

齋房、神廚以備薦享

於子。 也。 帝母而無『太』字。 不加『太』字,則本朝文懿諸后 又開元初,太常議昭成皇太后,請不除『太』字,云『入廟稱后,義繫於夫,在朝稱太后,義繫 淑德皇后 咸平元年,判太常禮院李宗訥等言:「元德皇太后別建廟室, 淑德皇后亦在別廟, 如諡册入陵,神主入廟,則當去太字」。按神主入廟之說,蓋爲祔享太廟,以厭降故, 亦請加『太』字,旣加之後,望遷就元德新廟,居第一室,以元德次之,仍遷莊 按唐穆宗三后,除宣懿升祔,正獻、恭僖至三二后並立別廟,各有『太』字。 是也。 如別建廟室,不可但稱皇后,則唐正獻、恭僖二太后是 同是

志

望依 詳 懷 行 當 始 彨 為。逮事 袝 祫 行 去歲 又次之。」詔下中書集議。 謁 之時 (禮官所言。)三年四月乙卯,祔葬元德皇太后于永熙陵。 耐 議 之禮,每歲五 謁 ,舅姑,躬執婦道,祔享之禮,宜從後先,伏請 狀,請 , 不 , 載 稽 預合食之列,廟享之制 前 加淑德『太』字,而韶不加之者,緣當時元德皇太后未行 典,有未安者。 一享、禘祫如太廟儀 兵部尚書張齊賢等奏:「宗廟神靈, 務乎安靜。 伏以追薦尊稱,奉加『太』字,崇建別 與諸后 不同。 俟神主還京,即祔廟室, 薦獻安神, 更不 仍舊。 叉|漢 有司 因秦制,帝母 言:「元德神主祔廟 廟,以備蒸嘗 追 册。 况 稱皇太后。 今册命已畢, 懿德作合之 況當 準禮 檢

之上。 廟享用犢 省、御史、宗室防禦使以上班 景 帝祀汾陰,謁 德 四年 諸 后廟親享用犢 奉莊穆 蘭型 皇后郭氏 , 親詣元德皇太后廟躬謝,自 ()攝事 爾內, 神主謁太廟,祔享于昭憲皇后。 )用羊 餘班廟外, 遣官分告孝惠諸后廟。 門降輦步入,酌 享畢,祔別廟 獻 詔:「太廟、元德皇后 如 太廟,設登歌 殿室 在莊 懷

网

遇禘 合享 簡 穆 皇后 給耐享於太廟,如是昭后,即坐於祖姑之下,南向(B); 五 `神禮未安,望詔禮官再加詳定。」有司言:「按曲臺禮 年 · (四) 神主之下、太祖 龍 圖 閣 直 學士 神主之上,此蓋 陳彭年言:「禘祫 一用曲臺禮別廟皇 日, 孝惠、 三后禘祫 載 淑德二后 如是穆后,即坐於祖姑之下,北 諦 船 之儀,則 祔享太廟之說。 沉神主· 自 如 是后 別廟 先祔 赴太廟 竊慮 别 明 廟 前 靈

親者 本室 祖 日 淑德三后神主 耐 几 神 向 姑 祖 后 廟也 調 一,卽 也。 姑之下(云)。 於太廟未有 又按 六年(fi), 此 舅所 正 如 當遷祔。 博 禮 故開元禮但 昭 孝惠、 生。 也 成 上殷盈孫議云: 耐 八肅 升祔元德皇后太宗廟室, 稱 本室,故創 享祖姑之下, 帝方 明之沒也,睿宗 然則祖姑有三人同在祖室, 據開寶通禮與曲臺禮同。 孝章 『祖姑有三人, 战肅明皇后 在 位, 淑德 『別廟 別廟,當爲太廟合食之主,故禘 故皇后 乃在太祖、太宗之上。 禘 能 附太廟, 在位 皇后 別廟時享之儀, 則耐於親者」,注, 愛立 一禘給於太廟,附於 元獻之沒 別 韶以祔廟歲時爲合享次序, (廟, 禮本合食, 今有司不達禮意 明婦有 則自今隔船附享本室 而 也,玄宗 111 數人亦當同在夫之本室, 按禮 玄謂『舅之母死, **禘**船之禮, пH 故禘 船 在 d 姑之下者, 此乃皇后 稱 乃奉以入 位 『婦科』 遇禘祫歲, 昭 即知別 祖姑, 德之沒也 文字,此 次於正 廟, IIII 而位明德皇后之 尚以孝惠、孝章 廟時享及 又有繼室二人, 謂 **则其後太廟** 以 一,德宗 主, 不可 既卒哭之明 未 先沒, 有 庶 締給 |久神| 任 位,故 協 典. 於 有

以來 ,父昭子穆,皆有配 今惟演 引唐武宗母章太后升祔穆宗, 判河南府錢惟演請以章獻、章懿二后並祔眞宗之室。 坐,每室一 帝一后,禮之正儀。 本朝孝明、孝章祔太祖故事(云)。 唐開元中,昭成、肅明二后始並祔 太常禮院議:「夏、商 按穆宗惟阜

次。

志

第

-|-

禮

+

廟室 衆 奉 自 77. 前 獻 元 心。 太后母 廟 代 德 耐 太后自 樂 、太祖 無 自協 同日 曲 閟 按 宮。 後天下 周官大司樂職,『奏夷則,歌小呂,以享先妣』者,姜嫄也,帝嚳之妃,后稷 ,以崇世享。 未嘗以孝章 一帝一后之文。章獻輔政十年,章懿誕育帝躬,功德莫與爲比,退就后 並耐之比,惟上裁之。」乃詔有 追尊後,凡 宜別立 - ,與明德例同,若從古禮,止應祀 |新廟,奉安二太后神主,同殿異室, 八十七年: 忌前一日,不御正殿,百官奉慰,著之令甲。」乃作新廟兩 配行。 始克升配。今章穆皇后著位長秋,祔食眞宗,斯爲正禮。 伏尋先帝以懿德配享太宗(10),及明德園 司更議,皆謂:「章穆位崇中壼,與懿德有異,已祔 后廟,若便升祔,似非先帝愼重之意,又況 歲時薦享用太廟儀。 . 陵禮畢,遂得升祔。 前間 別 之母,特 廟,未厭 立 廟名

宗 遺 詔 如 郭 廟 制 中 故 后 書門 嘗 事 升 慶 踐 詂 章獻以顧託之重,臨御之勞,欲稱別廟,義無所嫌,屬之配室,禮或未順。」學上王堯 曆 太 下 將 當 四 妃 郊 年,從呂公綽言:「先帝特諡二后莊懷、莊 令禮官效故 IF. · 至 所 一徽號 一明道 司 導五 ,宜於郊禮前遣官先上寶、册 中 事 始 后寶、册赴三廟,各於神 1,升耐 加 懿 章懿 號 與章懷 神主。 頗同,請序 禮院 言:「章」 門外幄 ,改『莊』爲『章』 穆,及上眞宗文明武定章聖元孝之諡 章懷 獻 次以 之次。 章懿 待。 , 宜序章穆之次, 太者 奏告畢 止 告 生事 太廟 ·, 皆 了之 禮 更不 納 於室 示不 章 改題。」遂 當 惠 俄 先 施 於 朝 又

遷二主,皆塗「太」字,耐於太廟。 官贊導册、寶至大慶殿庭發册,出宣德門,攝太尉賈昌朝、陳執中受以赴奉慈廟上寶、册,告 絳紗袍,執圭。太常奏樂,百官宿廟堂。次日,有司薦享諸廟。寅時,復詣正衙,宰臣、行事 旨,位敍先後,乞聖制定數,昭示無窮。」詔依所議。十月,文德殿奉安寶、册,帝服通天冠、 室,先後已定,若再議升降,則情有重輕,請如舊制。」中書門下覆議:「成憲在前,文考之 臣等言三章獻明肅盛烈丕功,非一惠可舉,諡告於廟,册藏於陵,無容追減。 躬,並均顧復,故景祐中膺保慶之册,義專繫子,禮須別祠。 `配食一體,二慈之宜;奉承無私,陛下之孝。 請如禮官及學士議。 案祥符詔繫章聖特 章穆升附,歲月已深。 章惠擁祐帝 奉慈三

至和元年七月,有司奉詔立温成皇后廟,享祭器數視皇后廟。後以諫官言,改爲祠殿,

歲時令宮臣薦以常饌。

其奉慈廟,乞依禮廢罷。」 稱,故加保慶(11)之號。蓋生有慈保之勤,故沒有廟享之報。今於陛下恩有所止,禮難承祀, 治平元年,同判太常寺呂公著言:「按喪服小記『慈母不世祭』。章惠太后,仁宗嘗以母

熙寧二年,命攝太常卿張掞奉章惠太后神主瘞陵園。

<u>元豐六年,詳定所言:「按禮,夫婦一體,故昏則同牢、合卺,終則同穴,祭則同几、同祝</u>

耐焉。 非禮 微終顯, 饌 后台, 有所不幸,則當立繼以奉宗廟,故有『祖姑三人則祔於親者』之說。 而 祭,故魯頌謂之國宮,周禮謂之先妣,可也。 宗未 意 管有異常 或以其繼 乃皆祭以別廟, 在禮未安, 請升祔太廟, 增四室, 皆嫡 恭惟 廟 也, 太祖孝惠皇后、 者也。 而 前娶後繼,皆嫡也。 Ë 惟周 蓋其間有天下者,起於側微,而其后不及正位中宮, 人以姜嫄爲媒神,而帝嚳無廟,又不可下入子孫之廟,乃以 太宗淑德皇后、眞宗章懷皇后實皆元 後世乃以始微後繼置之別廟, 自漢以來,不耐不配者,皆接姜嫄 以時配享。」七月,遂自 立繼之禮,其來尙矣。始 妃, 不得仲同几之義,則 而孝章則太祖繼 或以嘗 爲 Ē. 比 別廟升 位矣, 了,或以 別廟

恭、明達二位。」 謁 IE 祫 一典册 日,於英宗室增設宣仁聖烈皇后、明達皇后二位,及徧祭七祀、配享功臣,并別廟祔享惠 ,而|明達皇后神主奉安陵祠,緣在城外。|三代之制,未有卽陵以爲廟者。 政 ,歲時薦享,並同諸后,宜就惠恭別廟增建殿室,迎奉神主以祔。」又言:「明達神主祔 和四年,有司言:「政和元年孟多給享,奉惠恭神主入太廟, 附于祖姑之下。 。今明達皇后 今歲當 追

郞 施坰言:「懿節皇后神主,侯至卒哭擇日祔廟,合依顯恭皇后禮,於太廟內修建殿室,以爲 紹興七年,惠恭改諡爲顯恭,以上徽宗聖文仁德顯孝之諡故也。 十二年五月, 禮部侍

又請各置祏室。並從之。 隘。 乞分爲二室,以西爲上,各置戶牖,及擗截本廟齋宮,權安懿節神主,工畢還殿。」 王普 收奉,候回京日依別廟故事。」從之。七月,有司行九虞之祭奉安。三十二年,禮部、太常言: 別廟安奉。」又言:「將來祔廟,其虞主合於本室後瘞埋。 「故妃郭氏追册爲皇后,合依懿節皇后祭于別廟。所有廟殿,見安懿節皇后神主,行禮狹 緣別係行在祔廟,欲於本室册寶殿

乾道三年閏七月,安恭皇后神主祔于別廟,爲三室。

殿,以奉仁宗,署曰孝嚴,奉安御容,親行酌獻,命大臣分詣諸神御代行禮曰。翼日,太后 凡七十年間,神御在宮者四,寓寺觀者十有 喪或災異,則命輔臣攝事。名齋殿日迎釐,宮西門日廣祐。 酌獻,皇后、大長公主以下內外命婦陪位于廷。詔每歲下元朝謁○四如奉眞殿儀,有期以上 <u>真宗,署日奉真。明道二年,又建廣孝殿,奉安章懿皇后。治平元年,又詔就宮之西園建</u> 景靈宮。創於大中祥符五年,聖祖臨降,爲宮以奉之。天聖元年,詔修宮之萬壽殿以奉 四年,建英德殿,奉英宗神御。

元豐五年,始就宮作十一殿,悉迎在京寺觀神御入內,盡合帝后,奉以時王之禮。 十一 志 第 六 + = 禮 + =

匹 羞 日, 後 引, 孟夏 南 一器服 旨 復行 望參官及 累朝 擇 郊先詣宮 明 官 日 日 儀物,悉從 班 文武 薦 , ,帝詣宮朝獻,先謁天興殿,以 享 于集英殿 孟 諸 秋用中元日, 如 行 ·執政官、武臣節度使以上(\ne 並圖形於兩廡。 軍都 禮 薦 今制 亨 , 禮儀使 廷,帝詣蘂珠、 禮 魔候、宗室副率以上陪位 並 天興殿門以奉天神不立戟,諸神御門置親事官五百人,立戟二十 孟多用下元日, 如太廟儀 奉神輿行, 凝華等殿 帝出 次行 天子常服 幄導 , 禮 行告遷 ···, 並 內侍省押班整儀 衞以從, 至宣德門外, 如如 阿禮, 行事 、四孟儀。 凡執政官除拜, 禮儀使奉神御 薦聖祖殿以素饌, 親王 詔自 一、使 一今朝獻孟春用十一日 相 、宗室正 升綵 奉安神御于 赴宮恭謝。 神御殿以 興出 任 以 殿。 Ŀ 薩 前 其 明

遣官 詣熙文殿、衍慶殿、美成 殿 了朝謁 元 日 遣 節 分詣。 鹕 元 大 以 站 享 真宗、仁宗、 臣 景靈宮天 元年 攝 初 事 計 日 了。」禮 太常寺言:「季秋 計 天 興殿 與殿。 興 英宗 部言:「景靈 或 殿, 寺、 保 神 明年,奉安神宗 寧閣 啓聖院 御 次詣治隆殿、宣光殿, 宮 、天元殿、 至是 有事 天 , 朝謁 詔 興殿,用天地之禮,即非 于明堂, 分每歲 太祖 太始 神 御 太宗 殿 四孟 其朝享景靈宮、親享太 于景靈宮, 次詣 宣光後改日顯承, 月 神宗 拜謁 武 之所 神御 如 殿、儷 + 廟享,於 下元 自孟 徽宗又改大明殿。 殿奉 極殿、大定殿、 浜禮 秋 節詣景靈宮朝 安之禮。 、廟,當用三年不祭之 始 ("其不 無違。 仍自來年孟 記記 舊 當 輝 制 德殿 親 拜 明 堂 車 , 則 前 次 興 駕

春爲始。 皇太后崩,三省請奉安神御于治隆殿,以遵元祐初詔。 復以御史劉極 四之言,特

建原廟,廟成,名神御殿曰徽音,山殿曰寧眞。

隆 殿、保寧閣、天元、太始、皇武、儷極、大定、輝德二語 諸殿,次日詣熙文、衍慶、美成、繼仁、治 初 --殿,自是雨雪用爲例云。 、徽音、顯承七殿。三年十月,帝詣天興諸殿朝獻。 議 紹 者請以四孟分獻, 聖二年,奉安神宗神御于顯承殿。 一歲而 偏,至是復用舊儀。 元豐中, 每歲四孟月,天子徧詣諸殿朝獻。 詔自今四孟朝獻分二日, 先日詣 翼日, 大雨, 韶差已致齋官分獻熙文 亢 天 帖 厠

並 意 置 於荆湖 建 徽宗卽位,宰臣請特建景靈西宮,奉安神宗于顯承殿,爲館御之首,昭示萬世尊異之 哲宗 北路。 神御殿於西,以東偏爲齋殿,乃給度僧牒、紫衣牒千道爲營造費,戶牖工巧之物 已而右正言陳瓘言五 不可,且論蔡京矯誣。 不從。

义改 |坤元 建 中 又名哲宗 靖 國 元年,詔建欽聖憲肅皇后、欽慈皇后神御殿于大明殿北, 神御殿日 觀 成。 專改重光。 詔自今景靈宮並 分三日朝 獻 名日 「柔明。 尋改欽儀,

崇寧三 年 ,奉安欽成 皇后神御 坤元殿欽 聖憲 肅 皇后 之次,欽慈皇后又次之。

娭。 於是 政 和 兩宮  $\equiv$ 车 合為前 ,奉安哲宗神 殿 九,後殿八,山殿十六,閣一,鍾樓一,碑樓四 御 于 重光殿 昭 懷 皇 后 神御殿 成, 韶名正殿日 經閣 「柔儀, ,齋殿三,神廚 山殿

志

铒

六

+

禮十

## 二,道院一,及齋宮廊廡共爲二千三百二十區。

常卿行 週郊 祀、明堂大禮,則先期二日,親詣景靈宮行朝享禮。 初 1,東京以來奉先之制,太廟以奉神主,歲五享,宗室諸王行事 事 景靈宮以奉塑像,歲四孟皇帝親享, 帝后大忌則宰相率百官行香, ; 朔祭而月薦新, 后妃繼之。 則太

以 殿 薦獻, 之原 置。 酌獻二百 十人, 更卒二百七十六人。 韓世忠第增築之。 聖祖 廟也 俟告成有 紹興十三年二月,臣僚言:「竊見元豐五年, 旋 居前 削 25 十半。 便朝設位以享, 自 宣祖 | 艱難 日 迎還哗容,奉安新廟,庶幾四 至祖宗 凡帝后忌辰,用道、釋作法事 以來,庶事草創,始建宗 天興殿五楹,中殿七楹,後殿十有七楹,齋殿、進食殿皆備焉 諸帝居中殿,元天大聖后 上元結燈樓 未副廣孝之意。 ,寒食設鞦韆,七 廟,而原廟神游 乞命有 示 神宗始廣景靈宮以奉祖宗衣冠之游, 一躬行 十八年 與和 司擇 爽 塏之地, 獻禮,用副罔極之恩。」從之。 夕設 宗 ,增建道 諸 獨寄永嘉。 摩睺 后 居後。 院, 羅。 做景靈宮舊 初本劉 掌宮內侍七 簾幕歲 乃者權時之宜 光世 時 規, 賜第 易 隨 初 ?,歲用 樂三 道 刨 几 官 後 漢 建

神御殿, 古原廟也, 以奉安先朝之御容。 宣祖、昭憲皇后於資福寺慶基殿。 太祖 神御

平宮 之殿 廣 西京 玉 寺 (孝殿) 一清 斊 、崇福 昭 武 、哲宗四朝神御 、
井州 七: 爏 殿 太平 明德、章穆二后於普安院 宮安 宮保祥殿、華州 景望寺統 滁 州 興 〈聖殿、 國 大 、慶寺 一寺開: 洪 於景靈宮、應天院,章獻明 平 福 殿 端 先 殿、 雲臺觀集眞殿及西院、鴻慶宮、會聖宮、鳳翔太平宮。 院、壽寧堂、福聖殿、崇先觀永崇殿、 及 命 西院 殿 景 鰄 太宗 、鴻慶宮、 宮 重徽殿,章惠太后於萬壽觀廣 神御 應天 之殿 禪 會聖宮。 院 庸皇后於慈孝寺彰德殿,章懿皇后於景靈 -6 西 院 啓 真宗神御之殿 南京 聖 一禪院、 鴻 慶宮、永安縣會皇宮 壽 萬壽觀 慶殿 寧堂 + 有 延 景 几 聖殿 福 殿 景 (靈宮 澶州信武 仁宗、英宗 鳳 揚州 翔 奉眞殿、 清 建 隆

遣官 百 官 景德 奏告昌陵畢, 班 列 一,帝行 四年 - ,奉安太祖御容應天禪院,以宰臣向敏中爲奉安聖容禮儀 的獻禮 **季**臣 一稱賀 鹵簿導引, 升綵輿進發, 帝辭于正陽門外, 百官辭于瓊林苑門 使,權 安于文德

以 州 卽 奉 崇 是受命之端 上真宗 宗 皇祐 聖寺殿名 御 容 中,以滁州 旣 非 郡 m 日 也, 統 統平,以奉太宗。 或 平 所 大慶寺殿名曰端命, 通 殿災,諫官 宜 判王 奉 一安者。 | 靖請,滁、丼、澶三州建殿奉神御,乃宣 范鎭言:「丼州 近聞下抖州復加崇建,是徒事 真宗 歸契丹于 以 奉太祖 素 澶州 無 火災, 太宗 是 是 取 偃 自 劉 武 建 繼元于排州, 之信· 神 諭曰:「太祖擒皇甫暉于滁 御 也,卽 殿 重 未 幾 困 舊 民 而 是太平之統也, 寺殿名 力, 輒 焚, 非 日信 所以答 天意岩 武

志

第

二六二六

義,罷郡國廟。 御殿,翰林學士<u>歐陽脩言神御非人臣私家之禮</u>, 康之民不忘太宗之德,則陛下孝思,豈特建一神御殿比哉?」先是, 意 也。 自 | 井州 今睦親宅、廣親宅所建神御殿,不合典禮,宜悉罷」。 平七十七年,故城父老不入新城,宜寬其賦輸,緩其徭役,以除其患, 下兩制、臺諫、禮官議,以爲「漢用春秋之 睦親、廣親二宅並 韶以廣親宅置已久,唯 使河 神

罷修睦親宅。

災異,則命輔臣攝事 詔諸宗室宮院祖宗神御迎藏天章閣。 今宗室邸第並有帝后神御,非所以明尊卑崇正統也,望一切廢罷。」下禮官詳定,請如所奏。 寧二年,奉安英宗御容於景靈宮,帝親行酌獻,仍詔歲以十月望朝享,有期以上喪或 知大宗正丞事李德獨言:「禮法諸侯不得祖天子, 公廟不設於私家。 自是,臣庶之家凡有御容,悉取藏禁中。

元豐五年,作景靈宮十一殿,而在京宮觀寺院神御,皆迎入禁中,所存惟萬壽觀延聖、

廣愛、寧華三殿而已。

表及下降香表行禮儀注(云:

宣和元年,禮部奏:「太常寺參酌立到諸州府有祖宗御容所在朔日諸節序降到御封香

俟禮備,禮生引讀表文官、資香表官集朝拜官聽,執事者以香表呈視。 朔 日諸節序奉香表行禮儀注。 齋戒,朝拜前一日,朝拜官及讀表文官早赴 禮生請讀表文 ) 齋所。

定。 香案 向立 官位於殿下,西向,讀表文官位於殿之南,北向,陪位官位於其後;設焚表文位 官 東,南向。 文 稍 禮生先引陪位官入就位,北向,次引讀表文官入就位, ,或密詞 禮 , 次引朝拜官詣香案前, 贊搢笏、上香、奠酒茗, 拜, 興, 少立。 、時果、牙盤食神御前,又設奠醪茗之器於香案前之左,置御封 朝拜官用長吏,闕以次官充,讀表文亦以次官充,執事者以有服色者充。 前習讀表,或密詞卽讀封題,訖,禮生贊復位。次以御封香、禮饌等呈視訖,各復齋 讀表文官詣焚表文位南向立,焚訖,退。 生贊有司謹具,請行事。 朝拜日,質明前,香火官先詣殿下,北向, 卽 讀封題,執笏興,降復位。 禮生贊再拜,拜訖,引讀表文官先升殿,於香案之右 朝拜官再拜,降復位。 拜訖, 升殿東向侍立。 次引朝拜官就位, 禮生贊再拜訖,引朝 禮生贊搢笏、跪、讀 香表案上; 有 設朝拜 西向 於殿 司 有 陳設 東 立 庭 設

執 事者以所薦之物授薦獻官, 遇 日 望諸節序下降香 長薦獻 受獻訖 行禮儀注。 復授執事者, 如上儀。 置於神御前, 惟禮生引獻官上 興、拜、退一如上 香訖,跪,

韶頒行之。

儀

東京 神 御 殿 在 [宮中,舊號|飲先孝思殿,建炎二年閏四月,詔迎温州神御赴闕。 先是,神

禮,而又仁愛及物,天下幸甚。」 厚,豈欲多害物命,謹以別味代之,在天之靈亦必歆享。」呂頤浩曰:「陛下寅奉宗廟,罔不盡 覽禁中神御薦享禮物,謂宰臣曰:「朕自省閱 播遷至此,不能以時薦享,祖宗神御越在海隅,念之坐不安席。」故有是命。三年二月,上 御於<br />
温州開<br />
元寺暫行奉安,章聖皇帝與后像皆以金鑄,置外方弗便, 一神御,每位各用羊胃一,須二十五羊。 因愀然謂宰輔曰:「殷 祖宗仁

寧宗曰垂光,理宗曰章熙,度宗曰昭光。 香,用家人禮。 紹興十五年秋,復營建神御殿于崇政殿之東,朔望節序、帝后生辰,皇帝皆親酌獻行 其殿名:徽宗日承元,欽宗日端慶,高宗日皇德,孝宗日系隆,光宗日美明,

板,方七寸,厚一寸半,箋、豆各二,簠、簋、俎各一。 知廟卿奠爵,再拜。 室,禘祫皆配之。 薛居正、忠武軍節度使贈中書令潘美、尚書右僕射贈侍中石熙載配享太宗廟庭,仍奏告本 林承旨宋白等議,又以故樞密使、贈中書令、濟陽郡王曹彬配享太祖,以司空贈太尉中書令 功臣配享。」眞宗咸平二年,始詔以太師、贈尚書令、韓王趙普配享太祖廟庭。 祀日,有司先事設幄次,布褥位於廟庭東門內道南,當所配室西向,設位 繼以翰

乾興元年,詔從翰林、禮官參議 ,以右僕射贈太尉中書令李沆、贈太師尚書令王旦、忠

武 軍 一節度 |使贈中書令李繼隆配享眞宗

嘉 祐 八年, 韶以尚書右僕射贈尚書令王曾、太尉贈尚書令呂夷簡、彰武軍節度使贈侍

中曹瑋配享仁宗。

曾公亮配焉。 並以功臣與。 熙寧八年,詔以司徒兼侍中贈尚書令韓琦配享英宗,元豐元年, 熙寧末,嘗詔太常禮院講求親祠太廟不及功臣禮例。至是,禘祫外,親享太廟 又從太常禮院請,配享功臣以見贈官書板位 又以贈太師中書令

元祐初,從東部尚書孫永等議,以故司徒贈太尉富弼配享神宗 ; 紹聖初,又以守司空

鮰 太傅王安石配。三年,罷富弼配,謂弼得罪於先帝也。

崇寧元年,詔以觀文殿大學士贈太師察確配享哲宗。

次,薛居正、石熙載、潘美位于第二次,李沆、王旦、李繼隆位於第三次,俱北上;王曾、呂夷 五 禮新儀,配享功臣之位,設於殿庭之次:趙普、曹彬位於橫街之南道西,東向,第一

蔡確位於第四次,俱北上。 惟多享、祫享徧設祭位 簡、曹瑋位於橫街之南道東,西向,第一次,韓琦、曾公亮位於第二次,王安石位於第三次,

迨建炎 志 第 初,詔奪蔡確所贈太師、汝南郡王,追貶武泰軍節度副使,更以左僕射贈太師 六 + 禮 +

司馬光配享哲宗。旣又罷王安石,復以富弼配享神宗。

普、周王曹彬、太師薛居正、石熙載、鄭王潘美、太師李沆、王旦、李繼隆、王曾、呂夷簡、侍 中曹瑋、司徒韓琦、太師曾公亮、富弼、司馬光、韓忠彥,各令摹寫貌像投納,繪於景靈宮 僚與其家之子孫必有存其繪像者,望詔有司尋訪,復摹於景靈宮庭之壁,非獨假寵諸臣之 子孫,所以增重祖宗之德業,以爲臣子勸。」遂下諸路轉運司,委所管州軍尋訪各家,韓王趙 或 [家原廟佐命配享,當時輔弼勳勞之臣繪像廟庭,以示不忘,累朝不過一十餘人。 今之臣 興 八八年, 以尚書左僕射贈太師韓忠彥配享徽宗。 十八年二月,監登聞鼓院徐璉言:

臣,若依唐制,各廟旣無其人,則當缺之。」迺罷集議,飲宗一廟遂 廟 拘定制,乞特詔集議。」東部尚書汪應辰奏:「當時死事之臣,皆有次第褒贈。 救,罕可稱述,而以身徇國,名節暴著,不無其人。雖生前官品不應配享之科,事變非常,難 ,典故所無,如創行之,又當訪究本末,差次輕重,有所取舍, 乾道 五年九月,太常少卿林栗等言:「欽宗皇帝廟庭尚虚配享,當時遭值艱難,淪胥莫 尤不可輕易。 無配享。 若今配享欽 竊謂配享功

各兩人口的,文臣故宰相贈太師秦國公諡忠穆呂頤浩、特進觀文殿大學士諡忠簡趙鼎,武臣 淳熙中,高宗祔廟,翰林學士洪邁言:「配食功臣,先期議定。 臣兩蒙宣論,欲用文武臣

太 議者皆以 師 蕲王諡忠武韓世忠、太師魯王諡忠烈張俊 (10) 。此四人皆一時名將相,合於天下公論。」 爲 遂從之。 秘書少監楊萬里獨謂丞相張浚不得配食爲非, 爭之不得, 因去

位焉。

紹 熙 五. 年十二月,以左丞相贈太師魯國公陳康伯配享孝宗廟庭。

嘉泰元年正月,以右丞相贈太師葛邲配享光宗廟庭。

嘉 定 + 四 年八月,追 封右 丞相 史浩爲越王,改諡忠定,配享孝宗廟庭。

端平二年八月,以太師趙汝愚配享寧宗廟庭。

直柔 考慶 雖 若 食 食 沔 、温仲 禄 一禄 有 孫 者 層以 子 者 初 直道以官 , 而 人初品官,若子 均有 舒及 各官其 仁宗天聖中郊 後 光 未經 遺 無 陳洪進等子孫以官。 1,使奉 、取齒 表 一子 編 恩澤 次 ,以長 其 臣僚,其子孫應錄用 長者;若子 已五 祀 孫衆多, 祀。 沿。詔 一十年 幼爲序, 靖 錄 康 無 故相 ,不可復奏,請許移奏見存曾孫,使之世祿。」從之。 孫亦繪像,本房不 初 過家一人。」 元豐中,詔:景靈宮繪像舊臣推 臣 母過三人。」 崇寧初,詔:「哲宗繪像文武 李昉、宋琪、呂端、張齊賢、畢士安、王旦、執政李至、王 僚言:「司馬光 者以次編 又錄藝祖 食祿 定。 之後 ",更不 尋詔:「趙普社 功臣 再 絕, 呂餘慶族 取別房。 復立 恩本 族 複殊勳 支下兩房以 孫偉及司 子 紹 |種 聖初 臣僚 為其諸 |積 林希 亦卒。 徒 上,取不 富 並 孤 一與子 丽 請 有 孫 今 無 稽

之亂 郊御路之側。」仍別議襲爵之制,旣以有廟者之子孫或官微不可以承祭,而朝廷又難盡推襲 其子,而傳立廟者之長 三。 其主,其子孫承代,不計廟祭、寢祭,並以世數疏數遷祧;始得立廟者不祧,以比始封 許適子襲

寶以主祭。其襲

質世降一等,

死即不得作主

計廟,別

祭於

寢。 自當

立廟者,

即

計 章事以上立四廟,樞密使、知樞密院事、參知政事、樞密副使、同知樞密院事、簽書院事,見 不祧者,通祭四廟、五廟。 任、前任同,宣徽使、尚書、節度使、東宮少保以上,皆立三廟; 文武官並許依舊式立家廟。 ,禮文大壞,士大夫無襲爵,故不建廟,而四時寓祭室屋。 羣臣家廟:本於周制,適士以上祭於廟,庶士以下祭於寢。 廟因衆子立而適長子在,則祭以適長子主之,嫡長子死,即不傳 凡立廟,聽於京師或所居州縣,其在京師者,不得於裏城及南 已而宋庠又以爲言,乃下兩制、禮官詳定其制度:「官正一品平 慶曆元年,南郊赦書,應 餘官祭於寢。 唐原周制,崇尚私 凡得立廟者, 廟。 中外 五. 有

「執政以上祭四廟,餘通祭三廟。」「古無祭四世者 〔三〕,又侍從官以至士庶,通祭三世,無 大觀 二年,議禮局言:「所有臣庶祭禮,請參酌古今,討論條上,斷自聖衷。」於是議禮局

祭二世。」「應有私第者,立廟於門內之左,如狹隘,聽於私第之側。力所不及,仍許隨宜。」又 簠、簋降殺以兩。正二品箋、豆各八,簠、簋各二。餘皆如正一品之數。」詔禮制局製造,仍 罍、鉶鼎、俎、篚各二,尊、罍加勺、羃各一,餧各一,諸室共用胙俎、罍洗一。 從一品箋、豆、 祖未有名稱,欲乞稱五世祖。其家廟祭器:正一品,每室箋、豆各十有二,簠、簋各四,壺尊、 太祖之廟而五。』所謂『太』者,蓋始封之祖,不必五世,又非臣下所可通稱。今高祖以上一 間數不得踰廟。 世、三世之數,則當徹毀居字,以應禮制,豈得爲易行。可自今立廟,其問數視所祭世數,寢 詔:「古者寢不踰廟,禮之廢失久矣。 士庶堂寢,踰度僭禮,有七楹、九楹者,若一旦使就五 情,非先王制禮等差之義。可文臣執政官、武臣節度使以上祭五世,文武升朝官祭三世,餘 追遠之心,無得而越,事五世者,亦當跂以及焉。今恐奪人之恩,而使通祭三世,徇流俗之 不爲過矣。先王制禮,以齊有萬不同之情,賤者不得僭,貴者不得踰。故事二世者,雖有孝思 等差多寡之別,豈禮意乎?古者天子七世,今太廟已增爲九室,則執政視古諸侯,以事五世, 取旨以給賜之。 事二世者,寢聽用三間。」議禮局言:「禮記王制,『諸侯五廟,二昭二穆,與

常請 建於其私第中門之左,一堂五室,五世祖居中,東二昭,西二穆。 紹興十六年至二月癸丑,詔太師、左僕射、魏國公秦檜合建家廟,命臨安守臣營之。太 堂飾以黝堊。神板長

志

孟月柔日行之,具三獻。 傅昭慶節度平樂郡王韋淵、 尺,博四寸五分,厚五寸八分,大書某官某大夫之神坐,貯以帛囊, 有司言時享用常器常饌,帝做政和故事,命製祭器賜之。 太尉保慶節度吳益、 少傅寧遠節度楊存中並請建家廟, 藏以漆函。 歲四享用 其後,太 賜以

隆 興 (二年四月庚辰,少師、四川宣撫使吳璘 (m) 請用存中例,從之。

乾道八年九月,詔有司賜少保、武安節度、四川宣撫使虞允文家廟祭器如故事

熙五年七月, 戶部尚書韓彦古請以賜第進父世忠家廟(言)如存中。 十二月,少傅保

寧節度衞國公史浩請建家廟,量賜祭器。

猶 闕 ,請下禮官攷其制建之。」二年,循忠烈王張俊,開禧三年,鄜武僖王劉光世宗,子孫相 嘉泰元年,太傅、永興節度、平原郡王韓侂胄台奏:「曾祖琦效忠先朝,奕世侑食,家廟

繼有請,皆從之。

論 祭器,並 嘉定十四年八月,詔右丞相史彌遠賜第,遵淳熈故事賜家廟,命臨安守臣營之,禮官討 如侂胄之制。 爾遠請併生母齊國夫人周氏及附妻魯國夫人潘氏於生母 '別廟,皆

下有司賜器。

景定三年,韶丞相賈似道賜家廟,命臨安守、漕營度,禮官討論賜祭器,並如儀

- (二) 蕃瓜 原作「蕃郡」,據宋愈要禮一五之二三、太常因革禮卷九四改。
- 即忌日廢務 「忌日」原作「其日」,據宋會要禮一五之二四、太常因革禮卷九四和上文「立忌非

便」改。

3 正獻恭僖 按舊唐書卷五二、新唐書卷七七后妃傅,穆宗后爲直獻,此處「正獻」是宋人避諱改。

「恭僖」原爲「恭懿」,據宋會要禮一〇之二、太常因革禮卷九四改。

按長編卷七八、太常因革禮卷三九,陳彭年所言繫於大中祥符五年,此失書年號。

(宝) 南向 「向」原作「間」,據同上書同卷改。下文「北向」同。

(三) 五年

- **公** 故祔祖姑之下 「祔」原作「列」,據同上書同卷和上文「祔於祖姑之下」、下文「三后神主祔享祖
- (七) 六年 「六年」原作「二年」,據本書卷八眞宗紀、卷二四二后妃傳李賢妃傳、宋會要禮一五之二

八補 改。

姑之下」改。

(公) 本朝孝明孝章祔太祖故事 太常 因革禮卷 九七改。 「孝章」原作「懿德」,按懿德爲太宗后,非太祖后。據長編卷一一二、

志 第 六 + 校 勘 記

- たし 太祖未嘗以孝 章 配 「孝章」原作「懿德」,據同上書同卷改。
- (10) 以懿德配享太宗 「懿德」原作「孝章」,據同上書同卷改。
- 保慶 原作「寶慶」,據本書卷二四二楊淑妃傅、宋會要后妃一之二、通考卷九五宗廟考改。
- $\stackrel{\frown}{=}$ 而孝章則太祖繼后 「太祖」原作「太宗」,據宋會要禮一五之五一、長編卷三三四、通考卷九五

宗廟考改。

- 分詣諸神御代行禮 「御代」二字原倒,據宋會要禮一三之三、通考卷九四宗廟考乙正。
- 每歲下元朝謁 「元」字原脫,據通考卷九四宗廟考並參照下文補。
- 三 武臣節度使以上 作「節度使以上」,「慶」當爲「度」之訛,據改。 「節度使」原作「節慶使」。 按宋代職官無「節慶使」; 汪海卷一〇〇記載此事
- 公公 劉極 御 史石 十九人,無劉極而有劉拯,本書卷三五六劉拯傳謂拯「紹聖初,復爲御史」,疑「劉極」爲 按本書卷一八哲宗紀、玉海卷一〇〇都說徽音殿建於紹聖元年,皇宋十朝綱要列哲宗朝
- 輝德 原作「德輝」,據本卷前文、玉海卷一〇〇、通考卷九四宗廟考乙正。

「劉拯」之誤。

<u>구</u> 朔日 日 禮 諸 部奏,作「每遇朔日諸節序降到御封香表及不降香表逐次行禮儀注」,分下列兩項敍述:「一 節序降 到 一御封香表及下降香表行禮儀注 按宋會要禮一三之七載宣和元年六月二十二

遇朔 日諸節序奉行 禮儀注」,「一週旦望詻節序不降香表薦獻行禮儀注」。 考察所敍儀注內容,

此處及下文「下降香表」疑均當從宋倉要作「不降香表」。

欲用文武臣各兩人 「各」字原脫,據朝野雜記甲集卷二高宗孝宗配饗功臣條、宋會要禮一一之

六及一○補。

張俊 原作「張浚」,據朝野雜記同上卷條、通考卷一〇三宗廟考改。

而 傳立廟者之長 「長」原作「子」,據宋會要禮一二之一、通考卷一〇四宗廟考、王明淸揮鏖錄

卷三改。

(三) 古無祭四世者 有私第者」以下至「仍許隨宜」,爲另一詔文中語,此句上當脫「詔」字。 按此句以下至「餘祭二世」,據宋會要禮一二之二,係徽宗手韶中語;下文「應

紹興十六年 「十六」原作「十一」。按紹興十一年二月不值癸丑;本書卷三〇高宗紀、 湿 一二之三,此事皆系於紹興十六年二月癸丑,據改。 宋會要

邑 少師四川宣撫使吳璘 「少師」原作「少卿」,據本書卷三六六本傳、宋會要禮一二之五、通考

卷一〇四宗廟考改。

呈 韓彦古 請以 賜 第進父世忠家廟 按通考卷一〇四宗願考,「進」作「建」。

S 太傅 永 興節度 平原郡 王韓侂胄 「節度」二字原脫,據通考卷一〇四宗廟考、宋會要禮一二之一

志

第

六

+

校

勘

55

(号) 劉光世 三補。

**浅**改。

原作「劉安世」,據本書卷三六九本傳、宋會要禮一二之一三、通考卷一〇四宗廟

## 宋史卷一百一十

## 志第六十三

禮十三嘉禮一

上尊號儀 高宗內禪儀 上皇太后太妃册寶儀

表、臨軒命官附之,今依政和禮分朝會爲賓禮,餘如其舊云。 舊史以飮食、婚冠、賓射、饗宴、脹膰、慶賀之禮爲嘉禮, 又以歲時朝會、養老、宣赦、拜

行禮,禮畢,有司以册寶詣閤門奉進入內。建隆四年,羣臣三上表上尊號,詔俟郊畢受册。 上,多謙抑弗許; 尊號之典,唐始載於禮官。 |宋每大祀,羣臣詣東上閤門,拜表請上尊號,或三上,或五 如允所請,即奏命大臣撰册文及書册寶。其受册多用祀禮畢日,御正殿

志第六十三 禮十三

前三日,遣官奏告天地、宗廟、社稷,遂爲定制。

復位 至,先 册 禮 置 坐 起 太尉以下文武羣官應北面位者,各就橫行位,太常卿於册案前導至丹墀西陪上少東,北 冕,御興出自西房,樂作,即御坐,扇開,樂止。 官等立於殿階下香案前左右,如常入閣儀。 之以吧, 押,司徒奉寳於案,禮部侍郎一員押,以五品、六品清資官充舉册、舉寶官,皆承之以匣,覆 尉 前 部 訖。 居訖,又再拜,分班序立。 「,其納舄、帶劍、俛伏,一如上儀。典儀贊在位官皆再拜,禮直官、通事舍人引太尉至西階 亦降, 侍郎 倪伏, 太尉 升 太尉、司徒、吏部禮部侍郎各入本班立定,典儀贊百官再拜,舞蹈,三稱萬歲,又再拜 於前 俱詣殿門外之東、太尉之前。 大樂令帥工人入就位, 諸侍衞官及宰執、兩制、 次押寶案行,司徒從之, 詣西階,至 语笏, 納 有司宿 興,又搢笏 槛 開 帶 北 第一柱北 設崇元殿仗衞,文武百官並集朝堂之次,攝太尉奉册於案,吏部侍郎一 劍。 面 奉册案稍前 、奉册於褥,東迴 禮 部 侍郎 對立。太尉 禮直 押實案升,司徒隨升,北 |官引太常卿隨行,吏部侍郎押册案以次序行,太尉從之, 跪置訖, 倪 解劍、脫 册函 二,北向 侍中奏中嚴外辦,所司承旨索扇,扇上,皇帝袞 伏, 興, 少退, 東向 解劍褥位。其讀 舄訖,吏部 符寶郎奉寶如常儀,禮直官、通事舍人分引 ,進跪置御坐前 面 侍郎 一跪置 册 押册 中書令、讀寶侍中,候删案將 立; 一,侍 中 案先升,太尉 中書 與舉册官降還侍 讀 質訖,置 令進當册案前,讀 册 從升,當御 之南,俱 立 供奉 員 向

情 計 得 践 號 奏 再 살 下 解 拜訖 削 祚 武 東 L 解 朝堂。 承旨 表 嚴 后、中宗之世,遂爲故事。 上 未 膺 劍、舄升,當御坐前跪賀,其詞中書門下撰。 者 或 一閻門狀進,所司承旨放仗,百官再拜訖,退如常儀。 寧元年,宰臣曾公亮等上表請加尊號,詔不允。 一家與 顯號 甚 中書侍郎帥奉案官升殿,跪奉册置於案,次門下侍郎奉寶如 侍中升階奏禮畢,降復位,扇上,樂作,帝降坐,御興入自東房,扇開,樂止。 叉 退臨階 爲 則 〈契丹常公 在亮 朝廷惜之。 頌 退循 歎之聲將 西向稱「有制」,典儀 陰之中,考之事 寡 有往 味,惕懼增 |來書,彼有尊號 今羣臣以 洋 溢 四海 先帝治平二年,辭尊 深。 ·體,似· 故 矣。」 事 所賀知。」宣訖復位,典儀贊再拜, **慢再拜訖,宣曰:「殷以** 未宜 Ŀ 而中 詔 尊 賜光曰:「 受。 號 賀訖復位,皆再拜,如讀册寶儀。 國獨 ,臣愚以爲 陛 無,足爲 下誠能 號不受,天下莫不 **覽卿來奏**, 先是,翰林學士司馬光言:「尊 陛 斷 自後受册皆如之。 下 深 辽 鴻儀昭 恥。 聰明睿 聖意, 深諒 於是羣臣 奉册禮,通事舍人贊引 忠誠 稱 知 推 雖 舞蹈,三稱萬歲, 頌 保命會昌 而 聖 不居, 宜 肸 復以 一德。 禮畢,賜百官 享 方 侍 有 其後 中 仍令 以 非 ) 迫 鴻 。侍中版 护 時 頻 名,然 號起 於 至御 更不 佞 日 F 羣 淫 瘅 又

甲 Ħ 地 震 天 威 彰 著, 日虞 傾 禍 ,被此鴻名,有 ·慚面目,况在亮陰,亦難當是盛 典。 今已

志

雨

降指揮, 可善爲答辭,使中外知朕至誠慚懼,非欺衆邀名。」其後,宰臣數上表請,終不允。

駕詣龍德宮賀,百官班門外,宰執進見如儀 徽宗 內禪 ,欽宗上尊號日教主道君太上皇帝,居龍德宮。 靖康元年正月朔,朝賀畢,車

德 壽宮,皇后稱太上皇后。應軍國事 宗內禪。 紹興三十二年六月十日御札:「皇太子可卽皇帝位,朕稱太上皇帝, ,並聽嗣君處分。」 退處

君。 內侍 樞 直、親從儀仗幷內侍省執骨朵使臣等並 一股在 獲 密院 111 槓 都 位三十六年,今老且病, 康伯等復奏曰:「皇太子仁聖,天下所共知,似聞謙遜太過,未肯便御正殿。」帝曰:「朕 望清光,犬馬之情,不勝依 事 ,乃蒙容貸,不賜誅 知 日 葉義問、參知 、御帶以下一 行內 !禪之禮。有司設仗紫宸殿,宰臣、文武百僚立班,皇帝出宮,鳴鞭,禁衞 班起 政 事 責。 汪 居,次管軍一班起居,次宰執以下常起居訖, 澈、 今陛 久欲閉 戀。」 同 知 下超然獨 退,此 因 樞 迎駕,自贊常起居。 密院 再 事 拜辭,相 斷 事黄 斷 自 高蹈 殿 祖 與泣 心,非由 舜 · 撓、舜之舉,臣等心實欽仰 (升殿奏曰:「臣等不才,輔 下, 皇帝升御坐,知閤門官以下并 幾至 臣下 開 號 陳,卿等當 慟 帝亦爲之流涕曰: 左僕射 悉力以 陳 政 (累年,罪 康伯、知 但自 輔嗣 諸 此 班

前 蹈,三稱萬歲,再拜訖,班權退,復追班入,詣殿下立班 在 殿後矣。」宰執降階,皇帝降坐,鳴鞭還內。 此 | 固嘗與之言,早來禁中又面諭之,即步行 宰臣 徑趨側殿門,欲還 .文武百僚並退,立班,聽官詔訖,再拜,舞 東宮,已再三敦 **勉邀留**,

皇帝 鞭。 風 再 上 舞 殿 知閤門官以下一班起居、稱賀,次管軍官一班起居、稱賀,次文武百僚橫行北向立,舍人當 稱 雲千載之遇,實與四海蒼生不勝幸慶。」 秦:「茲者伏遇皇帝陛下應天順人,龍飛寶位,第以駑下之材,恐不足以仰輔新政,然依 皇帝傳授之意。」帝愀然曰:「君父之命出於獨斷,此大位,懼不敢當,尙容辭避。」 :文武百僚宰臣|陳康|伯以下起居、稱賀,皇帝降御坐,側身西向不坐。 宰執· 、三稱萬歲、起居、稱賀畢,康伯等升殿奏:「臣等言:願陛下卽御坐,以正南面, 至御楊,涕泣再三,不坐,內侍傳太上皇帝聖旨,請皇帝升御坐,皇帝升御坐東側坐。 少頃,新皇帝服履袍,涕泣出宮,禁衞諸班直、親從儀仗等迎駕,起居,鳴鞭。 文武 百僚赴祥曦殿,候太上皇帝登輦,扈從至德壽宮而 再拜賀舉,奏事而退。 宰執下殿,皇帝還內,鳴 退。 俟宰臣以下再拜、 內侍扶掖 康伯 上副 乘 太

宮 皇 外迎 帝 出 日 卽 御 起 坐,從駕臣僚、禁衞等起 居 壽宮朝見。 訖 前 導官、太常卿、閤門官、太常博士、禮直官先入,詣 前期,儀鸞司設大次於德壽宮門內,小次於殿東廊西向。 居 如常儀 皇帝降御坐,乘輦 至德壽宮,文武 大次前分左右立 其

志

第

請 皇帝從, 位,奏聖躬萬福,又再拜,班退,前導官以次退,從駕官歸幕次,以俟從駕。 御 帝入小次,簾降,俟太上皇帝即御坐,小次簾捲,前導官導皇帝升殿東階,詣殿上折檻前,奏 定,俟皇帝降輦 坐之東,西向立。殿下在位官皆再拜,搢笏,三舞蹈,三叩頭,出笏就拜,又再拜,班首不離 拜,皇帝 入見太上皇后, 再拜 入, 訖,前導官導皇帝稍前,躬奏聖躬萬福訖,復位,再拜訖,導皇帝詣太上皇帝 如宮中之儀。 皇帝還內,如來儀。 每遇正旦、冬至及朔望, 太上皇帝駕興, 前導官導皇 並依

乞依 如 集百官陪位。 前 朝德 此 代 + 故 .朝朔望, 壽宮,修晨昏之禮。 二日,帝詣德壽宮,以雨,百僚冤入見,上就宮中行禮。 事,每 十三日,詔令宰臣率百官於初二日、十六 五. 甚爲疏闊、朕不敢取。」於是禮部、太常寺言:「漢書高皇帝五日 日 \_\_\_ 次詣德壽宮朝見,如宮中禮。」 面奉慈訓,恐廢萬機, 勞煩 澤下, 日詣德壽宮起居。 不蒙賜許。 自後詣宮,若行宮中禮,即 禮官宜 又詔:「肸欲每日 朝太上皇, 重定其期 木

望,朕心未安,宜令有司詳議。 輦,已再三 帝 始 御後殿,宰臣 勉 渝 ,旣行家 陳康伯等奏:「臣等朝德壽宮,太上皇宣論,車駕每 人之禮,自宜至殿上降輦。」帝曰:「太上有旨 如宮門降輦,臣子禮所當然。」於是禮部、太常言:「除朝朔望 示 須 Ŧi. 至宮,必於門外降 日 朝, 只 朝 朔

外,乞於每月初八、二十二日〔三詣德壽宮起居,如宮中儀。」自後皆遵此制,如値雨、盛暑、

祁寒,臨期承太上特旨乃免。

元年正月朔,帝率百官詣德壽宮,如冬至儀。 十一月冬至,上詣德壽宮稱賀上壽,禮畢,入見太后,如宮中禮。 自後正旦並同。 自後冬至並同。 隆興

乘興; 所,除管軍、環衞官等俟駕還護從還內,宰執以下並免護從,先退。 隱寺天竺寺、 乾道元年二月朔,帝詣德壽宮恭請太上、太后至延祥觀燒香,太上與帝乘馬,太后於後 次幸聚景園,次幸玉津園。 恭進太上聖政、 册命皇太子, 自後帝詣德壽宮恭請太上、太后至南內,或幸延祥 起居稱謝。 遇游幸, 則宰執以下從駕至游幸 觀 靈

並 如紹興三十二年故事 淳熙十六年,孝宗內禪,皇太子卽皇帝位;紹熙五年,光宗內禪,皇子嘉王卽皇帝位:

賀 追 (皇帝) 又詣內東門表賀皇太后。 册 四 太皇太后、皇太后、皇太妃册禮。 ]親廟。 後不果行。 至道三年四月,尊太宗皇后李氏爲皇太后,宰臣等詣崇政殿門表 乾興元年, 眞宗遺制尊皇后劉氏爲皇太后, 淑妃楊氏爲 建隆元年,詔尊母南陽郡太夫人爲皇太后,仍令所

志第六

皇太妃,亦不果行册禮。

搢笏 帝立 請 儀 官 皇帝 使、閤門使導帝隨册寶降自西階, 稍賀單 殿 東 一殿庭 天聖二年,宰臣王欽若等五表請上皇太后尊號。十一月,郊祀畢,帝御天安殿受册,百 再 後 向 - ,再序班。侍中奏中嚴外辦:禮儀使奏發册寶,帝服通天冠、絳紗袍,秉珪以 屋,百官班退赴朝堂,太尉、司徒奉册寶至文德殿外幄,太尉以下各就次以 北 跪受,興,奉册寶案置於近東西向褥位。 拜,在位官皆再拜。太尉、司徒就册寶位,帝搢珪跪,奉册授太尉,又奉寶授司 向褥位,奉册寶官奉册寶案,太常卿、吏部禮部侍郎引置當中褥位。 內臣 ·奉至殿庭,置横街 禮儀使奏請皇帝歸御幄,易常服,乘興赴 南東向 褥位,册 在 北, 禮儀使奏 寶在 俟。 徒、皆

宮詣 言 簾, 班 司 東 徒 即御 皇太 西序 奉 御坐承旨,退,西向稱:「皇太后答曰:皇帝孝思至誠,貫于天地,受茲徽號,感慰良深。」 侍 册, 中奏中嚴 坐 后 立。 一,南 中書 陛 向 下顯崇徽 尚宮贊引皇帝詣皇太后 一令讀册訖,侍中押寶案, ,樂止。太常卿導册案至殿西階下,各歸班,在位者皆再拜。太尉押册案 外辦,太后服儀天冠、袞衣以出,奏隆安之樂,行障、步障、方團扇, 號,昭煥寰瀛,伏惟 坐 一前,帝服鞾袍, 司徒奉寶,侍中讀寶畢, 與天同壽,率土 簾內行稱 不勝欣抃。」 賀禮 太尉 倪 跪曰:「嗣皇帝臣某 司徒詣司 伏,興,又再拜,尚 香案前,分 侍 3 衞 垂

所 帝再拜,尚宮引歸御幄,太尉率百官稱賀,奏隆安之樂,太后降坐還幄,樂止。侍中奏解嚴, 並 司 奉表稱賀。 放仗,百官再拜退。 自是,上皇太后尊號禮皆如之。 太后還內,內外命婦稱賀太后、皇帝於內殿,在外命婦及兩京留司

寶授攝 熙寧二年, 司徒韓絳,又跪奉皇太后高氏玉册授攝太尉文彦博、 神宗尊皇太后曹氏爲太皇太后, 詣文德殿跪奉玉册授攝太尉曾公亮、 金寶授攝司徒趙抃四,禮畢 金

官稱賀

議 請 皇太妃 特 ::「皇太妃生日節序物 建 哲宗卽位,詔尊太后高氏爲太皇太后,皇后向氏爲皇太后,德妃朱氏爲皇太妃。 太 稱賜,皇帝稱奉,百官不稱臣。 皇太后宮日崇慶,殿日崇慶、 色,其冠服之屬如皇后例,稱慈旨,慶賀用牋。 日壽康; 皇帝問 皇太妃起居用牋,皇太妃答皇帝用書。」 皇太后宮日隆祐,殿日 太皇太后、皇太后於 隆站、日 慈徽 宰臣 禮部

大臣 與皇太后同 元 欲行 Йi 二年,詔太皇太后受册依章獻明肅 此 過過,予 日 受册,令太常禮官詳定儀注。 意 謂 必 難 行。」燾對日:「誠如聖慮 皇后故事,皇太后受册依熙寧二年故事 右諫議 ,願堅執勿許。 大夫梁燾請對 文德殿, 且 母后權 同 太皇太 聽 政, 后曰: 濫出

志

六 以 使 太 此 日,發太皇太后册寶于大慶殿,發皇太后、太妃册寶于文德殿,行禮 大旱權罷。 后 形字 朝 時 之德 見,亦 特 不得已之事,乞速罷之。」中書舍人曾肇亦言:「太皇太后聽政以來, 止於延 下明韶,發揚皇帝孝敬之誠,而固執謙德,止於崇政殿受册,則皇帝之孝愈顯,太皇 愈尊,兩義俱得,顧不美歟?」太皇太后欣然納之,廼詔將來受册 (止於御崇政殿,未嘗踐外朝。 今皇帝述仁祖故事,以極崇奉之禮,太皇太后儻以 未幾,太師文彦博等以時雨溥澍,秋稼有望,請舉行册禮,凡三請 如 儀。 止於崇政殿。 乃從。 和殿, 受遼 九月 鄠

二有司 紹 聖元 。請應宮中並依稱臣妾,外命婦入內準此,百官拜牋稱 年,詔:「奉太皇太后旨,皇太妃特與立宮殿名,坐六龍 賀,稱殿下。 興, 張繖, 出 入 、由宣 德正

徽 宗 卽 位,加哲宗太妃號曰聖瑞,既又御文德殿册命元符皇后劉氏爲太后,並依皇后

禮

制

之至 遙 尊 幸賢 親 建 炎元 , 偕父兄而 妃 年五 爲 宣 和 月,册元 時邁。十 皇后。 祐皇后爲隆祐 年 紹興七年三月,詔略曰:「宣和 地 阻 一、懷陟帖、凱風之思; 太后,令所司擇日 萬里使還,奉 皇后夙摊慶羨,是生 奉上册寶,時方巡 上 皇、寧德 之幸,不 眇 沖, 克 行 迺 骨肉 宜

《皇太后,令所司擇日奉上册寶。」 太常寺言:「請依祖宗故事,俟三年之喪終制,

然後行

爲

聞,三年之制,惟天地、社稷越綿行事。 月之制,故以 合差撰 司,恭俟來歸 時翰林學上朱慶言:「唐德宗建中上太后沈氏尊號時,沈太后莫知所在,循供張含元 册文官 (冕, 出左序, 立東方, 再拜奉册。 · 易服行事。今陛下退朝之服,盡 一員,書册文官 願下 禮官講明。」詔從之。禮部、太常言:「寶文欲乞以『皇太后寶』四字爲文, 一員,書篆寶文官一員, 今太后 德宗以大曆十四年卽位(至),明年改元建中,時 如 、聖體無恙,信使相望,豈可不舉揚前 .禮制,謂當供張別殿,遣三公奉册,册 並差執政。」十 年,營建皇太后宮,以 憲? 藏 于有 行 臣 易 义

搢笏, 儀, 次宰臣 一太后 十 二 舉册 服禕 年 寶 率百僚拜 衣 八月,皇太后還慈寧宮,十月十八日, 奉 卽 進 御 坐,本殿官設 先進 表稱賀。 册,次進 册寶於殿 寶,進畢,降坐,易韓衣,服常服。皇帝詣慈寧殿賀, 下,慈寧宮事務官幷本殿官並 奉 進 一册寶。 其 日 張設慈寧殿, 設坐 一朝服詣殿下,再拜, 如宮中 殿 中,

慈寧爲名。

+ =

月,帝自常御殿詣慈寧殿遙賀皇太后,奉上册寶。

光堯壽聖太上 之壽,惟堯最高,百 三十二年六月, 皇 帝 王之聖,惟 太上 韶上太上 皇后尊號日壽聖太上皇后。」 堯獨 皇帝、太上皇后尊號, 冠。 今茲 高 世 之舉 集議以聞。 , 詔恭依,仍令禮部、太常討論禮 視 堯 有 光, 左 僕射 恭請 陳康 上太上 伯 等言 皇帝 傳 儀以 71. 號 1.4

志

聞。 左 僕 射 陳康伯撰太上皇帝册文, 兼禮儀: 使、 參政汪徹書册文幷篆寶, 知樞密院葉義問

撰太上皇后册文,同知樞密院事黃祖舜書册文。

再 班 拜訖,皇帝 皇帝自內服履袍入御幄,服通天冠、絳紗袍出至大慶殿,詣册寳褥位前再拜,在位 八月 一川日,奉上册寶,是日陪位文武百僚、太傅以下行 行發册寶授太傅之禮如儀。 禮畢,皇帝還幄,服履袍還內,文武百 事官,並朝服入詣大 1僚退 、慶殿下立

帝 履 服 袍 次太傅以下皆四拜起居。 通 儀 乘輦,至德壽宮大次降輦,陪位文武官入殿庭立班定,太傅以下行事官從册寶入殿,皇 仗鼓吹備而不作。 天冠、絳紗袍 升殿,詣 護衞册寶,太傅以下行事官導從册寶至德壽宮。 西向褥位立,太上皇帝自宮服履袍即坐,皇帝北向四拜起居 皇帝自祥曦殿服

感慰。」 再 首 拜 率 ,再拜,舞蹈。 稱 次 皇帝 賀 行 伏 均 曰:「皇帝臣某稽首言:伏惟 奉册之禮,中書令、參知政事 惟 懼 再 。」皇帝 光堯壽聖太上皇帝陛下 拜訖, 次侍中承旨宣答曰:「光堯壽聖太上皇帝聖旨:倦勤滋久,佚老是圖,勉 西向 再拜,次侍中承旨宣答曰:「皇帝孝通天地,禮備古今, 立; 次太傅以下再拜稱賀致詞曰:「攝 肅臨寶位 光堯壽聖太上皇帝陛下册寶告成,鴻名肇正,與天 史浩讀册,攝侍中葉義問讀寶,讀訖,退復位。 ,誕受丕 一稱,獨 推 天 太 、父之尊,普慰帝 傅、尚書 左 勉受鴻名,良深 僕射 之願。」 康 伯 皇帝 同

受嘉名,但增感慰。」又再拜,舞蹈。次太上皇帝降坐入宫,皇帝後從壽聖太上皇后册寶入宮。

内。 太上 壽 陳子常讀册,讀寶官梁康民讀寶,讀訖復位,皇帝再拜稱賀致詞曰:「皇帝臣某稽首言:伏惟 聖太上皇后殿下德茂坤元,禮崇大號,寶書翕受,歡抃無疆。」皇帝再拜,次宣答官承旨宣 一皇后降坐入宫。 :「壽聖太上皇后教旨:皇帝祲容載蔵,顯號來膺,誠孝通天,但深感惕。」 十六日,宰臣率文武百僚詣文德殿拜表稱賀 皇帝詣太上皇后坐前北向立,太上皇后升坐,皇帝四拜起居,行奉上册寳之禮,讀册官 次太傅以下文武百僚就德壽殿下 拜牋稱賀以俟, 皇帝服履袍乘輦還 皇帝再拜訖,

### 校勘記

東迴 删 涵 「迴」原作「向」。 據下文及宋會要禮四九之三、太常因革禮卷八六改。

三二十二 日 原作「二十三日」,據宋會要禮四九之四二、繫年要錄卷二〇〇改。

(三) 太尉押册案 「案」字原脫。據宋會要禮五〇之二補。

(四) 攝司徒趙抃 「攝」字原脫,據宋會要禮五〇之五補。

至 德宗以大曆十四年即位 「十」字原脫,據唐書卷一二德宗紀補。

×				
	1)			
	흎			
				şı
	R			
	•	•		

星后。

# 宋史卷一百一十一

### 志第六十四

禮十四嘉禮二

册立皇后儀 册命皇太子儀 册皇太子妃儀 公主受封儀

册命親王大臣儀

書云 學士院草制,宣於正殿。 册命者, 多不行册禮。 册立皇后。 建隆元年,立瑯邪郡夫人王氏爲皇后,命所司擇日備禮册命。 近臣、牧守、宗室皆修貢禮,羣臣拜表稱賀,又詣內東門 奉牋賀 后妃皆寫册命告身, 以金花龍鳳羅紙、 金塗標袋, 自後,凡制 有司進入,

眞宗 | 册德妃||劉氏爲皇后,不欲令藩臣貢賀,不降制於外廷,止命學士草詞付

塗銀裝。 五 分,高一寸,其文曰「皇后之寶」,盤螭紐; 仁宗册皇后曹氏,其册制如皇太子,玉用珉玉五十簡,匣依册之長短; 其禮與通禮異,不立仗,不設縣。 綬丼緣册寶法物約舊制爲之, 匣、盝並朱漆金 寶用金,方一寸

受朋寶位於殿庭階下北向。 上,册寶案位於使前南向,又設內給事位於北廂南向 前一日,守宮設次於朝堂,設册寶使、副次於東門外, 奉禮設册寶使位於內東門外,副使、內侍位於其南,差退,東向 命婦次於受册寶殿門外, 設皇后

由 寶官俱搢笏率執事人(1),禮直官導中書侍郎押册,中書令後從,門下侍郎押寶,侍中後從, 册質使副、百官詣文德殿立班, 册 東上閤門出,至文德殿庭權置 實官,執事人絳衣介幘,指垂拱殿門就次,以俟册降。 共 (日,百官常服早入次,禮直官、通事舍人先引中書令、侍中、門下侍郎、中書侍郎及奉 東西相向。 內侍二員自內承旨降皇后册寶出垂拱殿,奉册 禮直官、通事舍人分引宰臣、樞密

承傳、便、副、在位官皆再拜,宣曰:「贈尚書令、冀王曹彬孫女册爲皇后,命公等持節展禮。」 禮直官、通事舍人引使、副就位,次引侍中於使前,西向稱「有制」,典儀曰「再拜」,贊者

T-1 使、 官 郎 授 "、通 書 册 退 副 復 侍 使, 事舍人引使、 再 班 郞 册 拜,侍中還位,門下侍郎帥 引 使跪受,興,付 門下 洲案立 侍 一於中書 副 郎 引 押 册 寶 主節 案 令右,中書令取 寶,持節 於侍中之右,取寶授册寶使如上儀,退復 幡 者前 隨 主節者詣使東北, 節 立 道,奉册寶官奉昇,援衞 於使 册 授 左。 册 寶使,使跪受,興,置 次引 主節 中書令、侍 以節授門下侍 如 式, 中詣 位,典儀 於案, 以 册寶 次出 郎,門下 r] i 東 朝堂門, 書令 贊 北 拜 侍郎 म् 西 向 書 執 品 禮 立, 侍 節 內 直

東門附

內

臣

入

進

侍跪 殿門 退。 主當 拜 向 有制 跪 皇后易常服 了,導皇 皇 取 內 稱 内 册 臣 后 臣 內 持 册 前 引 侍 后 次 册 寶使 跪 內 內侍跪 升 攢 寶 外 奏 謝 皇 坐, 李迪 訖, 命 后 皇帝、皇太后,用常禮。 內臣 、內東門,內侍從 婦 內侍進 取 再 入就位, 寶, 拜, 副 引 使王 內 興,立皇后右 內 記 外 侍 使前 隨奉制授 內侍詣閣 命 唜 婧 册 之, "; 西 稱 進 授 賀 以 面 全后 少前 請 皇后 如常 跪受册寶, 次入詣殿 皇后服褘衣。 百官詣東上閤門表賀 加寶。」 西 了; 皇 儀 向 后受以 禮畢 內侍 庭。 俛伏, 興, 以授內謁 , 內侍導皇后降坐還閣, 內外命 內侍贊引 授 册 員進立 入內侍, 寶 至,使、副 者監, 退 復位 次內侍 皇 皇 后 后 使 降 左 退 俱東向 內給事 奉 小 立 復 寶 前 庭 位 亦 東 中 內給 然。 入詣受册寶 向 北 內謁 向 事 復 內 位 者 前, 婦 贊 侍 監 稱 班 再 內 北

之說,呂大防亦言不可,太后納之。 詳古今六禮沿革,參考通禮典故,具爲成式。 羣臣又議勘昏,御史中丞鄭雍等請不用陰陽 五年八月,太皇太后詔: 以皇帝納后,令翰林學士、御史中丞、兩省與太常禮官檢

**加立仗。**」 遣使。今未委三禮共遣一使,或各遣使。又合依發册例立仗。」詔:「各遣使,文德殿發制依發 使,令文武百官詣行第班迎。」又言:「據開元禮,納采、問名合用一使,納吉、納成 (三)各別日 『命使奉迎』。納采前,擇日告天地、宗廟。皇帝臨軒發册,同日,先遣册禮使、副,次遣奉迎 充使,侍從官或判宗正官攝宗正卿充副使。 次日納吉、納成、告期。納成用穀圭爲贄,不用鴈。『請期』依開寶禮改爲『告期』,『親迎』爲 六年八月,三省樞密院言:「六禮,命使納采、問名、納吉、納成、告期,差執政官攝太尉 。以舊尙書省權爲皇后行第。 納采、問名 同日

命,訪婚陋族,備數采擇,臣之女未閑敎訓,衣履若而人。欽承舊章,肅奉典制。某官封糞 成以爲宜。率由舊典,今遣使持節太尉某、宗正卿某以禮納采。」 其答文曰:「太皇太后嘉 太后曰:咨某官封姓名,渾元資始,肇經人倫,爰及夫婦,以奉天地、宗廟、社稷。謀于公卿 土臣姓某稽首再拜承制詔。」問名制曰:「兩儀合德,萬物之統,以聽內治,必容令族。 重宣 七年正月、韶尚書左丞蘇碩撰册文丼書。 學士院上六禮辭語,其納采制文略曰:「太皇 志第六十四 禮十四

閣

門。

舊章 章, 迎 率 某官某之女,孝友恭儉,實維 干。 舊 使某官以禮納成。」答曰:「使者重宣中制,降婚卑陋,崇以 遵 章 某官之遺微孫,先臣故某官之遺曾孫,先臣故某官之遺孫, 一典,今遣使持節某官以禮問名。」答曰:「使者重宣中制,問臣名族。 肅奉 一答日 子,肅奉 |答曰:「使者 欽承 典禮,今遣某官以禮 肅奉 典制 、舊章, :「使者 典制 典制。」告期制 ご餘 肅奉典制。」納吉制曰:「人謀龜筮,同符元 重宣 重宣 奉 如 式 迎 中制,今日 中制,臣陋族 制曰:「禮之大體,欽順 告期。」答曰:「使者 曰:「謀于公卿, 母儀,宜奉宗廟,永承天祚。 吉辰,備 卑鄙,憂懼 禮以 大筮 重宣中制,以某月、某甲子吉日 迎。 重正 不堪。 元龜, 螻蟻之族,猥承大禮,憂 ,其期維吉, 罔有 欽承 、舊章, 不臧, 上公,寵以豐禮,備物 以 古, 黝 恭順 典圖 先臣故某官之外孫 纁、穀圭、六馬 吉日 肅奉 是若, 心典禮, 惟某 典制。」 臣女,夫婦 月、 惺 今遣某官以 今使某官以 納成制 酸 告期。 以章 某甲子 悸。 典策。 所生,先 ·典禮,今 女,年若 日:「容 欽 臣 可迎。 欽承 禮 欽 禮 率 舊 承 奉 納

三月,禮部、太常寺上納后儀注:

制 書案 發 上, 六 禮 出 制 內東門; 書。 太皇 禮直官、 太 后御 崇 通事舍人引由宣祐門 、慶殿, 內外 命婦 立 班 行 至文德殿後門入,權置案於東上 禮 畢,內給 事出 殿 門, 置 六禮

-6

期,使者曰:「某奉制告期。」主人曰:「臣某謹奉典制。」以上納吉、納成、告期。 請見、授 制,使某納吉。」主人曰:「臣某之女若而人,龜筮云吉,臣預有焉。 臣某謹奉典制。」告 使者曰:「將加卜筮,奉制問名。」主人曰:「臣某之女若而人,既蒙制命,臣某不敢辭。」 制。」主人再拜。 訪,臣某不敢辭。」嬪者出告,入引主人出大門外,再拜。 使者先入,使者曰:「太皇太后 太常博士引使、副從制案出,載於油絡網犢車,出宣德門,鼓吹備而不作。 中書侍郎,次引使、副就橫街南承制位,北向東上,內給事詣使者東,北面 有制」,典儀曰「再拜」,在位官皆再拜。 而 大門外,令史二人對奉制案立,主人立大門內,儐者立主人之左,北面,進受命,出曰: 「敢請事。」 使者曰:「某奉制納采。」 儐者入告,主人曰:「臣某之女若而人 〔三,旣蒙制 「再拜」,使、副皆再拜。授制書訖,典儀曰「再拜」,在位官皆再拜。 不作。 命使納吉、納成、告期並同命使納采、問名儀。納吉,使者曰:「加請卜筮,占曰從 命 使 班定,內給事 納 采、問名。 宣制書畢,主人再拜受訖,主人進表訖,再拜,使者出。問名同上儀。 文德殿,宰臣、親王、執政官、宗室、百僚、大小使臣易朝服、樂備 奉制書案置橫街北稍東,西向北上,禮直官、通事舍人引 宣制曰:「皇帝納后,命公等持節行禮。」典儀曰 禮直官、通事舍人、 稱「太皇太后 至皇后行第

制、接表並如納采儀

使、副 制 升 出 授 禮 出 使 「太皇太后 自 皇 車 ' ; 至 议 业 辦 命 勉之戒之,夙夜無違命 東 房 ر الح 主 主 后 解 奉 臨 退 文 公等持 備物 階 外, 嚴 迎 軒 污主 德殿 服 分東 一百百 再拜,使者宣 西 命使册后及奉迎於文德殿。 典儀贊使、 制 通 典册 人 向 :「臣某謹 百官常 官 節展禮。 庭橫行,典儀曰 西入 天 以 日 命 再拜出,皇帝常服還 冠、絳紗 心。」皇后 書授使者, 公等持節 、殿門, 服 副 奉 班 制 典儀 一典制。」 受册 宣 再 袍,乘輦 各就 學,主 拜。 奉迎 德門外行 奉 「拜」, 寶,內 日「拜」,使、 」皇后升興至中門,升車出大門, 位, 夙夜 於司 是皇后。」 使者 儐者 人 出自 再 外命 東西相 (無違 言, 在 第, 內。 拜 出告,入引主 西房,降輦 位官皆 百官朝服,皇帝常服 受制, 典儀 :「今月吉日 受以 婦序立 儐者 命 册 副 向 寶至 贊使、副 再 立。 (奏聞。 答表 請 再拜。 拜受册寶訖 如 一皇后 主 卽 奉 儀,主 人出 使 一人退, 又 ,某等承 御 ·寶置 者 皇后 再 再 行第, 使、 坐。 拜。 大門外 曰:「某奉 拜受節,又贊百 一人以書奉使者 副 降立 御 母 受册, 坐前, 兩省官及 乘輦 如 姆導 進 制 典儀 納 堂 以 西 再 采儀。 至殿後閣, 禮 制以 階 下 皇后, 使、副及羣臣前引。 拜。 贊百 奉宣 宣 再 奉 制 待 迎。 使者 禮 東 拜 官再 制、權 使者 官再 百:「册 后 尚宅前引, 訖 向 奉 册 內侍 先 迎 拜。 侍中奏中嚴 拜。 施衿、 由 升堂, 侍郎 入, 、某氏 東上

宣

制

爲

皇

觀

閣

門

「某奉制

儐

者入

日

侍中

受以入,

升堂

主人

結

帨

將

降坐禮迎,尚宮前引,詣庭中之西,東面揖皇后以入,導升西階入室,各就楊前立。 飮 食 
览奏具, 皇帝揖皇后皆坐, 尚食進饌, 食三飯, 尚食進酒, 受爵飲, 尚食以饌從 升興入端禮門、文德殿、東上閤門, 至宣 服入喔。 冠、絳紗袍,御福寧殿,尙宮引皇后出次,詣殿庭之東,西向立。 福 如初,三飲用卺如再飲。 寧殿門大次以俟。 德門,百官、宗室班 次日,以禮朝見太皇太后、皇太后,參皇太妃,如宮中之儀。 晡後,皇后車入宣德門,侍中版奏請中嚴,內侍轉奏,皇帝服通天 迎,再拜訖,分班。 尚儀跪奏禮畢,俱興,尙宮請皇帝御常服,尙寢請皇后釋禮 出文德殿後門,入至內東門內降興,司 皇后入門,鳴鐘鼓,班迎官退,廼降車入,次 尚儀跪奏外辦,請皇帝 興前 導,詣 ); 再 尙

韶從之。

使, 正 IF. 候、贈太尉孟元孫女爲皇后。」制詔:「六禮:尚書左僕射兼門下侍郎呂大防攝太尉,充奉迎 王嚴叟攝司 卿,副之;吏部尚書王存攝太尉,充納吉使,權戶部尚書劉奉世攝宗正卿,副之;翰林學 卿,副之;皇伯祖、判大宗正事、高密郡王宗晟攝太尉,充納成使,翰林學士 同知樞 四月,太皇太后手書曰:「皇帝年長,中宮未建,歷選諸臣之家,以故侍衞親軍馬軍都虞 :密院事韓忠彦攝司徒,副之;尚書左丞蘇頌攝太尉,充發册使,簽書樞密院 了徒,副之;尚書左丞<u>蘇</u>轍攝太尉,充告期使,皇叔祖、同知大宗正事宗景攝 一范百祿攝宗

|梁燾攝太尉,充納采、問名使,御史中丞鄭雍攝宗正卿,副之。」

使奉迎皇后。 皇太妃。 五月甲午,行納采、問名禮;丁酉,行納吉、納成、告期禮;戊戌,帝御文德殿發册及命 皇后擇日詣景靈宮行廟見禮。 己亥,百官表賀于東上閤門,次詣內東門賀太皇太后,又上牋賀皇后,上牋賀

行;其會羣臣,及皇后會外命婦儀注,並依開元、開寶禮。 絳 受删殿。 命 :紗袍,百官朝服,陳黃廳細仗,依古用宮架。 止並以樂節,而別定樂名、樂章。 婦立班稱賀,羣臣入殿賀皇帝,於內東門上牋賀皇后。 大觀四年,册貴妃鄭氏爲皇后,議禮局重定儀注:臨軒册使,皇帝御文德殿,服通天冠 其日,皇后服褘衣,其奉册寶授皇后,皆用內侍。 册使出殿門,依近儀不乘輅。權以穆淸殿爲 受册之殿陳宮架,用女工,升降 受册訖,皇后上表謝皇帝,內外 其上禮儀注,乞依進馬條令施

靈宮,亦止依近例云。 皇后上表乞免受册排黃麾仗及乘重翟車、 陳小駕鹵簿等, 而於延福宮受册。 其朝謁

紹興十三年閏四月十七日,册貴妃吳氏爲皇后。 志 第 六 + 四 禮 + 四 前期,於文德殿內設東西房、東西閣

之,以俟臨 位. 凡 奉册 質位 宮架、 、舉册舉寶官位及文武百僚、 册 實 候 次、舉麾位 押案位、 權置册寶褥位、 應行事官、執事官位, 受制 承制宣 皆儀鸞司、 制位 太常典儀分設 奉 節 位

軒發

册

中以 前 導,正安之樂作,出文德殿門,樂止,至穆淸殿門外幄次,權置以俟 16 册使、副 寶授副 共 册使、 H 質明,皇帝服通天冠、絳紗袍出西閣, 使,並權置于案,册使、副以下應在位官皆再拜。 再拜,參知政事以節授册使,册使跪受,以授掌節者。 副以下應在位官皆再拜。 侍中宣制曰:「册貴妃吳氏爲皇后,命公等持節展 協律郎舉麾奏乾安之樂, 册使押册 中書令以册授册使, 副使押寶,持節者 皇帝降輦 即御坐, 侍

皇后 自措 者以 使、 位 副 笏跪 ,皇后受以授司寶。 皇后首飾、韓衣出閣,協律郞舉塵,,坤安之樂作,皇后至殿上中間南向 就 ]]]· 授 他果 內給 舉册 学節 皇后 册 事前東向跪稱:「册使副姓某奉制授皇后備禮 讀 內 降 授 待, 、內侍, 自 册 官 內侍持節前 東階,至庭 **搢笏跪宣**册,內 內侍轉授內謁 司言、司寶置册寶于案,舉册寶官并舉案官俱搢笏舉册寶丼案與, 中北 導,册寶丼案進行 向 謁 位,初行,承安之樂作, 者監; 者監 奉 副 册進授皇后, 使 入詣 舉寶授內侍, 殿庭。 典册。」內給 皇后受以 至位,樂止。 册 內侍 寶初入門,宜安之樂作,至 轉授內謁 授 事入詣皇后前,北向 司言, 皇 立定,樂止。 后再拜,舉册 者監; 又奉寶進授 掌節 册

東階之東,西向位置定。 皇后初受册寶,成安之樂作,受訖,樂止。 皇后再拜,禮

皇太子禮儀使。 有司言:「前代無太子執圭之文,請如王公之制執桓圭,餘如舊制。」 至道元年八月壬辰,詔立皇太子,命有司草具册禮,以翰林學士宋白爲册

位。 太子常服乘馬,就朝元門外幄次,易遠遊冠、朱明衣,所司贊引三師、三少導從至殿庭 九月丁卯,太宗御朝元殿,陳列如元會儀,帝衮冕,設黃麾仗及宮縣之樂於庭,百官就

位,再拜起居畢,分班立

賀,侍中宣制,答如儀。 讀册畢,太子再拜受册,以授右庶子;門下侍郎進寶授中書令,中書令授太子,太子以授左 庶子(冒),各置於案。 由 東階至太子位東,南向稱「有制」,太子再拜。中書侍郎引册案就太子東,中書令北面跪 太常博士引攝中書令就西階解劍、履,升殿詣御坐前,俛伏,興,奏宣制,降就劍、履位, 由黃道出,太子隨案南行,樂奏正安之曲,至殿門,樂止,太尉升殿稱

皆序 立於宮門之外。 皇太子易服乘馬還宮,百官賜食於朝堂。中書、門下、樞密院、師、保而下詣太子參賀, 志 第 六 + פין 禮 庶子版奏外備,內臣褰簾,太子常服出次坐,中書、門下、文武百官、樞 + 四

常服乘馬,出東華門升輅,儀仗內行 密、師、保、賓客 而 下再拜,並答拜;四品以下官參賀,升坐受之。越三日,具鹵簿,謁太廟, 事官乘車者,並服禮衣,餘皆袴褶乘馬導從。

封 改 狀 用 處 牋 分論 《卽署太子之位,其當申中書、樞密院狀 (至),祗判官等署,餘斷案及處分公事並畫諾。」 《啓稱皇太子殿下,百官稱名,宮官稱臣; ,請見僚屬,稱名而免稱臣。 此 「諾」爲「準」, 制 有 事之書,太子並畫令,左右庶子以下署名姓,宣奉行書按畫月;其與親友、師 司言:「唐禮,宮臣參賀皆舞蹈,開元 今請 如開元之制,宮臣 餘並從之。 其朝皇后儀,止用宮中常禮。 止稱臣, 不行舞蹈之禮。 常行用左春坊印 始罷之。 故事,百官及東宮接見祗呼皇太子,上 今皇太子 時眞宗以壽王爲皇太子 ,宮中行令。 銀判開封 又按唐制,凡東宮 府, 其所 ', 兼 傅, 判開 詔惟 Ŀ 表

神宗 未及受册禮而卽位,乃以册寶送天章閣,遂爲故 事

心庶幾,可立爲皇太子,仍改名,所司擇日備禮册命。」未及行禮,六月十一日內禪 屬 時 多故 紹 興三十二年 、未能 雍 溶釋負 五月,詔曰:「殷以 (),退養 |壽康,今邊 不德, 鄙 躬履 粗 寧, 製難 可逐 ,三十有 如 志。 皇 六年, 憂勞萬機, 子 毓 德 允 成,神器 符吓 有託 靡怠。 朕

乾道元年八月十 日,制立皇子鄧王愭爲皇太子。 十月,詔以知樞密院洪适爲禮儀

撰册文,簽書樞密院事葉願書册,工部侍郎王弗篆寶。

位 寶郎陳八寶於御位之左右,有司奉册寶至幄次,百官朝服入班殿庭。 有 (公) 應行禮等皆有位,列黃麾半仗於殿門內外。質明,百官就次,皇太子常服詣慕次,符 司並先一日入宿衞,展宮架樂,設太子次、册寶幄次、百官次,又設皇太子受册位、典寶褥 十六日,皇帝御大慶殿行册禮,皇太子服遠遊冠、朱明衣,執桓圭。 前期, 習儀禮官及

百官起居,各拜舞如儀 110 子易服執圭俟於殿門外。樂正撞黃鐘之鐘,乾安之樂作,皇帝卽御坐,殿上侍臣起居,樂 行禮官贊引皇太子入就殿庭,東宮官從,初入殿門,明安之樂作,樂止,皇太子起居,次 有司自幄次奉册寶至褥位,參知政事、中書令導從,退各就位,侍中升殿俟宣制,皇太

册 侍 一太子,皇太子跪受,以授左庶子,如上儀。皇太子再拜。 一,中升殿復位。中書令詣讀册位,捧册官奉册至,中書令跪讀畢,興,皇太子再拜,有司 一皇太子位,中書令跪以册授皇太子,皇太子跪受,以授右庶子,置於案;次侍中以寶授 皇太子詣受册位,侍中前承旨,降階宣制曰:「册鄧王愭爲皇太子。」 皇太子 中書舍人押册、中允押寶以出, ,拜舞如儀,

志第六

皇太子出, 如來儀。 初行樂作, 出殿門樂止。 次百官稱賀, 樂正撞穀賓之鐘,乾安之樂

作,皇帝降坐,樂止,放仗,在位官再拜以出。

並 奉 ·表稱賀。 禮 畢,百 官易常服,赴內東門司拜牋賀皇后, 明日,車駕詣德壽宮謝。 又明日,上御紫宸殿,引皇太子稱謝,還東宮, 次赴德壽宮拜表牋賀,諸路監司、守臣 百官

赴

東宮參賀

仗。」從之。 言:「皇太子 一太子擇日先朝謁景靈宮, ,朝謁景靈宮無所服典故,乞止用常服。 皇太子言:「乘輅、設仗,雖有至道、天禧故事,非臣子所安。」詔 次日朝謁太廟、 別廟, 次朝 又擇日詣德壽宮稱謝。 謁 太廟、別 廟,當衮冕, 趸。 先是, 乘 金輅 禮官 設

局 女為 上 |五 皇. 册 禮新儀三皇太子納妃,乘金輅親 太子妃,令所司 皇太子妃。 政和 備禮册 五年三月, 命 庚辰,帝 韶選皇太子妃。 迎。 服通 皇太子三奏辭乘輅及臨軒册 天 冠、 六年六月, 絳紗袍, 御文德殿 詔選 少傅、 發 恩平 命, 洲。 詔 郡王朱伯 先是, 免乘略 議 而 禮 材

發删

如禮焉、

公主受封,降制有册命之文,多不行禮,惟以綸告進內。 至嘉祐 二年,封福康公主為克

國公主,始備禮册命。

於內東門、副使及內給事於其南差退並東向、設册印案位於册使前南向, 次(型)於內東門外,命婦次於公主本位門之外(及),公主受册印位於本位庭階 南向 前 一日,百官班文德殿,內降册印,宣制,册案、援衞一如册皇后儀。有司 內給事位 下北向,册 '先設 
別使等幕 於册使 使位

褥位置訖,內臣引內命婦入就位,禮直官引册使、副等俱就東向位,內給事就南 自 文德殿率册印將至內東門,內給事詣本位, 請公主服首飾、褕翟 册印至內東門外 向位

位, 授內給事,內給事跪授內謁者,內謁者及主當內臣等持入內東門,內給事從入詣本位,贊公 主,如上儀。 制 降詣 」,贊者曰「拜」,公主再拜,右給事奉册跪授之,公主受以授左給事,右給事又奉印授公 內給事入詣所設受册印位公主前, 通事舍人、博士引册使就內給事前東向,躬稱「册使某、副使某奉制授公主册印」,退復 庭中北向立,跪取册,興,立公主右少前西向。 贊者曰「拜」,公主再拜畢,引公主升位。次內臣引內命婦賀畢,遂引公主謝 言訖退。內給事進詣册使前 又內給事立公主左少前東向,稱「有 酒向, 册使跪以册印

皇帝、皇后,一 如內中之儀。 羣臣進名賀。 其册印如贵妃, 有匣, 文日「兗國公主之印」。遂

爲定制。

神宗進封邠國大長公主、魯國公主皆請免册禮,止進告入內云。

閣門使引制案置于庭,宣付中書、門下,宰相跪受,復位,以授通事舍人,赴宣制位唱名訖, 黄門二人舁之,立御坐東。 奉詣宰相,宰相受之,付所司 命親王、宰臣、使相、樞密使、西京留守、節度使,並翰林草制,夜中進入, 册命親王大臣之制,具閱寶通禮,雖制書有備禮册命之文,多上表辭免,而未嘗行。 內朝退,乃奉箱出殿門外,宣付閤門,降置 於案,俟文德殿立 翼 日 自內置 於箱, 每

卽 恩 51 制 自 書,卽宣付 出 班 若立后妃,封親王、公主,即先稱 中 赴 引出聽 朝堂金吾仗舍。 通事舍人,引宰相於宣制石 麻,文班於宣制石東,武班於西,並如宰相儀,聽訖,出赴朝堂。 有制,百官再拜,宣制訖,復再拜舞蹈稱賀。 東、北向 再 拜立,聽 訖,拜舞復位。 岩 其罷相者, 百官 岩字: 受制, 相加

誻 三、宰相朝謝,前一日,內降官告,從內出東上閣門外宣詞以賜, 授節者, 仍交旌節。

使以上授官告敕牒者,皆拜敕舞蹈,若止授敕或宣頭者 搜者俛伏,執旌節交於頸上者三。 參知政事、宣徽使、樞密使、大兩省、兩制、祕書監、 止再拜, 餘官悉不拜敕、不舞蹈,惟 上將 軍、觀察

御史大夫、中丞拜授東上閤門使,又引至殿門外中籠門再拜。

前導,餘如親王制。有故則罷。 紫絁寬衣;旌節各一,馬二,犦矟官八人,馬技騎士二十人,槍牌步兵二十四人,軍巡使不 門外,馬技騎士五十人,槍牌步兵六十人,敎坊樂工六十五人,及百戲、蹴鞠、鬥雞、角 第迎引,左右軍巡使具軍容前導至本宮。使相興中用銀香鑪,輦官十二人,金鸑帽、錦絡 幞頭、緋繡寬衣;旌節各二,馬四,犦矟官十六人,執旌節攏馬對引, 親王、節度、使相官告,並載以綵興迎歸第。 親王興中,設銀師子香合,輦官十二人,並 由乾元門西偏門出至 觝 縫 次

政和禮局上册命親王、大臣儀,迄不果行。 凡諫、舍、刺史以上在外任加恩者,悉令其親屬乘傳齎詔,就以告牒賜之。

#### 校勘記

奉册 次捧 舉」四字,五禮 寶官俱搢笏率執事人 (新儀卷一八七、一九一作「捧舉以行」。 按此句「執事人」下疑有脫漏。 宋會要禮五三之二在此句下有「以

志第六十四 校勘記

 $\exists$ 納吉納成 按通考卷二五六帝系考,此處下有「告期」二字;本卷下文有納吉、納成、告期分別

遣使之文,疑脱。

 $\subseteq$ 臣某之女若而人 「臣」字原脫。 據五禮新儀卷一六七和前後文補。

(기 ) [편 太子以授左庶子 「左」原作「右」,據五禮新儀卷一九一,幷參照下文冊封鄧王愭儀改。

其當申中書樞密院狀 「狀」字原脫,據長編卷三八、通考卷二五七帝系考補

典寶褥位 按上文有「權置冊實褥位」,下文有「奉冊寶至褥位」,宋會要禮四九之三〇也有一冊

寶媷位」。「典」疑「冊」字之誤。

(七) 幕次 「次」字原脫,據宋會要帝系八之四、宋朝事實卷一三補。

(云)命婦次於公主本位門之外 「於」字原脫,據同上書同卷補。

# 宋史卷一百一十二

## 志第六十五

禮十五嘉禮三

### 聖節 諸慶節

祝壽,至日,上壽退,百僚詣寺行香。尋詔:「今後長春節及諸慶節,常參官、致仕官、僧道、 聖節。 建隆 元年,羣臣請以二月十六日爲長春節。 正月十七日,於大相國寺建道場以

百姓等毋得進奉。」

太宗以十月七日爲乾明節,復改爲壽寧節。

<u>| 眞宗以十二月二日爲承天節。其儀:帝先御長春殿,諸王上壽,次樞密使副、宣徽、三司</u> 志 第 六 + 五 禮 + 五 二六七一

各上壽 使, 伯各就佛寺修齋 賜酒三行,皆用敎坊樂,賜衣一襲,文武羣臣、方鎭州軍皆有貢 次使相,次管軍節度使、兩使留後、觀察使,次節度使至觀察使, ,仍以 金酒器、銀香合、馬、袖表爲獻〔1〕。 祝 一壽,罷日以香賜之,仍各設會,賜上尊酒及諸果,百官 旣畢, 咸赴崇德殿敍班, 宰相率百官 禮。 前 次皇親 1無賜教: 月, 任 百官、內職、牧 一觀察使以下, 坊 上壽,

恩,僧道則 景德二年, 賜紫衣、師號,禁屠,輟刑 始令樞密三司 '使副、學士復赴百官齋會, '少卿、監、刺史以 上及近職一子賜

升,陳 宰臣 簾崇 舊入內者卽入內上壽,不入內者進表。 殿, 壽。 二酸、賜酒 闪 政 升 復 仁宗以四月十四日爲乾元節,正月八日皇太后爲長寧節。 進奉 侍 殿, 殿 出 ,百官及契丹使班 物當 簾 三行,侍中 再拜 跪進 外跪授虛醆,宰臣跪受,降,再拜,舞蹈,三稱萬歲。 殿庭,通事 ,三稱萬歲。 酒簾外, 奏禮畢,皆再拜,舞蹈。太后 內臣跪承以入。 舍 庭下,宰臣以下 人稱「宰臣以下進奉」,客省使殿上喝「進奉出」。 內臣承旨宣曰:「得公等壽酒, 內侍引內命婦上壽,次引外命婦,如百官儀。 宰臣奏曰:「長寧節, 進奉上壽, 還內,百官詣 **閤門使於殿上簾外立侍**, 與公等同喜。」 內侍承旨宣 內東門拜表 臣等不勝歡抃, 韶定長寧節上壽儀:太后垂 一咸再 稱 內謁 賀。 升殿 拜。 謹上千萬 百 || 者監 其 官再 外 ",再 罕臣 命婦 進第 次日 拜 拜 嵗

官於崇德殿,天聖諒誾皆於崇政殿。」於是紫宸上壽,羣臣升殿間,飮獻一 英宗以正月三日爲壽聖節。 禮官奏:「故事,聖節上壽,親王、樞密於長春殿, 觴而退; 宰臣、百 日,

賜宴於錫慶院

舉樂。明年,以大旱罷同天節上壽,羣臣赴東上閤門表賀。 使、管軍、駙馬、諸司使副詣垂拱殿,宰臣、百官、大國使詣紫宸殿上壽,命坐,賜酒三行,不 神宗以熙寧元年四月十日為同天節,以宅憂罷上壽,惟拜表稱賀。 明年, 親王、樞密

聽 下各班進酒畢而日晏, 本班序立上壽,更不赴垂拱殿。」蓋以管軍觀察使以上及親王、駙馬並於垂拱殿以官序高 上 |共作一班,進酒一醆;親王、宗室、使相至觀察、駙馬、管軍觀察使以上,皆赴|紫宸殿,依 班 賀于禁中。 中書門下言:「同天節上壽班,自今樞密使副、宣徽、三司使、殿前馬步軍副都指揮使以 外朝有班者仍詣紫宸殿,議者以爲近瀆,改焉。而詔袒冤以上宗婦

志 愈位, 第 +  $\pi$ 詔以太皇太后七月十六日爲坤成節。 灛 + Ŧī. 宰臣請以十二月八日爲興龍節。 二六七三

哲

宗本七日生,以避[僖祖忌,故後一日。

槃、隨 折 跪 11 退 少 再 殿 含人 以 檻 退, 面 邦, 床 孤 1 東 醫官 措 表, 引 候 通 徽 虛 殿 授 乃引 親王 笏 進 宗以十月十日爲天寧節,定上壽儀: **教坊使以下贊再** 分束 含 1/1 西向宣曰「進奉收」。 跪; 興, DIE 奉西人,列 人接 監酹 尚 親 以下 詔 西兩陛 王二員升殿, 表, 酒訖 等先退。 典 以 俛伏,興,躬, 御 樂授 知 於親王 立,俟進 加 員 前 與御, 《在東, 東 拜,奏聖躬萬 奉槃立 知引 上閣門官殿 一後,酒器檐 知東上閣門官引詣 西向 酒 贊拜,舞蹈,又再拜,西出 舍人 退, 進 I升殿。 餘詣 一司官 樂作, 立,奉 閣 親王 門 福,又 一員讀奏目, Ĺ 床置馬前 次舍人引親王入 <u></u>引 洋,引 皇 御 西, 躬 降階。 路酸 帝 奏「親王 再拜,復位。 皇帝御垂 飲 置 班 訖, 御 首 親王一 表笏上, 一,揖天武躬奏萬 舍人引當殿北 坐前 受酸,復位 升 知東上閤門官一 「某以下進壽酒」。 東階,餘 拱殿,羣臣 員 
勞注酒,班 殿庭,北 含人東階下西向 授 次看 親王 引 一,再 殿 酸 淮 以下赴紫宸殿立班 向 下 入 通 福 向 拜 立 八稍前, 分立 進奉 立 知 班起居畢, 員奏進壽酒,由 加 一,贊 引 功, 舍人 東上,贊 上 進 首 後準此。 馬 儀 再拜,班 含人 奉詣 閣 司 、揖親 先出。 官 門 分班 知 贊再拜, 引 殿 拜 御 引 尙 王 計 샏 首 <u>-</u> 以 進 膃 闪 興, 奏萬 御 讀 東 東 從義 下 侍 引進官 'n 屰 階升 進訖, 坐 奏 搢笏 **贊上** 官詣 躬 御 進 目 東 贙 奉 御 郞

宣「進奉出」,天武奉進奉以出。 再拜,退。 次樞密官上壽,次管軍觀察以上上壽、進奉並如儀。 閣門復立殿上,教坊使贊送御酒,又再拜,教坊致語訖, 內侍舉御茶床,舍人贊教坊

使以下謝祗應,再拜訖,閣門側奏無公事

降階,舍人接引復位,典儀贊再拜訖,禮直官引知樞密院官詣御坐前承旨,退詣折檻稍東, 舍人引上公升東階,東上閣門官接引詣御坐東,搢笏,殿中監授盤,上公奉進御坐東,北向, 武百僚、上公具官臣某等稽首言:天寧令節,臣等不勝大慶,蓮上千萬歲壽。」倪伏,興,退, 監、少監升東階、詣酒尊所稍西,南向西上立,舍人揖教坊使以下通班大起居,次看醆人謝 西向宣曰:「得公等壽酒,與公等內外同慶。」典儀贊拜如儀,百官分東西立。禮直官、通事 舍人引上公升東階,東上閤門官接引升殿,授醆、啓醆如上儀。上公詣御坐倪伏跪奏:「文 東上閤門分引百僚,並橫行北向立,典儀贊再拜,贊者承傳,在位官皆再拜。禮直官、通事 升殿、贊丹拜。 百官,並橫行北向立,典儀贊再拜,舞蹈,班首奏萬福,又再拜訖,分東西立。禮直官引殿中 自贊常起居。 史臺、太常寺分引入詣殿庭東西立。 皇帝赴紫宸殿後閣受羣臣上壽。質明,三公以下百僚並於殿門外就次,東上閣門、御 皇帝升坐,鳴鞭,禮直官、通事舍人引三公至執政官,御史臺、東上閤門分引 內侍進御茶床,殿侍酹酒訖,禮直官、通事舍人分引三公至執政官,御史臺、 閥門附內侍進班齊牌,皇帝出閣,禁衛諸班親從迎駕,

院官在親王後。 畢。」 俛伏,興,退, 飲訖,贊再拜。 後。 人贊就坐,再行羣官酒,皇帝三舉酒,並如第二之儀。酒三行,舍人曰「可起」,羣官興,立席 者承傳,皆再拜。 醆退,授奉御,出笏復位。 注于醆,第二、第三準此。 朵殿,幷東西廊席後立。 樂作,皇帝飮訖,閤門引接醆,降,復位, 人分引三公以下升東階, 樞密院官詣御坐前承旨,退詣折檻稍東,宣曰:「宣羣官升殿。」典儀贊拜訖,禮直官、 若宣示醆,卽隨東上閤門官以下揖,稱「宣示醆」,躬,贊就坐。 尚食典御、奉御進食,太官設羣官食,皇帝再舉酒,羣官興,立席後,樂作,飲訖,舍 內侍舉御茶床,禮直官引左輔詣御坐前北向俛伏跪奏:「左輔具官臣某言禮 典儀贊再拜,皆舞蹈再拜退。 復位。 舍人贊就坐,各立席後,復贊就坐,羣官皆坐。 奉詣御坐前,躬進訖,少退,奉盤 **尙醞典御以醆授殿中監,奉御啓醆,殿中監西向立,殿中** 禮直官、通事舍人分引三公以下文武百僚降階橫行北向立,樞密 通事舍人分引殿上官橫行北向,舍人贊再拜, 親王、使相以下升西階; 典儀贊拜如上儀。 御史臺、東上閤門分引祕書監以下升兩 西向立。 宗室遙郡以下先退。 樂作,皇帝飮訖,殿中監接 酒初行,先宰臣,次百官, 若宣勸,卽立席後, 典儀曰「再拜」, -少監以酒 禮直官引 通事 · 舍

靖康元年四月十三日,太宰徐處仁等表請爲乾龍節。 至日,皇帝帥百官詣龍德宮上壽

所有將 託 夜痛悼,寢食幾廢,況以眇躬之故,聞樂飲酒,以自爲樂乎? 士民之上,求所以扶危持頗之道,未知 建炎元年五月,宰臣等上言,請以五月二十一日爲天申節。 來天申節 百官上壽常禮,可令寢罷。」至是止就佛寺啓散祝壽道場,詣閤門或後殿拜 、攸濟。 。念二聖鑾興在遠,萬民失業,將 非惟深拂股志,實增感于股 韶曰:「朕承祖宗遺澤, 士暴露 獲 夙

表稱賀

常 美矣。 業, 皆 月,分日 伸宮闈上壽之儀,臣民得於觀聽,天下無不欣慶,所以崇大養 望將來天 禮部 因性自 圖濟中興,孝德通于神明,皇天爲之悔禍,長樂還闕,適當 紹 興 唑 啓建道場,至前 討 (申節 下 一然,發於觀感,必各盡其至,然後爲 十三年二月,臣僚奏:「臣聞孝理天下者帝王之盛德,歸美報上者臣子之至誠, 論 誕 每: 許令有 聖佳辰,乃臣子所願 遇 聖節 司舉行舊典,至日,百官得以奉萬年之觴,仰祝聖壽,天下 ,樞密院以下先詣 一日,樞密院官滿散依例作齋筵; 奉觴上壽, 垂 一拱殿 稱。 以盡 上壽畢,幸臣 恭惟陛下撫艱難 歸美之意,其可不舉而 至日 誕節 而 率 百 ,三省官上壽立 成孝理之功者,既已盡 之運, 之前 僚於紫宸殿上壽; 憂勤 陛下以天 行之乎? 在 班訖 御, 幸甚。」 下 臣 兢兢 養, 次赴 前 善盡 愚 獲 是 欲 業 太

志

第

六

+

五

禮十

五

滿散作齋筵 ; 後二日,大宴於集英殿。 時命御史臺、太常寺修立儀注

大 一样,前一日,皇帝起居如宮中儀,百僚拜表稱賀 孝宗隆興元年,太上皇帝天申節,皇帝及宰臣、文武百僚詣德壽宮上壽。 是日,以欽宗

拜, 太上皇帝出宮升御坐,鳴鞭, 詣殿廷, 入, 指大次前分左右立定。 門外以俟迎駕起居。 乘輦將至德壽宮,文武百僚迎駕再拜起居訖,前導官、太常卿、閤門官、太常博士、禮直官先 之東,有司又設御茶床於御坐之西,俱稍北。 設皇帝褥位二:一於御坐東南,西向(三),一於御坐之南,北向。 壽宮殿門之內外,設御坐於殿上當中南向 次舍人揖皇太子幷文武百僚躬,典儀曰「再拜」,贊者承傳,在位官皆再拜,搢笏舞蹈,又 躬奏聖躬萬福 乾道八年,立皇太子,皇帝率皇太子及文武百僚詣德壽宮上壽。 東西相向立定,前導官導皇帝入小次, 再拜,皇帝詣太上皇帝御坐之東褥位西向立,前導官於殿上隨地之官 質明,皇帝服樺袍出即 皇帝降輦入次,御史臺、閤門、太常寺分引皇太子幷文武百僚入 小次簾捲。 前導官導皇帝升殿東階,詣殿折檻前北向褥位再 了,設大次於<br />
德壽宮門內南向,小次於殿東廊西向, 御坐,從駕臣僚、禁衞起居如常儀。 其日,文武百僚內不係從駕者,並先赴德壽 簾降。皇太子幷文武百僚並橫行北向立。 **尚醞設御酒尊、酒器** 前期,儀鸞司陳設德 皇帝 於御坐 降坐, 宮

再拜。 官 舉茶床,奏禮畢官北向俛伏跪奏:「具官臣某言禮畢。」在位官再拜。太上皇帝駕興,皇帝從 北 壽。」奏訖,伏,興,再拜,在位官皆再拜。承旨宣答官宣曰:「得皇帝壽酒,與皇帝丼百僚內外 橫行 後,以盤授受盤醆官(至)。前導官導皇帝詣太上御坐前褥位北向俛伏跪, 同慶。」皇帝再拜,在位官皆再拜訖,分東西相向立。皇帝詣御坐東,西向立,奉盤醆官以盤 官奉酒詣皇帝前北向,禮直官引受盤醆官詣太上皇帝御坐前,西向立,皇太子拜文武百僚 殿中監、少監,次禮直官引奉盤醆官詣酒尊所北向〔5〕,殿中監啓醆,殿中少監注酒,奉盤醆 酸官、承旨宣答官、奏禮畢官、殿中監、少監升殿。 再拜,皇太子不離位,奏聖躬萬福,各再拜,直身,分東西相向立。 ,以授殿中監,各復位立。皇太子幷文武百僚橫行北向,皇帝詣褥位北向再拜,在位官皆 向恭進,皇帝奉盤,樂作,俟太上皇帝飲酒,皇帝躬接醆訖,皇帝少後,以盤醆授受盤醆 皇帝奏:「臣某謹率文武百僚稽首言:天申令節,臣某與百僚等不勝大慶,謹上千萬歲 北向立。 皇帝詣太上御坐東褥位西向立,皇太子、文武百僚再拜,搢笏舞蹈,又再拜訖,內侍 奉盤醆官躬進皇帝,皇帝奉酒,前導官導皇帝詣太上皇帝御坐前躬進訖,少 內侍進御茶床, 尚醞 禮直官引奉盤醆官、受盤 典御以盤醆、酒 殿下皇太子丼百僚皆 注授

淳熙二年十一月,詔:「太上皇帝聖壽無疆,新歲七十,以十一日冬至加上尊號册寶,十

入,文武百僚以次退。

第六十

五

禮十五

新。 訖,從駕至德壽宮行慶壽禮,致詞曰:「皇帝臣某言:天祐君親,錫茲難老,維春之吉,年德加 禁衞等並簪花從駕還內,文武百僚文德殿拜表稱賀。 二月十七日立春行慶壽禮。」是日早,文武百僚並簪花赴文德殿立班,聽宣慶壽赦。 臣某與羣臣等不勝大慶,謹上千萬歲壽。」餘與前上壽儀注同。 禮畢,從駕官、應奉官、 宣赦

皇帝聖壽八十,帝率羣臣詣德壽宮行禮,其儀注、恩赦並如淳熙二年典故。 + 年十二月,以太上皇后新年七十,韶以立春日行慶賀之禮。 十三年春正月朔,以太

節、尋改爲瑞慶節,理宗以正月五 十八日爲天瑞節。 孝宗以十月二十二日爲會慶節,光宗以九月四日爲重明節,寧宗以十月十九日爲天祐 其上壽稱賀之禮,大略皆如天申節儀。 日爲天基節,度宗以四月九日爲乾會節,瀛國公以九月二

師然燈。 節,休假 慶節,古無是也,眞宗以後始有之。 五. 又以六月六日爲天貺節,京師斷屠宰,百官行香上清宮。 日 ,兩京諸 路州、府、軍、監前七日 大中祥符元年,詔以正月三日天書降日爲天慶 建 道場設醮,斷 屠宰; 節日,土庶特令宴樂,京 又以七月一日聖祖降日

月一日天書再降內中功德閣為天禎節,一如天貺節。尋以仁宗嫌名,改為天祺節 絲續命縷分賜百官,節日戴以入。 **崇德殿,賜百官飲,如聖節儀。** 度、樞密、三司以下至駙馬都尉,詣長春殿進金縷延壽帶、金絲續命縷,上保生壽酒;改御 爲先天節,十月二十四日至降延恩殿日爲降聖節,休假、宴樂並如天慶節。 前一日,以金縷延壽帶、金塗銀結續命縷、緋綵羅延壽帶、綵 禮畢,宴百官於錫慶院。天禧初,詔以大中祥符元年四 中書、親王、節

天慶節,著爲令。 爲元成節,正月四日有太祖神御之州府宮殿行香爲開基節,十月二十五日爲天符節, 爲 寧貺節,旣又以二月十五日太上混元上德皇帝降聖日爲眞元節,八月九日青華帝君生辰 <u>政和三年十一月五日,以修祀事,天眞示見,詔爲天應節。又以五月十二日祭方丘日</u> 皆如

高宗建炎元年十一月五日,詔:「政和以來添置諸節,除開基節外,餘並依祖宗法。」

### 校勘記

- 仍以 要錄 卷 金酒器銀香合馬袖表為獻 四九、玉海卷七四 補。 「香合」二字原脫,據深會要禮五七之二一及五七之二二、繁年
- $\Xi$ 知引 進 司官殿 上讀奏目退 目 原作「自」。 按至正本實作「目」,張元濟據殿本誤改作「自」。

志第

六

+

Ŧī.

校勘記

據上文及五禮新儀卷一六五改正。

- 3 一於御坐東南西向 之南北向」及「皇帝詣太上皇帝御坐之東褥位西向立」二語,此處「南」字疑衍。 朱會要禮五七之五作「一於太上皇帝御坐之東西向」,參照下文「一於御坐
- (日) 詣酒尊所北向 「酒」字原脫,據宋會要禮五七之六,并參照上文補。
- (至) 以盤授受盤酸官 「受」字原脫,據同上條宋一一一次一下文補

(云)十月二十四日

同上卷,本條及上文七月一日條均爲大中祥符五年事,長編卷七九系本條于五年十月戊午,本

「十月」原作「十二月」,據宋會要禮五七之三〇、事物紀原卷二改。按宋會要

志一律系于元年。

# 宋史卷一百一十三

## 志第六十六

禮十六嘉禮四

# 宴饗 游觀 賜酺

院、參知政事、樞密副使、同知樞密院、宣徽使、三師、三公、僕射、尚書丞郎、 文茵、設御茶床、酒器於殿東北楹間,羣臣醆斝於殿下幕屋。 宴垂拱殿,若特旨則不拘常制。凡大宴,有司預於殿庭設山樓排場,爲羣仙隊仗、六番進 幸還京,凡國有大慶皆大宴,遇大災、大札則罷。 **貢、九龍五** 宴饗之設,所以訓恭儉、示惠慈也。 鳳之狀,司天鷄唱樓於其側。 殿上陳錦繡惟帶,垂香毬,設銀香獸前檻內,藉以 宋制,嘗以春秋之季仲及聖節、郊祀、籍田禮畢,巡 天聖後,大宴率於集英殿,次宴紫宸殿,小 設宰相、使相、樞密使、知樞密 學士、直學士

志

第

六十六

禮十

六

謝 飮 淮 副 樞 叼 都 御 練 使、 亚 一,再 而 酒 密使以 腄 一史大夫、中丞、三司使、給、諫、舍人、節度使、兩使留後、觀察、團練使、待制、宗室、 同 退 各就 拜 刺 軍 宰臣、使相 坐於朵殿,自餘升朝官、諸軍 史、上將 下 都 曲 坐,酒 - 先起 指 宴多令不拜。 揮 居訖 使以 九 軍 坐以 行。 -、統軍、軍廂指 ",當侍· 上 (繍墩 或上 每上舉 用一 立 ; 壽朝會,止 蒲墩; 者升殿。宰相 曲宴行幸用杌子。 ·酒,羣臣 揮使坐於殿上,文武 副 自朵殿而 都頭以 令滿酌,不勸。 立 一侍,次宰相、次百官舉酒; 率百官入,宣徽、閤門通 參 上、諸蕃 下皆緋綠氈條席。殿上器用金,餘以 知 政 事以下用二蒲墩 進 四品以上、知雜御史、郎中 中飲 |奉使、諸道進奉軍將(I),以上分於 更衣,賜花有差。 唱,致辭訖(三),宰相 或傳旨 加 命釂,即搢 宴訖,蹈 曲 郎將、禁軍 級。其 宴 7,樞 遙 | 笏起 .升殿 郡 密 使 拜 車

崇德殿 徽 之飲 月  $\stackrel{\sim}{=}$ 故 也 |建 福 Ħ, 隆 但近 使、 太平 是後 元 駙 年, 臣及刺史、郎中而 國國 馬 三年 大宴於廣德殿,酒 褶 之後, 尉皆 開寶 侍 三年、 11-立,軍 設 春宴, 五. 上預焉 校 年、六年、七 九行而罷。 自 在大明 龍 武 几 者 廂都指 年、 + 乾德元年十一月,南 一,在 八年, 揮使以 含光 井 設秋 者六。 上,立於庭。 宴于大 宴 郊 禮 日 明殿, 成, 親王 其宴契丹使, 大宴廣 以長 樞密使 春 德 節 殿 副、宣 亦於 在

禮。 並 厭,而將校輩或至終宴之時,尚有欲炙之色,蓋執事者失於察視,不及潔豐而使然也。 者,並令糾舉。又惟飫賜之典,以寵武夫,大烹之餘,故爲盛饌。計一 後不整,俯仰失節。欲望自今令有司預依品位告論,其有踰越班次、拜起失節、喧譁過甚 坐於朵殿、兩廊者,拜舞方畢,趨馳就席,品列之序,糾紛無別。 而 申嚴制。」至道元年三月,御史中丞李昌齡亦言:「廣宴之設,以均飫賜,得齒高會,宜乎盡 觀 而有位之士,鮮克致恭,當糾其不恪。又供事禁庭,當定員數,籍姓名以謹其出入。 威儀也。 淳化四年正月,以南郊禮成,大宴含光殿,直史館陳靖上言:「古之饗宴者,所以省禍福 故宴以禮成,賓以賢序,風、雅之作,茲爲盛焉。伏見近年內殿賜宴, 及至尊舉爵, 羣臣起立, 飯所費,可數人之屬 羣臣 伏望 先 當

宗正卿令升殿坐, 班次 温 ,頒下閤門遵守。 司諫、正言、三院使、御史並坐于殿廊,望自今移升朵殿,自餘依舊。」十二月,詔凡內宴, |咸平三年二月,大宴含光殿,自是始備設春秋大宴。 從之。 依合班儀。 翰林學士梁顥請以春秋大宴、小宴、賞花、 五年,御史臺言:「大宴,起居舍 行幸 **十次爲四** 

酒殽之司,或虧精潔,望分命中使巡察。」並從之。

律。 景德 況屢頒 二年九月,詔曰:「朝會陳儀,衣冠 於條令 ,宜自顧於典刑。 稍歷歲時, 漸成懈慢。 就列,將以訓上下、彰文物, 特申明 制, 以儆具僚。 宜愼 等威, 用符紀 自今宴

志 第

六 十

六

禮

十六

彈奏; 史、侍御史,廊下委左右巡使,祭視彈奏;內職殿直以上赴起居、入殿庭行私禮者,委閤門 宜令御史臺預定位次,各令端肅,不得諠譁。 其軍員,令殿前侍衞司各差都校一人提轄,但虧失禮容,即送所屬勘斷訖奏。 **違者,殿上委大夫、中丞,朵殿委知雜御** 仍令

問門、宣徽使互相祭舉,敢蔽匿者糾之。」

臺糾 者,卽先扶出,或遣殿前司量添巡檢軍士護送歸營。 候使臣等,並以前後儀制曉諭,務令遵稟,違者密具名聞。其軍員有因酒言詞失次及醉仆 則羣臣 大中祥符元年十二月,詔宣徽院、御史臺、閤門、殿前馬步軍司,凡內宴臣僚、軍員幷祗 班 天禧四年,直集賢院祖士衡言:「大宴將更衣,羣臣下殿,然後更衣,更衣後再坐, 于殿庭,候上升坐,起居謝賜花,再拜升殿。」 又詔臣僚有託故請假不赴宴者,御史

慶 子、兄弟者, 曆七 仁宗天 年, " 御史言:「凡預大宴丼御筵,其所賜花,並須戴歸私第,不得更令僕從持戴,違者 (聖三年,監察御史朱諫言:「伏見大宴,宗室先退,允爲得禮。尚有文武臣 皆預 再坐,欲望自今內宴,百官有父子、兄弟、叔姪同赴,再坐時卑者先退。」 「僚父

宣徽院八人,親王八人,昭德軍節度使、兼侍中曹佾三人,皇親使相三人,皇親正刺史已上 熙 寧二年正月, 閤門言:「準詔裁定集英殿宴入殿人數:中書二十二人, 樞密院三十人, 糾

親從官四十二人,提舉司勾押官手分三人,提舉火燭巡檢人員 御 庫 至 人,支散 Ħi. 已下一十八人。」是歲十一月,以皇子生,宴集英殿 節 藥院八人,內物料庫九 人,皇城司 十人,內 度使并駙馬都尉各一人,翰林司一百七十八人,御廚六百人,儀鸞司一百五十人,祗候 兩省花後苑造作所 職 [衣物庫七人,新衣庫七人,內弓箭庫三人,鈴轄教坊所三人,鐘鼓樓一十六人, 員手分二人,御史臺知班一十一人,灑掃親從官人員已下一百人,兩 一人,法酒庫一十六人,內酒坊八人,入內內侍省前 工匠等四人,客省 承授行首八人、四方館職掌二人、閤門承受行 一十人,快行親從官 後行、親事官共 廊 覷 +-

幕 次就 -6 賜酒 年 九 食。」舊制, .月,詔:「自今大宴,親王、皇親使相 會食集英西廓之無下, 喧卑爲甚,權發遣宣徽院吳充奏其事 、樞密使副使、宣徽使、駙馬都尉並於殿門外 故有

元站 **犁**臣 皇家慶 元 豐七 九年 事 八 年, 與卿 年三月, (三),閣 詔 等同之。」珪 鼅 門言:「大 獨 大宴集英殿, 看 故 宴不 等 事 再 用 拜稱 大 命皇子 、宴前 兩 軍 謝 妓 延安郡王侍立。 女, 日 久之,王 只 御 用 殿 教坊 乃 閱 退。 百 小 戲 宰相 時王 兒 謂 之 舞。」王 之 未 王珪等率百 獨 出 | | | | 看 拱 帝特令侍宴, 脩 辰 冒 請 或 廷賀。 史 以 **汽**范祖 女 亩 禹言; 詔曰: 代之。 以 見

日 進 志 神 第 (宗紀 大 -1-草 놋 , 唑 下 膊 + 覽先帝史册 六 甫畢,卽觀百戲,理似未安,故請罷 之。 ニカス七

以時 書門下致仕者,亦同 書、樞密、宣徽、三司使副、學士、步軍都虞候以上、三師、三公、東宮三師三公以下、曾任中 則賜預宴官酒饌于閤門朝堂,升殿官雖假故不從游宴,亦遣中使就第賜焉。 雨未足,集英殿試舉人,尚書省火,禁中祈禳,邠國公主未敢,皆罷宴。凡大宴有故而 三年六月,罷春宴。八月,罷秋宴,以魏王 二年九月,經筵講論語徹章,賜宰臣、執政、經筵官宴于東宮,帝親書唐人詩分賜 一出殯,翰林學士蘇軾不進教坊致語故也。 親王 是後 中

頭歇 交州 坐,進奉、押衙重行於後,瓜州、沙州使副亦於西廊之南赴坐,其餘大略以是爲準。 空坐。 凡 契丹舍利、從人則於東廊南赴 外國 七年, 使預宴者,祥符中宴崇德殿,夏使於西廊南赴坐,交使以次歇空,進奉、押衙次 龜茲進奉人使歇空坐於契丹舍利之下。 坐。 四年,又升甘州、交州於朵殿,夏州 其後又令龜茲使副於 押衙 於東 西 廊 南赴 廊南

大觀三年,議禮局上集英殿春秋大宴儀。

起居。 門官升殿。攝左右軍巡使鞾笏起居訖,繫鞵執杖侍立, 其 日 皇帝降 預宴文 坐,御集英殿, 武 百 僚詣殿庭, 鳴鞭,殿中監已下 東西相 向 立。 通 皇帝 班 起居。 出御需雲殿, 餘非應奉官分出。 殿中監 、少監 **閤門、內侍、** 升殿, 次鐘鼓樓節 管 涌 軍等 喚 閣

級就位,四拜起居。

使以下通班大起居,看醆 再拜 相向 祗侯。東上閤門官詣御坐,奏班 辭訖,俛伏,興,復位。 ,贊就坐,引升西廊。 立、朵殿、兩廡官立於席後。有遼使則舍人引大遼舍利 次舍人通喚訖,分引羣官橫行北向,東上閤門官贊大起居,班首出 羣官再拜,舞蹈,又再拜,贊各就坐,再拜,舍人分引升殿,席 人謝,升殿再拜。內侍進御茶床,殿侍酹酒訖,次贊天武門外 次舍人傳事引從人分入,四 首姓名以 下進酒。 拜起居,谢坐,並 西入大起居, 贊各就坐, 同 班倪伏, 舍利儀。教 跪, 坊 贊 致 前

臣 首接醆,退,虛跪,興,授醆殿中監,出笏,引退,舍人接引復位,贊再拜,贊各賜酒 槃,奉詣御前,西向立,樂作,皇帝飮訖。 引 少退,虚跪,興,以槃授殿中監,出笏,東上閤門官引退,舍人接引復位, 坐,東北向, ·再拜,贊各就坐,羣官皆立席後,復贊就 班 首稍 舍人分引殿上臣僚横行北 前,殿上臣僚席 **搢笏,殿中監奉盤醆授班首,少監啓醆,以酒注之。** 前 !相向立,東上閤門官接引詣 向, 贊再 舍人分引殿上臣僚横 坐。 舍人引班首稍前, 御坐, 東北向,搢笏, 行北 東上閣門官接引詣御 班首奉詣御前 向, 東上 贊再拜。 閣門 殿中監授 進訖, ijĺ 舍人 犁 班

志 第 酒 初行,羣官搢笏受酒,先宰相,次百官,皆作樂。 六 + 六 禮 + 六 皇帝再舉酒, 二六八九 並殿中監 少監進。

四舉 **奉**臣 五舉酒,樂工奏樂,庭下舞隊致詞,樂作,舞隊出。 儀。尙食 酒,並典御進酒。 .俱立席後,樂作,飮訖,贊各就坐。 一典、奉御進食,太官設羣臣食,樂作。 樂工致語,羣官皆立席後,致語訖,贊百官再拜,就坐, 復行 羣臣酒, 賜祗應臣僚酒食,贊謝拜訖 飲訖。 皇帝三舉酒 復位 皆如第一之 皇帝 皇帝

再拜。 再坐。 奏無公事,皇帝降坐,鳴鞭。 宣示醆,卽隨所向,閤門官以下揖稱宣示醆,躬贊就坐。若宣勸,卽立席後躬飮訖,贊 帝再舉酒,殿上奏樂,庭下舞隊前致語,樂作,出。皇帝三舉酒、四舉酒皆如上儀。 殿,百官謝花再拜,又再拜就坐。內侍進御茶床,皇帝舉酒,殿上奏樂,庭下作樂。 東上閤門奏再坐時刻。俟放隊訖,內侍舉御茶床,皇帝降坐,鳴鞭,羣臣退。 內侍舉御茶床,舍人引班首以下降階再拜,舞蹈,又再拜訖,分班出。 前二刻,御史臺、東上閤門催班,羣官戴花北向立,內侍進班齊牌, 皇帝詣集英 **閤門官側** 賜花,

泛 赐 預 集英殿飲福大宴儀。 坐 臣 僚飲福 酒各一醆,羣臣飮訖,宣勸,各興立席後,贊再拜謝訖, 初,大禮畢,皇帝逐頓飮福,餘酒封進入內。宴日降出,酒旣三行, 復坐飲? 並如

春

秋大宴之儀

紹興十三年三月三日,詔宴殿陳設止用緋黃二色,不用文繡,令有司遵守,更不制造。

五月,閤門修立集英殿大宴儀注。

宴,然大宴視東京時則亦簡矣。 又行門、禁衞諸色祗應人,依紹興例,並賜絹花。 乾道八年十二月,詔今後前宰相到闕,如遇赴宴賜茶,其合坐墩杌,非特旨,並依官品 自是惟正旦、生辰、郊祀及金使見辭各有

)<u>y</u>y.( 紫宸殿,則近臣及刺史、正郎、都虞候以上預。暮春後苑賞花、釣魚,則三館、祕閣皆預 詔皇弟開封尹、宰相、樞密使、翰林學士、中書舍人泛舟後苑新池,張樂宴飲,極歡而罷。是 賜襲衣、器幣、鞍馬,以賞澤、潞之功也。 四年四月,宴從臣於玉津園。 乾德三年七月六日, 重陽,宴近臣於長春殿。 曲宴。 太祖建隆元年七月,親征澤、潞,宴從臣于河陽行宮,又宴韓令坤已下於禮賢講武殿, 凡幸苑囿、池籞,觀稼、畋獵,所至設宴,惟從官預,謂之曲宴。或宴大遼使副于

24 日 了無事, 殷以天下之樂爲樂,宜令侍從詞臣各賦詩。」 帝習射于水心殿。 太宗太平興國九年三月十五日,詔宰相、近臣賞花於後苑,帝曰:「春氣暄和,萬物暢茂, 輔臣、三司使、翰林、樞密直學士、尚書省四品兩省五品以上、三館學士宴于後苑,賞 雍熙二年四月二

志第六

-|-

禮十

花、 出 御 御 釣 製 華殿,召宰臣及近 魚、張樂賜飲、命羣臣賦詩習射。 雪詩,令侍臣屬和。後凡曲宴不盡 臣謂日 (至): 「春夏以來,未嘗飮酒,今得此嘉雪,思與卿等同醉。」又 賞花曲宴自此始。 載 三年十二月一日,大雨雪,帝喜,

分書及 及寇準 舉樂, 殿翠芳亭觀稻 子, 食, 自是遂 三年二月晦cko,賞花,宴于後苑,帝作中春賞花釣魚詩,儒臣 觀御 詔 真宗咸平元年二月二十二日,宴羣臣于崇德殿,不作樂。二年八月七日,再宴, [賜膳 以明 書。 爲定制。 馮拯 製 文閣御書及嘉禾圖,賜飮。 夫衣服、銀帶、器帛。 德 景德 觀 太后 ,賜宴,仍以稻分賜之。 內苑穀 四年 二年十一 中 喪制故· 十一月二十日, ,遂宴于玉宸殿。 也。 月五日,宴尚書省五 時契丹初來賀承天節,擇膳夫五 大中 辞符(E)六年七月二十九日, 御龍圖閣曲宴,詔近臣觀太宗草、行、飛白、篆、籀、八 是日,皇子從游。 十月二十九日,詔皇太子、宗室、近臣、諸帥赴 品諸軍都指揮使以上、契丹使于崇德殿,不 天禧公四年七 .皆賦,遂射于水殿,盡歡 人齎本國異味, 詔輔臣 月十一 觀粟于後 就尙 日 苑 詔 食局造 用樂。 而 近 御 臣 Ш

再三爲請,其可重違乎!」明年上元節, 數四 上勉 仁宗 皇太后聽樂。 |天聖二年,旣禪除,百官五表請聽樂,而秋燕用樂之半。詔輔臣曰:「昨 」王欽若以聞太后 乃朝謁景靈上清宮、啓聖院、相國寺,還御正陽門 ,太后曰:「自先帝棄天下,吾終 身不 欲聽樂。 日宴宮 皇帝

進,遂 龍 嘉 植 队 宴 玉 花 從 圖 祐 穀 官, 七年十二 宴 歲以 並 酒 天章閣 行 羣 宴從 觀 種 , 玉 上日:「天下 殿, 官 月, 觀 次日 庶 或射 傳 特 詔 聖 知 召 學. 穡 一,不 御 太后召命 土王王 書, 兩 久 事 爲常 府、近 無事 不 及實文閣 易 珪 也。」 ,今日之樂, 撰詩序 婦臨觀。及春秋大宴, 臣、三 皇 祐 自 五 為飛 司 是 年 刊 副 幸 石 白 使、臺諫 與卿等共之, 後苑寶 觀穀 于 分 閣 賜, 麥,惟 政 官、皇子、 下 數 殿 歲爲常。夏, 日 逮 刈 就後 宜盡醉, ,再會天章閣 館 麥, 閣 宗室、 苑, 謂 官 輔 春 觀 勿 製 臣 復 夏賞花、 南 駙 觀 日 解。 御 書詩 馬 觀三 二 股 莊 因 都 队 尉 朝瑞 新 釣 召 賜 作 魚 1韓琦 韓琦 管軍 秋 物, 則 此 歲爲之。 瑞 以 至 復 臣 僚至 御 宴 F 聖 基 欲 楊 和

令御 翰林 宴, 宴而 當 學士 史臺 熙寧 有 元 直 託 翰 察舉 元 兼 詞 五 林 年 他 不 年 學士 職 几 至 . 1 者 月 月, 者 與 一年八 以以 , 不預,考之官制, 甚 御 觀文、資政、 非 史 兩 (月) | 朝 恭 中 實錄 上 {國 丞 之節 滕 {史 書成,宴 書 甫 龍 成, 也 言 圖 似 三. 皆宴 寶文、 未 請 于 齊 自 . 聞 亚 垂 今宴設 君 拱 樞 0 一拱殿。 命召, 密、 殿。 請 直 自 羣 不 十一月,宴景靈宮祠 今曲 龍 +-臣非 ·俟駕, 月, 圕 宴, 天章 修定閣 大 故 翰 此 林 臣子 、寶文閣 與 )實 FF 學 儀 土 有 所 與雜學 疾 以 制 直 官 病 恭 所 學 于 昌 其 紫宸殿 無 上 L 並 得 並 也 垂 赴 託 拱殿 赴。 坐 詞, 今錫 從 īſſſ 曲 仍

前

别

賜

大

巵。

出

禁

中

名花

金盤貯

香藥,令各持歸,

莫不

霑醉

至暮

而

罷

元祐 年 九 月 經經 筵 論語徹章,賜宰臣、執政、經筵官宴于東宮,帝 親書唐人詩賜之。

修國 紹聖三年十一月,以進神宗皇帝實錄畢,曲宴,宰臣、執政、文臣試侍郎、武臣觀察使以上抖 史官赴坐。 元符元年五月,詔受寶畢,宴于紫宸殿,宰臣以下,文臣職事官、六曹員外

郎、監察御史以上,武臣郎將、諸軍副指揮使以上預坐。 政和二年三月,上巳御筵,詔令移用他日,以國有故,宰臣請罷宴故也。

禮局上垂拱殿曲宴儀:

官俱再拜,贊各就坐,羣官皆立席後,復贊就坐。 引殿上臣僚,横行北向,贊再拜。班首奉酒躬進,樂作,皇帝飮訖。舍人贊各賜酒,羣 贊各就坐,再拜訖,分引詣東西階升殿,席前相向立。 次教坊使以下常起居,次看醆人 謝,升殿,次內侍進御茶床,殿侍酹酒訖,閤門詣御坐,躬奏班首姓名以下進酒。舍人分 親王、使相至觀察使以上,分東西入,詣殿庭,橫行北向立定。班首奏聖躬萬福,舍人 諸司排設備,東上閤門附內侍奏班齊,皇帝出閤升坐,鳴鞭。三公、直學士以上、 皇帝視事畢,東上閣門進呈坐圖,舍人奏閣門無公事,皇帝降坐,鳴鞭,入殿後閣。

拜。內侍舉御茶床,舍人引班首以下降階橫行,北向再拜,分班出。皇帝降坐。 五行,若宣示醆,即隨所向,閤門揖稱宣示醆,躬贊就坐。若宣勸,即立席後躬飮,贊再 酒初行,先宰相,次百官,皆作樂。後準此。尚食典、奉御進食,太官令設羣官食。酒

### 上 己、重陽賜宴儀

筵」,在位官皆再拜,搢笏舞蹈,又再拜。 中使詣班首之左,稍前 其日,預宴官以下並赴宴所就次,諸司排設備,預宴官以下詣庭中望闕位立。 立, 中使宣曰「有敕」,在位官皆再拜訖。 中使退,預宴官分東西升階就坐。 中使宣 日 「賜卿等御 次

行而退。 畢,與宴官詣望闕位立,謝花再拜訖,復升就坐。 酒行,樂作;飲訖、食畢,樂止。 酒 五行,預宴官並興就次,賜花 酒行,樂作; 飲訖、食畢,樂止。 有差。 少頃, 戴花 酒

几

嬉,瓊林苑宴射 游觀。 天子歲時游豫,則上元幸集禧觀、相國寺,御宣德門觀燈,首夏幸金明池 大祀禮成,則幸太一 宮、集禧觀、相國寺恭謝,或詣諸寺觀焚香,或至近郊 觀水

閱武、觀稼,其事蓋 不 焉

十有八, 太 祖 建隆 幸 大相 元 年四 國 月,幸玉 寺、封禪寺者各五, 津園。 是後凡· 龍興寺及皇弟開封尹園各三, 十三臨幸。 九月,幸宜春苑。 幸太清觀、 是後觀習 小戰者 建隆觀

志 第 六 -六 禮 + 六

開封府、 者再, 崇夏 、幸都亭驛、幸禮賢院、幸茶庫染院、幸河倉、幸金鳳園, 廣化寺、等覺寺者各一, 觀水磑者八,閱砲車、 皆一再至 觀 水櫃、 觀稼、 幸飛龍院、幸

諸軍 岸,臨水謂近臣曰:「朕不至此已十年,昔尹京日,無事常痛飮池上,今池邊之木已成林矣。」 靇。 「此水 因顧教坊使郭守忠等數人曰:「汝等前日以樂童從我,今亦皓首,光陰迅速如此。」 嗟嘆久 樂,岸上都人縱觀者萬計。 明池觀水嬉,賜從官飲。 漁,張樂、習射,旣宴而歸。 相曰:「水戰,南方之事也。今其地已定,不復施用,時習之,示不忘戰耳。」因幸講武臺,閱 善惡,染習致然。」帝曰:「卿言是也。」四月,幸金明池習水戰,帝御水殿,召近臣觀之,謂宰 淳化三年三月,幸金明池, ·都試,軍中之絕技者遞加賜賚。遂登瓊林苑樓,陳百戲,擲金錢,令樂人爭之,極歡 四月,觀刈麥。 五月二日,出南薰門觀稼,召從官列坐田中,令民刈麥,咸賜以錢帛。 太宗太平興國二年二月,幸新鑿池,賜役卒錢布有差。 出 於 山源,清澄甘潔。近河之地,水味皆甘,豈河潤所及乎?」宋琪等曰:「亦猶人性 九年正月六日,幸景龍門外水磑,帝臨水而 帝曰:「雨霧天凉,中外無事,宜勿惜醉。」因登苑中樓,盡歡而罷。 命爲競渡之戲,擲銀甌於波間,令人泅波取之。因御船奏敎坊 明年五月,幸城南觀麥,賜田夫布帛有差。 帝顧視高年皓首者,就賜白金器皿。九月,幸潛龍園, 。六月,幸飛龍院。 坐, 召從臣觀之,因謂曰: 雍熙四年四月,幸金 回幸玉津園觀 是後 駐輦池東 凡四幸。 Щį

之。帝親引滿舉白,羣臣盡醉。

命攸 清昭應宮各六,餘不盡載。 有四。三年五月,幸金明池觀水戲,揚旗鳴鼓,分左右翼,植木繫綵,以爲標識,方舟疾進, 臣聞尊事萬靈,固先精意;登用百禮,乃貴時中。 皇帝詣諸宮寺焚香,總三十餘處,過百拜以上。 先至者賜之。 垂億載,允叶通規。」乃詔禮儀院詳定差減焉 司,載詳定式。 九月,幸大相國寺。 <u>阗宗咸平元年八月,幸諸王宮。二年九月,幸開寶寺、福聖院。</u> 移幸瓊林苑,登露臺,鈞容直奏樂,臺下百戲競集, 自今車駕幸諸宮、觀、寺、院,正殿再拜;及諸殿,令羣臣以下分拜。 是後再幸者九。幸上清宮者十有二,幸玉津園者十,幸太一宮、玉 大中祥符八年正月十九日,中書門下上言:「伏觀今月十四日, 臣等侍從,倍增憂灼,昨崇政殿已面奏陳。 在經久之從宜,必裁正而惟允。 從臣皆醉。 是後,二寺臨幸者凡十 自是凡四臨 伏望特 庶

仁宗景祐三年,詔閤門詳定車駕幸宮、觀、寺、院支賜茶絹等第。

赴新城外四面巡檢下祗應,每壁馬軍二百人,步軍三百人,並於城外巡警。 哲宗紹聖四年三月八日,詔自今遇車駕出新城, 令殿前馬、步軍 司取旨, 權差馬、步軍

三元觀燈,本起於方外之說。 自唐以後,常於正月望夜,開坊市門然燈。 宋因之,上元

香, 右 前 夕,開舊城門達 掖 後 遂 各 御 東 樓, B 四 或 城 角 中張 旦,縱士民觀。 樓、城門大道、大宮觀寺院, 御 東華 燈,大內正門結綵 門及東 西角樓,飲從 後增至十七、十八夜。 爲 山 臣 樓影燈, 悉 起 归 夷蕃 山棚,二 起露臺, 客各依本 張樂陳燈, 教坊 國歌 陳 皇城雉堞亦徧 百戲。 舞 列 於樓下。 天子 先幸寺觀 設之。 東華 **左** 

后 列 直 喪制 坐 墫. 一樓下,賜酒食勞之,夜分而罷。 太祖 故 兩省五 建隆 也 二年上元節, 品以上官、 見任 御 明德門樓觀燈,召宰相、樞密、宣徽、三司使、端明、翰林、 前 任節 三年正月十三夜然燈, 度 觀察使飲宴,江南、 罷內前排場戲樂, 以昭憲皇太 吳越朝貢使預焉。 四 夷 不客 樞

張 太平 興國 **雍熙五年上元節,不觀燈,躬耕籍田故也。** 年 七月中 ·元節, 御東角 樓觀燈,賜從官宴飲。 後凡遇用兵及災變、諸臣之喪,皆 五年十月下元節,依中元 例

祥符 元年十一月二 眞宗景德 天聖二年六月,罷降聖節然燈 元年正月十四日,賜大食、三佛齊、蒲端諸國 一十五 日,詔天慶節聽京城然燈一晝夜。 六年四月十六日,先天降聖節亦 進 奉使緡錢,令觀燈宴飲。 大中

政和三年正月,韶放燈五日。 五年十二月二十九日,詔景龍門預爲元夕之具,實欲觀

以 泉 几 舒 民 ,觀燈 觀 緩 韻 風 之樂。 賜太 、察時 應 等處燒 MJ 府 師 態、黼 蔡京。 赴 景靈宮朝獻 香。 層襲殿宴,景龍門觀燈 飾太平、增光樂國 上元 六年 前 移於閏 ,移十四 IE. 月七日,御筆:「今歲閏 正 日 月十 , 東宮、十五 非徒以遊豫爲 几 續有旨,宣 日 1爲始。」 日 西宮, 餘候 宣 事 太傅王黼 和六年 晚, 畢,詣上清儲 特賜公、師、宰執以下宴, 獝 赴宴。 十二 未 春 月二 和 祥宮! 七 --年正月十八 晷 燒香。 加 短 H 氣 寒, + 賜 及御 於宴集 太 大 日 師 日 製詩 宴 蔡 詣 京 醴 無

賜 自秦始 ,秦法,三人以上會飲則罰金,故因 事賜酺,吏民會飲,過則禁之。 唐嘗一

F4. 舉行 Fi

街 飲 地 歡 行 1, 音 自 太宗 樂雜 累 樓 宜 令 朝 前 雍 發, 熙 至 ----以 朱 元 觀 庶 來 雀 之情,共慶休明之運。 者 此 年十二月,詔曰:「王者 F 溢 事 張 道 久廢,蓋逢 樂, 縱 士 作 庶 Ш 遊 車、早 多故 觀 船 遷市 莫舉 賜 口 酺 賜 往 肆百貨於道之左右 舊章 酺 推 來 三日。」二十 恩,與衆共樂,所以 御 道 今四 又集開 海 日, 混 同 封 萬 府 召 御 表升平之盛 民 諸 丹 畿 縣 康 甸 鳳 及諸 香老 泰, 樓 觀 嚴 軍 列 酺 事 湹 樂 坐 始 契億 召 樓下 人 畢 侍 列 兆之 於 臣 慶 賜 澤 御 賜

志

第

之酒食。 明 日 賜羣臣宴於尙書省, 仍作詩以賜。 明日, 又宴羣臣, 獻歌、詩、 賦、 頌者數

元年正月, 詔應致仕官, 並令赴都亭驛酺宴, 御樓日合預坐者亦聽。 申, 聽赴會。 上御五鳳樓觀酺,宗室、近臣侍坐,樓前露臺奏教坊樂,召父老五百人列坐, 後二日,上復御樓,賜宗室、文武百官宴於都亭驛,賜諸班、諸軍將校羊酒。 真宗景德三年九月,詔許羣臣、士庶選勝宴樂,御史臺、皇城司毋得糾察。 又詔朝臣已辭、未見 几 年 大中 賜 飲 -祥符 於 月 樓 甲

闔門,百戲競作,歌吹騰沸。宗室親王、近列牧伯洎舊臣、宗室官,爲設綵棚於左右廊廡。士 平橋而北,又有旱船四挾之以進,輣車由東西街交騖,並往復日再焉。 服、茶帛。 貨駢布,競以綵幄鏤版爲飾。上御乾元門,召京邑父老分番列坐樓下,傳旨問安否,賜以衣 錦繡,縈以綵綢,分載諸軍、京畿伎樂,又於中衢編木爲欄處之。徙坊市邸肆,對列御道,百 起綵樓者二,分載鈞容直、開封府樂(去)。復為棚車二十四,每十二乘爲之,皆駕以牛,被之 庶縱觀, 凡賜酺,命內諸司使三人主其事,於乾元樓前露臺上設敎坊樂。又駢繫方車四十乘,上 車騎塡溢, 若五日,則第一日近臣侍坐,特召丞、郎、給、諫,上舉觴,敎坊樂作,二大車自界 歡呼震動。第二日宴羣臣百官於都亭驛、宗室於親王宮。第三日宴 東距望春門,西連間

制

宗室 內 職 內職於都亭驛、近臣於宰相 於都 亭驛、近臣於外苑。 第。 上多作詩, 第四 日宴百 賜令屬和,及別爲勸酒詩。 官於都亭驛、 宗室於外苑。 禁軍將校 第五日復宴宗 E 會於殿

前

、馬、步軍之廨。

變慶賜 南京 老,賜驛 峷 州 奉 汾 日一升中 使、蕃客 百重 陰、 是歲,東封泰山,所過州府,上御子城門樓,設山 亭名日 亳州 西京將議改 .悉預 |熙頒慶](三)。 · 延 皆 福 「宣澤」。 |濮州 如東封路。 |兗州 五 駐蹕,仍賜羣臣會於延壽寺。 日「告成 鳳樓名, 至鄭 河中府門名曰「詔畢宣恩」(11),陝州 州 《延慶」。 以 上曰:「此太祖 太宗忌 澶州 日 以行宮迫隘,當衢結綵爲殿, 甫 過 所建,因瑞應,不 鴽 所在改賜門名,兗州曰「回鑾覃慶」,即 車、綵船載樂,從臣侍坐,本州父老、進 會, 賜 與如 可更也。 曰「需翆惠民」,鄭州日 例。 亳 。」華陰就行宮宴父 州 名日「延禧」(10)。 日「奉元均慶」 [11]

以 賜物。 四四 天禧 酒 而 不傷 天下 五. 年 賜酺, ,以畿縣 人者,咸 各令州 追 釋之,再犯論 集、 老人疲勞之故,止召兩赤縣、坊縣父老預會,其不預名亦聽,給 府會官屬父老, 如法。」後賜酺皆準此。 邊州 或遣 中 使 就賜。 宋之繁庶,於斯爲盛,後遂 又詔開 封 府 賜酺 日, 為定 罪

#### 校勘記

軍將 原作「將軍」,據宋朝事實卷一二儀注二、永樂大典二八四九冊燕享二、

禮考乙正。

 $\subseteq$ 致辭訖 訖 原作「謝」,據宋朝事實卷一二儀注二、通考卷一〇七汪禮考改。

<u>=</u> 九年 據宋會要禮四五之一四,指熙寧九年;下文王拱辰請以女童代小兒隊舞事,長編卷二八

七、宋會要禮四五之一六繁在元豐元年閏正月。

(晉) 元祐 二字原脫,據長編卷四八二、宋會要禮四五之一六補。

(至) 召宰臣及近臣謂曰 「召」原作「詔」,據長編卷二七、宋會要禮四五之二五改。

(玄) 三年二月晦 「三年」二字原脫,據長編卷四六、宋會要禮四五之三七補

(+) 大中祥符 四字原脫,據宋會要禮四五之三五補。

(元) 天禧 二字原脫,據長編卷九六、宋會要禮四五之二六補

(元) 開封府樂 「府樂」二字原脫,據宋會要禮六〇之二、長編卷六八補。

(10) 名曰延禧 宋會要禮六〇之三作「賜名駐蹕延禧之殿」。

(11) 詔畢宣恩 宋會要禮六〇之四作「駐蹕宣恩」。

重熙頒慶 「碩」原作「與」,據本書卷八五地理志和宋會要禮六〇之五、六〇之六改。

# 宋史卷一百一十四

## 志第六十七

禮十七嘉禮五

巡幸 養老 視學 賜進士宴 幸祕書省 進書儀 大射儀

鄕飲酒禮

巡幸之制,唐開元禮有告至、肆覲、考制度之儀,開寶通禮因之。

宮、合班起居、晚朝視事、羣臣不赴。中頓侍食、百官就宿頓迎駕訖、先發、或道塗隘遠、則免 迎駕。將進發,近臣、諸軍賜裝錢。出京,留司馬、步諸軍夾道左右〔〕,至新城門外奉辭,留守 出京、過京城,服鞾袍、具鸞駕。 太祖幸西京,所過賜夏、秋田租之半。 羣臣公服繫鞵,供奉班及內朝官僚前導。 眞宗朝諸陵及舉大禮, 塗中皆服折上巾、 凡從官並日赴行 窄袍,

第六十七 禮十七

志

陳兵衛以入。 音樂百戲。道、釋以威儀奉迎者,悉有賜。東京留守遣官表請還京,優詔答之。駕還京,大 廉隅、味於正理者,並條析以聞。官吏知民間疾苦者,亦許錄奏。所過州、府,結綵爲樓,陳 警兵、守津梁行郵治道卒時服錢履,父老綾袍、茶帛, 辭於門內,百官、父老辭於苑前,召留守等賜飮苑中。 則與儀制禁之。 負者, 目引 釋茶帛,或加紫衣、師號。 對, 多原釋。仍採訪民間疾苦,振恤鰥、寡、孤、獨。 有奇材、異德及政事尤異者,孝子、順孫、義夫、節婦爲鄉里所稱者,其不守 吏民有以饔餼、酒果、方物獻者,計直答之。 **塗中賜衞士緡錢**。 州縣長東、留司官待于境。 車服、度量 命官籍所過繫囚、逋 所幸寺、 一、權衡 有不如法, 觀, 所過賜巡 賜道

鎭 設香臺、畫瓮、青繩闌干。 謂之禁圍,春、夏緋衣,秋、冬紫衣。 各一人。東封,定仗內導駕官從人數,親王、中書、樞密、宣徽、三司使四人,學士、尚書丞郎、 中書、樞密、宣徽行圍內,餘官圍外。大禮備儀衞,則有司先布土爲黃道,自宮至祀所,左右 外 相應爲識。 域、子城門亦勘箭。朝陵定扈從官人數,入栢城者,僕射以上三人,丞、郞以上二人,餘 凡行幸,太祖、太宗不常其數。 東京舊城城門、西京皇城司並契勘,內外城、宮廟門並勘箭,出入皆然。入藩 巡省在塗則不設。凡巡省,翰林進號傳詩付樞密院,每夕摘字,令衞 郊祀、省方並增二百、服錦襖、出京師則加執劍。 自咸平中,車駕每出,金吾將軍帥士二百人,執檛周遶, 親王、

內殿崇班以上二人,餘各一人。命諸司巡察之。 節度使三人,大兩省、大卿監、三司副使、樞密承旨、客省閤門使副、金吾大將軍押仗鳴珂、 自後舉大禮,皆循此制

去浙 主,則 包羞 承, 子 時 臣, 以援京城及河北、河東諸路,與之決戰,歸宅故都,迎還二聖,以稱朕夙夜憂勤之意。」十月 播 逼, 寧息? 女 遷 日 無歲無兵。 顧瞻宮室,何以爲懷?是用權時之宜,法古巡狩,駐蹕近甸,號召 遣 之遠 西, 忽恥 ,車駕登舟,巡幸淮甸,宰執、侍從、百司、三衙、禁旅五軍將佐扈衞以行,駐蹕揚州 建炎元年七月,詔曰:「祖宗都汴,垂二百年。 三年,幸杭州,自杭州幸江寧府, 股 則 使哀 於事 爲迎敵 股 今諸 極于海 為退 亦 祈,無不 大之禮,敢有不恭 何 路之兵聚於江、浙之間,朕不 避之謀,冀其逞志 股纂承以來,深軫念慮,謂父兄在難,而吾民未撫,不欲使之陷於鋒鏑。 愛 隅。 惟 曲 身, 虚。 我將士、人民,念國家涵養之恩,二聖拘纍之辱,悼殺戮焚殘之禍,與 卑詞厚禮,使介相望。 不臨行 假使 **ぶ!或必** 金石 陣,以踐 而 歸,稍得休息。 無情,亦當少動。 尋幸浙西,自浙西幸浙東。乃下詔曰:「國家遭金 用兵窺我行 前 言,以保羣 "憚親行, 據其要害。 以至 比年以來,圖慮弗臧,禍生所忽。 ) 顯去尊稱,甘心貶屈,請用 在,傾我宗社,塗炭 自南京移淮甸, 生。 累年卑屈,卒未 朕 已 取 十 一 如金 軍馬。 自准甸移 生灵,竭 人尚容朕爲汝兵民之 月二 見從。 股 將 親 肾 六 師 + 正朔, 建康 生民 取 五 東 日 移 |嗷嗷,何 西 而 比於藩 肆肸纂 金帛 輝,前 會稽 人侵 故

幸浙西 從外,內太常寺據實用人數扈從,餘接續起發。四年正月,次台州。二月,次温州。三月, 其束手待斃,曷若丼計合謀,同心戮力,奮勵而前,以存家國。」乃詔御前應奉官司自合扈

以備往來巡幸,可擇日進發。」車駕還宮。 諸將經畫進討。今暫還臨安, 訖,俟御舟過,班退。三十二年正月,詔:「視師江上,北騎遁去,兩准無警,已委重臣統護 武百僚先詣城北幕次,俟車駕御舟將至,御史臺、閤門、太常寺分引文武百僚立班定,兩拜 兵百萬,躬行天討,用十二月十日車駕進發,應行宮臨安府文武百僚城北奉辭。」其日,應文 自臨安幸平江,尋幸建康。八年二月,還臨安。三十一年九月,詔:「金人背盟失信,今率精 紹興元年,詔移蹕臨安府。六年,詔周視軍師,車駕進發,遣官奏告天地、社稷、宗廟。 畢恭文祔廟之禮。 宜令有司增修建康百官吏舍、諸軍營砦,

幄。 至太學就次, 比 養老於太學,皇帝服通天冠、絳紗袍,乘金輅,至太學酌獻文宣王,三祭酒,再拜,歸 車 駕 初出,量時刻,造使迎三老、五更於其第。 國老、庶老,有司預戒之,各服朝服,集於其次。 三老、 五更俱服朝服, 大樂正帥工人、二舞入,立於 乘安 車, 導從 御

位,如視學班。太常博士贊三老、五更俱出次,引國老、庶老立於後,重行異位 東上閤門、御史臺、太常寺、客省、四方館自下分引百官、宗室、客使、學生等,以次入就

官、良醞令以次進珍羞酒食於五更、羣老之前,皆食。大樂正引工人升,登歌奏惠安之樂, 揖,羣老亦揖,皇帝爲興。次奉禮郎揖國老升堂,博士引三老、五更,奉禮郎引國老以下,各 作,至西階下,樂止。博士揖三老、五更自西階升堂,國老、庶老立堂下。三老、五更當御坐 引 IE 於席後立。 史臣執筆以從。三老、五更入門,宮架和安之樂作,至宮架北,北向立,以東爲上。奉禮郎 正 御詣三老坐前,執醬而饋訖。 履 。羣老隨入,位於其後,樂止。博士揖進,三老在前,五更在後,仍杖夾扶,宮架和安之樂 一令撞黃鐘之鐘,右五鐘皆應,協律郞跪,俛伏,舉麾興,宮架乾安之樂作,皇帝卽御坐,樂 典儀曰「再拜」,在位官皆再拜。三老、五更杖而入,各左右二人夾扶,太常博士前引, (訖,殿中監、尙食奉御進珍羞及黍稷等,先詣御坐前進呈,遂設於三老前,樂止。 禮直官、通事舍人引左輔奏請中嚴,少頃,又奏外辦,皇帝出大次,侍衞如常儀。大樂 史臣 典儀贊各就坐,贊者承傳,宮架尊安之樂作,三老、五更就坐。三公授几、九卿 既錄三老所論善言、善行,宮架作甲安之樂。憲言成福之舞畢,文舞退,作受成 三老以下降筵,博士引三老、五更於堂下行,當御坐前,奉禮郎引羣老復 尙 醞· 奉御詣酒尊所,取爵酌酒,奉御執爵,奉於三老。 尙食

志 第

六十

二七〇八

位,俱揖,皇帝爲興。三老、五更降階至堂下,宮架和安之樂作,出門, 舍人引左輔前奏禮畢,退,復位。 典儀贊拜訖,皇帝降坐,太常卿導還大次, 樂止。 禮直官、通事 百僚以次退,

車駕還宮。三老、五更升安車,導從還,翼日詣闕表謝

吳安詩 本監官、學官等賜帛有差。 從官賜坐, 視 執經,祭酒豐稷講尚書無逸終篇,復命宰臣以下至三學生坐,賜茶,豐稷賜三品服, 禮部、太常寺、本監官承事郎以上侍立,承務郎以下、三學生坐于東西廡,侍講 哲宗始視學,遂幸國子監,詣至聖文宣王殿行釋奠禮,一獻再拜。 途幸昭烈武成王廟, 酌獻肅 揖。 御敦化堂,召

於兩 向設 授官,免省試、文解,賜帛有差。 所司預設次於敦化堂後,又於堂上稍北當中兩間設次,南 御坐。 無,相向並北上。<br />
宰臣以下從官之次,設於中門 徽宗幸太學,遂幸辟雍,奠獻如上儀。 又設從官及講筵講書、執經官丼太學官坐御 詔司業吳絪等轉官改秩,循資賜章服,文武學生 外。 .坐之南,東西重行異位。 太學生坐

入就堂下,皆繋鞵。 皇帝: 酌獻文宣王畢,幸太學,降輦入次,簾垂 講書、執經官、學生各立堂下,東西相向 更衣。 禮直官、通事舍人引講官與侍立官 俟報班齊,皇帝升坐,班首奏

志第六十七 禮十七

進坐 位,班 升堂 東向 萬 致辭訖, 侍進書案,以經授執經官,稍前,進於案上。 拜,在位者俱拜訖,禮直官引之以次出。 下(三)。舍人喝就坐,上下皆就 升堂,各立 福 位圖 首奏萬 在位者皆應喏訖,閤門使承旨 各就 執經官在東,西向; 學生就北 亦降。 位 於位後,學生各就北向位。 講書畢,通事舍人曰「可起」,羣臣皆起,降階立。 一福,閤門使宣升堂,舍人喝再拜訖,分東西升堂,立於御坐左右。 少立。 。舍人喝拜,如有宣答,即再喝拜。 起居郎、舍人分左右 坐。 1臨階宣言 賜茶畢, 向位。 舍人喝拜,在位者俱拜訖,各分東西 底, 學生就位,舍人喝拜,學生俱再拜,退。 侍立。 |升堂,通事舍人喝 舍人喝拜就坐, 宰臣以下並堂上坐, 舍人喝拜,在位者皆再拜, 立於東 禮直官、通事舍人引堂上官降階就位, 禮直官、通事舍人引講書及執經官就 閥門宣坐賜茶, 拜, 執經官降, 講書官於御坐 應在位 舍人喝拜訖, 者 再拜訖, 講書官在 西 字臣 如閤 以 兩 北爲 分左 舍入喝 熫 以下 門所 前 Ŀ 间 內

儀。 於庭。帝 聖, 尙含先設 詔略曰:「偃革息民,恢儒 興 仍備 出 十三年七月,國學大成殿告成,奉安廟像。 幄 升 舉於舊章。」三月,上服鞾袍,乘輦 次於崇化堂之後,及堂上之中南向設御坐。 東階,跪上香,執爵三祭酒,再 建學。 聲明 **丕闡,輪奐一新。** 拜,羣 入 監, 明年二月,國子司業高閱請幸學,上從 ·臣皆 止 虀 再 于 閣門設葬臣 清 旣· 拜, 大成殿門外。 上降7 方堅, 入幄。 班於堂下, 理宜 入幄, 羣 分奠 從欲。 從 加 月朔視 將款 臣 加 列 如 謁 常 班

還宮。 下坐。 **講位** 坐。 左右 坐左右。 朝之儀 遷秩,諸生授官冤舉四,賜帛有差。 三公、宰輔以下升堂,皆就位,左右史侍立。 賜茶畢,三公以下降階,學生自兩廡降,皆北面再拜,羣臣以次出 史降。乃賜茶、三公以下北面再拜、升、各立於位後。學生北面再拜、分兩應立、上下就 時命禮部侍郎秦熺執經、司業高閌講易之泰,遂幸養正、持志二齋,賜閌三品服,學官 北 講畢, 羣臣皆起, 降階, 東西相向立。 執經官降, 學生北 執經官、學生皆立於堂下,東西 從臣次於中門之外。 面再拜,分立兩廡北上。內侍進書案牙籤,以經授執經官,賜三公、宰輔以 上乘輦幸太學,降輦於堂, 講書及執經官北面起居再拜,皆命之升立 相 向 帝出 次,升御 講官進前致詞,乃降,北面再拜, 入次更衣。 坐, 羣臣 上降坐還次,乘輦 起 居 講 官入就 加 一於御 乃命

甚嘉之。 日:「股自 辰,登之綵殿,備 祀 贊,皆錄以 |既奠拜,注視貌象,翼翼欽慕,覽唐明皇及太祖、眞宗、徽宗所製贊文,命有司悉取從 復知『師弟子間纓弁森森、覃精繹思』之訓,其於世道人心庶幾焉。」二十六年十二 [陸鄰 因作文宣王贊。 息兵,首開 進。 儀 篇作樂,命監學之臣,自行宮北門迎置學宮,揭之大成殿上及二 帝遂作先聖及七十二子贊,冠以 學校。 機政 餘閒,歷取 教養多士,以遂忠良。 顔回而 下七十二人,亦爲製贊。 序文,親灑翰墨,以方載之, 繼幸太學,延見諸生。 用 廣 濟濟 列 聖崇儒 在庭,意 Ξī. 月 丙

者皆再 作, 至庭中望闕 拜訖。 中 位立,樂止。預宴官就位,再拜訖。 - 使宣 日 「賜卿等聞喜宴」,在位者皆再拜,搢笏, 押宴官西向立, 舞蹈,又再拜。 中使宣曰「有敕」,

志

第 六 +

-1:

W.

+

-1:

宗禮執經,國子祭酒雷宜中講中庸,餘並如儀。 國子監三學官、生員各推恩轉官有差。咸淳三年正月戊辰,废宗幸太學祗謁,禮部尚書陳 官、學生一班北面再拜,贊各就坐,賜茶。俟講書畢,起,立班再拜。禮成,執經官、講書官、 位,三上香,執爵三祭酒,俛伏,興,再拜,在位官皆再拜。皇帝至崇化堂,宰臣、使相、執政 並 武 元年正月, 理宗幸太學, 宗、武兩學官屬、生員並赴太學陪位, 候車駕至學, 詣先聖文宣 一起居。執經官由東階、講官由西階並 一、學,如太學之儀。帝肅揖武成王,不拜。 淳熙四年,孝宗幸太學,如紹興之儀,命禮部侍郎李燾執經、祭酒林光朝講大學。 升堂,於御前分東西相向立。次引國子監三學學 嘉泰三年正月,寧宗幸太學,如淳熙之儀。 淳祐 尋幸

雲漢之章?請奉石

刻于國子監,以碑本徧

賜郡學。」從之。

月,言者謂:「陛下崇儒

重道,製爲贊辭,

刻宸翰于琬琰, 光昭往古。

寰宇儒紳,

孰不

顧瞻

士宴,名曰「聞喜宴」。。政和新儀:押宴官以下及釋褐貢士班首初入門,正安之樂 次引押宴 在位

貢士詣庭中望闕 訖、食畢,樂止。押宴官以下俱興,就次,賜花有差。 作。 賓興賢能之樂作, **笏上,觅伏,興,歸位** 次日,預宴官及釋褐貢士 再 官 拜 稍 酒 前 四行,樂且有儀之樂作。 中 謝 ·使宣 坐 再 拜 位立,謝花 「賜卿等敕 飲訖 在位 再拜,在位者皆再 者皆 入謝如常 食畢, 再 再拜。 書」,班首 拜, 樂止。 酒五行,正安之樂作。 復升就坐,酒行、樂作,飲訖、食畢,樂止。 若賜敕書,即引貢士班首稍前,中 拜。 稍前,搢笏,跪,中使 酒 再行,於樂辟廱 凡預宴官分東 少頃, 再坐,酒行、樂作,節 之樂作。 戴花 西 授敕書訖, 升 階就 畢, 坐 次引押宴官以下丼釋褐 酒三行, 一,貢士 使宣 少退, 以齒。 次如上儀,皆飲 樂育人材之樂 酒四行訖 亚 有 首 以敕 敕 酒初行 三,貢 書加 士

祕 書監楊王休以下繼和以進,自後每舉並如之。 寧宗慶元五年五 月, 賜新及第進士會從龍以下聞喜宴于禮部貢院,上賜七言四韻詩,

幸,韶從之。二十七日,幸秘書省,至古文殿降輦,頒手詔曰:「蓋聞周建外史,掌三皇、五 之書;漢選諸儒,定九流、七略之奏。文德之盛,後世推焉。 幸秘書省。 紹興十四年七月,新建祕書省成,祕書少監游操等援宣和故事,請車駕 仰惟祖宗建開册府,凡累朝名

殿,酒五行,羣臣再拜退。 遂陳累朝御書、御製、晉唐書畫、三代古器,次宣皇太子、宰臣以下觀訖,退。 **遂賜宴于**右文 世之士,由是以興,而一代致治之原,蓋出於此。 觀,新御榜題,肆從望幸之忱,以示右文之意。嗚呼!士習爲空言,而不爲有用之學久矣。 爾其勉修術業,益勵猷爲,一德一心,以共赴亨嘉之會,用丕承我祖宗之大訓,顧不善歟!」 淳熙五年九月十三日,孝宗幸秘書省,如紹興十四年之儀,帝賦詩,羣臣皆屬和 車駕還內,賜少監游操三品服、御書扇,餘官筆墨,館閣官各轉一 股嘉與學士大夫共宏斯道,迺一新史

修至紹興二年,通修二十六年中興玉牒,今欲題曰皇宋今上皇帝玉牒。 上皇帝玉牒,自誕聖之後聖德祥瑞、建大元帥府事蹟,至卽帝位二十餘年,又自卽位後編 通修一十七年開基玉牒,舊制以梅紅羅面簽金字,今欲題曰皇宋太祖皇帝玉牒。又編修今 言:「玉牒所官陳康伯等先次編修太祖皇帝玉牒,自誕聖至卽位,自建隆元年至開寶九年, 安奉於天章閣,續俟崇建。」二十六年十月,進呈太后回鑾事實。二十七年三月,宰臣沈該 ·禮。」二十四年,進呈徽宗御集,禮部言:「昨紹興十年,徽宗御製,擬以『敷文』名閣,今乞權 進書儀。紹興二十年五月八日,進呈中興聖統,太常博士丁屢明言:「乞比附進呈玉牒 宣祖、太祖、太宗、

志第六十

禮十

下各宗仙 源類 譜、 五 世 昭穆,今已修寫 進本,乞擇 H 進呈。 詔 從其請

搢 笏 詣 牒 仗樂 J. 所向 玉 俟朝 一牒殿 八等排 前 外 期 上 退 ١, 設騎 香, 一, 王 儀 立 钀 北 執笏退 牒 御 向 從官及文武 司 所提領 史臺、 立 臨 禮 安府於玉牒殿 復位 閣 官、 直 官 門、 都 白 揖、 1官等待 太常寺分引 大 皆 提舉、諸 躬、拜,提 再 上南 拜 班幕 訖 向 司官、 次; 領官 玉 設設 班 牒 退 承受官、玉牒 叉 權 拜,在位 所 官詣 於景靈宮 安 歸 奉 幕次宿 玉 玉牒殿下, 官皆再 一牒、類 內外,設 所官等 衞 流譜井 拜訖 儀 北 赴 騎  $\frac{1}{2}$ 仗樂人作樂, 向 次引 從官 7 }與 本 (聖統 所 提領官詣 禮 幕 幕 直 次宿 次。 幄 官 · 次 晝夜更互 引 衞 進 香案前 提 呈 又 於 領官 前 俟 儀 玉

馬 引。 騎 官 官 從官 執笏 南 排立,俟進呈玉牒、類譜,並 次引 玉 其 班 分左 牒 日 宗室 提領官 五 類 從 右 更, 譜 詣 玉 乘 牒、 香案 御 玉 馬, 一牒殿, 宰執、使相 ・史臺、 類 前,搢笏,三上香,執笏, 俟 譜 玉 閤 至 北 牒所率輦官 門、 向 亚 立 拱殿門 太常 侍從、臺諫 如閤門儀訖 禮直官揖、 寺分引 外幄 **|**奉擎玉 次, 兩 提 省官 退, 躬、 领 牒、 步從官權歸幕次, 官 復位。 拜,提領 類譜, 宰執、 知閣 禮直 腰 禮 使 官 文典進 官、 相 官 拜, 引提 行, 侍從、 南 在位官皆 樂止。 班 領 樂 、臺諫、 官詣 人 室 儀衞 作樂, 騎 再 幄 從, 网 拜 前 樂人 省官 訖 儀 至 四 、等並 和 山 知 引 寧 立 儀 閣、 門 仗 提 領  $\Gamma$ 迎 心體 次

殿門 上,迎 官、 馬騎從,至和寧門外。 知閣 外立 拜訖。 、禮官、南 班, 牒、類譜出殿門, 如值雨,地下沾濕 內文臣釐務通直郎以上及承務郎見任寺監主簿執事官以上,武臣 班宗室分左右執笏步從,儀衞樂人前引,迎奉出皇城北宮門,步從等官 前引將至玉牒所,御史臺、閤門、太常寺分引文武百官於玉牒所門內 御史臺、閤門、太常寺分引提領官、宰執、使相、侍從、臺諫、兩省 ,迎拜官吏不迎拜。 騎從官至玉牒所, 並下馬 執笏步從,詣 官脩武 郊以 Ē

中興聖統 執、使相、侍從、臺諫、兩省官、知閤、禮官、南班宗室及玉牒所官、分官赴景靈宮, 俟玉牒所率輦官奉擎玉牒、類譜 赴 玉牒殿,同時安奉 入幄,儀仗、儀衞、輦官、 樂人更互排立。 提領官、宰 迎奉皇帝

玉

一牒殿下,分東西相向立。

禮直官引提領官詣玉牒、類譜幄前,西向

立定。

進書並 香案 提 立 班定。 . 領官復位,北向立定。禮直官揖、躬、 前 俟安 倣 , 搢笏, 三上香, 執笏退, 復位立定, 在位皆再 、奉時將至,設香案畢, 此,惟進太上皇聖政, 禮直官引提領官詣幄前 則有詣 次御 西立,俟日官報時 更臺、閤門、太常寺分引文武百官詣玉牒殿下,並 德壽宮之儀。 拜,提領 官拜,在位官皆再拜訖。 及。 拜訖,退。儀衞、樂人等以 次玉牒所安奉 主 禮直 一牒、類 次退。自是,凡 官 譜訖 引提 領官詣 北 次引 向

淳祐 志 绵 五. 年二月十二日,進孝宗光宗兩朝御集、寧宗實錄及理宗玉牒日曆。 大 + 七 旜 + 七 其日,

燒 御 II: 禮 拱 殿 畢 ¬, 奉 提 迎諸 舉官 書至和寧門,步導 禮儀使、宗室、使相、宰執以下,赴實錄院 至 垂拱殿,以俟 以班齊,· 各隨 、右文殿、 腰 興入殿下, 玉牒 所、 東 西向 經武 閣並

興 E 人不拜, 曆 皇帝 所 編修經 JE 服 應喏。 華袍出宮 皇帝. 武 要略所、玉牒所點檢文字以下丼腰興下人,並 刨 殿下鳴鞭,禁衞、諸班直、親從等幷入內省執骨朵使臣, 御 坐。先知閤門官以下,各班 起 居 如常儀 迎 震 自贊常起居。 國 史實錄院 内 擎 腰

又 奏請 貝 次入內 自御 帝 坐 再 官下殿(三,各 前導皇帝 拜訖 ,知閤門官前導 起詣 取 三朝諸書香 合進呈書匣升殿,於殿 皇 一帝復 案前褥位 歸 御坐。 東向 上東 知閤門官歸東朵殿上侍立, 立。 屋各置案上,以南爲上。 閣 門提點 溪奏請上 儀變司徹香案、拜褥,降 香,三上香訖 知閣 門官

fij 接 搢 讀 <u>.</u>77. 忆 笏 御 院、國史日 集官 氼 並 承 啓 含 受 **搢笏揭** 對 稍 出 曆所、 清調國 開 前 笏 緰 立 洲訖, 編 一,分進 記 史實錄院以下提舉官、 提 修經 學官 出 各出笏。 武要略所、 一笏,歸: 讀 奉 御集官於御 册 侍 置 玉牒所官, 立 進讀御集官搢笏稍前, 御 位 案 Ŀ, 前 御 殿下依 禮儀使、宰執幷進讀官升殿,於御坐東 過, 出 集 笏。 承 西 舊立。 受官搢笏 壁 皇 面 帝 東 俟 起前 立, 入 **取箆子指讀**, 八內官 御 於御 <u>7</u>7. 集 進御案, 集匣 提 提 舉 舉諸 諸 內 逐版揭册指讀,並 司 取 司 孝宗御集提舉官 官於孝宗御 官 册 、承受官 轉授提舉官 面 四 分東 如 集 깘. <u>\_</u>|-儀。 匣前, I 搢 笏 丼 西 國 進 俟 相 史

笏、 搢 進 | 厘 訖 | 畢, 收 ,出笏,歸侍立位 册 復 復 授 坐, 承 受 進 官官 讀 次讀 搢 御集官置箆子 笏 光宗御集、 接 訖, 提 舉官 於御 寧宗實錄 出 案上 笏, 、光宗經 出笏, 稍 後  $\vec{x}$ 却 武 於御 要略 承 受官奉 前 了, 並 東壁 册 同 入 、匣訖, 面 F. 西 立 出笏, 以 提 舉 諸 提 司 官搢

案 諸 讀 亦 上 司 一,進 百 官 於 讀 牒 玉 亦 牒 提 如 舉官 匣前 削 儀 并 搢 冷讀 笏 進 畢 讀 啓 鎖 玉 封 牒 匣, 鑰 官 出 訖 稍 ",出 前 笏, 立 闆 侍 分進 歸 立 侍 位。 立 讀 位 玉 一牒官 次 日 玉 曆 一牒承 於 提 御 舉官 受官 前 過 并 **語**笏 西 進 壓 讀 取 面 日 册 朿 曆 授提 立。 官 啓 玉牒提 舉 封 官置 御 舉 進

子, 舉 1. 殿 引 宣 各 官 舍人 烽 答 直 倶 東保殿 禮 身 畢 引 儀使, 提 出 舉官 赴 入內官徹案, 班 束 奉書 一、斂身 字執 壁 禮 匣 面 儀 並 稱 下 西 使 降 殿, 77 謝 並 東 訖 階 斂 承受官奉 各置 歸 身 下 聽宣 殿, 位 腰 册 77. 東 興 入 答訖 、匣訖, 揖 壁 上 面 躬 出 西 或 御 身 笏, . 藥升 77. 史 攢 實 提舉 殿。 拜 、錄院、 舍 諸司 揖, 人 兩 引 官攢 拜 日 躬 各官 訖 曆 笏、 身 所、 贊 鑰 贊 岌 拜 各 禮 編 畆 儀 修 兩 出 候 使 經 笏, 拜 直 武 訖 要略 歸侍立 班 身 當 立宣 贊各祗 所、 殿 位 答 面 玉 儀體司 北 牒 候 御 立定, 藥 直 所 徹 提 下 身

歸 位 T, 揖, 國 史 躬身贊 實 徐院 拜 日 兩 曆 拜 所 訖 ,贊各祗候直 編 修 經 武 要 酪 身立 所、 玉 牒 如傳旨 所 官 謝 恩, 班 首 知閣 直 身 門官 出 班 承 旨 斂 訖 身 稱 於折 謝 訖 檻

東面 西立, 傳與舍人承旨訖, 再揖, 躬身贊謝恩拜,兩拜訖,贊各祗候直身立。 不該賜茶官

殿 面 北立定,揖,躬身贊謝恩拜,兩拜訖,贊各祗候直身立,各歸位 次引國史實錄院、日曆所、編修經武要略所、玉牒所提舉諸司官并承受官以下一班當 吖

公事 揖, 於玉牒所、日曆於祕閣如儀。 躬身 ',皇帝起還宮, 次引國史實錄院、日曆所、編修經武要略所、玉牒所點檢文字以下一 ,贊謝恩拜,兩 百官導送,奏安氏可兩朝御集、實錄於天章閣,經武要略於經武閣、玉牒 拜訖 ,<br />
贊各祗候直身立,<br />
各歸位立。 傳旨宣坐賜茶訖,舍人奏閤門無 班當殿面北立定,

式、表著、埻埓之位以進。 西廂,設熊虎等侯。 「請賜王、公以下射」,侍中稱制可。 大射之禮,廢於五季,太宗始命有司草定儀注。其羣臣朝謁如元會。酒三行,有司言 陳賞物於東階,以賚能者; 帝覽而嘉之,謂宰臣曰:「俟弭兵,當與卿等行之。」 皇帝改服武弁,布七埓於殿下,王、公以次射,開樂縣 設豐餚於西階,以罰否者。 井圖 其冠 夏、儀 東

凡游幸池苑,或命宗室、武臣射,每帝射中的,從官再拜奉觴、貢馬爲賀。

預射官中者,

緋紫 射 解 ",遂爲 繡 賜 衣 襲 定制。 7、 们 首 太、金帶、散馬, r, 分立 外國 使 左 右 入朝,亦令帥 了,以唱 不解則 中否。 不賜。 臣 一件,賜射於園 節序 苑 中皆有射棚、畫量的。 鴻宴, 則宗室、禁軍 苑 大 校、牧伯、諸 射則用招箭 班 百 使 副

行 引射官降 政 和 宴射 一,皆執弓矢, 儀 皇帝御射 謝 、殿,侍宴官公服、繫鞵,射官窄衣,奏聖躬萬福,再拜升殿。 恩再拜,三公以下 在右,射官在左,不射者依 坐次分 立

樂作 中,與不 階 官 脳 入 親 臨 侍 從、 階 取 接 皇 諸 賀、 飮 1-ら箭 (椀訖 帝初射 宣 畢 閣 不 司 殿 淮 進 祗 門官詣 侍 就就 酒 本 應 77. 上臣 中,含人贊拜,凡左右 出 人 拜,起,降階再 (並自 御 夹 皇帝 · 僚 前 武 再 贊 躬 再 志 拜 再 馬 射 奏班首 拜。 中 出 舍 拜。 -的或雙· 人贊各 樂合, 招箭 姓名以下 有 武應臣 司 班 中 賜 復 殿 進 贊 酒 上躬 御茶床, 就 進酒 一僚,除內侍外,並階 如 零官 上. 坐, 奏訖 || 儀 飮 俱 班首以下横 天武 跪 訖 再拜,贊各就 進 l', 揖 酒 進 引 臨 一,興, 校。 進 時 取 奉 旨 諸 行 射官先傳弓箭與 上下再 馬 得 坐, 司 江 列 冒 收 射 羣官皆立 貲 進 坐物等。 拜。行門、 深前, 。 ]酒,更不 再 拜 進 員 席 班 一率中 殿 禁衞 射 僚 首 後 官 侍, 奏聖躬萬 扁 奉酒 引 椀 左 側 諸 側 進 吖 及 班 臨 司 解

Ħ1 當 臣 殿 僚 揖, 射 П 躬宣 引 降 「有敕,賜窄衣、金帶」。跪受,箱過再拜,過殿側服 階 再 拜 訖 殿 下 側 立 御 箭 解 中, 招 統 班 進椀, 所 如 賜訖 上儀 再 引當殿再拜, 舍 人 再 引

志

第

就 箭不 拜,起,再拜。 宴畢,內侍 射。 司 復陳坐物等,羣官各立席後,贊就坐,羣官俱坐。 引降階再拜,立。招箭班殿上躬奏訖,下殿,舍人宣「有敕,賜銀椀」。 如 宜 再射,或更賜箭令射,如未退,即就位再拜。如再射中,御箭再解中,賜鞍轡馬如上儀。 ·舉御茶床,三公以下降階再拜,退。 如合賜散馬,卽同宣賜,宣「有敕,賜銀椀,兼賜散馬若干匹」。射訖,進御茶 酒五行,宣示醆、宣勸如儀,皆作 ` 跪受執椀拜箭, 臣僚射中,御

僚等射,如是者三。 乾道 二年二月四日,車駕幸玉津園,皇帝射訖,次命皇太子,次慶王,次恭王,次管軍臣 每射四發,帝前後四中的

射中, 樂作 皇帝 淳熙元年九月,車駕幸玉津園, 賜。 臨軒,有司進弓矢,皇帝中的,皇太子進酒,率宰執以下再拜稱賀。 宣預射臣僚射,使相鄭藻、起居舍人王卿月、 命從駕文武官行宴射之禮,皇太子、宰執以下,酒三行, 環衛官蕭奪里懶射中, 宣皇 各賜襲衣、 太子射,

金帶。

以禮賓之,一也; 鄕 飲之禮有三... 周禮 黨正,國索鬼神而祭祀,則禮屬民而飮酒于序,以正齒位,二也; ,鄉大夫,三年大比,與賢者、能者,鄉老及鄉大 夫帥其吏,與其衆寡, 州長,春

之儀 也。 位 同。 貢 秋 學事爲主人,其次本州官入行,上舍生當貢者,與州之羣老爲衆賓,亦古者序賓,養老之意 十月 不 習射于序,先行 不同。 同。 是月也,會凡學之士及武士習射,亦古者習射于序之意也。 器以尊 設 鹿 主人獻賓,賓酢主人, 今制,州、軍貢士之月,以禮飲酒,且以知州、軍事爲主人,學事司所在, 俎 鳴宴, ,與今之器 鄉飲禮,三也。 猶古者賓興賢能, 不同。 賓坐於西北,介坐於西南,主人坐東南, 主人酬賓, 後世臘蜡百神、春秋習射、序賓飲 行鄉飲之遺 次主人獻介,介酢主人,次主 禮 也。 然古禮有賓主、 酒之儀,不行 僎 僎 坐東北,與今之 介, 人獻衆賓, 與今之禮不 於郡 以提舉 國,唯 與今

副 揖 宜,設提舉學事諸監司、知州、通判、州學教授、應赴鄉飲酒官貢士幕次,本州兵馬教諭備 矢應用物,設樂。 其日初筵,提舉學事、知州軍、通判帥應赴鄉飲酒官貢 宴貢士於學,因講射禮。」於是禮官參定射儀:鄉飲酒前一日,本州於射亭東 之言:「周官以六藝教士,必射而後行。 樂器用之屬,並參用辟廱宴貢士儀,其有古樂處,令用古樂。旣又以河北轉運判官張孝 人射,乘矢若中,則守帖者舉獲唱獲,執算者以算投壺畢,多算勝少算。射畢,贊者贊揖, 酢 如儀畢 唐貞觀所預禮,惟明州獨存,淳化中會例行之。政和禮局定飲酒祭降之節,與舉酒作 **-**,揖退飲,如 鄕 飮 酒。 古者諸侯貢士,天子試諸射宮,請詔諸路州郡,每歲 士詣射亭,執号矢, 西序,量地之 純

於是國子祭酒高閱草具其儀上之,僎介之位,皆與古制不合,諸儒莫解其指意。 紹 興 七年,郡守仇念置田以供費。十三年,比部郎中林保乞修定鄉飲儀制,遍下郡國

賓以下立于庠門外之右,東鄉; 主人立于門外之左,西鄉。 **觶致辭,司正復位,主人以下復坐。主人興,復至阼階楣下,僎從賓介復至西階下立,三賓** 賓,賓酬主人,主人酬介,介酬衆賓,賓主以下各就席坐訖。 賓旣入,主人序賓祭酒,再拜,詣罍洗洗觶,至酒尊所酌實觶,授執事者,至賓席前跪以獻 位東北;介,以次長,位西南。三賓,以賓之次者;司正,以衆所推服者;相及贊,以士之 至 熟於禮儀者。其日質明,主人率賓以下,先釋菜于先聖先師,退各就次,以俟肅賓。 守、縣以令,位于東南;賓,以里居年高及致仕者,位于西北;僎,則州以倅、縣以丞或簿, 西階立,並南向。主人拜,賓介以下再拜。 慶元中,朱熹以儀禮改定,知學者皆尊用之,主賓、僎介之位,始有定說。其主,則州以 賓介與衆賓先自西趨出,主人少立,自 酒再行,次沃洗,贊者請司正揚 僎從主人再拜,賓介以下皆再 介與衆 東出。

## 校勘記

拜,退。

[1] 諸軍夾道左右 「右」字原脫,據通考一〇九王禮考補。

義,作「堂上」是。

(三)以北爲上下 此處疑有衍脫。

(日) 発學 繫年要錄卷一五一、朝野雜記甲集卷三視學條都作「免解」。

(豆) 次入內官下殿 「入」原作「日」,據下文及宋會要職官二〇之四六改。

(六) 奏安 上文及宋會要禮二〇之四八至五〇都說「安奉」御集、玉牒等於某所,「奏安」疑爲「安奉」

之誤。

## 宋史卷一百一十五

## 志第六十八

禮十八嘉豐六

品官婚禮 皇太子冠禮皇子附 士庶人婚禮 公主笄禮 公主下降儀宗室附 親王納妃

皇太子冠儀, 嘗行於大中祥符之八年。 徽宗親製冠禮沿革十一卷, 命儀禮局做以編

次。

宮官位於後,設褥位,陳服於席南,東領北上。遠遊冠簪導、袞冕簪導同箱,在服南。 設香案殿下螭陛間,又爲房於東朵殿。大晟展宮架樂於橫街南,太常設太子冠席東階上、東 其儀:前期奏告天地、宗廟、社稷、諸陵、宮觀。殿中監帥尚舍張設垂拱、文德殿門之內, 設罍

志

第

六十八

禮

十八

洗 作階. 又設饌于席,加幂。 奉禮郎三人執以侍於東階之東、 東,罍在洗東,篚在洗西,實巾一,加勺冪。 執事者並公服, 立罍洗酒饌之所。 西北上(1)。設典儀位於宮架東北,贊者二人在南, 光祿設體席西階上,南面 九旒冕、遠遊冠、 ,實側尊在店 、折上巾各一

輔詣 常博士引掌冠、贊冠者入門,肅安之樂作,至位,樂止。典儀曰「再拜」,在位者皆再拜。左 降輦即坐,簾捴扇開,鞭鳴樂止,爐煙升。符寶郎奉寶陳於御坐左右,禮直官、通事舍人、太 詣文德殿,簾捲。大樂正令撞黃鐘之鐘,右五鐘皆應。 冠,命卿等行禮。」掌冠、贊冠者再拜訖,文臣侍從官、宗室、武臣節度使以上升殿,東西立, **俛伏,跪,舉麾,興,工鼓柷,奏乾安之樂,殿上扇合。禮直官、太常博士引禮儀使導皇帝出,** 月 朔視朝儀。 .御坐前,承制降東階,詣掌冠者前西向稱有制,典儀贊在位官再拜訖,宣制曰:「皇太子 禮直官、通事舍人、太常博士引太子詣朵殿東房。 左輔版奏中嚴,內外符寶郎奉寶先出;左輔奏外辦,皇帝服通天冠、絳紗袍 殿上鳴鞭,皇帝出西閤乘輦,協律郎 皇帝乘輦,駐垂拱殿,百官起居,如

卽席 西向坐,樂止。引掌冠、贊冠者以次詣罍洗,樂作,搢笏,盥帨訖,出笏,升,樂止。執折上 東宮官入,詣太子東房,次禮直官等引太子,內侍二人夾侍,東宮官後從,欽安之樂作,

應

行禮官詣東階下立。

席南北 巾 者升, 於 面立, 阼 掌冠者降一等受之,右執項,左執前,進皇太子席前,北向立,祝曰:「咨爾元子, 後準此。 筮 日 擇賓,德成禮 贊冠者進席前,北面跪正冠,興,立於掌冠者之後。 具。 於萬斯年,承天之祜。」乃跪冠,順安之樂作,掌冠 太子與,內侍跪 進服, 

**刀**段

訖

樂止

受天百 執 服 折 服訖 前 Ŀ 巾置于匴,興,內侍跪受,興,置于席。 掌 ,進太子席前,北向立,祝 福。」乃跪冠,懿安之樂作,掌冠者興。 冠者揖太子復坐,禮直官等引掌冠者降詣罍洗,如上儀。 樂 止 曰:「爰卽令辰、申加 執遠 贊冠者進,跪簪結紘,興。 一遊冠者升,掌冠者降二等受之, 元 服。 崇學以讓,三善皆得。 贊冠者進席前,北向跪,脫 太子興, 右執 副子一 內侍跪進 項, 人,

酒、掌冠者 席 上 升 無 南 儀 盟 ,掌冠者降三等受之,右執項,左執前,進太子席前,北向 一惟休,有室大競。 [ii]掌冠者揖太子復坐,掌冠者降詣罍洗,及贊冠者跪,脫遠遊冠,並 跪簪 些, 結 受爵,跪進太子席前, 樂 止 紘 內侍進服 又引掌冠者詣 懋昭 %服訖 厥德,保茲永命。」 罍 北向立,祝曰:「旨酒嘉薦, 樂止。 洗 樂作, 禮直官等引太子降自東階, 盥 乃跪冠,成安之樂作。 帨訖,升西階, 立,配 有飶其香。 樂止 贊冠者 樂作, 掌 冠 如 加 拜受祭之,以定爾 上儀。 彌 者 跪 由 興。 尊 四 取 簡 階 國本以正 贅冠 執袞 升, 入 侍 者 晃者 卽 如 醴 注

滤

37

六

席前,太子搢圭,食訖,樂止,執圭興,太官令徹饌、爵。 令德壽豈,日進無疆。」太子搢圭,跪受爵,正安之樂作,飲訖,奠爵執圭。 太官令設饌

作,皇帝降坐,左輔奏解嚴,放仗,在位官皆再拜,退。 作, 傳,在位者皆再拜。禮儀使奏禮畢,鳴鞭。大樂正令撞穀賓之鐘,左五鐘皆應,乾安之樂 訖,興,復位,再拜訖,引出殿門,樂作,出門,樂止。侍立官並降復位,典儀曰「拜」,贊者承 經。」宣訖,太子再拜訖。 禮直官等引太子前,俛伏,跪,奏稱:「臣雖不敏,敢不祗奉! 敕」,太子再拜,宣敕曰:「事親以孝,接下以仁。遠佞近義,祿賢使能。古訓是式,大猷是 訖, 搢笏, 舞蹈, 再拜, 奏聖躬萬福, 叉再拜。 左輔承旨, 降自東階, 詣太子前, 西向, 宣曰「有 之賓。旣冠而字,以益厥文。永受保之,承天之慶。奉敕字某。」太常博士請再拜,太子再拜 至位,樂止。禮直官等引掌冠、贊冠者詣前,西向,掌冠者少進,字之曰:「始生而名,爲實 禮直官等引自西階詣東房,易朝服,降立橫街,南北向,東宮官復位,西向。太子初行, 樂

朱明衣,乘金輅。至廟,改服袞冕,執圭行禮,羣臣稱賀,皇帝賜酒三行。 太子入內,朝見皇后,如宮中儀。迺擇日謁太廟、別廟,宿齋於本宮。質明,服遠遊冠、

皇子冠,前期擇日奏告景靈宮,太常設皇子冠席文德殿東階上,稍北東向,設褥席,陳

服 箱,在服南。 于席南,東領北上。九旒冕服、七梁進賢冠服、折上巾公服、七梁冠簪導、九旒冕簪導同 設罍洗、酒饌、旒冕、冠、巾及執事者,並如皇太子儀。

旅。 永承天休,俾熾而昌。」皇子跪受爵,賢安之樂作,太官奉饌,饌徹。 加九旒冕,廣安之樂作。掌冠者進餒,祝曰:「旨酒嘉栗,甘薦令芳。三加爾服,眉壽無疆。 飲訖,太官令進饌訖。再加七梁冠,進安之樂作。掌冠者進爵,祝曰:「賓贊旣戒曰,,肴核惟 **鏸豆靜嘉。授爾元服,兄弟具來。永言保之,降福孔皆。」皇子搢笏,跪受爵,翼安之樂作,** 恭安之樂作,卽席南向坐,樂止。掌冠者進折上巾,北向跪冠,脩安之樂作,贊冠者進,北 面跪正冠,皇子興,內侍跪進服訖,樂止。掌冠者揖皇子復坐,以傳跪進,祝曰:「酒醴和旨, 申加厥服、禮儀有序。允觀爾成,承天之祜。」皇子跪受爵、輔安之樂作、太官奉饌。三 其日質明,皇帝通天冠、絳紗袍,御文德殿。 皇子自東房出,內侍二人夾侍,王府官從,

皇子再拜,進前俛伏,跪稱:「臣雖不敏,敢不祗奉!」俛伏,興,復位,再拜,出。殿上侍立官 並降,復位,再拜,放仗。明日,百僚詣東上閤門賀。 君子攸宜。順爾成德,永受保之。奉敕字某。」皇子再拜,舞蹈,又再拜,奏聖躬萬福,又再 左輔宣敕, 戒曰: 「好禮樂善, 服儒講藝。 蕃我王室, 友于兄弟。不縊不驕, 惟以守之。」 皇子降,易朝服,立横階南,北向位,掌冠者字之曰:「歲日云吉,威儀孔時。 昭告厥字,

之南,執事者三人掌之。櫛總置于東房。內執事宮嬪盛服旁立,俟樂作,奏請皇帝升御坐, 衣,各設於椸,陳于庭,冠笲、冠朵、九翬四鳳冠,各置于槃,蒙以帕。 東向西,設體席於西階上,坐西向東;設席位於冠席南,西向。其裙背、大袖長裙、褕翟之 公主笄禮。年十五,雖未議下嫁,亦笄。笄之日,設香案於殿庭;設冠席於東房外,坐 首飾隨之, 陳于服椸

前,北向立,樂止,祝曰:「令月吉日,始加元服。 者酌酒,授於掌冠者執酒,北向立,樂止,祝曰:「酒醴和旨,箋豆靜嘉。受爾元服,兄弟具 樂止。執事者奉裙背入,服畢,樂作,公主就體席,掌冠者揖公主坐。贊冠者執酒器,執事 福。」祝畢,樂作,東向冠之,冠畢,席南北向立;贊冠者爲之正冠,施首飾畢,揖公主適房, 西向坐。次引掌冠者東房,西向立,執事奉冠笄以進,掌冠者進前一步受之,進公主席 與國同休,降福孔皆。」祝畢,樂作,進酒,公主飲畢,贊冠者受酒器,執事者奉饌,食訖, 提舉官奏曰:「公主行笲禮。」樂作,贊者引公主入東房。 次行尊者爲之總髻畢, 棄爾幼志,順爾成德。 壽考綿鴻,以介景 出,卽

徹饌

心第六十八 禮十八

曰:「賓贊旣戒,殺核惟旅。 體席,掌冠者揖公主坐。 贊冠者爲之正冠,施首飾畢,揖公主適房,樂止。 服,飾以威儀,淑謹爾德。 者奉冠以進,掌冠者進前二步受之,進公主席前,北向立,樂止,祝曰:「吉月令辰,乃申爾 復 引公主至冠席坐,樂止。贊冠者至席前,贊冠者脫冠置于槃,執事者徹去,樂作。執 贊冠者執酒器,執事者酌酒,授于掌冠者執酒,北向立,樂止,祝 眉壽永年,享受遐福。」 祝畢,樂作,東向冠之,冠畢,席南北向立。 申加爾服、禮儀有序。 執事 **允觀** 奉大袖長裙入,服畢,樂作。 爾成,永天之祜。」祝畢,樂作,進酒, 公主至

公主飲畢,贊冠者受酒器,執事

者奉饌食訖,徹饌。

樂作,進酒,公主飲畢,贊冠者受酒器。 樂作,公主至體席,掌冠者揖公主坐。 南 立,樂止,祝曰:「旨酒嘉薦,有飶其香。 吉,以月之令,三加爾服,保茲永命。 事 北 奉九翚四鳳冠以進,掌冠者進前三步受之,進公主席前,向北而立,樂止,祝曰:「以歲之 向立。 復引公主至冠席坐,樂作。 贊冠者爲之正冠、施首飾畢, 揖公主適房,樂止。 贊冠者至席前,贊冠者脫冠置于槃,執事者徹去,樂作。執 以終厥德,受天之慶。」配畢,樂作,東向冠之,冠畢,席 贊冠者執酒器,執事者酌酒,授于掌冠者執酒, 咸加 執事者奉饌,食訖,徹饌 爾服,眉壽無疆。 執事 永承天休,俾熾而昌。」祝畢, ,者奉褕翟之衣入,服畢, 北向

復引公主至席位立,樂止,掌冠者詣前相對,致辭曰:「歲日具吉,威儀孔時。 昭告厥

之。」宣訖,公主再拜,前奏曰:「兒雖不敏,敢不祗承!」歸位再拜,見后母之禮如之。 前,樂止,再拜起居,謝恩再拜。少俟,提舉進御坐前承旨訖,公主再拜。 字,令德攸宜。 「事親以孝,接下以慈。和柔正順,恭儉謙儀。不溢不驕,毋詖毋欺。古訓是式,爾其守 表爾淑美,永保受之。可字曰某。」辭訖,樂作,掌冠者退。引公主至君父之 提舉乃宣訓辭曰:

餘班次稱賀,並依常式。禮畢,樂作;駕興,樂止。 禮畢,公主復坐,皇后稱賀,次妃嬪稱賀,次掌冠、贊冠者謝恩,次提舉衆內臣稱賀,其

千兩,納財賜賚,大率三分減其二。宗室女特封郡君者,又差降焉。 四 又賜辦財銀萬兩,進財之數,倍於親王聘禮。出降,賜甲第。餘如諸王夫人之制。掌扇加 「,引障花、燭籠各加十,皆行舅姑之禮。 諸親遞加賜賚。 其縣主繫親以金帶,賜辦財銀五 公主下降。初被選尙者卽拜駙馬都尉,賜玉帶、襲衣、銀鞍勒馬、采羅百匹,謂之繫親。

朝廷,不待納采;公主封爵已行誕告,不待問名。若納成則旣有進財, 家采擇之意,謂之納采,問女之名,歸卜夫廟,吉,以告女家,謂之問名、納吉。 嘉祐 初,禮官言:「禮閣新儀,公主出降前一日,行五禮。 古者,結婚始用行人,告以夫 請期則有司擇日。 今選尙一出

公主爲帝姬、郡主爲宗姬、縣主爲族姬。其稱大長者,爲大長帝姬,仍以美名二字易其國 奉承。近命有司稽考前世,周稱『王姬』,見於詩雅。『姬』雖周姓,考古立制,宜莫如周。可改 外,命婦從,今請如令。」詔:「出降日,婉儀帥宮闈掌事者送至第外,命婦冤從。」 牋表,各據國封稱妾。」從王師約之請也。 仍命陳國長公主行舅姑之禮,駙馬都尉王師約更不升行。公主見舅姑行禮自此始。 避舅姑之尊。豈可以富貴之故,屈人倫長幼之序。宜詔有司革之,以厲風俗」。於是著爲令。 以授內謁者,進入內侍掌事者受,唯馬不入。 **兗國公主下嫁李瑋, 詔賜出降日, 令夫家主婚者具合用鴈、幣、玉、馬等物, 陳於內東門外,** 宜稍依五禮之名,存其物數,俾知婚姻之事重、而夫婦之際嚴如此,亦不忘古禮之義也。」時 叔近臣悉皆稱臣,即公主理宜稱妾。況家人之禮,難施於朝廷。請自大長公主而下,凡上 長公主凡有表章不稱妾,禮院議謂:「男子、婦人,凡於所尊稱臣若妾,義實相對。今宗室伯 徽宗改公主爲姬,下詔曰:「在熙寧初,有詔釐改公主、郡主、縣主名稱,當時羣臣不克 康國公主下降,太常寺言:「按令,公主出降,申中書省,請皇后帥宮闈掌事人送至第 |神宗即位,詔以「昔侍先帝,恭聞德音,以舊制士大夫之子有尚帝女者,輒皆升行,以 舊例,

號,內兩國者以四字。」

志第

六十八

禮

十八八

二七三三

其出 降日 壻家具五禮,修表 如上儀。 太史局擇日告廟。

門內下馬,禮直官引就次。 乃命之曰:「往迎肅雍,以昭惠宗祏。」子再拜,曰:「祗率嚴命!」又再拜,降,出乘馬,至東華 前 一日,所司於內東門外量地之宜,西向設壻次。 有司陳帝姬鹵簿、儀仗於內東門外,候將升厭翟車,引壻出次於 其日(三), 壻父醮子如上儀。

內東門外,躬身西向。

掌事者執鴈,內謁者奉鴈以進,俟帝姬升車,壻再拜,先還第

揖,導之升階,入室盥洗。掌事者布對位,又揖帝姬,皆即坐受醆三飲,俱興,再拜,贊者 中,實四爵、兩卺於篚。壻至本第,下馬以俟。帝姬至,降車,贊者引壻揖之以入,及寢門又 同年。 其日初昏,掌事者設巾、洗各二於東階東南,一於室北回。水在洗東,尊於室

帝姬率置姑位前,姑即坐,贊者亦徹以東,帝姬退,復位,又再拜。次醴婦、盥饋、饗婦 前、房即坐、贊者進徹以東、帝姬退、復位、又再拜;女相者引詣姑位前再拜、贊者以殿脩授 西,各服其服就位。 見舅姑。 夙興,帝姬著花釵、服褕翟以俟見。贊者設舅姑位於堂上,舅位於東,姑位於 女相者引帝姬升自西階,詣舅位前再拜,贊者以棗栗授帝姬奉置舅位

如儀

副,函 **冪、果盤** 雙,條脫一副,眞珠虎魄瓔珞、眞珠翠毛玉釵朵各二副,銷金生色衣各一襲,金塗銀合二,錦 百 繡 十樹,生色燭籠 闷 一綾羅三百匹,果槃、花粉、花羃、眠羊臥鹿花餅、銀勝、小色金銀錢等物。 十壺、綵四十匹。 、綵千匹、錢五十萬、錦綺、綾、羅、絹各三百匹,銷金繡畫衣十襲,眞珠翠毛玉釵朵各三 書一架纏束帛,押馬函馬二十匹云,羊五 一、銀勝、羅勝等物。 「納妃。宋朝之制,諸王聘禮,賜女家白金萬兩。哉門(至),即古之納采。用羊二十口、酒 十,高髻釵插丼童子八人騎分左右導扇興(+)。其宗室子聘禮,賜女家白金五 定禮,羊、酒、綵各加十,茗百斤,頭箒巾段、綾、絹三十匹,黃金釵釧 親迎,用塗金銀裝肩興一,行障、坐障各一,方團掌扇四,引障花 一十口,酒五十壺,繫羊酒紅絹百匹,花粉、花 納財,用金器 加

政和三年四月,議禮局上皇子納夫人儀

其敲門、定禮、納財、親迎禮皆減半,遠屬族卑者又減之。

干啊。

入告,主人曰:「臣某之子顓愚,不足以備采擇,恭承制命,臣某不敢辭。 采 擇。 使者曰:「奉制,某王之儷,屬子懿淑。 謹之重之,使某行采擇之禮。」 儐者

曰:「制以臣某之子,可以奉侍某王,臣某不敢辭。」 問名。 使者曰:「某王之儷,采擇旣諧。 將加官占,奉制問名。」 儐者入告, 主人

志

使者曰:「官占旣吉,奉制以告。」 儐者入告,主人曰:「臣某之子, 愚弗克

堪。占貺之吉,臣與有幸。臣某謹奉典制。」

告成。使者曰:「官占云吉, 嘉偶旣定, 制使某以儀物告成。」 儐者入告, 主人曰:

「奉制賜臣以重禮,臣某謹奉典制。」

告期。使者曰:「涓辰之良,某月某日吉,制使某告期。」 儐者入告, 主人曰:「臣某

**謹奉典制。**」

前期,太史局擇日,奏告景靈宮。

左,使者在右,舉告箱者以告置于香案。女相者引夫人出,面闕立,使者稱有制,女相 拜,使者不答拜。謁者引使者入門而左,主人入門而右,舉告箱者同入。主人立香案 者贊再拜,使者曰:「賜某國夫人告。」又贊再拜,退,使者出。 北向,隨闞所向,設香案於寢庭。其日大盺,使者公服至,主人出迎於大門外,北向再 賜告。前一日,主人設使者次,如常儀,使者以內侍爲之。又設告箱之次於中門外,

皇帝醮戒於所御之殿,皇子乘象輅親迎。同牢、夫人朝見、盥饋、皇帝皇后饗

其者E以下 夫人如儀。

其諸王以下:

第六十八 禮十八

志

某將事,敢請納采。」某王謂壻父,某謂賓。 儐者入告,主人曰:「某之子弗閑於姆訓,維是殿 納采。 賓曰:「某官以伉儷之重,施於某王,某官謂主人,某王謂壻。 某王率循彝典,以

脩、棗栗之饋,未知所以告虔也。某聽命于廟,敢不拜嘉。」

問名。賓曰:「合二姓之好,必稽諸龜筮,敢請問名。」 儐者入告,主人曰:「某王恭

謹,重正昏禮,將以加諸卜,某敢不以告。」

納吉。 賓曰:「某王承嘉命,稽諸卜筮,龜筮協從,使某以告。」 **儐者入告,** 

曰:「某王不忘寒素,欲施德於某未敎之女,而卜以吉告,其曷敢辭。」

腆之幣,以某將事,敢請納成。」儐者入告,主人曰:「某王順彝典, 申之以備物, 某敢不 納成。賓曰:「某官以伉儷之重,施於某王,某王 上謂壻,下謂壻父。率循彝典,有不

**里**拜**易** 」

者出告,賓曰:「某旣不獲受命於某官,某王得吉卜曰某日,敢不以告。」 儐者入告,主人 請期。賓曰:「某王謹重嘉禮,將卜諸近日,使某請期。」 儐者入告,主人再辭。儐

曰:「謹奉命以從。」

廟,無廟者設神位於廳東,不應設位者不設。子將行,父醮之於廳事。贊者設父位中間,南向, 親迎。前一日,主人設賓次,賓謂将。 如常儀。其日大昕,壻之父服其服,告於禰

父母 忘 階上,西面;賓升西階進,當寢戶前,北面再拜,降出,主人不降送。賓初入門,母出, 東面 設子位父位之西,近南,東向。 立於寢戶外之酉,南面,賓拜訖,姆引女出於母左,父命之曰:「往之汝家,以順爲正 入門而右,賓入門而左,執鴈者從入,陳鴈於庭,三分庭,一在南,北向。 從者陪其後。父公服升自東階,立於寢戶外之東,西向。內贊者設酒饌,女就位坐,飲 位於戶內,南向,具酒饌。賓至,贊者引就次,女盛服於房中,就位南向立,姆位於右, 父位前。命之曰:「躬迎嘉偶,鳌爾內治。」子再拜,曰:「敢不奉命。」又再拜,降出,詣女 曰:「某固願從命。」儐者出告訖,入引主人迎賓大門外之東,西面揖賓,賓報揖。 食訖,降,再拜,內贊者徹酒饌。主人降立東階東南,西面,贊者引賓出次,立於門西, 西向授子,子再拜,跪受,贊者又設饌父位前,子舉酒興,即坐飲食訖,降,再拜,進立於 肅 [,儐者進受命,出請事,賓曰:「某受命於父,以茲嘉禮,躬聽成命。」 儐者入告,主人 恭 主人服其服,告於禰廟,如請期之儀。賓將至,主人設神位於寢戶外之西,設體女 母母 女出門, 壻先還第。 ·戒之曰:「必恭必戒,無違舅姑之命!」庶母申之曰:「爾誠聽於訓言,無作 父卽坐,子公服升自西階,進立位前。贊者注酒於醆, 主人升立于東

其同牢、廟見、見舅姑諸禮,皆如儀。

第六十八 禮十八

宗正 嫁者,祖、父有二代任殿直若州縣官已上,卽許爲婚姻 之人,非理求匃,許告。宗室女事舅姑及見夫之族親,皆如臣庶之家。」其後又令宗室女再 舊爲 世 寺、 婚 .食祿,卽許娶宗室女,未仕者與判、司、簿、尉,已任者隨資序推恩。 凡宗室婚姻,治平中,宗正 姻 大宗正司,寺、司詳視,如條保明。所進財皆賜壻家,令止於本宮納財,媒妁、使令 而於今卑尊不順者,皆許。 |司言:「宗室女舅姑、夫族未立儀制,皆當創法。」詔:「壻家有 壻之三代、鄕貫、生月、人材書箚,止令婚主問驗,以告 卽壻別祖、女別房,

訂 物,給還嫁資。 與媒保同坐,不以赦降,自首者減罪,告者有賞。 保,付內侍省宣繫,聽期而行。 納粟得官及進納 母係化外及見居沿邊兩屬之人(云),其子孫亦不許爲婚。總贏以上親不得與諸司胥吏出職 `審察, 若於律有可出之實或不相安, 方聽; 若無 熙寧十年,又詔:「應袒免以上親不得與雜類之家婚嫁,謂舅嘗爲僕、姑嘗爲娼者。若父 擇三代有任州縣官或殿直以上者,列姓名、家世、州里、歲數奏上, 再娶者不給賜。 位術、工商、雜類、惡逆之家子孫通好。 嫁女則令其壻召保。 非袒免以上親與夫聽離,再嫁者委宗正司審核。 非袒免親者依庶姓法。 故招拾者,劾奏。 其冒妄成婚者,以違制論。 後又禁刑徒人子孫爲婚。 如許聽離 宗室離 宗正 應婚嫁者委主 婚,委宗正 追完賜予 其恩澤已 主婚宗室 司 驗 實召

追奪而乞與後夫者,降一等。」尋詔:「宗女毋得與嘗娶人結婚,再適者不用此法。」

婦、送者「む」,並如諸王以下婚。四品以下不用盥饋、饗婦禮。 品官婚禮。 納采、問名、納吉、納成、請期、親迎、同牢、廟見、見舅姑、姑醴婦、 盤饋、饗

士庶人婚禮。丼問名於納采,丼請期於納成。 其無鴈奠者,三舍生聽用羊,庶人聽以雉

及雞鶩代。其辭稱「吾子」。

其服,三舍生及品官子孫假九品服,餘並皂衫衣、折上巾。 立父位西,少南,東向。 贊者注酒於醆授子, 某,年若干,禮宜有室,聘某氏第幾女,以某日親迎,敢告。」子將行,父坐廳事,南向,子服 子再拜、跪受、贊者又以饌設位前、子舉酒興、卽坐飲食訖、降、再拜、進立父位前、命之曰: 「釐爾內治,往求爾匹。」子再拜,曰:「敢不奉命。」又再拜,降出 親迎。 質明, 掌事者設禰位廳事東間, 南向。 壻之父服其服, 北面再拜, 祝曰: 「某子

初婚, 掌事者設酒饌室中,置二醆於槃。壻服其服如前服,至女家,贊者引就次,掌

於室。 受命於父,以茲嘉禮,躬聽成命。」主人曰:「某固願從命。」賓再拜,降出,主人不降送。 揖,從入。 位前,女卽坐飮食訖,降,再拜。 非南向者,各隨其所向。 事者設禰位,主人受禮,如請期之儀。主人謂女父。 饌(10),再飲、三飲,並 女出,父戒之曰:「往之汝家,無忘肅恭! 無違 爾父母之訓! 掌事者設對位室中, 壻婦皆卽坐, 贊者注酒於醆授壻及婦, 壻及婦受醆飲訖。 主人升東階,西面; **父立於門外之左,餘放此。** .」女出,壻先還,俟于門外。 如上儀。 賓升西階,進當房戶前, 北面。 壻及婦皆興,再拜,贊者徹酒饌。 父降立東階下,賓出次,賓謂壻。 !」母戒之曰::「夙夜以思,無有違命! 贊者注酒於醆授女,女再拜受醆, 贊者又以饌設於 婦至,贊者引就北 女盛服立房中,父升階立房外之東,西向。 掌事者陳鴈于階,賓曰:「某 主人迎于門,揖賓入,賓報 面立,肾南面,揖以入,至 」諸母申之日: 遂設 初,

見祖禰、見舅姑、醴婦(三、饗送者,如儀。

## 校勘記

- 西北 \_E 五禮新儀卷一八〇作「西面,北上」。 「西」下當脫「面」字。
- (三) 賓贊旣戒 「戒」原作「成」,據下文及五禮新儀卷一八○改。
- **=** 其 日 「日」字 原脫,據五禮新儀卷一七五、文獻通考卷二五八帝姬降嫁儀 補。

志第六十八 校勘記

掌事者設巾洗各二於東階東南一於室北 「二」下疑脫「一」字。五禮新儀卷一七五, 文獻通考

卷二五八都作「掌事者設巾、洗各二,一於東階東南,一於室之北」。

至 敲門 原作「敵門」,據長編卷二〇七、宋會要禮五三之一八改。下文「敲門」同。

[K] 押馬兩馬 (宋會要禮五三之一八作「押函馬」,疑是。

(中) 高皆釵插纤童子八人騎分左右導扇輿 同上書同卷「插」下無「幷」字,疑是。

(元) 若父母係化外及見居沿邊兩屬之人 「父母」,長編卷二八四作「父祖」,疑是。

へたし 送者 據下文及五禮新儀卷一七八品官昏儀,「送」上當脫「饗」字。

(10) 遂設饌 「遂」原作「迎」,據五禮新儀卷一七八改。

問體婦「醴」原作「禮」,據五禮新儀卷一七九改。

